

Khuddakanikāye Vinayapiṭake

Samvaṇṇanābhūtā

Bhadantamahābuddhaghosattherena katā

CŪĻAVAGGĀDI-AṬṬHAKATHĀ



Buddhavasse 2552

Marammavasse 1370

AD. 2008

Romanized from Myanmar version published in 1991

© Buddhasāsana Society

Aṭṭhakathā Series 04

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပla	ဣ လla
ကွ kka	ဣ ငca	ဣ န္ဓa	ဣ သ္ဃa	ဣ ပba	ဣ လya
ကျ kya	ဣ ငcha	ဣ န္ဓa	ဣ နta	ဣ ဗbha	ဣ လha
ကြ kri	ဣ ဣja	ဣ န္ဓa	ဣ နtva	ဣ ဗya	ဣ ဝvha
ကလ kla	ဣ ဣjha	ဣ တta	ဣ နtha	ဣ ဗra	ဣ တsta
ကွ kva	ဣ ဣñha	ဣ တtha	ဣ နnda	ဣ မpa	ဣ တstra
ချ khya	ဣ ဣñha	ဣ တtva	ဣ နndra	ဣ မpha	ဣ သsna
ခွ khva	ဣ ဣñca	ဣ တtya	ဣ နndha	ဣ မba	ဣ သsya
ဂွ gga	ဣ ဣñcha	ဣ တtra	ဣ နnna	ဣ မbha	ဣ သssa
ဣွ ggha	ဣ ဣñja	ဣ တdda	ဣ နnya	ဣ မmma	ဣ သsma
ဂျ gya	ဣ ဣñjha	ဣ တddha	ဣ နnha	ဣ မmya	ဣ သsva
ဂြ gra	ဣ တtta	ဣ သdya	ဣ ပppa	ဣ မmha	ဣ တhha
ကံ ṅka	ဣ တttha	ဣ သdra	ဣ ပppha	ဣ ယyya	ဣ တhva
ခံ ṅkha	ဣ တttda	ဣ သdva	ဣ ပpya	ဣ ယyha	ဣ တlha
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Cūlavaggādi-aṭṭhakathā

Mātikā

Piṭṭhaṅka

Cūlavagga-aṭṭhakathā

1. Kammakkhandhaka

Tajjanīyakammakathā	1
Adhammakammadvādasakakathā	1
Nappaṭippassambhetabba-aṭṭhārasakādikathā	3
Niyassakammakathā	3
Pabbājanīyakammakathā	3
Paṭisāraṇīyakammakathā	3
Adhammakammādivādasakakathā	4
Āpattiyā adassane ukkhepanīyakammakathā	4

2. Pārivāsikakkhandhaka

Pārivāsikavattakathā	6
Mūlāyapaṭikassanārahavattakathā	14
Mānattacārikavattakathā	15

3. Samuccayakkhandhaka

Sukkavissaṭṭhikathā	16
Parivāsakathā	18
Paṭicchannaparivāsakathā	32
Samodhānaparivāsakathā	33
Agghasamodhānaparivāsakathā	33

Mātikā			Piṭṭhaṅka
Dvemāsaparivāsakathā	34
Suddhantaparivāsādikathā	34
Dve bhikkhuvāra ekādasakādikathā	35

4. Samathakkhandhaka

Sammukhāvinayakathā	36
Sativinayakathā	36
Amūḷhavinayakathā	37
Yebhuyyasikākathā	37
Tassapāpiyasikākathā	38
Tiṇavatthārakādikathā	38
Adhikaraṇakathā	39
Adhikaraṇavūpasamanasamathakathā	41
Tividhasalākaggāhakathā	42
Tassapāpiyasikāvinayakathā	43

5. Khuddakavatthukkhandhaka

Khuddakavatthukathā	44
---------------------	-----	-----	----

6. Senāsanakkhandhaka

Vihārānujānanakathā	58
Āsanappaṭibāhanādikathā	64
Senāsanaggāhakathā	65
Upanandavatthukathā	75
Avissajjiyavatthukathā	76
Navakammadānakathā	84
Aññatraparibhogapaṭikkhepādikathā	86
Samghabhattādi-anujānanakathā	88

Mātikā		Piṭṭhaṅka	
Uddesabhattachā	88
Nimantanabhattachā	95
Salākabhattachā	98
Pakkhikabhattachā	103

7. Saṅghabhedakakkhandhaka

Chasakyapabbajjākathā	110
Pakāsanīyakammādikathā	111
Saṅghabhedakakathā	111
Upālīpañhākathā	112

8. Vattakkhandhaka

Āgantukavattakathā	117
Āvāsikavattakathā	117
Gamikavattakathā	118
Anumodanavattakathā	119
Bhattaggavattakathā	119
Piṇḍacārikavattakathā	120
Āraññīkavattakathā	121
Senāsanavattakathā	121
Jantāgharavattādikathā	121

9. Pātimokkhaṭṭhapanakkhandhaka

Pātimokkhuddesayācanakathā	123
Pātimokkhasavanārahakathā	123
Dhammikādhammikapātimokkhaṭṭhapanakathā	124
Dhammikapātimokkhaṭṭhapanakathā	124

Mātikā			Piṭṭhaṅka
Attādāna-aṅgakathā	124
Codakena paccavekkhitabbadhammakathā	125
Codakena upaṭṭhāpetabbakathā	126
Codakacuditakapaṭisaṃyuttakathā	126
10. Bhikkhunikkhandhaka			
Mahāpajāpatigotamīvatthukathā	127
Bhikkhunī-upasampadānujānanakathā	128
11. Pañcasatikakkhandhaka			
Khuddānukhuddakasikkhāpadakathā	133
12. Sattasatikakkhandhaka			
Dasavatthukathā	134

Cūlavagga-aṭṭhakathāya mātikā niṭṭhitā.

Parivāra-aṭṭhakathā

Mātikā		Piṭṭhāṅka
	Soḷasamahāvāra	
Paññattivāraṇṇanā	...	137
Katāpattivārādivaṇṇanā	...	140
	Samuṭṭhānasīsavaṇṇanā	
Paṭhamapārājikasamuṭṭhānavaṇṇanā	...	142
Dutiyapārājikasamuṭṭhānavaṇṇanā	...	143
Sañcarittasamuṭṭhānavaṇṇanā	...	145
Samanubhāsanāsamuṭṭhānavaṇṇanā	...	146
Kathinasamuṭṭhānavaṇṇanā	...	147
Eḷakalomasamuṭṭhānavaṇṇanā	...	148
Padasodhammasamuṭṭhānavaṇṇanā	...	149
Addhānasamuṭṭhānavaṇṇanā	...	149
Theyyasatthasamuṭṭhānavaṇṇanā	...	149
Dhammadesanāsamuṭṭhānavaṇṇanā	...	150
	Antarapeyyāla	
Katipucchāvāraṇṇanā	...	151
	Khandhakupucchāvāra	
Pucchāvissajjanāvaṇṇanā	...	155
	Ekuttarikanaya	
Ekakavāraṇṇanā	...	157
Dukavāraṇṇanā	...	159

Mātikā			Piṭṭhaṅka
Tikavāraṇṇanā	162
Catukkavāraṇṇanā	167
Pañcakavāraṇṇanā	172
Chakkavāraṇṇanā	178
Sattakavāraṇṇanā	179
Aṭṭhakavāraṇṇanā	180
Navakavāraṇṇanā	181
Dasakavāraṇṇanā	182
Ekādasakavāraṇṇanā	183
Uposathādipucchāvissajjanā			
Atthavasapakaraṇāvaṇṇanā	185
Paṭhamagāthāsaṅgaṇika			
Sattanagaresu paññattasikkhāpadavaṇṇanā	187
Catuvipattivaṇṇanā	187
Chedanakādivaṇṇanā	188
Asādhāraṇādivaṇṇanā	189
Pārājikādi-āpattivaṇṇanā	191
Adhikaraṇabheda			
Ukkoṭanabhedādivaṇṇanā	194
Adhikaraṇanidānādivaṇṇanā	197
Sattasamathanidānavaṇṇanā	199
Sattasamathanānāthādivaṇṇanā	199
Dutiyagāthāsaṅgaṇika			
Codanādipucchāvissajjanāvaṇṇanā	200

Mātikā			Piṭṭhaṅka
Codanākaṇḍa			
Anuvijjakakiccavaṇṇanā	203
Codakapucchāvissajjanāvaṇṇanā	203
Cūlasaṅgāma			
Anuvijjakassa paṭipattivaṇṇanā	205
Mahāsaṅgāma			
Voharantena jānitabbādivaṇṇanā	210
Agati-agantabbavaṇṇanā	210
Kathinabheda			
Kathina-atthatādivaṇṇanā	212
Pubbakaraṇanidānādivibhāgavaṇṇanā	213
Kathinādivijānitabbavibhāgavaṇṇanā	214
Upālipaṅcaka			
Anissitavaggavaṇṇanā	215
Nappaṭippassambhanavaggavaṇṇanā	215
Vohāravaggavaṇṇanā	216
Diṭṭhāvikkammavaggavaṇṇanā	218
Musāvādavaggavaṇṇanā	220
Bhikkhunovādavaggavaṇṇanā	220
Ubbāhikavaggavaṇṇanā	221
Adhikaraṇavūpasamavaggavaṇṇanā	222
Samghabhedakavaggadvayavaṇṇanā	223
Āvāsikavaggavaṇṇanā	224
Kathinatthāravaggavaṇṇanā	224
Āpattisamuṭṭhānavaṇṇanā	225

Mātikā		Piṭṭhaṅka
Aparadutiyagāthāsāṅgaṇika		
(1) Kāyikādi-āpattivaṇṇanā	...	226
(2) Desanāgāminiyādivaṇṇanā	...	227
(3) Pācittiyavaṇṇanā	...	230
(4) Avandanīyapuggalādivaṇṇanā	...	234
(5) Soḷasakammādivaṇṇanā	...	236
Sedamocanagāthā		
(1) Avippavāsapañhāvaṇṇanā	...	237
(2) Pārājikādīpañhāvaṇṇanā	...	238
(3) Pācittiyādīpañhāvaṇṇanā	...	240
Pañcavagga		
Kammavaggavaṇṇanā	...	243
Apalokanakammakathā	...	250
Atthavasavaggādivaṇṇanā	...	260
Parivāra-aṭṭhakathāya mātikā niṭṭhitā.		
Nigamanakathā		263
Vinaya-aṭṭhakathāya mātikā niṭṭhitā.		

Vinayapiṭaka

Cūlavaggādi-aṭṭhakathā

Namo tassa Bhagavato Arahato Sammāsambuddhassa.

1. Kammakkhandhaka

Tajjanīyakammakathā

1. Cūlavaggassa¹ paṭhame Kammakkhandhake tāva **Paṇḍukalohitakāti** Paṇḍuko ceva Lohitako cāti chabbaggiyesu² dve janā, tesam nissitakāpi Paṇḍukalohitakātveva paññāyanti. **Balavābalavaṃ paṭimantethāti** suṭṭhubalavaṃ paṭivadatha. **Alamattatharāti** samattatharā.

Adhammakammadvādasakakathā

4. **Asammukhā katanti-ādīsu** saṅghadhammavinayapuggalasammukhānaṃ vinā kataṃ, cuditakaṃ appaṭipucchitvā kataṃ, tasseva appaṭiññāya kataṃ. **Adesanāgāminiyāti** pārājikāpattiyā vā saṅghādisesāpattiyā vā. Ettha purimakesu tīsu tikesu nava padā adhammenakataṃ vaggenakatanti imehi saddhim ekekaṃ gahetvā³ nava tikā vuttā, evaṃ sabbepi dvādasa tikā honti. Paṭipakkhavasena sukkapakkhesupi eteveya dvādasa tikā vuttā.

1. Cullavaggassa (Sī, Syā)

2. Chasu chabbaggiyesu (Ka)

3. Katvā (Syā)

6. **Ananulomikehi gihisaṃsaggehi**ti pabbajitānaṃ ananucchavikehi sahasokitādīhi gihisaṃsaggehi¹. ()²

Tiṇṇaṃ bhikkhave bhikkhūnanti-ādi ekekenāpi aṅgena tajjanīyakammaṃ kātuṃ vaṭṭatīti dassanatthaṃ vuttaṃ. Tajjanīyassa hi viśesena bhaṇḍanakāraḁattāṃ aṅgaṃ, niyassassa³ abhiṅhāpattikattaṃ, pabbājanīyassa kuladūśakattaṃ vuttaṃ. Imesu pana tīsu aṅgesu yena kenaci sabbānīpi kātuṃ vaṭṭati. Yaḁi evaṃ yaṃ Campeyyakkhandhake vuttaṃ “tajjanīyakammārahassa niyassakammaṃ karoti -pa- upasampadārahaṃ abbheti, evaṃ kho Upāli adhammakammaṃ hoti avinayakammaṃ, evaṅca pana saṃgho sātisāro hotī”ti idaṃ virujjhatīti. Idaṅca na virujjhati. Kasmā? Vacanatthanānāttato, “tajjanīyakammārahassā”ti imassa hi vacanassa kammaśannīṭṭhānaṃ attho, “tiṇṇaṃ bhikkhave”ti-ādivacanassa aṅgasambhavo, tasmā yaḁā saṃghena śannīpativā “idaṃ nāma imassa bhikkhuno kammaṃ karomā”ti śannīṭṭhānaṃ kattaṃ hoti, tadā kammāraho nāma hoti. Tassa iminā lakkhaṇena tajjanīyāḁikammārahassa niyassakammāḁikaraṇaṃ “adhammakammaṅceva avinayakammaṅcā”ti veḁitabbaṃ. Yassa pana bhaṇḍanakāraḁādīsu aṅgesu aṅṅataraṃ aṅgaṃ atthi, tassa ākaṅkhamāno saṃgho yaṭhānuṅṅātesu aṅgesu ca kammaśu ca yena kenaci aṅgena yaṃkiṅci kammaṃ vavattapetvā taṃ bhikkhuṃ kammārahaṃ katvā kammaṃ kareyya. Ayamettha vinicchayo. Evaṃ pubbenāparaṃ śameti.

Tattha kiṅcāpi tajjanīyakamme bhaṇḍanakāraḁavasena kammavācā vuttā, atha kho bālassa abyattassa āpattibahulassa tajjanīyakammaṃ karontena bāla-abyattavaseneva kammavācā kātabbā. Evaṅhi bhūtena vatthunā kattaṃ kammaṃ hoti, na ca aṅṅassa kammaśa vatthunā. Kasmā? Yasmā idampi anuṅṅātanti. Esa nayo sabbattha. **Aṭṭhārasa śammāvattanavattūni** Pāriśāsikakkhandhake vaṅṅayissāma.

1. Saṃsaggehi (Śi)

2. () Imasmīṃ ṭhāne Śyā-Ka-potthakesu “na upasampāḁetabbaṃ”ti-āḁīpaḁānaṃ vaṅṅanā ḁissati, sā pana Pāriśāsikakkhandhakavaṅṅanāyaṃ pariṅuṅṅākāreṅa āgaṃśśati.

3. Niyasassa (Śyā, Ka)

Nappaṭippassambhetabba-aṭṭhārasakādīkathā

8. **Lomaṃ pātentīti** pannalomā honti, bhikkhū anuvattantīti attho. **Netthāraṃ vattantīti** nittharantānaṃ etanti netthāraṃ. Yena sakkā nissāraṇā nittharituṃ, taṃ aṭṭhārasavidhaṃ sammāvattanaṃ¹ vattantīti attho. Kittakaṃ kālaṃ vattaṃ pūretabbanti. Dasa vā pañca vā divasāni. Imasmiṃ hi Kammakkhandhake ettakena vattaṃ pūritameva hoti.

Niyassakammakathā

11. Seyyasakavatthusmiṃ **apissu bhikkhū pakatāti** apissu bhikkhū niccaṃ byāvaṭṭā honti. Sesāṃ tajjanīye vuttasadisameva.

Pabbājanīyakammakathā

21. Assajipunabbasukavatthu saṃghādisesavaṇṇanāyaṃ vuttaṃ.

27. **Kāyikena davenāti**-ādīsu panettha kāyiko davo nāma kāyakīḷā vuccati. Sesapadadvayepi eseva nayo. **Kāyiko anācāro** nāma kāyadvāre paññattasikkhāpadavītikkamo vuccati. Sesadvayepi eseva nayo. **Kāyikaṃ upaghātikaṃ** nāma kāyadvāre paññattasikkhāpadassa asikkhanabhāvena upahananaṃ vuccati, nāsanāṃ vināsananti attho. Sesadvayepi eseva nayo. **Kāyiko micchājīvo** nāma paṭikkhittavejjakammādivasena telapacana-ariṭṭhapacanādīni. **Vācasiko micchājīvo** nāma gihīnaṃ sāsanasampañicchanārocanādīni. **Kāyikavācasiko** nāma tadubhayaṃ. Sesāṃ tajjanīye vuttanayameva.

Paṭisāraṇīyakammakathā

33. Sudhammavatthusmiṃ pana **anapaloketvāti** na āpucchitvā. **Etadvocāti** “kiṃ te gahapati therānaṃ paṭiyattan”ti sabbāṃ vivarāpetvā disvā etaṃ avoca. **Ekā ca kho idha natthi yadidaṃ tilasaṃgūlikāti** yā ayaṃ tilasakkhalikā nāma vuccati, sā natthīti attho. Tassa kira

1. Sammāvattanaṃ (Ka)

gahapatino vaṁse ādimhi eko pūviyo ahosi, tena naṁ thero jātiyā khuṁsetukāmo evamāha. **Yadeva kiñcīti** evaṁ bahuṁ Buddhavacanaṁ ratanaṁ pahāya kiñcideva tilasaṁguḷikāvacanaṁ bhāsitaṁ. Kukkuṭapotaka-udāharaṇena idaṁ dasseti “yathā so neva kākavassitaṁ, na kukkuṭavassitaṁ akāsi, evaṁ tayāpi neva bhikkhuvacanaṁ, na gihivacanaṁ vuttan”ti.

Adhammakammādidvā dasakakathā

37. **Asammukhā katanti**-ādayo tikā vuttappakārā eva.

39. Aṅgasamannāgamo purimehi asadiso. Tattha yathā lābhaṁ na labhanti, evaṁ parisakkanto parakkamanto **alābhāya parisakkati** nāma. Esa nayo anattādīsu. Tattha **anattoti** atthabhaṅgo. **Anāvāsoti** tasmim̐ ṭhāne avasanaṁ. **Gihīnaṁ Buddhassa avaṇṇanti** gihīnaṁ santike Buddhassa avaṇṇaṁ bhāsati. **Dhammikaṁ paṭissavaṁ na saccāpetīti** yathā sacco hoti, evaṁ na karoti. Vassāvāsaṁ paṭissuṇitvā na gacchati, aññaṁ vā evarūpaṁ karoti. **Pañcannaṁ bhikkhaveti**-ādi ekaṅgenapi kammārahabhāvadassanattaṁ vuttaṁ. Sesamettha uttānatthañceva tajjanīye ca vuttanayameva.

Āpattiyā adassane ukkhepanīyakammakathā

46. Channavatthusmim̐ **āvāsaparamparañca bhikkhave saṁsathāti** sabbāvāsesu ārocetha.

50. **Bhaṇḍanakāra**koti-ādīsu bhaṇḍanādipaccayā āpannaṁ āpattim̐ ropetvā tassā adassaneyeva kammaṁ kātappaṁ. Tikā vuttappakārā eva.

51. Sammāvattanāyaṁ panettha tecattālīsa vattāni. Tattha na **anuddhaṁ setabboti** na codetabbo. **Na bhikkhu bhikkhūhīti** añño bhikkhu aññehi bhikkhūhi na bhinditabbo. **Na gihiddhajoti** odātavatthāni acchinnadasapupphadasāni ca na dhāretabbāni. **Na titthiyaddhajoti** kusacīrādīni na dhāretabbāni. **Na āsādetabboti** na apasādetabbo. **Anto vā bahi vāti** vihārassa anto vā bahi vā. Na titthiyādipadattayaṁ

uttānameva. Sesam̐ sabbam̐ Pārivāsikakkhandhake vaṇṇayissāma. Sesam̐ tajjanīye vuttanayameva. Āpattiyā appaṭikamme ukkhepanīyakammaṃ iminā sadisameva.

65. Ariṭṭhavatthu khuddakavaṇṇanāyam vuttam̐. “Bhaṇḍanakārako”ti-
ādīsu yaṃ diṭṭhim̐ nissāya bhaṇḍanādīni karoti, tassā appaṭinissaggeyeva
kammaṃ kātabbam̐. Sesam̐ tajjanīye vuttanayameva. Sammāvattanāyampi hi
idha tecattālīsam̐yeva vattānīti.

Kammakkhandhakavaṇṇanā niṭṭhitā.

2. Pārivāsikakkhandhaka

Pārivāsikavattakathā

75. Pārivāsikakkhandhake **pārivāsikā**ti pārivāsaṃ parivasantā. Tattha catubbidho parivāso appaṭicchannaparivāso paṭicchannaparivāso suddhantaparivāso samodhānaparivāsoti. Tesu “yo so bhikkhave aññopi aññatitthiyapubbo imasmiṃ dhammavinaye ākaṅkhati pabbajjaṃ, ākaṅkhati upasampadaṃ, tassa cattāro māse parivāso dātabbo”¹ti evaṃ Mahākkhandhake vutto titthiyaparivāso appaṭicchannaparivāso nāma. Tattha yaṃ vattabbaṃ, taṃ vuttameva. Ayaṃ pana idha anadhippeto. Sesā tayo yena saṃghādisesāpatti āpannā ceva hoti paṭicchādītā ca, tassa dātabbā. Tesu yaṃ vattabbaṃ, taṃ Samuccayakkhandhake vakkhāma. Ete pana idha adhippetā, tasmā etesu yaṃ kiñci parivāsaṃ parivasantā “pārivāsikā”ti veditabbā.

Pakatattānaṃ bhikkhūnanti ṭhapetvā navakataṃ pārivāsikaṃ avasesānaṃ antamaso mūlayapaṭikassanārahādīnampi.
Abhivādanapaccuṭṭhānanti yaṃ te abhivādanādīni karonti, taṃ sādīyanti sampāṭicchanti, na paṭikkhipantīti attho. Tattha **sāmīcikkammanti** ṭhapetvā abhivādanādīni aññassa anucchavikassa bījanavātadānādīno abhisamācārikassetāni adhivācanaṃ. **Āsanābhīhāraṇanti** āsanassa abhihāraṇaṃ, āsanaṃ gahetvā abhigamaṇaṃ, paññāpanameva vā. Seyyābhīhārepi eseva nayo. **Pādodakanti** pādadhovana-udakaṃ. **Pādapīṭhanti** dhotapādaṭṭhapanakaṃ. **Pādakathalikanti** adhotapādaṭṭhapanakaṃ pādaghamaṇaṃ vā. **Āpatti dukkaṭassāti** saddhivihārikānampi sādīyantassa dukkaṭameva, tasmā te vattabbā “ahaṃ vinayakammaṃ karomi, mayhaṃ vattaṃ mā karotha, mā maṃ gāmapavesanaṃ āpucchathā”ti. Sace saddhāpabbajitā kulaputtā “tumhe bhante tumhākaṃ vinayakammaṃ karotha”ti vatvā vattaṃ karonti, gāmapavesanampi āpucchantiyeva, vāritakālato paṭṭhāya anāpatti. **Mithu yathāvuddhanti** pārivāsikabhikkhūnaṃ aññamaññaṃ yo yo vuddho, tena tena navakatarassa sādītuṃ.

Pañca yathāvuḍḍhanti pakatattehipi saddhim̃ vuḍḍhapaṭipāṭiyā eva. Tasmā pātimokkhe uddissamāne hatthapāse nisīditum̃ vaṭṭati. Mahāpaccariyam̃ pana “pāṭiyā anisīditvā pāḷim̃ vihāya hatthapāsam̃ amuñcantaena nisīditabbañ”ti vuttam̃. Pārisuddhi-uposathe karīyamāne samghanavakaṭṭhāne nisīditvā tattheva nisinnena attano pāṭiyā pārisuddhi-uposatho kātabbo. Pavāraṇāyapi samghanavakaṭṭhāne nisīditvā tattheva nisinnena attano pāṭiyā pavāretabbañ. Samghena ghaṇṭim̃ paharivā bhājīyamānam̃ vassikasāṭikampi attano pattatṭhāne gahetum̃ vaṭṭati.

Oṇojananti vissajjanam̃ vuccati. Sace hi pārivāsikassa dve tīṇi uddesabhattādīni pāpuṇanti, aññā cassa puggalikabhattachaccāsā hoti, tāni paṭipāṭiyā gahetvā “bhante heṭṭhā gāhetha, ajja mayham̃ bhattachaccāsā atthi, sve gaṇhissāmī”ti vatvā vissajjetabbāni. Evam̃ tāni punadivasesu¹ gaṇhitum̃ labhati. Punadivase sabbapaṭhamam̃ etassa dātābanti Kurundiyaṃ vuttam̃. Yadi pana na gaṇhāti na vissajjeti, punadivase na labhati. Idam̃ oṇojanam̃ nāma pārivāsikasseva odissa anuññātam̃. Kasmā? Tassa hi samghanavakaṭṭhāne nisinnassa bhattachge yāgukhajjakādīni pāpuṇanti vā na vā, tasmā “so bhikkhāhārena² mā kilamitthā”ti idamassa saṅgahakaraṇatthāya odissa anuññātam̃.

Bhattanti āgatāgatehi vuḍḍhapaṭipāṭiyā gahetvā gantabbañ vihāre samghassa catussālabhattam̃, etam̃ yathāvuḍḍham̃ labhati. Pāṭiyā pana gantum̃ vā ṭhātum̃ vā na labhati, tasmā pāḷito osakkitvā hatthapāse ṭhitena hattham̃ pasāretvā yathā seno nipatitvā gaṇhāti, evam̃ gaṇhitabbañ. Ārāmikasamaṇuddesehi āharāpetum̃ na labhati. Sace sayameva āharanti, vaṭṭati. Rañño mahāpeḷabhattepi eseva nayo. Catussālabhatte pana sace oṇojanam̃ kattukāmo hoti, attano atthāya ukkhitte piṇḍe “ajja me bhattam̃ atthi, sve gaṇhissāmī”ti vattabbañ. Punadivase dve piṇḍe labhatīti Mahāpaccariyam̃ vuttam̃. Uddesabhattādīnīpi pāḷito osakkitvāva gahetabbāni. Yattha pana nisīdāpetvā parivisanti, tattha sāmaṇerānam̃ jeṭṭhakena, bhikkhūnam̃ samghanavakena hutvā nisīditabbañ.

1. Punapunadivasesu (Sī)

2. Bhikkhācārena (Syā)

76. Idāni yā ayaṃ sammāvattanā vuttā, tattha **na upasampādetabbanti** upajjhāyena hutvā na upasampādetabbaṃ, vattaṃ nikkhipitvā pana upasampādetuṃ vaṭṭati. Ācariyena hutvāpi kammavācā na sāvetabbā, aññasmim̐ asati vattaṃ nikkhipitvā sāvetuṃ vaṭṭati. **Na nissayoti** āgantukānaṃ nissayo na dātabbo. Yehipi pakatiyāva nissayo gahito, te vattabbā “ahaṃ vinayakammaṃ karomi, asukattherassa nāma santike nissayaṃ gaṇhatha, mayhaṃ vattaṃ mā karotha, mā maṃ gāmapavesanaṃ āpucchathā”ti. Sace evaṃ vuttepi karontiyeva, vāritakālato paṭṭhāya karontesupi anāpatti.

Na sāmaṇeroti añño sāmaṇero na gahetabbo. Upajjhaṃ datvā gahitasāmaṇerāpi vattabbā “ahaṃ vinayakammaṃ karomi, mayhaṃ vattaṃ mā karotha, mā maṃ gāmapavesanaṃ āpucchathā”ti. Sace evaṃ vuttepi karontiyeva, vāritakālato paṭṭhāya karontesupi anāpatti. Bhikkhunovādakasammuti nāma ādhipaccaṭṭhānabhūtāti paṭikkhattā. Tasmā bhikkhusaṃghassa vattabbaṃ “bhante ahaṃ vinayakammaṃ karomi, bhikkhunovādakaṃ jānāthā”ti, paṭibalassa vā bhikkhussa bhāro katabbo. Āgatā bhikkhuniyo “saṃghasantikaṃ gacchatha, saṃgho vo ovādadāyakaṃ jānissatī”ti vā, “ahaṃ vinayakammaṃ karomi, asukabhikkhussa nāma santikaṃ gacchatha, so vo ovādaṃ dassatī”ti vā vattabbā.

Sā āpattīti sukkavissaṭṭhiyā parivāse dinne sukkavissaṭṭhi nāpajjitabbā. **Aññā vā tādisikāti** kāyasaṃsaggādigarukāpatti. **Tato vā pāpiṭṭhatarāti** pārājikāpatti. Sattasu hi āpattīsu dubbhāsītāpatti pāpiṭṭhā, dukkaṭāpatti pāpiṭṭhatarā. Dukkaṭāpatti pāpiṭṭhā, pāṭidesanīyāpatti pāpiṭṭhatarāti evaṃ pācittiyathullaccayasaṃghādisesapārājikāpattīsu nayo netabbo. Tāsaṃ vatthūsipi dubbhāsītavatthu pāpiṭṭhaṃ, dukkaṭavatthu pāpiṭṭhataranti purimanayeneva bhedo veditabbo. Paṇṇattivajjasikkhāpade pana vatthupi āpattipi pāpiṭṭhā. Lokavajje ubhayampi pāpiṭṭhatarāṃ.

Kammanti parivāsakammavācā vuccati, taṃ kammaṃ “akataṃ dukkaṭaṃ”ti-ādīhi vā, “kiṃ idaṃ kammaṃ nāma kasikammaṃ gorakkhakammaṃ”ti-ādīhi vā vacanehi na garahitabbaṃ. **Kammikāti** yehi bhikkhūhi kammaṃ kataṃ, te vuccanti, te bālā abyattāti-ādīhi vacanehi na garahitabbā.

Na savacanīyaṃ kātabbanti palibodhatthāya¹ vā pakkosanatthāya vā savacanīyaṃ na kātabbam, palobodhatthāya hi karonto “ahaṃ āyasmantaṃ imasmim vatthusmim savacanīyaṃ karomi, imamahā āvāsā ekapadampi mā pakkāmi, yāva na taṃ adhikaraṇaṃ vūpasantaṃ hotī”ti evaṃ karoti. Pakkosanatthāya karonto “ahaṃ te savacanīyaṃ karomi, ehi mayā saddhim vinayadharānaṃ sammukhībhāvaṃ gacchāmā”ti evaṃ karoti, tadubhayampi na kātabbam.

Na anuvādoti vihāre jetṭhakatṭhānaṃ na kātabbam, pātimokkhuddesakena vā dhammajjesakena vā na bhavitabbam, nāpi terasasu sammutīsu ekasammutivasenāpi issariyakammaṃ kātabbam. **Na okāso**ti “karotu me āyasmā okāsaṃ, ahaṃ taṃ vattukāmo”ti evaṃ pakatattassa okāso na kāretabbo, vatthunā vā āpattiyā vā na codetabbo, “ayaṃ pubbe te doso”ti na sāretabbo. **Na bhikkhūhi sampayojetabbanti** aññaṃaññaṃ yojetvā kalaho na kāretabbo.

Puratoti saṃghattherena hutvā purato na gantabbam, dvādasahatthaṃ upacāraṃ muñcivā ekakena gantabbam. Nisīdanepi eseva nayo. **Āsanapariyantoti** bhattaggādīsu saṃghanavakāsaṃ vuccati, svāssa dātabbo, tattha nisīditabbam. **Seyyāpariyantoti** seyyānaṃ pariyanto, sabbalāmakam mañcapīṭham. Ayañhi vassaggena attano pattaṭṭhāne seyyaṃ gahetuṃ na labhati, sabbabhikkhūhi vicinitvā gahitāvasesā maṅgulagūthabharitā vettalatādivinaddhā lāmakaseyyā assa dātabbā. **Vihārapariyantoti** yathā ca seyyā, evaṃ vasana-āvāsopi vassaggena attano pattaṭṭhāne tassa na vaṭṭati, sabbabhikkhūhi vicinitvā gahitāvasesā pana rajohatabhūmi jatukamūsikabharitā paṇṇasālā assa dātabbā. Sace pakatattā sabbe rukkhamūlikā abbhokāsikā ca honti, channaṃ na upenti, sabbepi etehi vissaṭṭhāvāsā nāma honti. Tesu yaṃ icchatī, taṃ labhati, vassūpanāyikadivase paccayaṃ ekapasse ṭhatvā vassaggena gaṇhituṃ labhati. Senāsaṃ na labhati, nibaddhavassāvāsikam senāsaṃ gaṇhitukāmena vattaṃ nikkhipitvā gahetabbam.

1. Palibodhatāya (Sī)

Tena ca so sādītābhoti yaṃ assa āsanādi-pariyantaṃ bhikkhū denti, so eva sādītābho. **Puresamaṇena vā pacchāsamaṇena vā**ti nātipavāritaṭṭhāne “ettake bhikkhū gahetvā āgacchathā”ti nimantitena “bhante asukaṃ nāma kulaṃ bhikkhū nimantesi, etha tattha gacchāmā”ti evaṃ saṃvidhāya bhikkhū puresamaṇe vā pacchāsamaṇe vā katvā na gantabbaṃ. “Bhante asukasmim nāma gāme manussā bhikkhūnaṃ āgamaṇaṃ icchanti, sādhu vatassa sace tesāṃ saṅgahaṃ kareyyāthā”ti evaṃ pana pariyāyena kathetuṃ vaṭṭati.

Na āraññikaṅgati āgatāgatānaṃ ārocetuṃ harāyamānena āraññikadhutaṅgaṃ na samādātabbaṃ. Yenāpi pakatiyā samādinnaṃ, tena dutiyaṃ bhikkhuṃ gahetvā araññe aruṇaṃ uṭṭhāpetabbaṃ, na ca ekakena vatthabbaṃ. Tathā bhattaggādīsū āsanapariyante nisajjāya harāyamānena piṇḍapātikadhutaṅgampi na samādātabbaṃ. Yo pana pakatiyāva piṇḍapātiko, tassa paṭisedho natthi.

Na ca tappaccayāti “nīhaṭabhatto hutvā vihāreyeva nisīditvā bhuñjanto rattiyo gaṇayissāmi, gacchato me bhikkhuṃ disvā anārocentassa ratticchedo siyā”ti iminā kāraṇena piṇḍapāto na nīharāpetabbo. **Mā maṃ jānimsūti** mā maṃ ekabhikkhupi jānātūti ca iminā ajjhāsayaena vihāre sāmaṇerehi pacāpetvā bhuñjitumpi na labhati, gāmaṃ piṇḍāya pavisitabbameva. Gilānassa pana navakamma-ācariyupajjhāyakkiccadipasutassa vā vihāreyeva acchituṃ vaṭṭati. Sacepi gāme anekasatā bhikkhū vicaranti, na sakkā hoti ārocetuṃ, gāmakāvāsaṃ gantvā sabhāgaṭṭhāne vasituṃ vaṭṭati.

Āgantukenāti kañci vihāraṃ gatena tattha bhikkhūnaṃ ārocetabbaṃ. Sace sabbe ekaṭṭhāne ṭhite passati, ekaṭṭhāne ṭhiteneva ārocetabbaṃ. Atha rukkhamaṭṭhādisū visuṃ visuṃ ṭhitā honti, tattha tattha gantvā ārocetabbaṃ. Sañcicca anārocentassa ratticchedo ca hoti, vattabhede ca dukkaṭaṃ. Atha vicinanto ekacce na passati, ratticchedova hoti, na vattabhedadukkaṭaṃ.

Āgantukassāti attano vasanavihāraṃ āgatassāpi ekassa vā bahūnaṃ vā vuttanayeneva ārocetabbaṃ. Ratticchedavattabhedāpi cettha vuttanayeneva veditabbā. Sace āgantukā muhuttaṃ vissamitvā vā avissamitvā eva vā vihāramajjhena gacchanti, tesampi ārocetabbaṃ. Sace tassa ajānantasseva gacchanti, ayañca pana gatakāle jānāti, gantvā ārocetabbaṃ. Sampāpuṇitum asakkontassa ratticchedova hoti, na vattabhedadukkaṭaṃ. Yepi antovihāraṃ appavisitvā upacārasīmaṃ okkamitvā gacchanti, ayañca nesamī chattasaddaṃ vā ukkāsisasaddaṃ vā khipitasaddaṃ vā sutvāva āgantukabhāvaṃ jānāti, gantvā ārocetabbaṃ. Gatakāle jānantenapi anubandhitvā ārocetabbameva. Sampāpuṇitum asakkontassa ratticchedova hoti, na vattabhedadukkaṭaṃ. Yopi rattiṃ yeva āgantvā rattiṃ yeva gacchati, sopissa ratticchedaṃ karoti, aññātattā pana vattabhedadukkaṭaṃ natthi. Sace ajānitvāva abbhānaṃ karoti, akatameva hotīti Kurundiyaṃ vuttaṃ, tasmā adhikā rattiyo gahetvā kātappaṃ. Ayaṃ apanṇakapaṭipadā.

Nadī-ādīsu nāvāya gacchantampi paratīre ṭhitampi ākāseṇa gacchantampi pabbatatala-araññādīsu dūre ṭhitampi bhikkhūṃ disvā sace “bhikkhū”ti vavatthānaṃ atthi, nāvādīhi vā gantvā mahāsaddaṃ katvā vā vegena anubandhitvā vā ārocetabbaṃ, anārocentassa ratticchedo ceva vattabhedadukkaṭaṇca. Sace vāyamantopi sampāpuṇitum vā sāvetum vā na sakkoti, ratticchedova hoti, na vattabhedadukkaṭaṃ. Saṃghasenābhayatthero pana visayāvisayena katheti. “Visaye kira anārocentassa ratticchedo ceva vattabhedadukkaṭaṇca hoti, avisaye pana ubhayampi natthī”ti. Karavīkatissatthero “samaṇo ayanti vavatthānameva pamāṇaṃ, saccepi avisayo hoti, vattabhedadukkaṭameva natthi, ratticchedo pana hotiyevā”ti āha.

Uposatheti “uposathaṃ sampāpuṇissāmā”ti āgantukā bhikkhū āgacchanti, iddhiyā gacchantāpi uposathabhāvaṃ ñatvā otaritvā uposathaṃ karonti, tasmā āgantukasodhanatthaṃ uposathadivase ārocetabbaṃ. Pavāraṇāyapi eseva nayo. **Gilānoti** gantum asamattho. **Dūtenāti** ettha anupasampannaṃ pesetum na vaṭṭati, bhikkhūṃ pesetvā ārocāpetabbaṃ.

Abhikkhuko āvāsoti suññavihāro. Yattha ekopi bhikkhu natthi, tattha vāsathāya na gantabbaṃ. Na hi tattha vuttharattiyo gaṇanūpikā honti, pakatattena pana saddhiṃ vaṭṭati. Dasavidhantarāye pana sacepi rattiyo gaṇanūpikā na honti, antarāyato parimuccanattāya gantabbameva. Tena vuttaṃ “aññatra antarāyā”ti. Nānāsaṃvāsakehi saddhiṃ vinayakammaṃ kātuṃ na vaṭṭati. Tesāṃ anārocanepi ratticchedo natthi, abhikkhukāvāsasadisameva hoti. Tena vuttaṃ **yatthassu bhikkhū nānāsaṃvāsakā**ti. Sesāṃ Uposathakkhandhake vuttanayameva.

81. **Ekacchanne āvāseti-ādīsu āvāso** nāma vasanattāya katasenāsanāṃ. **Anāvāso** nāma cetiyagharaṃ bodhigharaṃ sammuñjani-aṭṭako dāru-aṭṭako pānīyamāḷo vaccakuṭi dvārakoṭṭhakoti evamādi. Tatiyapadena tadubhayampi gahitaṃ. Etesu yattha katthaci ekacchanne chadanato udakapatanatṭhānaparicchinne okāse ukkhittako vasituṃ na labhati. Pārivāsiko pana anto-āvāseyeva na labhatīti Mahāpaccariyaṃ vuttaṃ. Mahā-aṭṭhakathāyaṃ pana “avisesena udakapātena vāritan”ti vuttaṃ. Kurundriyaṃ “etesu ettakesu pañcavaṇṇacchadanabaddhatṭhānesu pārivāsikassa ca ukkhittakassa ca pakatattena saddhiṃ udakapātena vāritan”ti vuttaṃ, tasmā nānūpacārepi ekacchanne na vaṭṭati. Sace panettha tadahupasampannepi pakatatte paṭhamaṃ pavisitvā nipanne satṭhivassopi pārivāsiko pacchā pavisitvā jānanto nipajjati, ratticchedo ceva vattabhedadukkaṭaṇca. Ajānantassa ratticchedova, na vattabhedadukkaṭaṃ. Sace pana tasmim paṭhamaṃ nipanne pacchā pakatatto pavisitvā nipajjati, pārivāsiko ca jānāti, ratticchedo ceva vattabhedadukkaṭaṇca. No ce jānāti, ratticchedova, na vattabhedadukkaṭaṃ.

Vuṭṭhātabbaṃ, nimantetabboti tadahupasampannampi disvā vuṭṭhātabbameva, vuṭṭhāya ca “ahaṃ iminā sukhanisino vuṭṭhāpito”ti parammukhena na gantabbaṃ, “idaṃ ācariya āsanāṃ, ettha nisīdathā”ti evaṃ nimantetabboyeva. Navakena pana “mahātheraṃ obaddhaṃ karomī”ti pārivāsikattherassa santikaṃ na gantabbaṃ. **Ekāsaneti** samānavassikāsane mañce vā piṭhe vā. **Na chamāyaṃ nisinneti** pakatatte bhūmiyaṃ nisinne itarena antamaso tiṇasanthārepi uccatare vālikātalepi vā na nisīditabbaṃ. Dvādasahatthaṃ pana

upacāraṃ muñcitvā nisīdituṃ vaṭṭati. **Ekacaṅkameti** sahāyena viya saddhiṃ caṅkamanto ekasmiṃ caṅkame.

Chamāyaṃ caṅkamantanti chamāyaṃ caṅkamante, ayameva vā pāṭho. Ayaṃ panettha attho, akataparicchedāya bhūmiyā caṅkamante paricchedaṃ katvā vālikaṃ ākiritvā ālambanaṃ yojetvā katacaṅkame nīcepi na caṅkamitabbaṃ, ko pana vādo iṭṭhakācayasampanne vedikāparikkhitteti. Sace pana pākāraparikkhitto hoti dvārakoṭṭhakayutto pabbatantaravanantaragumbantaresu vā suppaṭicchanno, tādise caṅkame caṅkamituṃ vaṭṭati. Appaṭicchannepi upacāraṃ muñcitvā vaṭṭati.

Vuḍḍhatarenāti ettha sace vuḍḍhatare pārivāsike paṭhamam nīpanne itaro jānanto pacchā nipajjati, ratticchedo cassa hoti, vattabhede ca dukkaṭam. Vuḍḍhatarassa pana ratticchedova, na vattabhedadukkaṭam. Ajānitvā nipajjati, dvinnampi vattabhedo natthi, ratticchedo pana hoti. Atha navakapārivāsike paṭhamam nīpanne vuḍḍhataro pacchā nipajjati, navako ca jānāti, ratti cassa chijjati, vattabhede ca dukkaṭam hoti. Vuḍḍhatarassa ratticchedova, na vattabhedo. No ce jānāti, dvinnampi vattabhedo natthi, ratticchedo pana hoti. Sace dvepi apacchāpurimaṃ nipajjanti, vuḍḍhatarassa ratticchedova, itarassa vattabhedopīti Kurundiyam vuttam. Dve pārivāsikā samavassā, eko paṭhamam nīpanno, eko jānantova pacchā nipajjati, ratti ca chijjati, vattabhede ca dukkaṭam. Paṭhamam nīpannassa ratticchedova, na vattabhedo. Sace pacchā nipajjantopi na jānāti, dvinnampi vattabhedo natthi, ratticchedo pana hoti. Sace dvepi apacchāpurimaṃ nipajjanti, dvinnampi ratticchedoyeva, na vattabhedo. Sace hi dve pārivāsikā ekato vaseyyum, te aññaṃaññaṃssa ajjhācāraṃ ñatvā agāravā vā vippaṭisārino vā hutvā pāpīṭṭhataram vā āpattim āpajjeyyum vibbameyyam vā, tasmā nesam sahaseyyā sabbappakārena paṭikkhittā. Sesam vuttanayeneva veditabbaṃ. Mūlāyapaṭikassanārahādayo cettha pārivāsikānam pakatattaṭṭhāne ṭhitāti veditabbā.

Pārivāsikacattuttho ce bhikkhave parivāsanti ettha pārivāsikam cattuttham katvā aññaṃssa parivāsadānādīni kātuṃ na vaṭṭati. Etesvevāyam

gaṇapūrako na hoti, sesasaṅghakammesu hoti. Gaṇe pana appahonte vattaṃ nikkhipāpetvā gaṇapūrako kātabboti.

83. Imaṃ pana vattakathaṃ sutvā Vinayadhara-upālittherassa rahogatassa evaṃ parivitaṅko udapādi “Bhagavatā bahu pārivāsikavattaṃ paññattaṃ, katihi nu kho ettha kāraṇehi ratticchedo hotī”ti, so Bhagavantaṃ upasaṅkamitvā tamatthaṃ pucchi. Bhagavā cassa byākāsi. Tena vuttaṃ **atha kho āyasmā Upāli -pa- ratticchedāti**. Tattha **sahavāsoti** yvāyaṃ pakatattena bhikkhunā saddhiṃ ekacchanneti-ādinā nayena vutto ekato vāso. **Vippavāsoti** ekakasseva vāso. **Anārocanāti** āgantukādīnaṃ anārocanā. Etesu tīsu ekekena kāraṇena ratticchedo hoti.

84. **Na sakkontīti** saṅghassa mahantaṭāya tattha tattha gantvā sabbesaṃ ārocetuṃ asakkontā sodhetuṃ na sakkonti. **Parivāsaṃ nikkhipāmi, vattaṃ nikkhipāmīti** imesu dvīsu padesu ekenāpi nikkhittova hoti parivāso, dvīhi sunikkhittoyeva. Samādānēpi eseva nayo. Evaṃ vattaṃ samādiyitvā parivutthaparivāsassa mānattaṃ gaṇhato puna vattasamādānakiccaṃ natthi, samādinnavattoyeva hesa, tasmāssa chārattaṃ mānattaṃ dātabbaṃ, ciṅṇamānatto abbhetaṅko. Evaṃ anāpattiko hutvā suddhante patiṭṭhito tisso sikkhā pūretvā dukkhassantaṃ karissatīti.

Pārivāsikavattakathā niṭṭhitā.

Mūlāyapaṭikassanārahavattakathā

86. **Mūlāyapaṭikassanārahā bhikkhū sādīyanti pakatattānanti** ṭhapetvā navakataṃ mūlāyapaṭikassanārahāṃ avasesānaṃ antamaso pārivāsikādīnampi. Imesaṃhi pārivāsikamūlāyapaṭikassanārahāṃ mānattārahāṃ mānattācārīka-abbhānārahānaṃ pañcannaṃ ṭhapetvā attano navakataṃ sesā sabbe pakatattā eva. Kasmā? mithu yathāvuddhaṃ abhivādanādīnaṃ anuññātattā, tena vuttaṃ “avasesānaṃ antamaso pārivāsikādīnampi”ti. Mūlāyapaṭikassanārahādīlakkhaṇaṃ pana nesaṃ

parato āvibhavissati. Sesamettha ito paresu ca mānattārahādivattesu pārivāsikavatte vuttanayeneva veditabbaṃ.

87. **Mūlāyapaṭikassanārahacattuttho** ceti-ādīsupi yatheva pārivāsiko, evaṃ etepi etesu vinayakammesu gaṇapūrakā na honti, sesasaṃghakammesu honti.

Mānattacārikavattakathā

90. Mānattacārikassavattesu devasikaṃ ārocetabbanti viseso.

92. Ratticchedesu **ūne gaṇeti** ettha **gaṇoti** cattāro vā atirekā vā, tasmā sacepi tīhi bhikkhūhi saddhim vasati, ratticchedo hotiyeva. Mānattanikkhepasamādānesu vuttasadisova vinicchayo. Sesam sabbattha uttānamevāti.

Pārivāsikakkhandhakavaṇṇanā niṭṭhitā.

3. Samuccayakkhandhaka

Sukkavissatthikathā

97. Samuccayakkhandhake **chārattaṃ mānattanti** ettha catubbidhaṃ mānattaṃ appaṭicchannamānattaṃ paṭicchannamānattaṃ pakkhamānattaṃ samodhānamānattanti. Tattha **appaṭicchannamānattaṃ** nāma yaṃ appaṭicchannāya āpattiyā parivāsaṃ adatvā kevalaṃ āpattiṃ āpannabhāveneva mānattārahassa mānattaṃ diyyati. **Paṭicchannamānattaṃ** nāma yaṃ paṭicchannāya āpattiyā parivutthaparivāsassa diyyati. **Pakkhamānattaṃ** nāma yaṃ paṭicchannāya vā appaṭicchannāya vā āpattiyā addhamāsaṃ bhikkhunīnaṃ diyyati. **Samodhānamānattaṃ** nāma yaṃ odhāya ekato katvā diyyati. Tesu idaṃ “appaṭicchannāya chārattaṃ mānattaṃ”ti vacanato “appaṭicchannamānattaṃ”ti vedittabbaṃ. Taṃ dentena sace ekaṃ āpattiṃ āpanno hoti, idha vuttanayena dātabbaṃ. Sace dve vā tisso vā tisso vā tatuttariṃ vā āpanno, yatheva “ekaṃ āpattiṃ”ti vuttaṃ, evaṃ “dve āpattiyō tisso āpattiyō”ti vattabbaṃ. Tatuttari pana sacepi sataṃ vā sahaṃsaṃ vā hoti, “sambahulā”ti vattabbaṃ. Nānāvattukāyopi ekato katvā dātabbā, tāsāṃ dānavidhiṃ parivāsadāne kathayissāma.

Evaṃ āpattivaseṇa kammavācaṃ katvā dinne mānatte “evameṭaṃ dhārayāmi”ti kammavācāpariyosāne mālakasīmāyameva “mānattaṃ samādiyāmi, vattaṃ samādiyāmi”ti vuttanayena vattaṃ samādātabbaṃ. Vattaṃ samādiyitvā tattheva saṃghassa ārocetabbaṃ, ārocentena ca evaṃ ārocetabbaṃ—

“Ahaṃ bhante ekaṃ āpattiṃ āpajjiṃ sañcetanikaṃ sukkavissatthiṃ appaṭicchannaṃ, sohaṃ saṃghaṃ ekissā āpattiyā sañcetanikāya sukkavissatthiyā appaṭicchannāya chārattaṃ mānattaṃ yācimi, tassa me saṃgho ekissā āpattiyā sañcetanikāya sukkavissatthiyā appaṭicchannāya chārattaṃ mānattaṃ adāsi. Sohaṃ mānattaṃ carāmi, vedayāmaham¹ bhante, ‘vedayati’ti maṃ saṃgho dhāretū”ti.

Imaṅca pana atthaṃ gahetvā yāya kāyaci bhāsāya² ārocetum vaṭṭatiyeva. Ārocetvā sace nikkhipitukāmo, vuttanayeneva

1. Vediyāmaham (Syā)

2. Vācāya (sabbattha)

samghamajjhe nikkhipitabbaṃ. Mālakato bhikkhūsu nikkhantesu ekassapi santike nikkhipitum vaṭṭati. Mālakato nikkhamitvā satim paṭilabhantena sahaḡacchantassa santike nikkhipitabbaṃ. Sace sopi pakkanto, aññaṃssa yassa mālake nārocitaṃ, tassa ārocetvā nikkhipitabbaṃ. Ārocentena pana avasāne “vedayatīti maṃ āyasmā dhāretū”ti vattabbaṃ. Dvinnam ārocentena “āyasmantā dhārentū”ti, tiṇṇam ārocentena “āyasmanto dhārentū”ti vattabbaṃ. Nikkhittakālato paṭṭhāya pakatattaṭṭhāne tiṭṭhati.

Sace appabhikkhuko vihāro hoti, sabhāgā bhikkhū vasanti, vattaṃ anikkhipitvā antovihāreyeva rattiyo gaṇetabbā. Atha na sakkā sodhetum, vuttanayeneva vattaṃ nikkhipitvā paccūsasamaye catūhi pañcahi vā bhikkhūhi saddhim parikkhittassa vihārassa parikkhepato, aparikkhittassa parikkhepārahaṭṭhānato dve leḍḍupāte atikkamitvā mahāmaggato okkamma gumbena vā vatiyā vā paṭicchannaṭṭhāne nisīditabbaṃ. Anto-aruṇeyeva vuttanayena vattaṃ samādiyitvā ārocetabbaṃ. Sace añño koci bhikkhu kenacideva karaṇīyena taṃ ṭhānaṃ āgacchati, sace esa taṃ passati, saddaṃ vāssa suṇāti, ārocetabbaṃ. Anārocentassa ratticchedo ceva vattabhedo ca.

Atha dvādasahatthaṃ upacāraṃ okkamitvā ajānantasseva gacchati, ratticchedo hoti eva, vattabhedo pana natthi. Ārocitakālato paṭṭhāya ca ekaṃ bhikkhum ṭhapetvā sesehi sati karaṇīye gantumpi vaṭṭati. Aruṇe uṭṭhite tassa bhikkhussa santike vattaṃ nikkhipitabbaṃ. Sace sopi kenaci kammaena pure-aruṇeyeva gacchati, aññaṃ vihārato nikkhantaṃ vā āgantukaṃ vā yaṃ paṭhamam passati, tassa santike ārocetvā vattaṃ nikkhipitabbaṃ. Ayaṅca yasmā gaṇassa ārocetvā bhikkhūnaṅca atthibhāvaṃ sallakkhetvāva vasi, tenassa ūne gaṇe caraṇadoso vā vippavāso vā na hoti. Sace na kañci passati, vihāraṃ gantvā attanā saddhim gatabhikkhūsu ekassa santike nikkhipitabbanti Mahāsumatthero āha. Mahāpadumatthero pana “yaṃ paṭhamam passati, tassa ārocetvā nikkhipitabbaṃ. Ayaṃ nikkhittavattassa parihāro”ti āha.

Evam chārattaṃ mānattaṃ akhaṇḍam caritvā yattha siyā vīsatiḡaṇo bhikkhusamgho, tattha so bhikkhu abbhetaḡbo. Abbhentehi ca paṭhamam

abbhānāraho kātabbo. Ayañhi nikkhittavattattā pakatattaṭṭhāne ṭhito, pakatattassa ca abbhānaṃ kātuṃ na vaṭṭati, tasmā vattaṃ samādāpetabbo. Vatte samādinne abbhānāraho hoti. Tenāpi vattaṃ samādiyitvā ārocetvā abbhānaṃ yācitabbaṃ. Anikkhittavattassa puna vattasamādānakiccaṃ natthi. So hi chārattātikkameneva abbhānāraho hoti, tasmā so abbhetaḥ. Tatra yvāyaṃ¹ “evañca pana bhikkhave abbhetaḥ”ti Pāliyaṃyeva abbhānavidhi vutto, ayañca ekāpattivasena vutto. Sace pana dve tisso sambahulā vā ekavattthukā vā nānāvattthukā vā āpattiyo honti, tāsāṃ vasena kammavācā kātabbā. Evaṃ paṭicchannamānattaṃ dātabbaṃ. Paṭicchannamānattaṃ pana yasmā paṭicchannāya āpattiyā parivutthaparivāsassa dātabbaṃ hoti, tasmā naṃ parivāsakathāyaṃyeva kathayissāma.

Parivāsakathā

102. “Tena hi bhikkhave saṃgho Udāyissa bhikkhuno ekissā āpattiyā sañcetanikāya sukkavissaṭṭhiyā ekāhapaṭicchannāya ekāhaparivāsaṃ detū”ti-ādinā nayena Pāliyaṃ anekehi ākārehi parivāso ca mānattañca vuttaṃ. Tassa yasmā āgatāgataṭṭhāne vinicchayo vuccamāno Pāli viya ativittāraṃ āpajjati, na ca sakkā hoti sukkena pariggahetum, tasmā naṃ samodhānetvā idheva dassayissāma.

Ayaṃ hi idha adhippeto parivāso nāma paṭicchannaparivāso, suddhantaparivāso, samodhānaparivāsoti tividho hoti. Tattha paṭicchannaparivāso tāva yathāpaṭicchannāya āpattiyā dātabbo. Kassaci hi ekāhapaṭicchannā āpatti hoti, yathā ayaṃ Udāyittherassa, kassaci dvihādipaṭicchannā, yathā parato āgatā Udāyittherasseva, kassaci ekā āpatti hoti, yathā ayaṃ, kassaci dve tisso tatuttari vā, yathā parato āgatā, tasmā paṭicchannaparivāsaṃ dentena paṭhamāṃ tāva paṭicchannabhāvo jānitabbo.

Ayaṃ hi āpatti nāma dasahākārehi paṭicchannā hoti. Tatthāyaṃ mātikā, āpatti ca hoti āpattisaññī ca, pakatatto ca hoti

1. Tatrāyaṃ (Ka)

pakatattasaññī ca, anantarāyiko ca hoti anantarāyikasaññī ca, pahu ca hoti pahusaññī ca, chādetukāmo ca hoti chādeti cāti.

Tattha **āpatti ca hoti āpattisaññī cāti** yaṃ āpanno, sā āpattiyeva hoti. Sopi ca tattha āpattisaññīyeva. Iti jānanto chādeti, channāva hoti. Atha panāyaṃ tattha anāpattisaññī, acchannā hoti, anāpatti pana āpattisaññāyapi anāpattisaññāyapi chādentenāpi acchādītāva hoti. Lahukaṃ vā garukāti garukaṃ vā lahukāti chādeti, alajjipakkhe tiṭṭhati, āpatti pana acchannā hoti. Garukaṃ lahukāti maññamāno deseti, neva desitā hoti, na channā. Garukaṃ garukāti ñatvā chādeti, channā hoti. Garukalahukabhāvaṃ na jānāti, āpattiṃ chādemīti¹ chādeti, channāva hoti.

Pakatattoti tividhaṃ ukkhepanīyakammaṃ akato. So ce pakatattasaññī hutvā chādeti, channā hoti. Atha “mayhaṃ saṃghena kammaṃ katan”ti apakatattasaññī hutvā chādeti, acchannā hoti. Apakatattena pakatattasaññinā vā apakatattasaññinā vā chādītāpi acchannāva hoti. Vuttampi cetam—

Āpajjati garukaṃ sāvasesaṃ,
Chādeti anādariyaṃ paṭicca.
Na bhikkhunī no ca phuseyya vajjaṃ,
Pañhā mesā kusalehi cintitāti².

Ayaṃ hi pañho ukkhittakena kathito.

Anantarāyikoti yassa dasasu antarāyesu ekopi natthi, so ce anantarāyikasaññī hutvā chādeti, channā hoti. Sacepi so bhīrukajātikatāya andhakāre amanussacaṇḍamigabhayena antarāyikasaññī hutvā chādeti, acchannāva hoti. Yassa hi pabbatavihāre vasantassa kandaraṃ vā nadīṃ vā atikkamitvā ārocetabbaṃ hoti, antarāmagge ca caṇḍavāḷa-amanussādibhayaṃ atthi, magge ajagarā nipajjanti, nadī pūrā hoti, ekasmīṃ pana satiyeva antarāye antarāyikasaññī

1. Chādessāmīti (Ka)

2. Vi 5. 379 piṭṭhe.

hutvā chādeti, acchannāva hoti. Antarāyikassa pana antarāyikasaññāya vā anantarāyikasaññāya vā chādayato acchannāva hoti.

Pahūti yo sakkoti bhikkhuno santikaṃ gantuñceva ārocetuñca, so ce pahusaññī hutvā chādeti, channā hoti. Sacassa mukhe appamattako gaṇḍo vā hoti, hanukavāto vā vijjhati, danto vā rujjati, bhikkhā vā mandā laddhā hoti, tāvatakena pana neva vattuṃ na sakkoti, na gantuṃ, apica kho na sakkomīti saññī hoti, ayaṃ pahu hutvā appahusaññī nāma. Iminā chāditāpi acchādītā. Appahunā pana vattuṃ vā gantuṃ vā asamatthena pahusaññinā vā appahusaññinā vā chādītā hotu, acchādītāva.

Chādetukāmo ca hoti chādeti cāti idaṃ uttānatthameva. Sace pana chādessāmīti dhuranikkhepaṃ katvā purebhatte vā pacchābhatte vā paṭhamayāmādīsu vā lajjidhammaṃ okkamitvā anto-aruṇeyeva āroceti, ayaṃ chādetukāmo na chādeti nāma.

Yassa pana abhikkhuke ṭhāne vasantassa āpattim āpajjitvā sabhāgassa bhikkhuno āgamaṇaṃ āgamentaṃ, sabhāgasantikaṃ vā gacchantassa addhamāsopi māsopi atikkamati, ayaṃ na chādetukāmo chādeti nāma, ayampi acchannāva hoti.

Yo pana āpannamattova aggim akkantapuriso viya sahasā apakkamitvā sabhāgaṭṭhānaṃ gantvā āvi karoti, ayaṃ na chādetukāmova na chādeti nāma. Sace pana sabhāgaṃ disvāpi “ayaṃ me upajjhāyo vā ācariyo vā”ti lajjāya nāroceti, channāva hoti āpatti. Upajjhāyādibhāvo hi idha appamāṇaṃ, averisabhāgamattameva pamāṇaṃ. Tasmā averisabhāgassa santike ārocetabbā.

Yo pana visabhāgo hoti sutvā pakāsetukāmo, evarūpassa upajjhāyassāpi santike nārocetabbā. Tattha purebhattaṃ vā āpattim āpanno hotu pacchābhattaṃ vā divā vā rattim vā, yāva aruṇaṃ na uggacchatī, tāva ārocetabbā. Uddhaste aruṇe paṭicchannā hoti, paṭicchādanapaccayā ca dukkaṭaṃ āpajjati. Sabhāgasamghādisesaṃ āpannassa pana santike

āvi kātuṃ na vaṭṭati. Sace āvi karoti, āpatti āvikatā hoti, dukkaṭā pana na muccati. Tasmā suddhassa santike āvikātabbā. Āvikaronto ca tuyhaṃ santike ekaṃ āpattiṃ āvikaromīti vā ācikkhāmīti vā ārocemīti vā mama ekaṃ āpattiṃ āpannabhāvaṃ jānāhīti vā vadatu, ekaṃ garukāpattiṃ āvikaromīti-ādinā vā nayena vadatu, sabbehipi ākārehi appaṭicchannāva hotīti Kurundiyaṃ vuttam. Sace pana lahukāpattiṃ āvikaromīti-ādinā nayena vadati, paṭicchannā hoti. Vatthuṃ āroceti, āpattiṃ āroceti, ubhayaṃ āroceti, tividhenāpi ārocitāva hoti. Iti imāni dasa kāraṇāni upalakkhetvā paṭicchannaparivāsaṃ dentena paṭhamameva paṭicchannabhāvo jānitabbo.

Tato paṭicchannadivase ca āpattiyo ca sallakkhetvā sace ekāhapaṭicchannā hoti, “ahaṃ bhante ekaṃ āpattiṃ āpajjīṃ sañcetanikaṃ sukkavissaṭṭhiṃ ekāhapaṭicchannā”ti evaṃ yācāpetvā idha vuttanayeneva kammavācaṃ vatvā parivāso dātabbo. Atha dvīhatīhādipaṭicchannā hoti, dvīhapaṭicchannaṃ tīhapaṭicchannaṃ catūhapaṭicchannaṃ pañcāhapaṭicchannaṃ chāhapaṭicchannaṃ sattāhapaṭicchannaṃ aṭṭhāhapaṭicchannaṃ navāhapaṭicchannaṃ dasāhapaṭicchannaṃ ekādasāhapaṭicchannaṃ dvādasāhapaṭicchannaṃ terasāhapaṭicchannaṃ cuddasāhapaṭicchannanti evaṃ yāva cuddasa divasāni divasavasena yojanā kātabbā. Pañcadasa divasāni paṭicchannāya pakkhapaṭicchannanti vatvā yojanā kātabbā. Tato yāva ekūnatimsatimo divaso, tāva atirekapakkhapaṭicchannanti.

Tato māsapaṭicchannaṃ, atirekamāsapaṭicchannaṃ, dvemāsapaṭicchannaṃ, atirekadvemāsapaṭicchannaṃ, temāsapaṭicchannaṃ, atirekatemāsapaṭicchannaṃ, catumāsa, atirekacatumāsa, pañcamāsa, atirekapañcamāsa, chamāsa, atirekachamāsa, sattamāsa, atirekasattamāsa, aṭṭhamāsa, atireka-aṭṭhamāsa, navamāsa, atirekanavamāsa, dasamāsa, atirekadasamāsa, ekādasamāsa, atireka-ekādasamāsapāṭicchannanti evaṃ yojanā kātabbā. Saṃvacchare paripuṇṇe ekasaṃvaccharapaṭicchannanti. Tato param atireka-ekasaṃvacchara, dvesaṃvacchara, atirekadvesaṃvacchara, tisaṃvacchara, atirekatisaṃvacchara, catusaṃvacchara, atirekacatusaṃvacchara, pañcasaṃvacchara,

atirekapañcasamvaccharapaṭicchannanti evaṃ yāva saṅghisaṃvacchara,
atirekasaṅghisaṃvaccharapaṭicchannanti vā tato vā bhīyopi vatvā yojanā
kātabbā.

Sace pana dve tisso tatuttari vā āpattiyo honti, yathā idaṃ ekaṃ
āpattinti vuttaṃ, evaṃ dve āpattiyo tisso āpattiyoti vattabbaṃ. Tato paraṃ
pana sataṃ vā hotu sahaṃsaṃ vā, sambahulāti vattuṃ vaṭṭati.
Nānāvattukāsopi ahaṃ bhante sambahulā saṃghādisesā āpattiyo āpajjīṃ
ekaṃ sukkavissaṭṭhīṃ ekaṃ kāyasamsaggāṃ ekaṃ duṭṭhullavācāṃ ekaṃ
attakāmaṃ ekaṃ sañcarittaṃ ekāhapaṭicchannāyoti evaṃ gaṇanavasena vā,
ahaṃ bhante sambahulā saṃghādisesā āpattiyo āpajjīṃ nānāvattukāyo
ekāhapaṭicchannāyoti evaṃ vatthukittanavasena vā, ahaṃ bhante sambahulā
saṃghādisesā āpattiyo āpajjīṃ ekāhapaṭicchannāyoti evaṃ
nāmamattavasena vā yojanā kātabbā.

Tattha nāmaṃ duvidhaṃ saṅghādisesā sabbāsādhāraṇaṃ. Tattha
saṃghādisesoti saṅghādisesā. Āpattīti sabbāsādhāraṇaṃ. Tasmā
sambahulā āpattiyo āpajjīṃ ekāhapaṭicchannāyoti evaṃ
sabbāsādhāraṇanāmavasena vattuṃ vaṭṭati. Idaṃ hi sabbampi
parivāsādikāṃ vinayakammaṃ vatthavasena gottavasena nāmavasena
āpattivasena ca kātuṃ vaṭṭatiyeva.

Tattha sukkavissaṭṭhīti vatthu ceva gottaṇca. Saṃghādisesoti nāmañceva
āpatti ca. Kāyasamsaggoti vatthu ceva gottaṇca. Saṃghādisesoti nāmañceva
āpatti ca. Tattha sukkavissaṭṭhīṃ kāyasamsagganti-ādinā vacanenāpi
nānāvattukāyoti vacanenāpi vatthu ceva gottaṇca gahitaṃ hoti.
Saṃghādisesoti vacanenāpi āpattiyoti vacanenāpi nāmañceva āpatti ca gahitā
hoti. Idha pana ekaṃ āpattiṃ āpajjīṃ sañcetanikaṃ sukkavissaṭṭhīṃ
nāmampi vatthugottānīpi gahitāneva. Yathā ca idha ayaṃ Udāyi bhikkhūti
vuttaṃ, evaṃ yo yo āpanno hoti, tassa tassa nāmaṃ gahetvā ayaṃ
itthannāmo bhikkhūti kammavācā kātabbā.

Kammavācāpariyosāne ca tena bhikkhunā māḷakasīmāyameva
“parivāsaṃ samādiyāmi vattaṃ samādiyāmi”ti vuttanayeneva vattaṃ

samādātabbāṃ. Samādiyivā tattheva saṃghassa ārocetabbāṃ, ārocentena ca evaṃ ārocetabbāṃ—

“Ahaṃ bhante ekaṃ āpattim āpajjim sañcetanikaṃ sukkavissatṭhim ekāhapaṭicchannaṃ, sohaṃ saṃghaṃ ekissā āpattiyā sañcetanikāya sukkavissatṭhiyā ekāhapaṭicchannāya ekāhaparivāsaṃ yācim, tassa me saṃgho ekissā āpattiyā sañcetanikāya sukkavissatṭhiyā ekāhapaṭicchannāya ekāhaparivāsaṃ adāsi, sohaṃ parivasāmi, vedayāmahaṃ bhante, vedayatīti maṃ saṃgho dhāretū”ti.

Imaṃca panatthaṃ gahetvā yāya kāyaci bhāsāya¹ ārocentum vaṭṭatiyeva. Ārocentvā sace nikkhipitukāmo, vuttanayeneva saṃghamajjhe nikkhipitabbāṃ. Mālakato bhikkhūsu nikkhantesu ekassāpi santike nikkhipitum vaṭṭati. Mālakato nikkhamitvā satim paṭilabhantena sahaḡacchantassa santike nikkhipitabbāṃ. Sace sopi pakkanto, aññassa yassa mālake nārocitaṃ, tassa ārocentvā nikkhipitabbāṃ. Ārocentena ca avasāne “vedayatīti maṃ āyasmā dhāretū”ti vattabbāṃ. Dvinnāṃ ārocentena “āyasmantā dhārentū”ti, tiṇṇāṃ ārocentena “āyasmanto dhārentū”ti vattabbāṃ. Nikkhittakālato paṭṭhāya pakatattaṭṭhāne tiṭṭhati.

Sace appabhikkhuko vihāro hoti, sabhāgā bhikkhū vasanti, vattaṃ anikkhipitvā vihāreyeva rattipariggaho kātabbo. Atha na sakkā sodhetum, vuttanayeneva vattaṃ nikkhipitvā paccūsasamaye ekena bhikkhunā saddhim mānattavaṇṇanāyaṃ vuttanayeneva upacārasīmaṃ atikkamitvā mahāmaggā okkamma paṭicchanne ṭhāne nisīditvā anto-aruṇeyeva vuttanayeneva vattaṃ samādiyivā tassa bhikkhuno parivāso ārocetabbo. Ārocentena sace navakataro hoti, āvusoti vattabbāṃ. Sace vuḍḍhataro, bhanteti vattabbāṃ. Sace añño koci bhikkhu kenacideva karaṇīyena taṃ ṭhānaṃ āgacchati, sace esa taṃ passati, saddaṃ vāssa suṇāti, ārocetabbāṃ, anārocentassa ratticchedo ceva vattabhedo ca. Atha dvādasahatthaṃ upacāraṃ okkamitvā ajānantasseva gacchati, ratticchedoyeva hoti, vattabhedo pana natthi.

1. Vācāya (Sī, Ka)

Uggate aruṇe vattaṃ nikkhipitabbaṃ. Sace so bhikkhu kenacideva karaṇīyena pakkanto hoti, yaṃ aññaṃ sabbapaṭhamaṃ passati, tassa ārocetvā nikkhipitabbaṃ. Sace pana kañci na passati, vihāraṃ gantvā attanā saddhiṃ gatabhikkhussa santike nikkhipitabbanti Mahāsumatthero āha. Mahāpadumatthero pana “yaṃ paṭhamaṃ passati, tassa ārocetvā nikkhipitabbaṃ, ayaṃ nikkhattavattassa parihāro”ti āha.

Evam yattakāni divasāni āpatti paṭicchannā hoti, tattakāni tato adhikatarāni vā kukkuccavinodanathāya parivasitvā saṅghaṃ upasaṅkamitvā vattaṃ samādiyitvā mānattaṃ yācitabbaṃ. Ayaṃ hi vatte samādinne eva mānattāraho hoti nikkhattavattena parivutthattā. Anikkhattavattassa pana puna samādānakiccaṃ natthi, so hi paṭicchannadivasātikkameneva mānattāraho hoti, tasmā tassa mānattaṃ dātabbameva. Idaṃ paṭicchannamānattaṃ nāma. Taṃ dentena sace ekāpatti hoti, Pāliyaṃ vuttanayeneva dātabbaṃ. Atha dve vā tisso vā, “sohaṃ parivutthaparivāso saṅghaṃ dvinnaṃ āpattīnaṃ tissannaṃ āpattīnaṃ ekāhapaṭicchannānaṃ chārattaṃ mānattaṃ yācāmī”ti parivāse vuttanayeneva āpattiyo ca divase ca sallakkhetvā yojanā kātabbā.

Appaṭicchannāpattim paṭicchannāpattiyā samodhānetvāpi dātuṃ vaṭṭati. Kathaṃ? Paṭicchannāya ekāhaparivāsaṃ vasitvā—

“Ahaṃ bhante ekaṃ āpattim āpajjim sañcetanikaṃ sukkavissatṭhim ekāhapaṭicchannaṃ, sohaṃ saṅghaṃ ekissā āpattiyā sañcetanikāya sukkavissatṭhiyā ekāhapaṭicchannāya ekāhaparivāsaṃ yācim, tassa me saṅgho ekissā āpattiyā sañcetanikāya sukkavissatṭhiyā ekāhapaṭicchannāya ekāhaparivāsaṃ adāsi, sohaṃ parivutthaparivāso. Ahaṃ bhante ekaṃ āpattim āpajjim sañcetanikaṃ sukkavissatṭhim appaṭicchannaṃ. Sohaṃ bhante saṅghaṃ tāsāṃ āpattīnaṃ sañcetanikānaṃ sukkavissatṭhīnaṃ paṭicchannāya ca appaṭicchannāya ca chārattaṃ mānattaṃ yācāmī”ti.

Athassa tadanurūpaṃ kammavācaṃ katvā mānattaṃ dātabbaṃ. Sace paṭicchannā dve, appaṭicchannā ekā, paṭicchannānañca appaṭicchannāya cāti vattabbaṃ. Atha

paṭicchannā ekā, appaṭicchannā dve, paṭicchannāya ca appaṭicchannānañcāti vattabbaṃ. Sace paṭicchannāpi dve, appaṭicchannāpi dve, paṭicchannānañca appaṭicchannānañcāti vattabbaṃ. Sabbattha anurūpaṃ kammavācaṃ katvā mānattaṃ dātabbaṃ. Ciṇṇamānattassa ca tadanurūpameva kammavācaṃ katvā abbhānaṃ kātabbaṃ. Idha pana ekāpattivāsena vuttaṃ. Iti yaṃ paṭicchannāya āpattiyā parivāsāvasāne mānattaṃ diyyati, idaṃ paṭicchannamānattaṃ nāma. Evamettha ekeneva yojanāmukhena paṭicchannaparivāso ca paṭicchannamānattañca vuttanti veditabbaṃ. Pakkhamānattaṃ samodhānamānattañca avasesaparivāsakathāvasāne kathayissāma.

Suddhantaparivāso samodhānaparivāsoti hi dve parivāsā avasesā. Tattha **suddhantaparivāso** nāma parato adhammikamānattacārāvasāne¹ “tena kho pana samayena aññataro bhikkhu sambahulā saṃghādisesā āpattiyo āpanno hoti, āpattipariyantāṃ na jānāti, rattipariyantāṃ na jānāti”ti imasmiṃ vatthusmiṃ anuññātaparivāso. So duvidho cūlasuddhanto mahāsuddhantoti. Duvidhopi cesa rattiparicchedaṃ sakalaṃ vā ekaccaṃ vā ajānantassa ca assarantassa ca tattha vematikassa ca dātabbo. Āpattipariyantāṃ pana ettakā² ahaṃ āpattiyo āpannoti jānātu vā mā vā, akāraṇametāṃ.

Tattha yo upasampadato paṭṭhāya anulomakkamena vā ārocitadivasato paṭṭhāya paṭilomakkamena vā “asukañca asukañca divasaṃ vā pakkhaṃ vā māsaṃ vā saṃvaccharaṃ vā tava suddhabhāvaṃ jānāsī”ti pucchiyamāno “āma bhante jānāmi, ettakaṃ nāma kālaṃ ahaṃ suddho”ti vadati, tassa dinno suddhantaparivāso **cūlasuddhantoti** vuccati.

Taṃ gahetvā parivasantena yattakaṃ kālaṃ attano suddhiṃ jānāti, tattakaṃ apanetvā avasesaṃ māsaṃ vā dvemāsaṃ vā parivasitabbaṃ. Sace māsamattaṃ asuddhomhīti sallakkhetvā aggahesi, parivasanto ca puna aññāṃ māsaṃ sarati, tampi māsaṃ parivasitabbameva, puna parivāsadānakiccaṃ natthi. Atha dvemāsaṃ asuddhomhīti sallakkhetvā aggahesi, parivasanto ca māsamattamevāhaṃ asuddhomhīti sanniṭṭhānaṃ karoti, māsameva parivasitabbaṃ,

1. Adhammikamānattāvasāne (Sī)

2. Ettikā (Sī)

puna parivāsadānakiccaṃ natthi. Ayaṃ hi suddhantaparivāso nāma uddhampi ārohati, heṭṭhāpi orohati, idamassa lakkhaṇaṃ. Aññasmiṃ pana āpattivuṭṭhāne idaṃ lakkhaṇaṃ, yo appaṭicchannaṃ āpattiṃ paṭicchannāti vinayakammaṃ karoti, tassa āpatti vuṭṭhāti. Yo paṭicchannaṃ appaṭicchannāti vinayakammaṃ karoti, tassa na vuṭṭhāti. Acirapaṭicchannaṃ cirapaṭicchannāti karontassāpi vuṭṭhāti. Cirapaṭicchannaṃ acirapaṭicchannāti karontassa na vuṭṭhāti. Ekaṃ āpattiṃ āpajjitvā sambahulāti karontassāpi vuṭṭhāti, ekaṃ vinā sambahulānaṃ abhāvato. Sambahulā pana āpajjitvā ekaṃ āpajjinti karontassa na vuṭṭhāti.

Yo pana yathāvuttena anulomapaṭilomanayena pucchiyamānopi rattipariyantaṃ na jānāti neva sarati vematiko vā hoti, tassa dinno suddhantaparivāso **mahāsuddhantoti** vuccanti. Taṃ gahetvā gahitadivasato paṭṭhāya yāva upasampadādivaso, tāva rattiyo gaṇetvā parivasitabbaṃ. Ayaṃ uddhaṃ nārohati, heṭṭhā pana orohati. Tasmā sace parivasanto rattiparicchede sanniṭṭhānaṃ karoti “māso vā saṃvaccharo vā mayhaṃ āpannassā”ti, māsaṃ vā saṃvaccharaṃ vā parivasitabbaṃ. Parivāsayaṇānadalakkhaṇaṃ panettha parato Pāḷiyaṃ āgatanayeneva veditabbaṃ. Kammavācāpariyosāne vattasamādānamānatta-abbhānāni vuttanayāneva. Ayaṃ suddhantaparivāso nāma.

Samodhānaparivāso nāma tividho hoti odhānasamodhāno agghasamodhāno missakasamodhānoti. Tattha **odhānasamodhāno** nāma antarāpattiṃ āpajjitvā paṭicchādentassa parivutthadivase odhunitvā makkhetvā purimāya āpattiyā mūladivasaparicchede pacchā āpannaṃ āpattiṃ samodahitvā dātabbaparivāso vuccati. So parato “tena hi bhikkhave saṃgho Udāyim bhikkhuṃ antarā ekissā āpattiyā sañcetanikāya sukkavissaṭṭhiyā pañcāhapaṭicchannāya mūlāya paṭikassitvā purimāya āpattiyā samodhānaparivāsaṃ detū”ti ito paṭṭhāya vitthārato Pāḷiyaṃyeva āgato.

Ayaṃ panettha vinicchayo—yo paṭicchannāya āpattiyā parivāsaṃ gahetvā parivasanto vā mānattāraho vā mānattaṃ caranto vā abbhānāraho vā aññaṃ āpattiṃ āpajjitvā purimāya āpattiyā samā vā ūnatarā vā rattiyo paṭicchādeti, tassa mūlāyapaṭikassanena

te parivutthadivase ca mānattaciṇṇadivase ca sabbe odhunitvā adivase katvā pacchā āpannāpattiṃ mūlāpattiyaṃ samodhāya parivāso dātabbo. Tena sace mūlāpatti pakkhapaṭicchannā, antarāpatti ūnakapakkhapaṭicchannā, puna pakkhameva parivāso parivasitabbo. Athāpi antarāpatti pakkhapaṭicchannāva, pakkhameva parivasitabbaṃ. Etenupāyena yāva saṭṭhivassapaṭicchannā mūlāpatti, tāva vinicchayo veditabbo. Saṭṭhivassāni parivasitvā mānattāraho hutvāpi hi ekadivasaṃ antarāpattiṃ paṭicchādetvā punapi saṭṭhivassāni parivāsāraho hoti.

Sace pana antarāpatti mūlāpattito atirekapaṭicchannā hoti, tattha kim kātabbanti vutte Mahāsumatthero āha “atekiccho ayaṃ puggalo, atekiccho nāma āvikārāpetvā vissajjetabbo”ti. Mahāpadumatthero panāha “kasmā atekiccho nāma, nanu ayaṃ Samuccayakkhandhako nāma Buddhānaṃ ṭhitakālasadiso, āpatti nāma paṭicchannā vā hotu appaṭicchannā vā samaka-ūnatara-atirekapaṭicchannā vā, vinayadharassa kammavācaṃ yojetuṃ samatthabhāvoyevettha pamāṇaṃ, tasmā yā atirekapaṭicchannā hoti, taṃ mūlāpattiṃ katvā tattha itaraṃ samodhāya parivāso dātabbā”ti, ayaṃ odhānasamodhāno nāma.

Agghasamodhāno nāma sambahulāsu āpattisu yā ekā vā dve vā tisso vā sambahulā vā āpattiyo sabbacirapaṭicchannāyo, tāsāṃ agghena samodhāya tāsāṃ rattiparicchadavasena avasesānaṃ ūnatarapaṭicchannānaṃ āpattīnaṃ parivāso diyyati, ayaṃ vuccati agghasamodhāno. Sopi parato “tena kho pana samayena aññataro bhikkhu sambahulā saṃghādisesā āpattiyo āpanno hoti ekā āpatti ekāhapaṭicchannā ekā āpatti dvīhapaṭicchannā”ti-ādinā nayena Pāḷiyaṃ āgatoyeva.

Yassa pana satāṃ āpattiyo dasāhapaṭicchannā, aparampi satāṃ āpattiyo dasāhapaṭicchannāti evaṃ dasakkhattuṃ katvā āpattisahassaṃ divasasatapaṭicchannaṃ hoti, tena kim kātabbanti. Sabbaṃ samodahitvā dasa divase parivasitabbaṃ. Evaṃ ekeneva dasāhena divasasatampi parivasitameva hoti. Vuttampi cetāṃ—

Dasasataṃ rattisataṃ, āpattiyo chādayitvāna.

Dasa rattiyo vasitvāna, mucceyya pārivāsiko¹ ()²ti.

Ayaṃ agghasamodhāno nāma.

Missakasamodhāno nāma yo nānāvattukā āpattiyo ekato katvā diyyati.
Tatrāyaṃ nayo—

“Ahaṃ bhante sambahulā saṃghādisesā āpattiyo āpajjīm ekaṃ
sukkavissaṭṭhiṃ ekaṃ kāyasamsaggaṃ ekaṃ duṭṭhullavācaṃ ekaṃ
attakāmaṃ ekaṃ sañcarittaṃ ekaṃ kuṭikāraṃ ekaṃ vihārakāraṃ ekaṃ
duṭṭhadosaṃ ekaṃ aññabhāgiyaṃ ekaṃ saṃghabhedāraṃ ekaṃ
bhedānuvattakaṃ ekaṃ dubbacaṃ ekaṃ kuladūsakaṃ, sohaṃ bhante
saṃghaṃ tāsāṃ āpattinaṃ samodhānaparivāsaṃ yācāmi”³ti—

Tikkhattuṃ yācāpetvā tadanurūpāya kammavācāya parivāso dātabbo.

Ettha ca saṃghādisesā āpattiyo āpajjīm nānāvattukāyotipi
saṃghādisesā āpattiyo āpajjintipi evaṃ pubbe vuttanayena vatthuvasenapi
gottvasenapi nāmvasenapi āpattivasenapi yojetvā kammavācaṃ kātum
vaṭṭatiyevāti, ayaṃ missakasamodhāno. Sabbaparivāsakammavācāvasāne
pana nikkhittānikkhittavattādikathā purimanayeneva vedītabbāti.

Parivāsakathā niṭṭhitā.

Idāni yaṃ vuttaṃ “pakkhamānattañca samodhānamānattañca
avasesaparivāsakathāvasāne kathayissāmā”³ti, tassokāso sampatto, tasmā
vuccati—**pakkhamānattanti** bhikkhuniyā dātabbamānattaṃ. Taṃ pana
paṭicchannāyapi appaṭicchannāyapi āpattiyā aḍḍhamāsameva dātabbaṃ.
Vuttaṃ hetāṃ “garudhammaṃ ajjhāpannāya bhikkhuniyā ubhatosaṃghe
pakkhamānattaṃ caritabban”³ti. Taṃ pana bhikkhunihi attano sīmaṃ
sodhetvā vihārasīmāya vā, vihārasīmaṃ

1. Vi 5. 369 piṭṭhe.

2. (Pañhā mesā kusalehi cintitā) (sabbattha) Parivārapaḷiyāṃ pana natthi.

3. Vi 4. 444 piṭṭhe.

sodhetum asakkontīhi khaṇḍasīmāya vā sabbantimena paricchedena catuvaggagaṇaṃ sannipātāpetvā dātabbāṃ. Sace ekā āpatti hoti, ekissā vasena, sace dve vā tisso vā sambahulā vā ekavatthukā vā nānāvattukā vā, tāsāṃ tāsāṃ vasena vatthugottanāma-āpattīsu yaṃ yaṃ icchati, taṃ taṃ ādāya yojanā kātābbā.

Tatridaṃ ekāpattivasena mukhamattadassanaṃ, tāya āpannāya bhikkhuniyā bhikkhunisaṃghaṃ upasaṅkamtivā ekaṃsaṃ uttarāsaṅgaṃ karitvā vaḍḍhānaṃ bhikkhunīnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo—“ahaṃ ayye ekaṃ āpattiṃ āpajjīṃ gāmantaraṃ, sāhaṃ ayye ekissā āpattiyā gāmantarāya pakkhamānattaṃ yācāmi”ti.

Evam tikkhattum yācāpetvā byattāya bhikkhuniyā paṭibālāya saṃgho ñāpetabbo—

“Suṇātu me ayye saṃgho, ayaṃ itthannāmā bhikkhunī ekaṃ āpattiṃ āpajji gāmantaraṃ, sā saṃghaṃ ekissā āpattiyā gāmantarāya pakkhamānattaṃ yācati, yadi saṃghassa pattakallaṃ, saṃgho itthannāmāya bhikkhuniyā ekissā-āpattiyāgāmantarāya pakkhamānattaṃ dadeyya, esā ñatti.

Suṇātu me ayye saṃgho -pa-. Dutiyampi. Tatiyampi etamatthaṃ vadāmi. Suṇātu me ayye saṃgho -pa- deti -pa- dinnāṃ saṃghena itthannāmāya bhikkhuniyā ekissā āpattiyā gāmantarāya pakkhamānattaṃ, khamati saṃghassa, tasmā tuṅhī, evametaṃ dhārayāmi”ti.

Kammavācāpariyosāne vattaṃ samādiyitvā bhikkhumānattakathāya vuttanayeneva saṃghassa ārocetvā nikkhattavattaṃ vasitukāmāya tattheva saṃghamajjhe vā pakkantāsu bhikkhunīsu ekabhikkhuniyā vā dutiyikāya vā santike vuttanayeneva nikkhipitabbaṃ. Aññissā pana āgantukāya santike ārocetvā nikkhipitabbaṃ. Nikkhittakālato paṭṭhāya pakatattaṭṭhāne tiṭṭhati. Puna samādiyitvā aruṇaṃ uṭṭhāpentiyā pana bhikkhunīnamyeva santike vasitum na labhati. “Ubhatosaṃghe pakkhamānattaṃ caritabban”ti hi vuttaṃ. Tasmā assā ācariyupajjhāyāhi vihāraṃ gantvā saṅgāhakapakke

ṭhito eko mahāthero vā dhammakathiko vā bhikkhu vattabbo “ekissā bhikkhuniyā vinayakammaṃ kattabbamatthi, tatra no ayyā cattāro bhikkhū pesethā”¹ti. Saṅghaṃ akātuṃ na labbhati, pesessāmīti¹ vattabbaṃ. Catūhi pakatattabhikkhūnihi mānattacārinim bhikkhunim gahetvā anto-aruṇeyeva nikkhamitvā gāmūpacārato dve leḍḍupāte atikkamitvā maggā okkamma gumbavati-ādīhi paṭicchannaṭṭhāne nisīditabbaṃ. Vihārūpacāratopi dve leḍḍupātā atikkamitabbā, catūhi pakatattabhikkhūhipi tattha gantabbaṃ. Gantvā pana bhikkhūnihi saddhim na ekaṭṭhāne nisīditabbaṃ, paṭikkamitvā avidūraṭṭhāne nisīditabbaṃ. Kurundimahāpacarīsu pana “bhikkhūnihipi byattaṃ ekaṃ vā dve vā upāsikāyo, bhikkhūhipi ekaṃ vā dve vā upāsake attarakkhaṇatthāya² gahetvā gantabbaṃ”²ti vuttaṃ. Kurundiyaṃyeva ca “bhikkhunupassayassa ca vihārassa ca upacāraṃ muñcituṃ vaṭṭati”³ti vuttaṃ, gāmassāti na vuttaṃ.

Evam nisinesu pana bhikkhūsu ca bhikkhunīsu ca tāya bhikkhuniyā “mānattaṃ samādiyāmi, vattaṃ samādiyāmi”³ti vattaṃ samādiyitvā bhikkhunisaṃghassa tāva evaṃ ārocetabbaṃ—

“Ahaṃ ayye ekaṃ āpattim āpajjim gāmantaraṃ, sāhaṃ saṃghaṃ ekissā āpattiyā gāmantarāya pakkhamānattaṃ yācim, tassa me saṃgho ekissā āpattiyā gāmantarāya pakkhamānattaṃ adāsi, sāhaṃ pakkhamānattaṃ carāmi, vedayāmahaṃ ayye, vedayatīti maṃ saṃgho dhāretū”³ti.

Tato bhikkhusaṃghassa santikaṃ gantvā evaṃ ārocetabbaṃ “ahaṃ ayyā ekaṃ āpattim āpajjim -pa- vedayāmahaṃ ayyā, vedayatīti maṃ saṃgho dhāretū”³ti. Idhāpi yāya kāyaci bhāsāya³ ārocetuṃ vaṭṭati.

Ārocetvā ca bhikkhunisaṃghasseva santike nisīditabbaṃ, ārocitakālato paṭṭhāya bhikkhūnaṃ gantuṃ vaṭṭati. Sace sāsaṅkaṃ hoti, bhikkhuniyo tattheva ṭhānaṃ paccāsanti, ṭhātabbaṃ. Sace añño bhikkhu vā

1. Peseyyāmāti (Sī)

2. Ārakkhatthāya (Sī)

3. Vācāya (Ka)

bhikkhunī vā taṃ ṭhānaṃ eti, passantiyā ārocetabbaṃ. No ce āroceti, ratticchedo ceva vattabhedadukkaṭaṇca. Sace ajānantiyā eva upacāraṃ okkamitvā gacchati, ratticchedova hoti, na vattabhedadukkaṭaṃ. Sace bhikkhuniyo upajjhāyādīnaṃ vattakaraṇatthaṃ pageva gantukāmā honti, rattivippavāsagaṇa-ohīyanagāmantarāpattirakkhaṇatthaṃ ekaṃ bhikkhuniṃ ṭhapetvā gantabbaṃ. Tāya aruṇe uṭṭhite tassā santike vattaṃ nikkhipitabbaṃ. Etenupāyena akhaṇḍā pañcadasa rattiyo mānattaṃ caritabbaṃ.

Anikkhittavattāya pana Pārivāsikakkhandhake vuttanayeneva sammāvattitabbaṃ. Ayaṃ pana vireso, “āgantukassa ārocetabbaṃ”ti ettha yattakā purebhattaṃ vā pacchābhattaṃ vā taṃ gāmaṃ bhikkhū vā bhikkhuniyo vā āgacchanti, sabbesaṃ ārocetabbaṃ. Anārocentiyā ratticchedo ca vattabhedadukkaṭaṇca. Sacepi rattiṃ koci bhikkhu taṃ gāmupacāraṃ okkamitvā gacchati, ratticchedo hotiyeva, ajānanapaccayā pana vattabhedato muccati. Kurundi-ādīsu pana anikkhittavattabhikkhūnaṃ vuttanayeneva kathetabbanti vuttaṃ. Taṃ pārivāsikavattādīnaṃ upacārasīmāya paricchinnatā yuttataraṃ dissati. Uposathe ārocetabbaṃ, pavāraṇāya ārocetabbaṃ. Catunnaṃ bhikkhūnaṇca bhikkhunīnaṇca devasikaṃ ārocetabbaṃ. Sace bhikkhūnaṃ tasmīṃ gāme bhikkhācāro sampajjati, tattheva gantabbaṃ. No ce sampajjati, aññatra caritvāpi tatra āgantvā attānaṃ dassetvā gantabbaṃ. Bahigāme vā saṅketaṭṭhānaṃ kātābbaṃ “asukasmīṃ nāma ṭhāne amhe passissasī”ti¹. Tāya saṅketaṭṭhānaṃ gantvā ārocetabbaṃ. Saṅketaṭṭhāne adisvā vihāraṃ gantvā ārocetabbaṃ. Vihāre sabbabhikkhūnaṃ ārocetabbaṃ. Sace sabbesaṃ sakkā na hoti ārocetuṃ, bahi-upacārasīmāya ṭhatvā bhikkhuniyo pesetabbā, tāhi ānītānaṃ catunnaṃ bhikkhūnaṃ ārocetabbaṃ. Sace vihāro dūro hoti sāsaṅko, upāsake ca upāsikāyo ca gahetvā gantabbaṃ. Sace pana ayaṃ ekā vasati, rattivippavāsaṃ āpajjati, tasmāssā ekā pakatattā bhikkhunī sammannitvā dātābbā ekacchāne vasanattāya.

Evam akhaṇḍaṃ mānattaṃ caritvā vīsatiḅaṇe bhikkhunīsamḅhe vuttanayeneva abbhānaṃ kātābbaṃ. Sace mānattaṃ caramānā antarāpattim āpajjati, mūlāya

1. Passissantīti (Sī)

paṭikassivā tassā āpattiyā mānattaṃ dātabbanti Kurundiyaṃ vuttaṃ. Idaṃ pakkhamānattaṃ nāma.

Samodhānamānattaṃ pana tividham hoti odhānasamodhānaṃ agghasamodhānaṃ missakasamodhānanti. Tattha yadetaṃ parato Udāyittherassa pañcāhapaṭicchannāya āpattiyā parivāsaṃ parivasantassa parivāse ca mānattārahaṭṭhāne ca antarāpattiṃ āpajjitvā mūlāyapaṭikassitassa “tena hi bhikkhave saṃgho Udāyissa bhikkhuno tissannaṃ āpattīnaṃ chārattaṃ mānattaṃ detū”ti mānattaṃ anuññātaṃ, idaṃ **odhānasamodhānaṃ** nāma. Idaṃ hi punappunaṃ mūlāyapaṭikassanena parivutthadivase odhunitvā purimāpattihi saddhiṃ samodhāya dinnāṃ, tasmā odhānasamonanti vuccati. Kurundiyaṃ pana “samodhānaparivāsaṃ vutthassa dātabbaṃ mānattaṃ samodhānamānattaṃ”ti vuttaṃ. Tampi tena pariyāyena yujjati.

Agghasamodhānaṃ nama **missakasamodhānañca** agghasamodhānamissakasamodhānaparivāsāvasāne dātabbamānattameva vuccati. Taṃ parivāsakammavācānusāreṇa yojetvā dātabbaṃ. Ettāvatā yaṃ vuttaṃ—“tena hi bhikkhave saṃgho Udāyissa bhikkhuno ekissā āpattiyā sañcetanikāya sukkavissaṭṭhiyā ekāhapaṭicchannāya ekāhāparivāsaṃ detūti-ādinā nayena Pāliyaṃ anekehi ākārehi parivāso ca mānattañca vuttaṃ, tassa yasmā āgatāgataṭṭhāne vinicchayo vuccamāno Pāli viya ativitthāraṃ āpajjati, na ca sakkā hoti sukkena pariggahetuṃ, tasmā naṃ samodhānetvā idheva dassessāmā”ti, tadidaṃ atthato sampāditāṃ hoti.

Paṭicchannaparivāsakathā

102. Idāni yā tāva ayaṃ paṭicchannāya¹ ekissā āpattiyā vasena Pāli vuttā, sā uttānatthāva.

108. Tato paraṃ dvīhatihacatūhapañcāhapaṭicchannānaṃ vasena Pāliṃ vatvā pañcāhapaṭicchannāya parivāsato paṭṭhāya antarāpatti dassitā. Yasmā pana taṃ āpattiṃ āpanno mūlāyapaṭikassanāraho nāma hoti,

1. Appaṭicchannāya (Syā, Ka)

tasmāssa tattha mūlāyapaṭikassanaṃ anuññātaṃ. Sace pana nikkhittavatto āpajjati, mūlāyapaṭikassanāraho na hoti. Kasmā? Yasmā na so parivasanto āpanno, pakatattaṭṭhāne ṭhito āpanno, tasmā tassā āpattiyā visuṃ mānattaṃ caritabbaṃ. Sace paṭicchannā hoti, parivāsopi vasitabbo. Yañcetaṃ mūlāyapaṭikassanaṃ vuttaṃ, tasmimpi kate parivutthadivasā makkhitā honti. Iti parivāse antarāpattiṃ dassetvā puna mānattārahassa antarāpattiṃ dassetvā mūlāyapaṭikassanaṃ vuttaṃ, tasmimpi kate parivutthadivasā makkhitāva honti. Tato parivutthaparivāsassa tāsāṃ tissannampi āpattīnaṃ samodhānamānattaṃ dassitaṃ. Tato mānattacārikassa antarāpattiṃ dassetvā mūlāyapaṭikassanaṃ vuttaṃ, tasmimīṃ pana paṭikassane kate mānattaciṇṇadivasāpi parivutthadivasāpi makkhitāva honti. Tato abbhānārahassa antarāpattiṃ dassetvā mūlāyapaṭikassanaṃ vuttaṃ. Tasmimpi kate sabbe te makkhitāva honti. Tato paraṃ sabbā antarāpattiyō yojetvā abbhānakammaṃ dassetaṃ. Evaṃ paṭicchannavāre ekāhapaṭicchannādivasena pañca, antarāpattivasena catassoti nava kammavācā dassitā honti.

Samodhānaparivāsakathā

125. Tato paraṃ pakkhapaṭicchannāya āpattiyā antoparivāsato paṭṭhāya pañcāhapaṭicchannāya antarāpattiyā vasena samodhānaparivāso ca samodhānamānattaṃca dassitaṃ. Ettha ca mānattacārikamānattārahakālepi āpannāya āpattiyā mūlāyapaṭikassane kate mānattaciṇṇadivasāpi parivāsaparivutthadivasāpi sabbe makkhitāva honti. Kasmā? Yasmā paṭicchannā antarāpatti. Teneva vuttaṃ “mūlāya paṭikassitvā purimāya āpattiyā samodhānaparivāsāṃ datvā chārattaṃ mānattaṃ detū”ti. Tato paraṃ sabbā antarāpattiyō yojetvā abbhānakammaṃ dassetvā sukkavissaṭṭhivatthu niṭṭhāpitaṃ.

Agghasamodhānaparivāsakathā

134. Tato ekāpattimūlakaṅca āpattivaḍḍhanakaṅcāti dve naye dassetvā agghasamodhānaparivāso dassito.

Tato sañcicca anārocitāpattivatthum dassetvā sañcicca ajānana-assaraṇavematikabhāvehi anārocitāya āpattiyā pacchā lajjidhamme vā nāṇasaraṇanibbematikabhāvesu vā uppannesu yaṃ kātabbam, taṃ dassetuṃ “idha pana bhikkhave”ti-ādinā nayena Pāli ṭhapitā. Tato ajānana-assaraṇavematikapaṭicchannānam appaṭicchannabhāvaṃ dassetuṃ tatheva Pāli ṭhapitā.

Dvemāsaparivāsakathā

138. Tato dvinnam āpattīnam dvemāsapaṭicchannānam ekamāsaparivāsayaṇavattum dassetvā asañcicca ajānana-assaraṇavematikabhāvehi anārocite itarasmiṃ māse pacchā lajjidhammādīsu uppannesu yaṃ kātabbam, taṃ dassetuṃ ajānana-assaraṇavematikapaṭicchannassa ca āpannabhāvaṃ dassetuṃ purimanayeneva Pāli ṭhapitā.

Suddhantaparivāsādīkathā

156. Tato “āpattipariyantam na jānāti, rattipariyantam na jānāti”ti-ādinā nayena suddhantaparivāso dassito.

160. Tato param pārivāsikam ādim katvā vibbhamitvā puna-upasampannādīsu paṭipattidassanattham Pāli ṭhapitā.

165. Tattha **antarā sambahulā āpattiyo āpajjati parimāṇā appaṭicchannāyoti**-ādīsu āpattiparicchedavasena parimāṇāyo ceva appaṭicchannāyo cāti attho.

166. **Pacchimasmiṃ āpattikkhandheti** ekova so āpattikkhandho, pacchā chāditattā pana “pacchimasmiṃ āpattikkhandhe”ti vuttam. **Purimasminti** etthāpi eseva nayo.

180. **Vavatthitā sambhinnāti** sabhāgavisabhāgānamevetam pariyāyavacanam.

Dvebhikkhuvāra-ekādasakādikathā

181. Tato param̃ yo paṭicchādeti, tasmim̃ paṭipattidassanattam̃ **dve bhikkhūti-**ādi vuttam̃. Tattha **missakanti** thullaccayādīhi missakam̃. **Suddhakanti** saṃghādisesam̃ vinā lahukāpattikkhandhameva.

184. Tato param̃ avisuddhavisuddhabhāvadassanattam̃ **idha pana bhikkhave bhikkhu sambahulā saṃghādisesāti-**ādi vuttam̃. Tattha byañjanato vā adhippāyato vā anuttānam̃ nāma kiñci natthi, tasmā tañca ito pubbe avuttañca sabbam̃ Pāḷi-anusāreneva veditabbanti.

Samuccayakkhandhakavaṇṇanā niṭṭhitā.

4. Samathakkhandhaka

Sammukhāvinayakathā

186-187. Samathakkhandhake “adhammavādī puggalo”ti-ādīni cha mātikāpadāni nikkhipitvā “adhammavādī puggalo dhammavādīm puggalaṃ saññāpetī”ti-ādīnā nayena vitthāro vutto. Tattha **saññāpetī**ti kāraṇapatirūpakāni vatvā paritosevā jānāpeti. **Nijjhāpetī**ti yathā so taṃ¹ atthaṃ nijjhāyati oloketi, evaṃ karoti. **Pekkhati anupekkhatī**ti yathā so taṃ atthaṃ pekkhati ceva punappunañca pekkhati, evaṃ karoti. **Dasseti anudassetī**ti tesaññeva pariyāyavacanāni. **Adhammena vūpasammatī**ti yasmā so adhammeva “ayaṃ dhammo”ti-ādīnā nayena mohetvā dasseti, tasmā adhammena vūpasammati nāma.

188. **Dhammena vūpasammatī**ti yasmā dhammavādī dhammeva “ayaṃ dhammo”ti-ādīnā nayena amohetvā dasseti, tasmā dhammena vūpasammati nāma.

Sativinayakathā

195. **Pañcimāni bhikkhave dhammikāni sativinayassa dānānī**ti ettha suddhassa anāpattikassa dānaṃ ekaṃ, anuvaditassa dānaṃ ekaṃ, yācitassa dānaṃ ekaṃ, saṃghena dānaṃ ekaṃ, dhammena samaggadānaṃ ekanti evaṃ pañca. Etāni pana ekeka-aṅgavasena na labbhanti, tasmā desanāmetamevetam, pañcaṅgasamannāgataṃ pana sativinayadānaṃ dhammikanti ayamettha attho. Tattha ca **anuvadantī**ti codenti. Sesam uttānameva. Ayaṃ pana sativinayo khīṇāsavasseva dātabbo, na aññassa antamaso anāgāminopi. So ca kho aññena codiyamānasseva, na acodiyamānassa. Dinne ca pana tasmim codakassa kathā na ruhati. Codentopi “ayaṃ khīṇāsavo sativinayaladdho², ko tuyhaṃ kathaṃ gahessatī”ti apasādetabbataṃ āpajjati.

1. Yathāyogaṃ (Sī)

2. Sativinayaṃ laddho (Sī, Ka)

Amūlḥavinayakathā

196. **Bhāsitaparikkantanti**¹ vācāya bhāsitaṃ kāyena parikkantaṃ², parikkamitvā³ katanti attho. **Saratāyasmā evarūpim āpattim āpajjitāti** ettha saratu āyasmā evarūpim āpattim āpajjitā, āyasmā evarūpiyā āpattiyāti ayamattho. **Āpajjitvāti vā pātho**, tassattho—paṭhamam āpajjitvā pacchā taṃ āpattim saratu⁴ āyasmāti.

Yebhuyyasikākathā

202. **Yebhuyyasikāya vūpasametunti** ettha yassā kiriyāya dhammavādino bahutarā, esā yebhuyyasikā nāma.

204. Adhammikasalākaggāhesu **oramattakanti** parittaṃ appamattakaṃ bhaṇḍanamattameva. **Na ca gatigatanti** dve tayo āvāse na gataṃ, tattha tattheva vā dvattikkhattuṃ avinicchitaṃ. **Na ca saritasāritanti** dvattikkhattuṃ tehi bhikkhūhi sayam saritaṃ vā aññehi sāritaṃ vā na hoti. **Jānātīti** salākaṃ gāhento jānāti “adhammavādī bahutarā”ti. **Appeva nāmāti** iminā nīhārena salākāya gāhiyamānāya “api nāma adhammavādino bahutarā assū”ti ayamassa ajjhāsayo hoti. Aparesupi dvīsu e seva nayo.

Adhammena gaṇhantīti adhammavādino “evaṃ mayaṃ bahū bhavissāmā”ti dve dve salākāyo gaṇhanti. **Vaggā gaṇhantīti** dve dhammavādino ekaṃ dhammavādisalākaṃ gaṇhanti “evaṃ dhammavādino na bahū bhavissanti”ti maññamānā. **Na ca yathādiṭṭhiyā gaṇhantīti** dhammavādino hutvā “balavapakkaṃ bhajissāmā”ti adhammavādisalākaṃ gaṇhanti. Dhammikasalākaggāhesu ayamevattho parivattetvā veditabbo. Evaṃ salākaṃ gāhetvā sace bahutarā dhammavādino honti, yathā te vadanti, evaṃ taṃ adhikaraṇam vūpasametabbaṃ, evaṃ yebhuyyasikāya vūpasantaṃ hoti. Ayamettha saṅkhepo. Vitthāro pana paratopi āgamissati.

1. Bhāsitaparikkantanti (Sī, Syā)

3. Parakkamitvā (Syā), parikkametvā (Ka)

2. Parikantaṃ (Sī, Syā)

4. Sarati (Sī)

Tassapāpiyasikākathā

207. **Asucīti** asucīhi kāyavacīkammehi samannāgato. **Alajjīti** sañcicca āpajjanādinā allajjilakkhaṇena samannāgato. **Sānuvādoti** sa-upavādo. Iti imesañca tiṇṇaṃ aṅgānaṃ vasena tīṇi karaṇāni, saṅghena karaṇaṃ, dhammena samaggena karaṇanti imāni ca dveti pañca tassapāpiyasikākammassa karaṇāni nāma honti. Sesamettha tajjanīyādīsu vuttanayameva. Ayaṃ panettha vacanattho—idaṃ hi yo pāpussannatāya pāpiyo puggalo, tassa kattabbato tassapāpiyasikākammanti vuccati.

Tiṇavatthāarakādikathā

212. **Kakkhaḷattāya vāḷattāyāti** kakkhaḷabhāvāya ceva vāḷabhāvāya ca. **Bhedāyāti** saṅghabhedāya. **Sabbeheva ekajjhanti** kassaci chandaṃ anāharitvā gilānēpi tattheva ānetvā ekato sannipatitabbaṃ. **Tiṇavatthāarakena vūpasameyyāti** ettha idaṃ kammaṃ tiṇavatthāarakasadisattā tiṇavatthāarakoti vuttaṃ. Yathā hi gūthaṃ vā muttaṃ vā ghaṭṭiyamānaṃ duggandhatāya bādhati, tiṇehi avattharivā suppaṭicchādītassa panassa so gandho na bādhati, evameva yaṃ adhikaraṇaṃ mūlānumūlaṃ gantvā vūpasamiyamānaṃ kakkhaḷattāya vāḷattāya bhedāya samvattati, taṃ iminā kammaṃ vūpasantaṃ gūthaṃ viya tiṇavatthāarakena paṭicchannaṃ suvūpasantaṃ hotīti idaṃ kammaṃ tiṇavatthāarakasadisattā tiṇavatthāarakoti vuttaṃ.

213. **Thullavajjanti** pārājikañceva saṅghādisesañca. **Ghipaṭisaṃyuttanti** gihīnaṃ hīnena khusānavambhanadhammikapaṭissavesu āpannaṃ āpattim.

214. **Evañca pana bhikkhave te bhikkhū tāhi āpattīhi vuṭṭhitā hontīti** evaṃ tiṇavatthāarakakammavācāya katāya kammavācāpariyosāne yattakā tattha sannipatitā, antamaso suttāpi samāpannāpi aññavihitāpi sabbe te bhikkhū yāva upasampadamāṇḍalato paṭṭhāya thullavajjañca ghipaṭisaṃyuttañca ṭhapetvā avasesā āpattiyo āpannā, sabbāhi tāhi āpattīhi vuṭṭhitā honti. ()¹ Ye pana

1. (Ditṭhāvīkammanti) (Syā, Ka)

“na metaṃ khamatī”ti aññamaññaṃ diṭṭhāvikkammaṃ karonti, tehi vā saddhiṃ āpattim āpajjitvāpi tattha anāgatā, āgantvā vā chandaṃ datvā pariveṇādisu nisinnā, te āpattīhi na vuṭṭhahanti. Tena vuttam “ṭhapetvā diṭṭhāvikkammaṃ ṭhapetvā ye na tattha hontī”ti.

Adhikaraṇakathā

215. **Bhikkhunīnaṃ anupakhajjāti** bhikkhunīnaṃ anto pavisitvā. Vivādādhikaraṇādīnaṃ vacanattho duṭṭhadosaṅgaṇanāyaṃ vuttoyeva. **Vipaccatāya vohāroti** cittadukkhatthaṃ vohāro, pharusavacananti attho, **yo tattha anuvādoti** yo tesu anuvadantesu upavādo. **Anuvadanaṭi** ākāranidassanametam, upavadanaṭi attho. **Anullapanā anubhaṇanāṭi** ubhayaṃ anuvadanaṭi upavacanamatteva. **Anusampavaṅkatāṭi** punappunaṃ kāyacittavācāhi tattheva sampavaṅkatā, anuvadanaṭi attho. **Abbhussahanaṭi** kasmā evaṃ na upavadissāmi, upavadissāmiyevāti ussāhaṃ katvā anuvadanaṭi. **Anubalappadānanti** purimavacanassa kāraṇaṃ dassetvā pacchimavacanena balappadānaṃ.

Kiccayatā karaṇiyatāṭi ettha kiccameva kiccayaṃ, kiccayassa bhāvo kiccayatā. Karaṇiyassa bhāvo karaṇiyatā, ubhayampetaṃ saṃghakammasseva adhivacanaṃ. **Apalokanakammanti**-ādi pana tasseeva pabhedavacanaṃ. Tattha **apalokanakammaṃ** nāma sīmaṭṭhakasaṃghaṃ sodhetvā chandārahānaṃ chandaṃ āharitvā samaggassa saṃghassa anumatiyā tikkhattuṃ sāvetvā kattabbakammaṃ. **Ñattikammaṃ** nāma vuttanayeneva samaggassa saṃghassa anumatiyā ekāya ñattiyā kattabbakammaṃ. **Ñattidutiyakammaṃ** nāma vuttanayeneva samaggassa saṃghassa anumatiyā ekāya ñattiyā ekāya ca anussāvanāyāti evaṃ ñattidutiyāya anussāvanāya kattabbakammaṃ. **Ñatticatutthakammaṃ** nāma vuttanayeneva samaggassa saṃghassa anumatiyā ekāya ñattiyā tīhi ca anussāvanāhīti evaṃ ñatticatutthāhi tīhi anussāvanāhi kattabbakammaṃ.

Tattha apalokanakammaṃ apaloketvāva kātabbaṃ, ñattikammādivasena na kātabbaṃ. Ñattikammampi ekaṃ ñattim ṭhapetvāva kātabbaṃ, apalokanakammādivasena na kātabbaṃ. Ñattidutiyakammaṃ pana apaloketvā kattabbampi atthi, akattabbampi atthi. Tattha sīmāsammuti sīmāsamūhananaṃ kathinadānaṃ

kathinubbhāro kuṭivattihudesanā vihāravattihudesanāti imāni cha kammāni garukāni, apaloketvā kātuṃ na vaṭṭanti, ñattidutiyakammavācam sāvetaṃ vāva kātābbāni. Avasesā terasa sammutiyo senāsanaggāhakamatakacīvaradānādisammutiyo cāti evarūpāni lahukakammāni apaloketvāpi kātuṃ vaṭṭanti, ñattikammañatticatutthakammavasena pana na kātābbameva. Ñatticatutthakammaṃ ñattiñca tisso ca kammavācāyo sāvetaṃ vāva kātābbam, apalokanakammādivasena na kātābbanti ayamettha saṅkhepo.

Vitthārato pana imāni cattāri kammāni “katiḥākārehi vipajjantī”ti-ādinaṃ nayena parivārāvasāne kammavagge etesaṃ vinicchayo āgatoyeva. Yaṃ pana tattha anuttānaṃ, taṃ kammavaggeyeva vaṇṇayissāma. Evaṃ hi sati na aṭṭhāne vaṇṇanā bhavissati, ādito paṭṭhāya ca tassa tassa kamma viññātattā suviññeyyo bhavissati.

216. **Vivādādhikaraṇassa kiṃ mūlanti-ādīni** Pāḷivaseneva veditābbāni.

220. **Vivādādhikaraṇaṃ siyā kusalanti-ādīsu** yena vivadanti, so cittuppādo vivādo, samathehi ca adhikaraṇīyatāya adhikaraṇanti evamādinā nayena attho daṭṭhabbo.

222. **Āpattādhikaraṇaṃ siyā akusalaṃ, siyā abyākataṃ, natthi āpattādhikaraṇaṃ kusalanti** ettha sandhāyabhāsitasena attho veditabbo. Yasmim hi pathavikhaṇanādike āpattādhikaraṇe kusalacittaṃ aṅgaṃ hoti, tasmim sati na sakkā vattum “natthi āpattādhikaraṇaṃ kusalan”ti, tasmā nayidaṃ aṅgappahonakacittaṃ sandhāya vuttaṃ. Idaṃ pana sandhāya vuttaṃ—yaṃ tāva āpattādhikaraṇaṃ lokavajjaṃ, taṃ ekantato akusalameva, tattha “siyā akusalan”ti vikappo natthi. Yaṃ pana paṇṇattivajjaṃ, taṃ yasmā sañcicca “imaṃ āpattiṃ vītikkamāmī”ti vītikkamantasseva akusalaṃ hoti, asañcicca pana kiñci ajānantassa sahaseyyādivasena āpajjato¹ abyākataṃ hoti, tasmā tattha sañciccāsañciccavasena imaṃ

1. Āpajjanato (Sabbattha)

vikappabhāvaṃ sandhāya idaṃ vuttaṃ “āpattādhikaraṇaṃ siyā akusalaṃ, siyā abyākataṃ, natthi āpattādhikaraṇaṃ kusalan”ti.

Sace pana “yaṃ kusalacitto āpajjati, idaṃ vuccati āpattādhikaraṇaṃ kusalan”ti vadeyya, acittakānaṃ pana eḷakalomapadasodhammādisamuṭṭhānānampi kusalacittaṃ¹ āpajjeyya, na ca tattha vijjamānampi kusalacittaṃ āpattiyā aṅgaṃ. Kāyavacīviññattivaseṇa pana calitappavattānaṃ kāyavācānaṃ aññatameva aṅgaṃ, tañca rūpakkhandhapariyāpannattā abyākatanti.

Yaṃ jānantoti-ādīmihi pana ayamatto—yaṃ cittaṃ āpattiyā aṅgaṃ hoti, tena vatthuṃ jānanto “idaṃ vītikkamāmī”ti vītikkamākāreṇa saddhim jānanto sañjānanto vītikkamacetanāvasena cetetvā pakappetvā upakkamavasena maddanto abhivitaritvā nirāsaṅkacittaṃ pesetvā yaṃ āpattādhikaraṇaṃ vītikkamaṃ² āpajjati, tassa evaṃ vītikkamato yo vītikkamo, idaṃ vuccati “āpattādhikaraṇaṃ akusalan”ti.

Abyākatavārepi yaṃ cittaṃ āpattiyā aṅgaṃ hoti, tassa abhāvena ajānanto vītikkamākāreṇa ca saddhim ajānanto asañjānanto āpatti-aṅgabhūtāya vītikkamacetanāya abhāvena acetetvā sañcicca maddanassa abhāvena anabhivitaritvā nirāsaṅkacittaṃ apesetvā yaṃ āpattādhikaraṇaṃ vītikkamaṃ āpajjati, tassa evaṃ vītikkamato yo vītikkamo, idaṃ vuccati “āpattādhikaraṇaṃ abyākatan”ti.

224. **Ayaṃ vivādo no adhikaraṇanti-**ādīsu samathehi adhikaraṇīyatāya abhāvato no adhikaraṇanti evamattho vedītabbo.

Adhikaraṇavūpasamanasamathakathā

228. **Yāvaticā ca bhikkhū kammappattāti** ettha catuvaggakaraṇe kamme cattāro, pañcavaggakaraṇe pañca, dasavaggakaraṇe dasa, vīsativaggakaraṇe vīsati bhikkhū kammappattāti vedītabbā.

1. Kusallattam (Sī)

2. Vītikkamati (Sī, Syā)

230. **Supariggahitanti** suṭṭhu pariggahitaṃ katvā sampaṭicchitabbaṃ. Sampatīcchitvā ca pana “ajja bhaṇḍakaṃ dhovāma, ajja pattaraṃ pacāma, ajjeko palibodho atthi”ti mānaniggahatthāya katipāhaṃ atikkāmetabbaṃ.

231. **Anantāni ceva bhassāni jāyantīti** aparimāṇāni ito cito ca vacanāni uppajjanti. Bhāsānītipi pāṭho, ayamevattho. **Ubbāhikāya sammannitabboti** apaloketvā vā sammannitabbo parato vuttāya ñattidutiyāya vā kammavācāya. Evaṃ sammatehi pana bhikkhūhi visum vā nisīditvā, tassāyeva vā parisāya “aññehi asammatehi na kiñci kathetabbaṃ”ti sāpetvā taṃ adhikaraṇaṃ vinicchitabbaṃ.

233. **Tatrāssāti** tassaṃ parisati bhaveyya. **Neva suttaṃ āgatanti** na mātikā āgatā. **No suttavibhaṅgoti** vinayopi na paṇo. **Byañjanacchāyāya atthaṃ paṭibāhatīti** byañjanamattameva gahetvā atthaṃ paṭisedheti. Jātarūparajatakhattavattthupaṭiggahaṇādisu vinayadharehi bhikkhūhi āpattiyā kāriyamāne disvā “kiṃ ime āpattiyā kāretha, nanu jātarūparajatapaṭiggahaṇā paṭivirato hotīti evaṃ sutte paṭiviratimattameva vuttaṃ, natthi ettha āpatti”ti vadati. Aparo dhammakathiko suttassa āgatattā olambetvā nivāsentānaṃ āpattiyā āropiyamānāya “kiṃ imesaṃ āpattiṃ ropetha, nanu parimaṇḍalaṃ nivāsessāmīti sikkhā karaṇiyāti evaṃ sikkhākaraṇamattamevettha vuttaṃ, natthi ettha āpatti”ti vadati.

234. **Yathā bahutarā bhikkhūti** ettha ekenapi adhikā bahutarāva, ko pana vādo dvīhi tīhīti.

Tividhasalākaggāhakathā

235. **Saññattiyāti** saññāpanatthāya. **Gūḷhakanti**-ādīsu alajjussannāya parisāya gūḷhako salākaggāho kātabbo, lajjussannāya parisāya vivaṭako, bālussannāya sakaṇṇajappako. **Vaṇṇāvāṇṇāyo katvāti** dhammavādīnaṃ adhammavādīnaṃ salākāyo nimittasaññaṃ āropetvā aññaṃaññaṃ visabhāgā kātabbā, tato tā sabbāpi

cīvarabhoge katvā vuttanayena gāhetabbā. **Duggahoti paccukkaḍḍhitabbanti** “duggahitā salākāyo”ti vatvā puna gahetvā yāvatatiyaṃ gāhetabbā.

Suggahoti sāvetabbanti ekasmimpi dhammavādimhi atirekajāte “suggahitā salākāyo”ti sāvetabbaṃ. Yathā ca te dhammavādino vadanti, tathā taṃ adhikaraṇaṃ vūpasametabbanti. Atha yāvatatiyampi adhammavādinova bahutarā honti, “ajja akālo, sve jānissāmā”ti vuṭṭhahitvā alajjīnaṃ pakkhabhedatthāya dhammavāḍipakkhaṃ pariyesitvā punadvase salākaggāho kātabbo, ayaṃ gulhako salākaggāho.

Sakaṇṇajappake pana **gahite vattabboti** ettha sace saṃghatthero adhammavāḍisalākāṃ gaṇhāti, so evaṃ avabodhetabbo “bhante tumhe mahallakā vayo-anuppattā, tumhākaṃ etaṃ na yuttaṃ, ayaṃ pana dhammavāḍisalākā”ti assa itarā salākā dassetabbā. Sace so taṃ gaṇhāti, dātabbā. Atha neva avabujjhati, tato “mā kassaci ārocchī”ti vattabbo. Sesāṃ vuttanayameva. Vivaṭako¹ vivaṭatthoyeva.

Tassapāpiyasikāvinayakathā

238. **Pārājikasāmantāṃ vāti** ettha methunadhamme pārājikasāmantāṃ nāma dukkaṭaṃ hoti, adinnādānādīsu thullaccayaṃ. **Nibbeṭhenti** na sarāmīti vacanena nibbeṭhayamānaṃ. **Ativeṭheti**ti inghāyasmāti-ādivacanehi ativeṭhiyati. **Sarāmi kho ahaṃ āvusoti** pārājikapāṭicchādanatthāya evaṃ paṭijānāti. Puna tena ativeṭhiyamāno “sarāmi kho”ti paṭiññaṃ datvā “idāni maṃ nāsessantī”ti bhayena **davāya meti**-ādimāha. Etassa tassapāpiyasikākammaṃ kātappaṃ. Sace sīlavā bhavissati, vattaṃ paripūretvā paṭippassaddhiṃ labhati. No ce, tathā nāsitakova bhavissati. Sesāṃ sabbattha uttānatthamevāti.

Samathakkhandhakavaṇṇanā niṭṭhitā.

1. Vivaṭake (Syā, Ka)

5. Khuddakavatthukkhandhaka

Khuddakavatthukathā

243. Khuddakavatthukkhandhake **mallamuṭṭhikā**ti muṭṭhikamallā. **Gāmamuddavā**ti¹ chavirāgamaṇḍanānuyuttā nāgarikamanussā. Gāmamoddavātipi² paṭho, esevattho. **Thambheti** nhānatitthe nikhaṇitvā ṭhapitatthambhe.

Kuṭṭeti iṭṭhakāsilādārukuṭṭānaṃ aññatarasmim. **Aṭṭāne nhāyantī**ti ettha aṭṭānaṃ³ nāma rukkhaṃ phalakaṃ⁴ viya tacchetvā aṭṭhapadākārena rājiyo chinditvā nhānatitthe nikhaṇanti, tattha cuṇṇāni ākiritvā manussā kāyaṃ ghaṃsanti. **Gandhabbahatthakenā**ti nhānatitthe ṭhapitena dārumayahatthena, tena kira cuṇṇāni gahetvā manussā sarīraṃ ghaṃsanti. **Kuruvindakasuttiyā**ti kuruvindakapāsānacūṇṇāni lākhāya bandhitvā kataguḷikakalāpako vuccati, taṃ ubhosu antesu gahetvā sarīraṃ ghaṃsanti. **Viggayha parikkammaṃ kārapenti**ti aññamaññaṃ sarīrena sarīraṃ ghaṃsanti. **Mallakaṃ** nāma makaradantake chinditvā mallakamūlasaṅṭhānena kataṃ mallakanti vuccati. Idaṃ gilānassāpi na vaṭṭati.

244. **Akatamallakaṃ** nāma dante acchinditvā kataṃ, idaṃ agilānasseva na vaṭṭati, iṭṭhakākhaṇḍaṃ pana kapālakhaṇḍaṃ vā vaṭṭati. **Ukkāsikanti** vatthavaṭṭiṃ. Tasmā nhāyantassa yassa kassaci nhānasāṭakavaṭṭiyā piṭṭhiṃ ghaṃsitum vaṭṭati. **Puthupāṇikanti** hatthaparikkammaṃ vuccati. Tasmā sabbesaṃ hatthena piṭṭhiparikkammaṃ kātum vaṭṭati.

245. **Vallikā**ti kaṇṇato nikkhantamuttolambakādīnaṃ etaṃ adhivacanaṃ. Na kevalaṅca vallikā eva, yaṃkiñci kaṇṇapiḷandhanaṃ antamaso tālapaṇṇampi na vaṭṭati. **Pāmaṅganti** yaṃkiñci Palambakasuttaṃ. **Kaṇṭhasuttakanti** yaṃkiñci gīvūpaga-ābharaṇaṃ. **Kaṭisuttakanti** yaṃkiñci kaṭipiḷandhanaṃ antamaso suttatantumattampi. **Ovaṭṭikanti** valayaṃ. **Kāyūrādīni**⁵ pākaṭāneva. (Akkhakānaṃ heṭṭhā bāhābharaṇaṃ)⁶ yaṃkiñci ābharaṇaṃ na vaṭṭati.

1. Gāmupaddavāti (Sī), gāmapūdavāti (Syā)

2. Gāmapoddavātipi (Sī), gāmaposakātipi (Syā)

4. Rukkhalphalakaṃ (Ka)

5. Keyūrādīni (Syā)

3. Aṭṭhānaṃ (Sī, Syā)

6. () Sī-Syā-pothakesu natthi.

246. **Dumaṅgalaṃ vā duvaṅgalaṃ vā**ti ettha sace kesā antodvemāse dvaṅgalaṃ pāpuṇanti, antodvemāseva chinditabbā. Dvaṅgulehi¹ atikkāmetuṃ na vaṭṭati. Sacepi na dīghā, dvemāsato ekadivasampi atikkāmetuṃ na vaṭṭitīyeva. Evamayaṃ ubhayenapi ukkaṭṭhaparicchedova vutto, tato oraṃ pana navaṭṭanabhāvo nāma natthi.

Kocchena osaṅṭhentiti kocchena olikhitvā sannisīdāpenti. **Phaṇakenā**ti dantamayādīsu yena kenaci. **Hatthaphaṇakenā**ti hattheneva phaṇakiccaṃ karontā aṅgulīhi osaṅṭhenti. **Sitthatelakenā**ti madhusitthakaniyyāsādīsu yena kenaci cikkalena². **Udakatelakenā**ti udakamissakena telena. Maṇḍanattāyā sabbattha dukkaṭaṃ, uddhalomena pana anulomanipātanatthaṃ hatthaṃ temetvā sīsaṃ puñchitabbaṃ, uṇhābhitattarajasirānampi allahatthena³ puñchituṃ vaṭṭati.

247. **Na bhikkhave ādāse vā udakapatte vā**ti ettha kaṃsapattādīnīpi yesu mukhanimittaṃ paññāyati, sabbāni ādāsasaṅkhameva gacchanti. Kañjīyādīnīpi ca udakapattasaṅkhameva, tasmā yattha katthaci olokentassa dukkaṭaṃ. **Ābādhapaccayā**ti “sañchavi⁴ nu kho me vaṇo, udāhu na tāvā”ti jānanatthaṃ, “jiṇṇo nu khomhi no”ti evaṃ āyusaṅkhāraṃ olokanatthampi vaṭṭatīti vuttaṃ.

Mukhaṃ ālimpantiti vippasannachavirāgakarehi mukhālepanehi ālimpanti. **Ummaddenti**ti nānā-ummaddanehi ummaddenti. **Cuṇṇenti**ti mukhacuṇṇakena makkhenti. **Manosilikāya mukhaṃ lañcenti**ti manosilāya tilakādīni lañchanāni karonti, tāni haritālādīhipi na vaṭṭantīyeva. **Aṅgarāgā**dayo pākaṭāyeva. Sabbattha dukkaṭaṃ.

248. **Na bhikkhave naccāṃ vā**ti-ādīsu yaṃkiñci naccāṃ antamaso moranaccampi dassanāya gacchantassa dukkaṭaṃ. Sayampi naccantassa vā naccāpentassa vā dukkaṭameva. **Gītampi** yaṃ kiñci naṭagītaṃ vā sādhuḡītaṃ vā, antamaso dantagītampi yaṃ gāyissāmāti pubbhāge okūjantā karonti, etampi na vaṭṭati. Sayam gāyantassāpi gāyāpentassāpi dukkaṭameva. **Vāditampi**

1. Dvaṅgalaṃ (Syā)

3. Addahatthena (Sī, Ka)

2. Cikkaṇena (Sī)

4. Sacchavi (Sī)

yamkiñci na vaṭṭati. Yam pana niṭṭhubhanto vā sāsañke vā thito accharikaṃ vā¹ poṭeti², pāṇim vā paharati, tattha anāpatti. Sabbaṃ antarārāme ṭhitassa passato anāpatti. Passissāmīti vihārato vihāraṃ gacchantassa āpattiyeva. Āsanasālāya nisinno passati, anāpatti. Passissāmīti uṭṭahitvā gacchato āpatti. Vīthiyam ṭhatvā gīvaṃ parivattetvā passatopi āpattiyeva.

249. **Sarakuttinti** sarakiriyam. **Bhaṅgo hotīti** aladdham uppādetum na sakkoti laddham samāpajjitum. **Pacchimā janatāti** amhākaṃ ācariyāpi upajjhāyāpi evaṃ gāyimsūti pacchimo jano diṭṭhānugatiṃ āpajjati, tattheva gāyati. **Na bhikkhave āyatakenāti** ettha āyatako nāma taṃ taṃ vattaṃ bhinditvā akkharāni vināsetvā pavatto. Dhamme pana suttantavattaṃ nāma atthi, jātakavattaṃ nāma atthi, gāthāvattaṃ nāma atthi, taṃ vināsetvā atidighaṃ kātum na vaṭṭati. Caturassena vattena parimaṇḍalāni padabyañjanāni dassetabbāni. **Sarabhaññanti** sarena haṇanam. Sarabhaññe kira taraṅgavatta³, dhotakavatta, galitavattādīni dvattimsa vattāni atthi, tesu yam icchati, taṃ kātum labhati. Sabbesaṃ padabyañjanam avināsetvā vikāraṃ akatvā samaṇasāruppena caturassena nayena pavattanaṃyeva lakkhaṇam.

Bāhiralomim unṇinti unṇalomāni bahi katvā unṇapāvāraṃ pārupanti, tathā dhārentassa dukkaṭam. Lomāni anto katvā pārupitum vaṭṭati. **Samaṇakappakathā** Bhūtagāmasikkhāpadavaṇṇanāyam vuttā.

251. **Na bhikkhave attano aṅgajātanti** aṅgajātam chindantasessa thullaccayam. Aññaṃ pana kaṇṇanāsā-aṅguli-ādīm yamkiñci chindantassa tādisam vā dukkham uppādentassa dukkaṭam. Ahikīṭadaṭṭhādīsu pana añña-ābādhapaccayā vā lohitaṃ vā mocentassa chindantassa vā anāpatti.

252. **Candanagaṇṭhi-uppannā hotīti** candanaghaṭikā uppannā hoti. So kira uddhañca adho ca jālāni parikkhipāpetvā Gaṅgāya nadiyā kīlati, tassa nadīsotena vuyhamānā candanagaṇṭhi āgantvā jāle laggā, tamassa purisā āharitvā adamsu, evaṃ sā uppannā hoti. **Iddhipāṭihāriyanti**

1. Accharam vā (Sī, Syā)

2. Poṭeti (Sī)

3. Taraṅgabhedavatta (Sī)

ettha vikubbaniddhipāṭihāriyaṃ paṭikkhitaṃ, adhiṭṭhānidhi pana appaṭikkhittāti veditabbā.

Na bhikkhave sovaṇṇamayo pattoti-ādīsu sacepi gihī bhattagge suvaṇṇataṭṭikādīsu byañjanaṃ katvā upanāmenti, āmasitumpi na vaṭṭati. Phalīkamayakācamayakaṃsamayāni pana taṭṭikādīni bhājanāni puggalikaparibhogeneva na vaṭṭanti, saṃghikaparibhogena vā gihivikaṭāni vā vaṭṭanti. Tambalohamayopi pattova na vaṭṭati, thālakaṃ pana vaṭṭatīti idaṃ sabbaṃ Kurundiyaṃ vuttaṃ. **Maṇimayoti** ettha pana indanīlādimaṇimayo vutto. **Kaṃsamayoti** ettha vaṭṭalohamayopi saṅgahito.

253. **Likhitunti** tanukaraṇatthāyetaṃ vuttaṃ. **Pakatimaṇḍalanti** makaradantacchinnakamaṇḍalameva.

254. **Āvaṭṭitvā**ti aññamaññaṃ paharivā. **Pattādhārakanti** ettha dantavallivettādīhi kate bhūmi-ādhārake tayo, dāru-ādhārake dve patte uparūpari ṭhapetum vaṭṭatīti Kurundiyaṃ vuttaṃ. Mahā-aṭṭhakathāyaṃ pana vuttaṃ “bhūmi-ādhārake tiṇṇaṃ pattānaṃ anokāso, dve ṭhapetum vaṭṭati. Dāru-ādhārakadaṇḍādhārakesupi susajjitesu eseva nayo. Bhamakoṭisadiso pana dāru-ādhārako tīhi daṇḍakehi baddho, daṇḍakādhāro ca ekassapi pattassa anokāso, tatha ṭhapetvāpi hatthena gahetvā eva nisīditabbaṃ. Bhūmiyaṃ pana nikkujjitvā ekameva ṭhapetabbaṃ”ti.

Miḍḍhanteti ālindakamiḍḍhikādīnaṃ¹ ante. Sace pana parivattetvā tattheva paṭiṭṭhāti, evarūpāya vitthiṇṇāya miḍḍhiyā ṭhapetum vaṭṭati. **Paribhaṇḍanteti** bāhirapasse katāya tanukamiḍḍhikāya ante. Miḍḍhiyaṃ vuttanayenevetthāpi vinicchayo veditabbo.

Colakanti yaṃ pattharivā patto ṭhapīyati, tasmim̐ pana asati kaṭasārake vā taṭṭikāya vā mattikāparibhaṇḍakatāya bhūmiyā vā yattha na dussati, tathārūpāya vālikāya vā ṭhapetum vaṭṭati. Paṃsurajādīsu pana kharabhūmiyaṃ vā ṭhapentassa dukkaṭaṃ. **Pattamālakam̐** iṭṭhakāhi vā dārūhi vā kātum

1. Ālindakamiḍḍhikādīnaṃ (Sī, Syā)

vaṭṭati. **Pattakaṇḍolikā**¹ mahāmukhakaṇḍasaṅghanā bhaṇḍakukkhalikā vuccati. **Yo laggeyyā**ti yattha katthaci laggentassa dukkaṭameva. Cīvaravaṃsepi bandhitvā ṭhapetum na vaṭṭati. Bhaṇḍakaṭṭhapanatthameva vā kataṃ hotu nisīdanasayanattham vā, yattha katthaci mañce vā pīṭhe vā ṭhapentassa dukkaṭam, aññena pana bhaṇḍakena saddhim bandhitvā ṭhapetum vaṭṭati. Aṭaniyam bandhitvā olambetum vā vaṭṭati, bandhitvāpi upari ṭhapetum na vaṭṭatiyeva. Sace pana mañco vā² pīṭham vā ukkhipivā cīvaravaṃsādisu aṭṭakachannena ṭhapitam hoti, tattha ṭhapetum vaṭṭati. Aṃsavaddhanakena aṃsakūṭe laggetvā anke ṭhapetum vaṭṭati. Chatte bhattapūropi aṃsakūṭe laggitapattopi ṭhapetum na vaṭṭati, bhaṇḍakena pana saddhim bandhitvā vā aṭṭakam katvā vā ṭhapite yo koci ṭhapetum vaṭṭati.

255. **Pattahatthenā**ti ettha na kevalam yassa patto hatthe, so eva pattahattho, na kevalaṅca kavāṭameva paṇāmetum na labhati, apica kho pana hatthe vā piṭṭhipāde vā yattha katthaci sarīrāvayave pattasmim sati hatthena vā pādena vā sīsenā vā yena kenaci sarīrāvayavena kavāṭam vā paṇāmetum ghaṭikam vā ukkhipitum sūcim vā kuñcikāya avāpuritum na labhati. Aṃsakūṭe pana pattam laggetvā yathāsukham avāpuritum labhati.

Tumbakaṭāhanti lābukaṭāham vuccati, tam pariharitum na vaṭṭati. Labhitvā pana tāvakālikam paribhuñjitum vaṭṭati. Ghaṭikaṭāhepi eseva nayo. **Ghaṭikaṭāhanti** ghaṭikapālam. **Abhum** meti utrāsavacanametam. **Sabbapaṃsukūlikenā**ti ettha cīvaraṅca mañcapīṭhaṅca paṃsukūlam vaṭṭati, ajjhoharaṇīyam pana dinnakameva gahetabbam.

Calakānīti cabbetvā³ apaviddhāmisāni. **Aṭṭhikānī**ti macchamaṃsa-aṭṭhikāni. **Ucchiṭṭhodakanti** mukhavikkhālanodakam. Etesu yamkiñci pattena nīharantassa dukkaṭam. Pattam paṭiggaham katvā hattham dhovitumpi na labbhati. Hatthadhotapādadhota-udakampi patte ākiritvā nīharitum na vaṭṭati. Anucchiṭṭham suddhapattam ucchiṭṭhahatthena gaṇhitum na vaṭṭati, vāmahatthena panettha udakam āsiñcitvā ekam

1. Pattakaṇḍolikā (Sī)

2. Mañcam vā (Ka)

3. Chaḍḍetvā vametvā (Syā), cumbetvā (Ka)

udakagaṇḍusam̐ gahetvā ucchiṭṭhahatthena gaṇhitum̐ vaṭṭati. Ettāvatāti hi so ucchiṭṭhapatto hoti, hattham̐ pana bahi udakena vikkhāletvā gahetum̐ vaṭṭati. Macchamamsaphalāphalādīni khādanto yaṃ tattha aṭṭhim̐ vā calakam̐ vā chaḍḍetukāmo hoti, tam̐ patte ṭhapetum̐ na labhati. Yaṃ pana paṭikhāditukāmo hoti, tam̐ patte ṭhapetum̐ labhati. Aṭṭhikakaṇṭakādīni tattheva katvā hatthena luñcitvā khāditum̐ vaṭṭati. Mukhato nīhaṃam̐ pana yaṃkiñci puna khāditukāmo¹ hoti, tam̐ patte ṭhapetum̐ na labhati. Siṅgiveranāḷikerakhaṇḍāni ḍamsitvā puna ṭhapetum̐ labhati.

256. **Namatakanti** satthakaveṭhanakam̐ pilotikakhaṇḍam̐.

Daṇḍasatthakanti pipphalakam̐ vā aññampi vā yaṃkiñci daṇḍam̐ yojetvā katasatthakam̐.

Kaṇṇakitā hontīti malaggahitā honti. **Kiṇṇena pūretunti** kiṇṇacuṇṇena pūretum̐. **Sattuyāti** haliddimissakena piṭṭhacuṇṇena. **Saritakanti** pāsāṇacuṇṇam̐ vuccati, tena pūretum̐ anujānāmīti attho. **Madhusitthakena sāretunti** madhusitthakena makkhetum̐. **Saritakam̐ paribhijjātīti** tam̐ makkhitamadhositthakam̐ bhijjati. **Saritasipāṭikanti** madhusitthakapilotikam̐, satthakosakasipāṭiyā pana saritasipāṭikāya anulomāti Kurundiyaṃ vuttam̐. **Kathinanti** nisseṇim̐pi tattha attharitabbakaṭasāarakakilañjānam̐ aññataram̐pi. **Kathinarajjunti** yāya dupaṭṭacīvaram̐ sibbantā kathine cīvaram̐pi bandhanti. **Kathinam̐ nappahotīti** dīghassa bhikkhuno pamāṇena katam̐ kathinam̐, tattha rassassa bhikkhuno cīvaram̐ patthariyamānam̐ nappahoti, antoyeva hoti, daṇḍake na pāpuṇātīti attho. **Daṇḍakathinanti** tassa majjhe itarassa bhikkhuno pamāṇena aññam̐ nisseṇim̐ bandhitum̐ anujānāmīti attho.

Bidalakanti daṇḍakathinappamāṇena kaṭasāarakassa pariyante paṭisamharitvā duguṇakaraṇam̐. **Salākanti** dupaṭṭacīvarassa antare pavesanasalākam̐. **Vinandhanarajjunti** mahānisseṇiyā saddhim̐ khuddakam̐ nisseṇim̐ vinandhitum̐ rajjum̐². **Vinandhanasuttanti** khuddakanisseṇiyā cīvaram̐ vinandhitum̐ suttakam̐. **Vinandhitvā cīvaram̐ sibbitunti** tena suttakena tattha cīvaram̐ vinandhitvā sibbitum̐. **Visamā** hontīti kāci khuddakā honti, kāci mahantā. **Kalimbhakanti** pamāṇasaññākaraṇam̐ yaṃkiñci tālapaṇṇādīm̐. **Moghasuttakanti** vadḍhakīnam̐

1. Na khāditukāmo (Sī, Ka)

2. Vinandhitarajjum̐ (Syā)

dārūsu kāḷasuttena viya haliddisuttena saññākaraṇaṃ. **Āṅguliyaṃ paṭiggahaṇhanti** sūcimukhaṃ āṅguliyaṃ paṭicchanti. **Paṭiggahanti** āṅgulikosakaṃ.

257. **Āvesanavittakam** nāma yaṃkiñci pāticaṅkoṭakādi.

Uccavattukanti paṃsum ākiritvā uccavattukam kātum anujānāmīti attho. **Ogumphetvā**¹ **ullittāvalittam kātunti** chadanaṃ odhunitvā ghanadaṇḍakam katvā anto ceva bahi ca mattikāya limpītunti attho. **Goghaṃsikāyāti** veḷum vā rukkhadāṇḍam vā antokatvā tena saddhiṃ saṃgharītunti attho. **Bandhanarajjunti** tathā saṃgharītassa bandhanarajjum.

258. **Kaṭacchuparissāvanam** nāma tīsu daṇḍakesu vinandhitvā kataṃ.

259. **Yo na dadeyyāti** aparissāvanakasseva yo na dadāti, tassa āpatti. Yo pana attano hatthe parissāvane vijjāmānēpi yācati, tassa na akāmā dātabbam. **Daṇḍaparissāvananti** rajakānaṃ khāraparissāvanam viya catūsu pādesu baddhanisṣeṇikāya sāṭakam bandhitvā majjhedaṇḍake udakam āsiñcitabbam, taṃ ubhopi koṭṭhāse pūretvā parissavati. **Ottharakam** nāma² yaṃ udake ottharītivā ghaṭakena udakam gaṇhanti, taṃ hi catūsu daṇḍakesu vattham bandhitvā udake cattāro khāṇuke nikhaṇītivā tesu bandhitvā sabbapariyante udakato mocetvā majjhe ottharītivā ghaṭena udakam gaṇhanti. **Makasakuṭikāti** cīvarakuṭikā vuccati.

260. **Abhisannakāyāti** semhādidosussannakāyā³. **Aggaḷavattī** nāma dvārabāhāya samappamaṇoyeva aggaḷatthambho vuccati. Yattha tīṇi cattāri chiddāni katvā sūciyo denti. **Kapisīsakam** nāma dvārabāham vijjhitvā tattha pavesito aggaḷapāsako vuccati. **Sūcikāti** tattha majjhe chiddam katvā pavesitā. **Ghaṭikāti** upari yojitā. **Maṇḍalikam kātunti** nīcavattukam cinitum. **Dhūmanettanti** dhūmanikkhamanachiddam. **Vāsetunti** gandhena vāsetum. **Udakatṭhānanti**⁴ udakatthapanatṭhānam. Tattha ghaṭena udakam ṭhapetvā sarāvakena vaḷaṅcetabbam. **Koṭṭhakoti** dvārakoṭṭhako.

1. Ogumbetvā (Sī, Syā, Ka)

3. Semhādidosābhisannakāyā (Syā)

2. Ottharikam nāma (Syā)

4. Udakāvenanti (Sī)

261. **Tisso paṭicchādiyoti** ettha jantāgharapaṭicchādi ca udakapaṭicchādi ca parikammaṃ karontasseva vaṭṭati, sesesu abhivādanādīsu na vaṭṭati. Vatthapaṭicchādi sabbakammesu vaṭṭati. **Udakaṃ na hotīti** nhānodakaṃ na hoti.

262. **Tulanti** paṇṇikānaṃ viya udaka-ubbāhanakatulam. **Karakaṭako** vuccati goṇe vā yojetvā hatthehi vā gahetvā dīghavarattādīhi ākaḍḍhanayantaṃ. **Cakkavaṭṭakanti** arahataghaṭiyantaṃ¹. **Cammakhaṇḍaṃ** nāma tulāya vā karakaṭake vā yojetabbakaṃ cammabhājanaṃ. **Pākaṭā² hotīti** aparikkhittā hoti. **Udakapuñchanī** daṇḍamayāpi visāṇamayāpi dārumayāpi vaṭṭati, tassā asati coḷakenāpi udakaṃ paccuddharitum vaṭṭati.

263. **Udakamātikanti** udakassa āgamanamātikaṃ. **Nillekhajantāgharaṃ nāma** āviddhapakkhapāsakaṃ vuccati, gopānasīnaṃ upari maṇḍale pakkhapāsake ṭhapetvā katakūṭacchadanassetāṃ nāmaṃ. **Cātumāsam nisīdanenāti** nisīdanena cattāro māse na vippavasitabbanti attho.

264. **Pupphābhikiṇṇesūti** pupphehi santhatesu. **Namatakaṃ** nāma eḷakalomehi kataṃ avāyimaṃ cammakhaṇḍaparihārena³ ca paribhuñjitabbaṃ. **Āsittakūpadhānaṃ** nāma tambalohena vā rajatena vā katāya peḷāya etaṃ adhivacanaṃ, paṭikkhittattā pana dārumayāpi na vaṭṭati. **Maḷorikāti** daṇḍadhārako vuccati. Yaṭṭhi-ādhārapaṇṇādhārapacchikapitṭhānīpi ettheva pavitṭhāni. Ādhārasaṅkhepagamanato hi paṭṭhāya chiddaṃ viddhampi aviddhampi vaṭṭatiyeva. **Ekabhājaneti** ettha sace eko bhikkhu bhājanato phalaṃ vā pūvaṃ vā gahetvā gacchati, tasmim̄ apagate itarassa sesakaṃ bhuñjitum vaṭṭati. Itarassāpi tasmim̄ khīṇe⁴ puna gahetum vaṭṭati.

265. **Aṭṭhahaṅgehīti** ettha ekekenapi aṅgena samannāgatassa antosīmāya vā nissīmaṃ gantvā nadī-ādīsu vā nikkujjitum vaṭṭatiyeva. Evaṃ nikkujjite pana patte tassa gehe koci deyyadhammo na

1. Araghaṭṭaghaṭiyantaṃ (Sī) arahatthaghaṭiyantaṃ (Ka)

2. Apārutā (Sī)

3. Cammakhaṇḍaparibhogena (Ka)

4. Khaṇe (Syā, Ka)

gahetabbo, “asukassa gehe bhikkham mā gaṇhitthā”ti aññesu vihāresupi pesetabbarū. Ukkujjanakāle pana yāvatatiyaṃ yācāpetvā hatthapāsaṃ vijahāpetvā ñattidutiyakammena ukkujjitabbo.

268. **Purakkhatvā**ti aggato katvā. **Samharantū**ti samhariyantu. **Celapaṭikanti** celasantharaṃ. So kira “sace ahaṃ puttaṃ lacchāmi, akkamissati me Bhagavā celapaṭikan”ti iminā ajjhāsayena santhari, abhabbo cesa puttalābhāya, tasmā Bhagavā na akkami. Yadi akkameyya, pacchā puttaṃ alabhanto “nāyaṃ sabbaññū”ti diṭṭhiṃ gaṇheyya, idaṃ tāva Bhagavato anakkamane kāraṇaṃ. Yasmā pana bhikkhūpi ye ajānantā akkameyyuṃ, te gihīnaṃ paribhūtā bhavēyyuṃ, tasmā bhikkhū paribhavato mocetuṃ sikkhāpadaṃ paññāpesi, idaṃ sikkhāpadapaññāpane kāraṇaṃ.

Maṅgalatthāya yāciyamānenāti apagatagabbhā vā hotu garugabbhā vā, evarūpesu thānesu maṅgalatthāya yāciyamānena akkamituṃ vaṭṭati. **Dhotapādakaṃ** nāma pādadhovanaṭṭhāne dhotēhi pādehi akkamanatthāya paccattharaṇaṃ atthataṃ hoti, taṃ akkamituṃ vaṭṭati.

269. **Katakaṃ** nāma padumakaṇṇikākāraṃ pādaghamaṃsanatthaṃ kaṇṭake uṭṭhāpetvā kataṃ, taṃ vaṭṭaṃ vā hotu caturassādibhedaṃ vā, bāhulikānuyogattā paṭikkhattameva, neva paṭiggahetuṃ, na paribhuñjituṃ vaṭṭati. **Sakkharāti** pāsāṇo vuccati, pāsāṇaphēṇakopi vaṭṭati. **Vidhūpananti** bījanī vuccati. Tālavaṇṭaṃ pana tālavaṇṭehi vā kataṃ hotu veḷudantavilīvehi vā morapiñchehi vā cammavikatīhi vā, sabbaṃ vaṭṭati. **Makasabījanī** dantamayavisāṇamayadaṇḍakāpi vaṭṭati. Vākamayabījanīyā ketakapārohakuntālavaṇṭadimayāpi¹ saṅgahitā.

270. **Gilānassa chattanti** ettha yassa kāyaḍāho vā pittakopo vā hoti, cakkhu vā dubbalaṃ, añño vā koci ābādho vinā chattena uppajjati, tassa gāme vā araññe vā chattaṃ vaṭṭati. Vasse pana cīvaraguttatthaṃ vālamigacorabhayesu ca attaguttatthampi vaṭṭati. Ekapaṇṇacchattaṃ pana sabbattheva vaṭṭati.

1. ...kandalapaṇṇādimayāpi (Sī) ...kaṇḍalapaṇṇādimayāpi (Syā)

Asissāti asi assa. **Vijjotalatīti** vijjotati. **Daṇḍasammuntinti** ettha pamāṇayutto catuhatthoyeva daṇḍo sammannitvā dātabbo, tato ūnātiritto vināpi sammutiyaṁ sabbesaṁ vaṭṭati. Sikkā pana agilānassa na vaṭṭati, gilānassāpi sammannitvāva dātabbā.

273. **Romanthakassāti** ettha ṭhapetvā romanthakaṁ sesānaṁ āgataṁ uggāraṁ mukhe sandhāretvā gilantānaṁ āpatti. Sace pana asandhāritameva paragalaṁ gacchati, vaṭṭati.

Yaṁ diyyamānanti yaṁ dāyakehi diyyamānaṁ paṭiggahitabhājanato bahi patitaṁ, taṁ bhikkhunā sāmaṁ gahetvā paribhuñjitum anujānāmīti attho. Idam Bhojanavagge vaṇṇitameva.

274. **Kuppaṁ karissāmīti** saddaṁ karissāmi. Nakhādīhi nakhacchedane āpatti natthi, anurakkhaṇatthaṁ pana nakhacchedanaṁ anuññātaṁ. **Vīsatiṁ vaṭṭanti** vīsatiṁ nakhe likhitamaṭṭhe kārapenti. **Malamattanti** nakhato malamattaṁ apakaḍḍhitum anujānāmīti attho.

275. **Khurasipāṭikanti** khurakosakaṁ. **Massuṁ kappāpentīti** kattariyā massuṁ chedāpentī. **Massuṁ vaḍḍhāpentīti** massuṁ dīghaṁ kārentī. **Golomikanti** hanukamhi dīghaṁ katvā ṭhapitaṁ eḷakamassu vuccati. **Caturassakanti** catukoṇaṁ. **Parimukhanti** ure lomasamharaṇaṁ¹. **Aḍḍhadukanti** udare lomaraḷjīṭṭhapanam. **Āpatti dukkaṭassa**ti massukappāpanādīsu sabbattha āpatti dukkaṭassa. **Ābādhappaccayā sambādhe lomanti** gaṇḍavanarudhi-ādi-ābādhappaccayā. **Kattarikāyāti** gaṇḍavanarudhisīsarogābādhappaccayā. Sakkharādīhi nāsikālomaggāhāpane āpatti natthi, anurakkhaṇatthaṁ pana saṇḍāso anuññāto. **Na bhikkhave palitaṁ gāhāpetabbanti** ettha yaṁ bhamukāya vā nalāṭe vā dāṭhikāya vā uggantvā bibhacchaṁ ṭhitaṁ, tādisaṁ lomaṁ palitaṁ vā apalitaṁ vā gāhāpetum vaṭṭati.

277. **Kāmsapatttharikāti** kāmsabhaṇḍavāṇijā. **Bandhanamattanti** vāsi kattarayatṭhi-ādīnaṁ bandhanamattaṁ.

1. Lomarājisamharaṇaṁ (Syā)

278. Na bhikkhave akāyabandhanenāti ettha abandhitvā nikkhamantena yattha sarati, tattha bandhitabbaṃ. Āsanasālāya bandhissāmīti gantum vaṭṭati. Saritvā yāva na bandhati, na tāva piṇḍāya caritabbaṃ. **Kalābukam** nāma bahurajjukam. **Deḍḍubhakam** nāma udakasappasāsasadisam. **Murajam** nāma murajavattisaṅṭhānam veṭhetvā kataṃ. **Maddavīnam** nāma pāmaṅgasaṅṭhānam. Īdisam hi ekampi na vaṭṭati, pageva bahūni. **Paṭṭikam** **sūkarantakanti** ettha pakativitā vā macchakaṅṭakavāyimā vā paṭṭikā vaṭṭati, sesā kuñjaracchikādibhedā na vaṭṭanti. **Sūkarantakam** nāma kuñjikākosakasaṅṭhānam hoti, ekarajjukam pana muddikakāyabandhanañca sūkarantakam anulometi. **Anujānāmi bhikkhave murajam maddavīnanti** idaṃ dasāsuyeva anuññātam. Pāmaṅgadasā cettha catunnam upari na vaṭṭati. **Sobhanam**¹ nāma veṭhetvā mukhavaṭṭisibbanam. **Guṇakam** nāma mudiṅgasaṅṭhānena sibbanam. Evaṃ sibbitā hi antā thirā honti. **Pavanantoti** pāsanto vuccati.

280. **Hatthisoṇḍakam** nāma nābhimūlato hatthisoṇḍasaṅṭhānam olambakam katvā nivattham coḷika-itthīnam nivāsanam² viya. **Macchavālakam** nāma ekato dasantam ekato pāsantam olambetvā nivattham. **Catukañṇakam** nāma upari dve, heṭṭhato dveti evaṃ cattāro kaṅṇe dassetvā nivattham. **Tālavaṅṭakam** nāma tālavaṅṭākārena sāṭakam olambetvā nivāsanam. **Satavallikam**³ nāma dīghasāṭakam anekakkhattum obhañjivā ovaṭṭikam karontena nivattham, vāmadakkhiṇapassesu vā nirantaram valiyo dassetvā nivattham. Sace pana jāṇuto paṭṭhāya ekā vā dve vā valiyo paññāyanti, vaṭṭati.

Saṃvelliyaṃ nivāsentīti mallakammakārādayo viya kaccham bandhitvā nivāsentī, evaṃ nivāsetum gilānassapi maggappaṭipannassapi na vaṭṭati. Yampi maggam gacchantā ekaṃ vā dve vā koṇe ukkhipitvā antaravāsakassa upari laggentī, anto vā ekaṃ kāsāvaṃ tathā nivāsetvā bahi aparām nivāsentī, sabbam na vaṭṭati. Gilāno pana anto kāsāvassa ovaṭṭikam dassetvā aparām upari nivāsetum labhati. Agilānena dve nivāsentena

1. Sobhakam (Sī, Syā) 2. Coḷakitthinivāsanam (Sī) coḷaka-itthīnam nivāsanam (Syā)

3. Satavallikam (Syā, Ka)

saguṇaṃ katvā nivāsetabbāni. Iti yañca idha paṭikkhittaṃ, yañca sekhiyavaṇṇanāyaṃ, taṃ sabbaṃ vajjetvā nibbikāraṃ timaṇḍalaṃ paṭicchādentena parimaṇḍalaṃ nivāsetabbaṃ, yaṃkiñci vikāraṃ karonto dukkaṭā na muccati. “Na bhikkhave gihipārutaṃ pārupitabbaṃ”ti evaṃ paṭikkhittaṃ gihipārutaṃ apārupitvā ubho kaṇṇe samaṃ katvā pārupanaṃ parimaṇḍalapārupanaṃ nāma, taṃ pārupitabbaṃ.

Tattha yaṃkiñci setapaṭipārutaṃ paribbājakapārutaṃ ekasāṭakapārutaṃ soṇḍapārutaṃ antepurikapārutaṃ mahājeṭṭhakapārutaṃ kuṭipavesakapārutaṃ brāhmaṇapārutaṃ pāḷikārapārutanti evamādi parimaṇḍalalakkhaṇato aññathā pārutaṃ, sabbametam gihipārutaṃ nāma. Tasmā yathā setapaṭā aḍḍhapālakanigaṇṭhā pārupanti, yathā ca ekacce paribbājakā uraṃ vivaritvā dvīsu aṃsakūṭesu pāvuraṇaṃ ṭhapenti, yathā ca ekasāṭakā manussā nivatthasāṭakassa ekenantena piṭṭhiṃ pārupitvā ubho kaṇṇe ubhosu aṃsakūṭesu ṭhapenti, yathā ca surāsoṇḍādayo sāṭakena gīvaṃ parikkhipantā ubho ante udare vā olambenti, piṭṭhiyaṃ vā khipanti, yathā ca antepurikāyo akkhitārakamattaṃ dassetvā oḅuṇṭhikaṃ pārupanti, yathā ca mahājeṭṭhā dīghasāṭakaṃ nivāsetvā tasseva ekenantena sakalasarīraṃ pārupanti, yathā ca kassakā khattakuṭiṃ pavisantā sāṭakaṃ paliveṭhetvā upakacchake pakkhipitvā tasseva ekenantena sarīraṃ pārupanti, yathā ca brāhmaṇā ubhinnaṃ upakacchakānaṃ antarena sāṭakaṃ pavesetvā aṃsakūṭesu pakkhipanti¹, yathā ca pāḷikāraḅo bhikkhu ekaṃsapārupanena pārutaṃ vāmaḅāhaṃ vivaritvā cīvaraṃ aṃsakūṭaṃ āropeti, evaṃ apārupitvā sabbepi ete aññe ca evarūpe pārupanadose vajjetvā nibbikāraṃ parimaṇḍalaṃ pārupitabbaṃ. Tathā apārupitvā ārāme vā antaraghare vā anādarena yaṃkiñci vikāraṃ karontassa dukkaṭaṃ.

281. **Muṇḍavaṭṭi**ti yathā rañño kuhiñci gacchato parikkhārabhaṇḍavahanamanussāti adhippāyo. **Antarākājanti** majjhe laggetvā dvīhi vahitabbakāraṃ.

282. **Acakkhussanti** cakkhūnaṃ hitaṃ na hoti, parihāniṃ janeti. **Nacchādetīti** na ruccati. **Aṭṭhaṅgulaparamanti** manussānaṃ pamāṅgulena aṭṭhaṅgulaparamaṃ. **Atimaṭṭāhakanti** atikhuddakaṃ.

283. **Dāyaṃ ālimpentīti** tiṇavanādīsu aggim̐ denti. **Paṭagginti** paṭi-aggim̐. **Parittanti** appaharitakaraṇena vā parikhākhaṇanena vā parittāṇaṃ. Ettha pana anupasampanne sati sayamaṃ aggim̐ dātum̐ na labhati, asati aggim̐pi dātum̐ labhati, bhūmiṃ tacchetvā tiṇānīpi haritum̐, parikhampi khaṇitum̐, allasākhaṃ bhañjitvāpi aggim̐ nibbāpetum̐ labhati, senāsanaṃ pattam̐ vā appattam̐ vā tathā nibbāpetum̐ labhatiyeva. Udakena pana kappiyeneva labhati, na itarena.

284. **Sati karaṇīyeti** sukkhakaṭṭhādiggahaṇakicce sati. **Porisiyanti** purisappamaṇaṃ. **Āpadāsūti** vālamigādayo vā disvā maggamūlho vā disā oloketukāmo hutvā davaḍāhaṃ vā udakoghaṃ vā āgacchantaṃ disvā evarūpāsu āpadāsu ati-uccampi rukkhaṃ ārohitum̐ vaṭṭati.

285. **Kalyāṇavākkaraṇāti** madhurasaddā. **Chandaso āropemāti** vedam̐ viya Sakkatabhāsāya vācanāmaggaṃ āropema. **Sakāya niruttiyāti** ettha sakā nirutti nāma Sammāsambuddhena vuttappakāro māgadhiko vohāro.

286. **Lokāyatam̐** nāma sabbaṃ ucchiṭṭhaṃ sabbaṃ anucchiṭṭhaṃ, seto kāko, kāḷo bako iminā ca iminā ca kāraṇenāti evamādiniratthakakāraṇapaṭisaṃyuttam̐ titthiyasattham̐.

288. **Antarā ahoṣīti** antaritā ahoṣi paṭicchannā.

289. **Ābādhappaccayāti** yassa ābādhassa lasuṇaṃ bhesajjaṃ, tappaccayāti attho.

290. **Passāvapādukanti** ettha pādukā iṭṭhakāhipi silāhipi dārūhipi kātum̐ vaṭṭati. **Vaccapādukāyapi** eseva nayo. **Pariveṇanti** vaccakuṭiparikkhepabbhantaram̐.

293. **Yathādhammo kāretabboti** dukkaṭavattumhi dukkaṭeṇa, pācittiyavattumhi pācittiyena kāretabbo. Paharaṇattham katham **paharaṇīti** vuccati, yassa kassaci āvudhasaṅkhātassetam adhivacanam, tam ṭhapetvā aññam sabbam lohabhaṇḍam anujānāmīti attho. **Katakañca kumbhakārikañcāti** ettha katham vuttameva. **Kumbhakārikañcāti** dhaniyasseva sabbamattikāmayakuṭi vuccati. Sesam sabbattha uttānamevāti.

Khuddakavatthukkhandhakavaṇṇanā niṭṭhitā.

6. Senāsanakkhandhaka

Vihārānujānanakathā

294. Senāsanakkhandhake **apaññattam hotīti** ananuññātām hoti. **Vihāro** nāma aḍḍhayogādimuttako avasesāvāso. **Aḍḍhayogoti** supañṇavaṅkageham. **Pāsādoti** dīghapāsādo. **Hammiyanti** upari-ākāsatale patitthitakūṭāgāro pāsādoyeva. **Guhāti** iṭṭhakāguhā silāguhā dārughā paṃsuguhā. **Āgatānāgatassa cātuddisassa saṃghassāti** āgatassa ca anāgatassa ca (catūsu disāsu appaṭihatacārassa)¹ cātuddisassa saṃghassa.

295. Anumodanagāthāsu **sītam uṇhanti** utuvisabhāgavasena vuttam. **Sisire cāpi vutthiyoti** ettha **sisiroti** samphusitakavāto vuccati, **vutthiyoti** ujukameghavutthiyo eva. Etāni sabbāni **paṭihantīti** imināva padena yojetabbāni.

Paṭihaññatīti vihārena paṭihaññati. **Leṇatthanti** nilīyanattham. **Sukhatthanti** sītādi-parissayābhāvena sukhavihārattham. **Jhāyituñca vipassitunti** idampi padadvayaṃ sukhathañcāti imināva padena yojetabban. Idaṃ hi vuttam hoti, sukhathañca vihāradānam, katamam sukhatham jhāyitum vipassituñca yaṃ sukham, tadattham. Atha vā parapadenapi yojetabban, jhāyituñca vipassituñca vihāradānam, idha jhāyissanti vipassissantīti dadato **vihāradānam saṃghassa aggam Buddhena vaṇṇitam**. Vuttam hetam “so ca sabbadado hoti, yo dadāti upassayan”².

Yasmā ca aggam vaṇṇitam, **tasmā hi paṇḍito posoti** gāthā. **Vāsayettha bahussuteti** ettha vihāre pariyaṭṭibahussute ca paṭivedhabahussute ca vāseyya. **Tesam annañcāti** yaṃ tesam anucchavikam annañca pānañca vatthāni ca mañcapīṭhādīsenāsanāni ca, tam sabbam tesu ujubhūtesu akuṭṭilacittesu. **Dadeyyāti** nidaheyya. Tañca kho vipassannena cetasā,

1. () Natthi Sī-Syā-potthakesu.

2. Saṃ 1. 29 piṭṭhe.

na cittappasādaṃ virādheta. Evaṃ vip̐pasannacittassa hi **te tassa dhammaṃ desenti -pa- parinibbāti anāsavoti.**

296. **Āviñchanachiddaṃ āviñchanarajjunti** ettha rajju nāma sacepi dīpinaṅguṭṭhena katā hoti, vaṭṭatiyeva, na kāci na vaṭṭati. **Tiṇi tāḷānīti** tisso kuñcikāyo. **Yantakaṃ sūcikaṃ** ettha yaṃ yaṃ jānāti, taṃ taṃ yantakaṃ, tassa vivaraṇasūcikaṇca kātuṃ vaṭṭati. **Vedikāvātapānaṃ** nāma cetiye vedikāsadisāṃ. **Jālavātapānaṃ** nāma jālakabaddhaṃ. **Salākavātapānaṃ** nāma thambhakavātapānaṃ. **Cakkalikaṃ** ettha coḷakapādapuñchanaṃ bandhitaṃ anujānāmīti attho. **Vātapānabhisīti** vātapānappamaṇena bhisim katvā bandhitaṃ anujānāmīti attho. **Midḍhinti** miḍḍhakaṃ¹. **Bidalamañcakaṃ**² vettamañcaṃ, veḷuvilivehi vā vītaṃ.

297. **Āsandikoti** caturassapīṭhaṃ vuccati. “Uccakampi āsandikaṃ”ti vacanato ekatobhāgena dīghapīṭhameva hi aṭṭhaṅgulapādakaṃ vaṭṭati, caturassa-āsandiko pana pamāṇātikkantopi vaṭṭatīti veditabbo. **Sattaṅgo** nāma tisu disāsu apassayaṃ katvā katamañco, ayampi pamāṇātikkanto vaṭṭati. **Bhaddapīṭhanti** vettamayaṃ pīṭhaṃ vuccati. **Pīṭhikāti** pilotikābaddhapīṭhameva. **Elakapādapīṭhaṃ** nāma dārupaṭṭikāya upari pāde ṭhapetvā bhojanaphalakaṃ viya katapīṭhaṃ vuccati. **Āmalakavāṭṭikapīṭhaṃ** nāma āmalakākārena yojitaṃ bahupādapīṭhaṃ. Imāni tāva Pāḷiyaṃ āgatapīṭhāni. Dārumayaṃ pana sabbaṃ pīṭhaṃ vaṭṭatīti ayamettha vinicchayo. **Kocchanti** usiramayaṃ vā muñjapabbajamayaṃ vā.

Aṭṭhaṅgulaparamaṃ mañcapaṭipādakaṃ ettha manussānaṃ pamāṇaṅgulameva aṭṭhaṅgulaṃ. **Cimilikā** nāma parikammakatāya bhūmiyā chavisamrakkhaṇatthāya attharaṇaṃ vuccati. **Rukkhatūlanti** simbalirukkhaḍḍinaṃ yesaṃ kesañci rukkhānaṃ tūlaṃ. **Latātūlanti** khīravalli-ādīnaṃ yāsaṃ kesañci vallīnaṃ tūlaṃ. **Poṭakitūlanti** poṭakitiṇāḍīnaṃ yesaṃ kesañci tiṇajātīkānaṃ antamaso ucchunaḍḍīnampi tūlaṃ. Etehi tīhi sabbabhūtagāmā saṅgahitā honti. Rukkhavallitiṇajātiyo hi muñcitvā añño bhūtagāmo nāma natthi, tasmā yassa kassaci bhūtagāmassa tūlaṃ

1. Mīṭhanti mīṭhikaṃ (Sī) miḍḍhinti pīṭhaphalakaṃ (Syā) 2. Vidalamañcanti (Sī, Syā)

bimbohane¹ vaṭṭati, bhisim̐ pana pāpuṇivā sabbampetaṃ akappiyatūlanti vuccati. Na kevalaṅca bimbohane etaṃ tūlameva, haṃsamorādīnaṃ sabbasakuṇānaṃ sīhādīnaṃ sabbacatuppadānaṅca lomampi vaṭṭati. Piyaṅgupupphabakuḷapupphādi pana yaṃkiṅci pupphaṃ na vaṭṭati. Tamālapattaṃ suddhameva na vaṭṭati, missakaṃ pana vaṭṭati. Bhisīnaṃ anuññātaṃ pañcavidham uṇṇāditūlampi vaṭṭati.

Addhakāyikānīti upaḍḍhakāyappamaṇāni. Yesu kaṭito paṭṭhāya yāva sīsaṃ upadahanti. **Sīsappamāṇaṃ** nāma yassa vitthārato tīsu kaṇṇesu dvinnāṃ kaṇṇānaṃ antaraṃ minīyamānaṃ vidatthi ceva caturaṅgulaṅca hoti, majjhaṭṭhānaṃ muṭṭhiratanaṃ hoti. Dīghato pana diyaddharatanaṃ vā dviratanāṃ vāti Kurundiyaṃ vuttaṃ. Ayaṃ sīsappamāṇassa ukkaṭṭhaparicchedo, ito uddhaṃ na vaṭṭati, heṭṭhā pana vaṭṭati. Agilānassa sīsupadhānaṅca pādupadhānaṅcāti dvayameva vaṭṭati. Gilānassa bimbohanāni santharivā upari paccattharaṇaṃ katvā nipajjitumpi vaṭṭati. Yāni pana bhisīnaṃ anuññātāni pañca kappiyatūlāni, tehi bimbohanaṃ mahantampi vaṭṭatīti Phussadevatthero āha. Vinayadhara-upatissatthero pana bimbohanaṃ karissāmīti kappiyatūlaṃ vā akappiyatūlaṃ vā pakkhipivā karontassa pamāṇameva vaṭṭatīti āha.

Pañca bhisiyoti pañcahi uṇṇādīhi pūritabhisiyo. Tūlagaṇanāya hi etāsaṃ gaṇanā vuttā. Tattha uṇṇaggahaṇena na kevalaṃ eḷakalomameva gahitaṃ, ṭhapetvā pana manussalomaṃ yaṃkiṅci kappiyākappiyamaṃsajātīnaṃ pakkhicatuppadānaṃ lomaṃ, sabbaṃ idha uṇṇaggahaṇeneva gahitaṃ. Tasmā channaṃ cīvarānaṃ channaṃ anulomacīvarānaṅca aññatarena bhisicchaviṃ katvā taṃ sabbaṃ pakkhipivā bhisim̐ kātuṃ vaṭṭati. Eḷakalomāni pana apakkhipivā kambalameva catugguṇaṃ vā pañcaguṇaṃ vā pakkhipivā katāpi uṇṇabhisisaṅkhyameva gacchati.

Coḷabhisi-ādīsu yaṃkiṅci navacoḷaṃ vā purāṇacoḷaṃ vā saṃharitvā vā anto pakkhipivā vā katā **coḷabhisi**, yaṃkiṅci vākaṃ pakkhipivā katā **vākabhisi**, yaṃkiṅci tiṇaṃ pakkhipivā katā **tiṇabhisi**, aññatra suddhatamālapattaṃ yaṃkiṅci paṇṇaṃ pakkhipivā katā **paṇṇabhisīti** veditabbā. Tamālapattaṃ pana aññena missameva vaṭṭati, suddhaṃ na vaṭṭati. Bhisiyā

pamāṇaniyamo natthi, mañcabhisi pīṭhabhisi bhūmattharaṇabhisi caṅkamanabhisi pādapuñchanabhisi etāsam anurūpato sallakkhetvā attano rucivasena pamāṇaṃ kātappaṃ. Yaṃ panetaṃ uṇṇādipañcavidhatūlampi bhisiyaṃ vaṭṭati, taṃ masūrakepi vaṭṭatīti Kurundiyaṃ vuttam, etena masūrakaṃ paribhuñjitum vaṭṭatīti siddham hoti.

Mañcabhisim pīṭhe santharantī¹ mañcabhisim pīṭhe attharanti, attharaṇatthāya harantīti² yujjati. **Ullokaṃ akaritvā**ti heṭṭhā cimilikaṃ adavā. **Phositunti** rajanena vā haliddiyā vā upari phusitāni dātum. **Bhattikammanti** bhisicchaviyā upari bhattikammaṃ. **Hatthabhattinti** pañcaṅgulibhattim.

298. **Ikkāsanti** rukkhaniyyāsam vā silesam vā. **Piṭṭhamaddanti** piṭṭhakhalim. **Kuṇḍakamattikanti** kuṇḍakamissakamattikaṃ. **Sāsapakuṭṭanti**³ sāsapapiṭṭham. **Sitthatelakanti** vilīnamadhusitthakaṃ. **Accussannaṃ hotī**ti bindu bindu hutvā tiṭṭhati. **Paccuddharitunti** puñchitum. **Gaṇḍumattikanti** gaṇḍupādagaṭṭhamattikaṃ. **Kasāvanti** āmalakaharītakānaṃ kasāvaṃ.

299. **Na bhikkhave paṭibhānacittanti** ettha na kevalaṃ itthipurisarūpameva, tiracchānarūpampi antamaso gaṇḍupādārūpampi bhikkhuno sayam kātum vā “karohī”ti vattum vā na vaṭṭati, “upāsaka dvārapālaṃ karohī”ti vattumpi na labbhati. Jātakapakaraṇa-asadisadānādīni pana pasādāniyāni nibbidāpaṭisaṃyuttāni vā vatthūni parehi kārāpetum labbhati. Mālākammādīni sayampi kātum labbhati.

300. **Aḷakamandā**ti ekaṅgaṇā manussābhikiṇṇā. **Tayo gabbheti** ettha **sivikāgabbhoti** caturassagabbho. **Nāḷikāgabbhoti** vitthārato dīguṇatiguṇāyāmo dīghagabbho. **Hammiyagabbhoti** ākāsatale kūṭāgaragabbho vā muṇḍacchadanagabbho vā.

Kulaṅkapādakanti rukkham vijjhivā tattha khāṇuke ākoṭetvā kataṃ, taṃ āharimaṃ⁴ bhittipādaṃ jiṇṇakuṭṭapādassa upatthambhanattham bhūmiyaṃ patiṭṭhāpetum

1. Samharantīti (Sī, Syā, Ka)

3. Sāsapakuṇḍanti (Sī), sāsapakuṭṭanti (Syā)

2. Harantītipi (Sī, Syā)

4. Asamhārimaṃ (Syā)

anujānāmīti attho. **Parittāṇakīṭikanti** vassaparittāṇattham kiṭikam.
Uddasudhanti¹ vacchakagomayena ceva chārikāya ca saddhim
madditamattikam.

Ālindo nāma pamukham vuccati. **Paghanam** nāma yaṁ nikkhamantā ca
pavisantā ca pādehi hananti, tassa vihāradvāre ubhato kuṭṭam nīharitvā
katapadesassetam adhivacanam. “Paghānan”tipi vuccati. **Pakuṭṭanti** majjhe
gabbhassa samantā pariyāgāro vuccati. “Pakuṭan”tipi pāṭho. **Osārakanti**²
anāḷindake vihāre vaṁsam datvā tato daṇḍake osāretvā
katachadanapamukham. **Samsāranakīṭiko** nāma cakkalayutto kiṭiko.

301. **Pānīyabhājananti** pivantānam pānīyadānabhājanam. Uḷuṅko ca
thālakañca pānīyasaṅkhassa anulomāni.

303. **Apesīti** dīghadārumhi khāṇuke pavesetvā kaṇṭakasākhāhi
vinandhitvā kataṁ dvārathakanakam. **Palighoti** gāmadvāresu viya
cakkayuttam dvārathakanakam.

305. Assatarīhi yuttā rathā **assatarīrathā**. **Āmuttamanikuṇḍalāti**
āmuttamanikuṇḍalāni.

Parinibbutoti kilesaparinibbānena parinibbuto. **Sītibhūtoti**
kilesātapābhāvena sītibhūto. **Nirūpadhīti** kilesupadhi-abhāvena nirūpadhīti
vuccati.

Sabbā āsattiyo chetvāti rūpādīsu vā visayesu sabbabhavesu vā
patthanāyo chinditvā. **Hadaye daranti** citte kilesadaratham vinetvā.
Veyyāyikanti vayakaraṇa vuccati.

307. **Ādeyyavācoti** tassa vacanam bahū janā ādiyitabbam sotabbam
maññantīti attho. **Ārāme akamsūti** ye sadhanā, te attano dhanena akamsu.
Ye mandadhanā ceva adhanā ca, tesam dhanam adāsi. Iti so
satasahassakahāpaṇe satasahassagghanakañca bhaṇḍam datvā
pañcacattālīsajoyanike addhāne yojane yojane vihārapatiṭṭhānam katvā
Sāvattim agamāsi.

1. Uddhāsudhanti (Syā) uddasuvanti (Sī)

2. Osarakoti (Sī) osārakinti (Syā)

Koṭisantharam santharāpesīti kahāpaṇakoṭiyā kahāpaṇakoṭim paṭipādetvā santhari. Ye tattha rukkhā vā pokkharāṇiyo vā, tesam parikkhepappamāṇam gahetvā aññasmim ṭhāne santharivā adāsi. Evamassa aṭṭhārasakoṭiyam nidhānam parikkhayaṃ agamāsi.

Kumārassa etadahosīti gahapatino evam bahudhanam cajantassāpi mukhassa vippasannākāram disvā etaṃ ahosi. **Koṭṭhakaṃ māpesīti** sattabhūmikaṃ dvārakoṭṭhakapāsādam māpesi.

Atha kho Anāthapiṇḍiko gahapati Jetavane vihāre kārāpesi -pa- maṇḍape kārāpesīti aparāhipi aṭṭhārasahi koṭihi ete vihārādayo kārāpesi aṭṭhakarīsappamāṇāya bhūmiya. Vipassissa hi Bhagavato Punabbasumitto gahapati yojanappamāṇam bhūmim suvaṇṇiṭṭhakāsantharena kiṇivā vihāram kārāpesi. Sikhissa pana Sirivaḍḍho gahapati tigāvutappamāṇam suvaṇṇayaṭṭhisantharena. Vessabhussa Sotthijo gahapati aḍḍhayojanappamāṇam suvaṇṇaphālasantharena¹. Kakusandhassa pana Accuto gahapati gāvutappamāṇam suvaṇṇahatthipadasantharena. Koṇāgamanassa Uggo gahapati aḍḍhagāvutappamāṇam suvaṇṇiṭṭhakāsantharena. Kassapassa Sumaṅgalo gahapati vīsati-usabhappamāṇam suvaṇṇakacchapasantharena. Amhākaṃ Bhagavato Sudatto gahapati aṭṭhakarīsappamāṇam bhūmim kahāpaṇasantharena kiṇivā vihāram kārāpesīti. Evam anupubbena parihāyanti sampattiyoti alameva sabbasampattisu virajjitum alaṃ vimuccitunti.

308. **Khaṇḍanti** bhinnokāso. **Phullanti** phalitokāso. **Paṭisaṅkharissatīti** pākatiṃ karissati. Laddhanavakammena pana bhikkhunā vāsipharasunikhādanādāni gahetvā sayam na kātabbam, kātakataṃ jānitabbam.

310. **Piṭṭhito piṭṭhito gantvāti** thero kira gilāne paṭijagganto jinne vuḍḍhe saṅgaṇhanto sabbapacchato āgacchati, idamassa cārittam. Tena vuttam “piṭṭhito piṭṭhito gantvā”ti. **Aggāsananti** therāsanam. **Aggodakanti** dakkhiṇodakam. **Aggapiṇḍanti** saṃghattherapiṇḍam. **Antarā satthīnam karitvāti** catunnam pādānam antare karitvā.

1. Suvaṇṇaphālasantharena (Sī)

315. **Patitṭhāpesī**ti aṭṭhārasakoṭipariccāgaṃ katvā patitṭhāpesi. Evaṃ sabbāpi catupañāsakoṭiyo pariccaji.

Āsanappaṭibāhanādikathā

316. **Vippakatabhojanoti** antaraghare vā vihāre vā araññe vā yattha katthaci bhuñjamāno bhikkhu aniṭṭhite bhojane na vuṭṭhāpetabbo. Antaraghare pacchā āgatena bhikkhaṃ gahetvā gantabbaṃ. Sace manussā vā bhikkhū vā “pavisathā”ti vadanti, “mayi pavisante bhikkhū uṭṭhahissantī”ti vattabbaṃ. “Etha bhante āsanaṃ atthi”ti vuttena pana pavisitabbaṃ. Sace koci kiñci na vadati, āsanasālaṃ gantvā atisamīpaṃ agantvā sabhāgaṭṭhāne ṭhātabbaṃ. Okāse kate “pavisathā”ti vuttena pana pavisitabbaṃ. Sace pana yaṃ āsanaṃ tassa pāpuṇāti, tattha abhuñjanto bhikkhu nisinno hoti, taṃ uṭṭhāpetuṃ vaṭṭati. Yāgukhajjakādīsu pana yaṃkiñci pivitvā vā khādītva vā yāva añño āgacchati, tāva nisinnaṃ rittahatthampi tuṭṭhāpetuṃ na vaṭṭati¹. Vippakatabhojanoyeva hi so hoti.

Sace vuṭṭhāpetīti sace āpattim atikkamitvāpi vuṭṭhāpetiyeva. **Pavārito ca hotī**ti yaṃ so vuṭṭhāpesi, ayañca bhikkhu pavārito ca hoti, tena vattabbo “gaccha udakaṃ āharāhi”ti. Vuḍḍhataṃ hi bhikkhuṃ āṇāpetuṃ idameva ekaṃ ṭhānanti. Sace so udakampi na āharati², tato yañca navakatarena kattabbaṃ, taṃ dassento **sādhukaṃ sitthānī**ti-ādimāha.

Gilānassa patirūpaṃ seyyanti ettha yo kāsabhagandarātisārādīhi gilāno hoti, kheḷamallakavaccakapālādīni ṭhapetabbāni honti, kuṭṭhi vā hoti, senāsanam dūseti, evarūpassa heṭṭhāpāsādapaññasālādīsu aññataraṃ ekamantaṃ senāsanam dātabbaṃ. Yasmim vasante senāsanam na dussati, tassa varaseyyāpi dātabbāva. Yopi sinehapānavirecananathukammādīsu yaṃkiñci bhesajjam karoti, sabbo so gilānoyeva, tassāpi sallakkhetvā patirūpaṃ senāsanam dātabbaṃ. **Lesakappenāti** appakena sīsābādhādimmattena. **Bhikkhū gaṇetvāti** “ettakā nāma bhikkhū”ti vihāre bhikkhūnaṃ paricchedaṃ ñatvā.

1. Vuṭṭhāpetuṃ vaṭṭati (Sī)

2. Udakampi āharati (Sī)

Senāsanaggāhakathā

318. **Seyyā**ti mañcaṭṭhānāni vuccanti. **Seyyaggenā**ti seyyāparicchedena, vassūpanāyikadivase kālaṃ ghoṣetvā ekamañcaṭṭhānaṃ ekassa bhikkhuno gāhetuṃ anujānāmīti attho. **Seyyaggena gāhentā**ti seyyāparicchedena gāhiyamānā. **Seyyā ussārayimsū**ti mañcaṭṭhānāni atirekāni ahesuṃ. Vihāraggāhādīsupi eseva nayo. **Anubhāganti** puna aparampi bhāgaṃ dātuṃ. Atimandesu hi bhikkhūsu ekekassa bhikkhuno dve tīṇi pariveṇāni dātabbāni. **Na akāmā dātabboti** anicchāya na dātabbo. Tattha vassūpanāyikadivase gahite anubhāge pacchā āgatānaṃ na attano aruciyā so anubhāgo dātabbo. Sace pana yena gahito, so ca attano ruciyā taṃ anubhāgaṃ vā paṭhamabhāgaṃ vā deti, vaṭṭati.

Nissīme ṭhitassāti upacārasīmato bahi ṭhitassa, anto upacārasīmāya pana dūre ṭhitassāpi labbhatiyeva. **Senāsanāṃ gahetvā**ti vassūpanāyikadivase gahetvā. **Sabbakālaṃ paṭibāhanti**ti catumāsaccayena utukālepi paṭibāhanti. Tīsu senāsanaggāhesu purimako ca pacchimako cāti ime dve gāhā thāvarā.

Antarāmuttake ayam vinicchayo, ekasmiṃ vihāre mahālābham senāsanāṃ hoti, senāsanasāmikā vassūpagataṃ bhikkhuṃ sabbapaccayehi sakkaccaṃ upaṭṭhahitvā pavāretvā gamanakāle bahūṃ samaṇaparikkhāraṃ denti. Mahātherā dūratopi āgantvā vassūpanāyikadivase taṃ gahetvā phāsuṃ vasitvā vutthavassā lābhaṃ gaṇhitvā pakkamanti. Āvāsikā “mayāṃ etthuppannaṃ lābhaṃ na labhāma, niccaṃ āgantukamahātherāva labhanti, teyeva taṃ āgantvā paṭijaggissanti”ti palujjantampi na olokeṃti. Bhagavā tassa paṭijagganattamaṃ aparajjugatāya pavāraṇāya āyatim vassāvāsattāya “antarāmuttako gāhetabbo”ti āha.

Taṃ gāhenta saṃghatthero vattabbo “bhante antarāmuttakasenāsanāṃ gaṇhathā”ti. Sace gaṇhāti, dātabbaṃ. No ce, etenevupāyena anutheraṃ ādim katvā yo gaṇhāti, tassa, antamaso sāmaṇerassāpi dātabbaṃ. Tena taṃ senāsanāṃ aṭṭhamāse paṭijaggitabbaṃ.

chadanabhittibhūmīsu yaṁkiñci khaṇḍaṁ vā phullaṁ vā hoti, taṁ sabbaṁ paṭisaṅkharitabbaṁ. Uddesaparipucchādīhi divasaṁ khepetvā rattim tattha vasitumpi vaṭṭati, rattim pariveṇe vasitvā tattha divasaṁ khepetumpi vaṭṭati, rattindivaṁ tattheva vasitumpi vaṭṭati. Utukāle āgatānaṁ vuḍḍhānaṁ na paṭibāhitabbaṁ. Vassūpanāyikadivase pana sampatte sace saṅghatthero “mayhaṁ idaṁ senāsaṇaṁ dethā”ti vadati, na labhati. “Bhante idaṁ antarāmuttakaṁ gahetvā aṭṭhamāse ekena bhikkhunā paṭijaggitan”ti vatvā na dātabbaṁ, aṭṭhamāse paṭijaggakabhikkhusseva gahitaṁ hoti.

Yasmiṁ pana senāsane ekasaṁvacchare dvikkhattuṁ paccaye denti chamāsaccayena chamāsaccayena, taṁ antarāmuttakaṁ na gāhetabbaṁ. Yasmiṁ vā tikkhattuṁ denti catumāsaccayena catumāsaccayena, yasmiṁ vā catukkhattuṁ denti temāsaccayena temāsaccayena, taṁ antarāmuttakaṁ na gāhetabbaṁ. Paccayeneva hi taṁ paṭijagganaṁ labhissati. Yasmiṁ pana ekasaṁvacchare sakideva bahupaccaye denti, etaṁ antarāmuttakaṁ gāhetabbanti. Ayaṁ tāva antovasse vassūpanāyikadivasena Pāḷiyānaṁ āgatasenāsanaggāhakathā.

Ayaṁ pana senāsanaggāho nāma duvidho hoti utukāle ca vassāvāse ca. Tattha utukāle¹ tāva keci āgantukā bhikkhū purehattaṁ āgacchanti, keci pacchābhattaṁ paṭhamayāmaṁ vā majjhimayāmaṁ vā pacchimayāmaṁ vā, ye yadā āgacchanti, tesāṁ tadāva bhikkhū uṭṭhāpetvā senāsaṇaṁ dātabbaṁ, akāle nāma natthi. Senāsaṇapaññāpakena pana paṇḍitena bhavitabbaṁ, ekaṁ vā dve vā mañcaṭṭhānāni ṭhapetabbāni. Sace vikāle eko vā dve vā therā āgacchanti, te vattabbā “bhante ādito paṭṭhāya vuṭṭhāpiyamāne sabbepi bhikkhū ubbhaṇḍikā bhavissanti, tumhe amhākaṁ vasanaṭṭhāneyeva vasathā”ti.

Bahūsu pana āgatesu vuṭṭhāpetvā paṭipāṭiyā dātabbaṁ. Sace ekekaṁ pariveṇaṁ pahoti, ekekaṁ pariveṇaṁ dātabbaṁ. Tattha aggisālādīghasālamaṇḍalamālādayo sabbepi tasseva pāpuṇanti. Evaṁ appahonte pāsādaggena dātabbaṁ. Pāsādesu appahontesu ovarakaggena dātabbaṁ.

1. Utukālaṁ (Ka)

ovarakesu appahontesu seyyaggena dātabbāṃ. Seyyaggesu appahontesu mañcaṭṭhānena dātabbāṃ. Mañcaṭṭhāne appahonte ekapīṭhakaṭṭhānavasena dātabbāṃ. Bhikkhuno pana ṭhitokāsamattāṃ na gāhetabbāṃ. Etāṃ hi senāsanāṃ nāma na hoti. Pīṭhakaṭṭhāne pana appahonte ekāṃ mañcaṭṭhānāṃ vā pīṭhakaṭṭhānāṃ vā vārena vārena gahetvā “bhante vissamathā”ti tiṇṇāṃ janānāṃ dātabbāṃ, na hi sakkā sītasamaye sabbarattīṃ ajjhokāse vasitūṃ. Mahātherena paṭhamayāmaṃ vissamitvā nikkhamitvā dutiyattherassa vattabbāṃ “āvuso idha pavisāhi”ti. Sace mahāthero niddāgaruko hoti, kālaṃ na jānāti, ukkāsitvā dvāraṃ ākoṭetvā “bhante kālo jāto, sītaṃ anudahati”ti vattabbāṃ. Tena nikkhamitvā okāso dātabbo, adātuṃ na labhati. Dutiyattherenapi majjhimayāmaṃ vissamitvā purimanayeneva itarassa dātabbāṃ. Niddāgaruko vuttanayeneva vuṭṭhāpetabbo. Evaṃ ekarattīṃ ekamañcaṭṭhānāṃ tiṇṇāṃ dātabbāṃ. Jambudīpe pana ekacce bhikkhū “senāsanāṃ nāma mañcaṭṭhānāṃ vā pīṭhakaṭṭhānāṃ vā kiñciveva kassaci sappāyaṃ hoti, kassaci asappāyaṃ”ti āgantukā hontu vā mā vā, devasikāṃ senāsanāṃ gāhenti. Ayaṃ utukāle senāsanaggāho nāma.

Vassāvāse pana atthi āgantukavattāṃ, atthi āvāsikavattāṃ. Āgantukena tāva sakaṭṭhānāṃ muñcitvā aññattha gantvā vasitukāmena vassūpanāyikadivasameva tattha na gantabbāṃ. Vasanaṭṭhānāṃ vā hi tatra sambādham bhaveyya, bhikkhācāro vā na sampajjeyya, tena na phāsum vihareyya. Tasmā “idāni māsamattena vassūpanāyikā bhavissati”ti taṃ vihāraṃ pavisitabbāṃ. Tattha māsamattāṃ vasanto sace uddesatthiko, uddesasampattīṃ sallakkhetvā, sace kammaṭṭhāniko, kammaṭṭhānasappāyatāṃ sallakkhetvā, sace paccayatthiko, paccayaḷabhamāṃ sallakkhetvā antovasse sukham vasissati.

Sakaṭṭhānato ca tattha gacchantena na gocaragāmo ghaṭṭetabbo, na tattha manussā vattabbā “tumhe nissāya salākabhattādīni vā yāgukhajjakādīni vā vassāvāsikāṃ vā natthi, ayaṃ cetiyassa parikkhāro, ayaṃ uposathāgārassa, idaṃ tāḷaṅceva sūci ca, sampaṭicchatha tumhākaṃ vihāraṃ”ti. Senāsanāṃ pana jaggitvā dārubhaṇḍamattikābhaṇḍāni paṭisāmetvā gamiyavattāṃ pūretvā gantabbāṃ. Evaṃ gacchantenāpi daharehi pattacīvarabhaṇḍikāyo

ukkipāpetvā telanālikattaradaṇḍādīni gāhāpetvā chattaṃ paggayha attānaṃ dassentena gāmadvārenea na gantabbaṃ, paṭicchannena aṭavimaggena gantabbaṃ. Aṭavimagge asati gumbādīni maddantena na gantabbaṃ, gamiyavattaṃ pana pūretvā vitakkaṃ chinditvā suddhacittena gamanavatteneva gantabbaṃ. Sace pana gāmadvārena maggo hoti, gacchantañca naṃ saparivāraṃ disvā manussā amhākaṃ thero viyāti upadhāvitvā “kuhiṃ bhante sabbaparikkhāre gahetvā gacchathā”ti vadanti, tesu ce eko evaṃ vadati “vassūpanāyikakālo nāmāyaṃ, yattha antovasse nibaddhabhikkhācāro bhaṇḍapaṭicchādānañca labbhati, tattha bhikkhū gacchanti”ti. Tassa ce sutvā te manussā “bhante imasmimpi gāme jano bhujjati ceva nivāseti ca, mā aññattha gacchathā”ti vatvā mittāmacce pakkosāpetvā sabbe sammantayitvā vihāre nibaddhavattañca salākabhattādīni ca vassāvāsikañca paṭṭhapetvā “idheva bhante vasathā”ti yācanti, sabbaṃ sādituṃ vaṭṭati. Sabbaṃ hettaṃ kappiyañceva anavaḷḷaṇḍa. Kurundiyāṃ pana “kuhiṃ gacchathāti vutte asukaṭṭhānanti vatvā kasmā tattha gacchathāti vutte kāraṇaṃ ācikkhitabbaṃ”ti vuttaṃ. Ubhayampi panettha suddhacittattāva anavaḷḷaṇḍa. Idāṃ āgantukavattaṃ nāma.

Idāṃ pana āvāsikavattaṃ, paṭikacceva hi āvāsikehi vihāro jaggitabbo, khaṇḍaphullapaṭisaṅkharāṇaparibhaṇḍāni kātābbāni, rattitṭhānavivāṭṭhānavaccakuṭipassāvavāṭṭhānāni padhānagharavihāramaggoti imāni sabbāni paṭijaggitābbāni, cetiye sudhākammaṃ muddavedikāya telamakkhaṇaṃ mañcapīṭhapaṭijaggananti idampi sabbaṃ kātābbāni “vassaṃ vasitukāmā āgantvā uddesaparipucchākammaṭṭhānānuyogādīni karontā sukhaṃ vasissantī”ti. Kataparikkammehi āsāḷhījuṇḍhapañcamito paṭṭhāya vassāvāsikaṃ pucchitābbāni. Kattha pucchitābbāni? Yato pakatiyā labbhati. Yehi pana na dinnapubbaṃ, te pucchitūṃ na vaṭṭati. Kasmā pucchitābbāni? Kadāci hi manussā denti, kadāci dubbhikkhādīhi upaddutā na denti. Tattha ye na dassanti, te apucchitvā vassāvāsike gāhite gāhitabhikkhūnaṃ lābhantarāyo hoti, tasmā pucchitvāva gāhetābbāni, pucchantena “tumhākaṃ vassāvāsikaggāhakakālo upakaṭṭho”ti vattābbāni. Sace vadanti “bhante imaṃ saṃvaccharaṃ chātakādīhi upaddutamha, na sakkoma dātun”ti vā, “yaṃ mayāṃ pubbe dema, tato ūnataraṃ dassāma”ti vā, “idāni kappāso sulabho, yaṃ pubbe dema, tato bahutaraṃ

dassāmā”ti vā vadanti, taṃ sallakkhetvā tadanurūpena nayena tesam tesam senāsane bhikkhūnaṃ vassāvāsikaṃ gāhetabbaṃ.

Sace manussā vadanti “yassa amhākaṃ vassāvāsikaṃ pāpuṇāti, so temāsam pānīyaṃ upaṭṭhāpetu, vihāramaggaṃ jaggatu, cetiyaṅgaṇabodhiyaṅgaṇāni jaggatu, Bodhirukkhe udakaṃ āsiṅcatū”ti, yassa taṃ pāpuṇāti, tassa ācikkhitabbaṃ. Yo pana gāmo paṭikkamma yojanadvijoyanantare hoti, tatra ce kulāni upanikkhepaṃ ṭhapetvā vihāre vassāvāsikaṃ dentiyeva, tāni kulāni apucchitvāpi tesam senāsane vattam katvā vasantassa vassāvāsikaṃ gāhetabbaṃ. Sace pana tesam senāsane paṃsukūliko vasati, āgatañca taṃ disvā tumhākaṃ vassāvāsikaṃ demāti vadanti, tena saṃghassa ācikkhitabbaṃ. Sace tāni kulāni saṃghassa dātum na icchanti, tumhākaṃyeva demāti vadanti, sabhāgo bhikkhu vattam katvā gaṇhāhīti vattabbo. Paṃsukūlikassa panetaṃ na vaṭṭati. Iti saddhādeyye dāyakamanussā pucchitabbā.

Tatruppāde pana kappiyakārakā pucchitabbā. Kathaṃ pucchitabbā? Kim āvuso saṃghassa bhaṇḍapaṭicchādanaṃ bhavissatīti. Sace vadanti “bhavissati bhante, ekekassa navahatthaṃ sātakaṃ dassāma, vassāvāsikaṃ gāhethā”ti, gāhetabbaṃ. Sacepi vadanti “sātakaṃ natthi, vatthu pana atthi, gāhetha bhante”ti. Vatthumhi santepi gāhetum vaṭṭatiyeva. Kappiyakārakānaṃ hi hatthe “kappiyabhaṇḍaṃ paribhuñjathā”ti dinnavatthuto yaṃ yaṃ kappam, taṃ taṃ sabbaṃ paribhuñjitum anuññātaṃ.

Yaṃ panettha piṇḍapātathāya gilānapaccayatthāya vā uddissa dinnam, taṃ cīvare upanāmentehi saṃghasuṭṭhūyā apaloketvā upanāmetabbaṃ. Senāsanatthāya uddissa dinnam garubhaṇḍam hoti. Cīvaravasena catupaccayavasena vā dinnam cīvare upanāmentānaṃ apalokanakammakiccaṃ natthi, apalokanakammaṃ karontehi ca puggalavaseneva kātabbaṃ, saṃghavasena na kātabbaṃ. Jātarūparajatavasenāpi āmakadhaññavasena vā apalokanakammaṃ saṃghasuṭṭhūyā saṃghavasena na kātabbaṃ. Jātarūparajatavasenāpi āmakadhaññavasena vā apalokanakammaṃ na vaṭṭati, kappiyabhaṇḍavasena cīvarataṇḍulādivaseneva ca vaṭṭati. Tam pana evam kattabbaṃ “idāni subhikkham sulabhapiṇḍam, bhikkhū cīvarena kilamanti, ettakaṃ nāma taṇḍulabhāgam bhikkhūnaṃ cīvaram katum ruccatī”ti. “Gilānapaccayo

sulabho gilāno vā natthi, ettakaṃ nāma taṇḍulabhāgaṃ bhikkhūnaṃ cīvaraṃ kātuṃ ruccati”ti.

Evaṃ cīvarapaccayaṃ sallakkhetvā senāsanassa kāle ghosite sannipatite saṃghe senāsanaggāhako sammannitabbo. Sammannotena ca dve sammannitabbāti vuttaṃ. Evaṃ hi navako vuḍḍhatarassa, vuḍḍho ca navakassa gāhessati. Mahante pana mahāvihārasadise vihāre tayo cattāro janā sammannitabbā. Kurundiyaṃ pana aṭṭhapi soḷasapi jane sammannituṃ vaṭṭatīti vuttaṃ. Tesā sammuti kammavācāyampi apalokanenapi vaṭṭatiyeva.

Tehi sammatehi bhikkhūhi senāsaṃ sallakkhetabbaṃ, cetiyagharaṃ bodhigharaṃ āsanagharaṃ sammuṇjani-aṭṭo dāru-aṭṭo vaccakuṭi iṭṭhakaṣālā vadḍhakisaḷā dvārakoṭṭhako pāṇiyamaḷo maggo pokkharāṇīti etāni hi asenāsanāni, vihāro aḍḍhayogo pāsādo hammiyaṃ guhā maṇḍapo rukkhamūlaṃ veḷugumboti imāni senāsanāni, tāni gāhetabbāni. Gāhentena ca “paṭhamaṃ bhikkhū gaṇetuṃ, bhikkhū gaṇetvā seyyā gaṇetun”ti ettha vuttanayena gāhetabbāni. Sace saṃghiko ca saddhādeyyo cāti dve cīvarapaccayā honti, tesu yaṃ bhikkhū paṭhamaṃ gaṇhituṃ icchanti, taṃ gāhetvā tassa ṭhitikato paṭṭhāya itaro gāhetabbo.

Sace pana bhikkhūnaṃ appatāya pariveṇaggena senāsane gāhiyamāne ekaṃ pariveṇaṃ mahālābhaṃ hoti, dasa vā dvādasa vā cīvarāni labhanti, taṃ vijātetvā aññesu alābhakesu āvāsesu pakkhipitvā aññesampi bhikkhūnaṃ gāhetabbanti Mahāsumatthero āha. Mahāpadumatthero panāha “na evaṃ kātabbaṃ, manussā hi attano āvāsajagganattāya paccayaṃ denti, tasmā aññehi bhikkhūhi tattha pavisitabban”ti. Sace panettha mahāthero paṭikkosati “māvuso evaṃ gāhetha, Bhagavato anusīṭṭhiṃ karotha, vuttaṃ hetam Bhagavatā ‘anujānāmi bhikkhave pariveṇaggena gāhetun’ti”, tassa paṭikkosanāya aṭṭhatvā “bhante bhikkhū bahū, paccayo mando, saṅghaṃ kātuṃ vaṭṭatī”ti taṃ saññāpetvā gāhetabbameva.

Gāhentena ca sammatena bhikkhunā mahātherassa santikaṃ gantvā evaṃ vattabbaṃ “bhante tumhākaṃ senāsanāṃ pāpuṇāti, gaṇhatha paccayaṃ dhārethā”ti. Asukakulassa paccayo asukasenaśanañca mayhaṃ pāpuṇāti āvusoti. Pāpuṇāti bhante gaṇhatha nanti. Gaṇhāmi āvusoti. Gahitaṃ hoti. Sace pana gahitaṃ vo bhanteti vutte gahitaṃ meti vā gaṇhissatha bhanteti vutte gaṇhissāmīti vā vadati, agahitaṃ hotīti Mahāsumatthero āha. Mahāpadumatthero panāha “atītānāgatavacanaṃ vā hotu vattamānavacanaṃ vā, satuppādamatta-ālayakaraṇamattameva cettha pamāṇaṃ, tasmā gahitameva hotī”ti.

Yopi paṃsukūliko bhikkhu senāsanāṃ gahetvā paccayaṃ vissajjeti, ayampi na aññasmim āvāse paṅkhipitabbo, tasmimyeva pariveṇe aggisālāya vā dīghasālāya vā rukkhamūle vā aññassa gāhetuṃ vaṭṭati. Paṃsukūliko “vassāmī”ti senāsanāṃ jaggissati, itaro “paccayaṃ gaṇhāmi”ti, evaṃ dvīhi kāraṇehi senāsanāṃ sujaggitataraṃ bhavissati. Mahāpaccariyaṃ pana vuttaṃ “paṃsukūlike vāsathāya senāsanāṃ gaṇhante senāsanaggāhāpakena vattabbaṃ ‘bhante idha paccayo atthi, so kiṃ kātabbo’ti. Tena ‘heṭṭhā aññaṃ gāhāpehī’ti vattabbo. Sace pana kiñci avatvāva vasati, vutthavassassa ca pādāmūle ṭhapetvā sātakaṃ denti, vaṭṭati. Atha vassāvāsikaṃ demāti vadanti, tasmim senāsane vassaṃvutthabhikkhūnaṃ pāpuṇāti”ti. Yesaṃ pana senāsanāṃ natthi, kevalaṃ paccayameva denti, tesaṃ paccayaṃ avassāvāsike senāsane gāhetuṃ vaṭṭati.

Manussā thūpaṃ katvā vassāvāsikaṃ gāhāpentī, thūpo nāma asenāsanāṃ, tassa samīpe rukkhe vā maṇḍape vā upanibandhitvā gāhāpetabbaṃ. Tena bhikkhunā cetiyaṃ paṭijaggitabbaṃ. Bodhirukkhabodhighara-āsanaghara sammujjani-aṭṭa dāru-aṭṭa vaccaḷḍivārakoṭṭhaka pānīyamāḷaka dantakaṭṭhamāḷakesupi eseva nayo. Bhojanasālā pana senāsanameva, tasmā taṃ ekassa vā bahūnaṃ vā paricchinditvā gāhetuṃ vaṭṭatīti sabbamidaṃ vitthārena Mahāpaccariyaṃ vuttaṃ.

Senāsanaggāhāpakena pana pāṭipada-arūṇato paṭṭhāya yāva puna arūṇaṃ na bhijjati, tāva gāhetabbaṃ, idaṃ hi senāsanaggāhassa khettaṃ.

Sace pātova gāhite senāsane añño vitakkacāriko bhikkhu āgantvā senāsanam yācati, “gahitam bhante senāsanam, vassūpagato saṅgho, ramaṇīyo vihāro, rukkhamūlādīsu yattha icchatha, tattha vasathā”ti vattabbo. Vassūpagatehi antovasse nibaddhavattam ṭhapetvā vassūpagatā bhikkhū “sammuñjaniyo bandhathā”ti vattabbā. Sulabhā ce daṇḍakā ceva salākāyo ca honti, ekekena cha pañca muṭṭhisammuñjaniyo dve tisso yaṭṭhisammuñjaniyo vā bandhitabbā. Dullabhā ce honti, dve tisso muṭṭhisammuñjaniyo ekā yaṭṭhisammuñjanī bandhitabbā. Sāmaṇerehi pañca pañca ukkā koṭṭetabbā. Vasanaṭṭhāne kasāvaparibhaṇḍam kātabbam.

Vattam karontehi pana “na uddisitabbam, na uddisāpetabbam, na sajjhāyo kātabbo, na pabbājetabbam, na upasampādetabbam, na nissayo dātabbo, na dhammasavanam kātabbam. Sabbeva hi ete papañca. Nippapañcā hutvā samaṇadhammameva karissāmāti vā sabbe terasa dhutaṅgāni samādiyantu, seyyam akappetvā ṭhānacaṅkamehi vītināmentu, mūgabbatam gaṇhantu, sattāhakarāṇīyena gatāpi bhājanīyabhaṇḍam labhantū”ti vā evarūpam adhammikavattam na kātabbam. Evam pana kātabbam—pariyattidhammo nāma tividhampi saddhammam patiṭṭhāpeti, tasmā sakkaccam uddisatha, uddisāpetha, sajjhāyam karotha, padhānaghare vasantānam saṅghaṭṭanam akatvā antovihāre nisīditvā uddisatha, uddisāpetha, sajjhāyam karotha, dhammasavanam samiddham karotha, pabbājentā sodhetvā pabbājetha, sodhetvā upasampādettha, sodhetvā nissayam detha, ekopi hi kulaputto pabbajjam upasampadañca labhitvā sakalasāsanam patiṭṭhāpeti, attano thāmena yattakāni sakkotha, tattakāni dhutaṅgāni samādiyatha. Antovassam nāmetam sakaladivasam rattiyā ca paṭhamapacchimayāmesu appamattehi bhavitabbam, vīriyam ārabhitabbam. Porāṇākamahātherāpi sabbapalibodhe chinditvā antovasse ekacārikavattam pūrayimsu¹, bhasse mattam jānitvā dasavatthukakatham dasa-asubhadāsānussati-aṭṭhatimsārammaṇakathañca kātum vaṭṭati, āgantukānam vattam kātum, sattāhakarāṇīyena gatānam apaloketvā dātum vaṭṭatīti evarūpam vattam kātabbam.

1. Pūrayimsu ācariyavattam (Ka)

Apica bhikkhū ovaditabbā “viggāhikapisuṇapharusavacanāni mā vadatha, divase divase sīlāni āvajjentā caturārakkhaṃ ahāpentā manasikārabahulā viharathā”ti. Dantakaṭṭhakādanavattaṃ ācikkhitabbaṃ, cetiyaṃ vā bodhiṃ vā vandantena gandhamālaṃ vā pūjentena pattāṃ vā thavikāya pakkhipantena na kathetabbaṃ, bhikkhācāravattaṃ ācikkhitabbaṃ “antogāme manussehi saddhiṃ paccayasaññuttakathā vā visabhāgakathā vā na kathetabbā, rakkhitindriyehi bhavitabbaṃ, khandhakavattañca sekhiyavattañca pūretabbaṃ”ti evarūpā bahukāpi niyyānikakathā ācikkhitabbāti.

Pacchimavassūpanāyikadivase pana sace kālaṃ ghoṣetvā sannipatite saṃghe koci dasahatthaṃ vatthaṃ āharitvā vassāvāsikaṃ deti, āgantuko sace bhikkhu saṃghatthero hoti, tassa dātabbaṃ. Navako ce hoti, sammatena bhikkhunā saṃghatthero vattabbo “sace bhante icchatha, paṭhamabhāgaṃ muñcitvā idaṃ vatthaṃ gaṇhathā”ti, amuñcantassa na dātabbaṃ. Sace pana pubbe gāhitaṃ muñcitvā gaṇhāti, dātabbaṃ. Etenevupāyena dutiyattherato paṭṭhāya parivattetvā pattatṭhāne āgantukassa dātabbaṃ. Sace paṭhamavassūpagatā dve tīṇi cattāri pañca vā vatthāni alatthum, laddhaṃ laddhaṃ etenevupāyena vissajjāpetvā yāva āgantukassa samakaṃ hoti, tāva dātabbaṃ. Tena pana samake laddhe avasiṭṭho anubhāgo therāsane dātabbo. Paccuppanne lābhe sati ṭhitikāya gāhetum¹ katikaṃ kātum vaṭṭati.

Sace dubbhikkhaṃ hoti, dvīsipi vassūpanāyikāsu vassūpagatā bhikkhū bhikkhāya kilamantā “āvuso idha vasantā sabbeva kilamāma, sādhu vata dvebhāgā homa, yesaṃ nātipavāritaṭṭhānāni atthi, te tatha vasitvā pavāraṇāya āgantvā attano pattāṃ vassāvāsikaṃ gaṇhantū”ti vadanti, tesu ye tatha vasitvā pavāraṇāya āgacchanti, tesāṃ apaloketvā vassāvāsikaṃ dātabbaṃ. Sādiyantāpi hi te neva vassāvāsikassa sāmīno, khīyantāpi ca āvāsikā neva adātum labhanti. Kurundiyāṃ pana vuttaṃ “katikavattaṃ kātābbaṃ, ‘sabbesaṃ no idha yāgubhattaṃ nappahoti, sabhāgaṭṭhāne vasitvā āgacchatha, tumhākaṃ pattāṃ vassāvāsikaṃ labhissathā”ti. Tañce eko paṭibāhati, supāṭibāhitaṃ. No

1. Gāhetum rucattīti (Syā)

ce paṭibāhati, katikā sukatā. Pacchā tesam tattha vasitvā āgatānam apaloketvā dātabbam. Apalokanakāle paṭibāhitum na labbhatī”ti. Punapi vuttam “sace vassūpagatesu ekaccānam vassāvāsike apāpuṇante bhikkhū katikam karonti ‘chinnavassānam vassāvāsikañca idāni uppajjanakavassāvāsikañca imesam dātum rucati’ti, evam katikāya katāya gāhitasadisameva hoti, uppannuppannam tesameva dātabban”ti.

Temāsam pānīyam upatthāpetvā vihāramaggacetiyaṅgaṇabodhiyaṅgaṇāni jaggitvā Bodhirukkhe udakam siñcivā pakkantopi vibbhantopi vassāvāsikam labhatiyeva. Bhatiniviṭṭham hi tena katham. Saṅghikam pana apalokanakammam katvā gāhitam antovasse vibbhantopi labhateva. Paccayavasena gāhitam pana na labhatīti vadanti.

Sace vutthavasso disaṅgamiko bhikkhu āvāsikassa hatthato kiñciveva kappiyabhaṇḍam gahetvā asukakule mayham vassāvāsikam pattam, tam gaṇhathāti vatvā vataṭṭhāne vibbhamati, vassāvāsikam saṅghikam hoti. Sace pana manusse sammukhā sampaṭicchāpetvā gacchati, labhati. Idam vassāvāsikam amhākam senāsane vutthabhikkhuno demāti vutte yassa gāhitam, tasseva hoti. Sace pana senāsanasāmikassa piyakamyatāya puttadhītādayo bahūni vatthāni āharitvā amhākam senāsane demāni denti, tattha vassūpagatassa ekameva vattham dātabbam, sesāni saṅghikāni honti, vassāvāsikaṭṭhitikāya gāhetabbāni. Ṭhitikāya asati therāsanato paṭṭhāya gāhetabbāni, senāsane vassūpagatam bhikkhum nissāya uppannena cittappasādena bahūni vatthāni āharitvā senāsanassa demāti dinnesupi eseva nayo. Sace pana pādamūle ṭhapetvā etassa bhikkhuno demāti vadanti, tasseva honti.

Ekassa gehe dve vassāvāsikāni, paṭhamabhāgo sāmaṇerassa gāhito hoti, dutiyo therāsane. So ekam dasahattham, ekam aṭṭhahattham sātakam peseti “vassāvāsikam pattabhikkhūnam dethā”ti, vicinitvā varabhāgam sāmaṇerassa datvā anubhāgo therāsane dātabbo. Sace pana ubhopi gharam netvā bhojetvā sayameva pādamūle ṭhabeti, yam yassa dinnam, tadeva tassa hoti.

Ito param Mahāpaccariyaṃ āgatanayo hoti—ekassa ghare daharasāmaṇerassa vassāvāsikaṃ pāpuṇāti, so ce pucchati “amhākaṃ vassāvāsikaṃ kassa pattan”ti, “sāmaṇerassā”ti avatvā “dānakāle jānissasī”ti vatvā dānadivase ekaṃ mahātheraṃ pesetvā nīharāpetabbaṃ. Sace yassa vassāvāsikaṃ pattaṃ, so vibbhamati vā kālaṃ vā karoti, manussā ce pucchanti “kassa amhākaṃ vassāvāsikaṃ pattan”ti, tesam yathābhūtaṃ ācikkhitabbaṃ. Sace te vadanti tumhākaṃ demāti, tassa bhikkhuno pāpuṇāti. Atha saṃghassa vā gaṇassa vā denti, saṃghassa vā gaṇassa vā pāpuṇāti. Sace vassūpagatā suddhapaṃsukūlikāyeva honti, ānetvā dinnam vassāvāsikaṃ senāsanaparikkhāraṃ vā katvā ṭhapetabbaṃ, bimbohanādīni vā kātabbānīti idaṃ nevāsikavattam.

Senāsanaggāhakathā niṭṭhitā.

Upanandavatthukathā

319. Upanandavatthusmim **tattha tayā moghapurisa gahitaṃ idha muttam**¹, **idha tayā gahitaṃ tatra muttanti** ettha ayamattho, yaṃ tayā tattha senāsanam gahitaṃ, taṃ te² gaṇhanteneva idha muttam hoti. “Idha dānāham āvuso muñcāmī”ti vadantena pana taṃ tatrāpi muttam. Evaṃ tvaṃ ubhayattha paribāhīroti.

Ayaṃ panettha vinicchayo—gahaṇena gahaṇam paṭippassambhati, gahaṇena ālayo paṭippassambhati, ālayena gahaṇam paṭippassambhati, ālayena ālayo paṭippassambhati. Katham, idhekacco vassūpanāyikadivase ekasmim vihāre senāsanam gahetvā sāmantavihāram gantvā tatrāpi gaṇhāti, tassa iminā gahaṇena purimam gahaṇam paṭippassambhati. Aparo idha vasissāmīti ālayamattam katvā sāmantavihāram gantvā tattha senāsanam gaṇhāti, tassa iminā gahaṇena purimo ālayo paṭippassambhati. Eko idha vasissāmīti senāsanam vā gahetvā ālayam vā katvā sāmantavihāram gantvā idheva dāni vasissāmīti ālayam karoti, iccassa ālayena vā gahaṇam, ālayena vā ālayo paṭippassambhati, sabbattha

1. Mukkam (Sī, Syā)

2. Tato (Sī)

pacchime gahaṇe vā ālaye vā tiṭṭhati. Yo pana ekasmiṃ vihāre senāsanam gahetvā aññasmiṃ vihāre vasissāmīti gacchati, tassa upacārasīmātikkame senāsanaggāho paṭippassambhati. Yadi pana “tattha phāsu bhavissati, vasissāmi, no ce, āgamiissāmi”ti gantvā aphāsabhāvam ṇatvā paccāgacchati, vaṭṭati.

320. **Tivassantarenāti** ettha **tivassantaro** nāma yo dvīhi vassehi mahantataro vā daharataro vā hoti. Yo pana ekena vassena mahantataro vā daharataro vā hoti, yo vā samānavasso, tattha vattabbameva natthi. Ime sabbe ekasmiṃ mañce vā piṭhe vā dve dve hutvā nisīditum labhanti. Yam tiṇṇam pahoti¹, tam saṃhārimam vā hotu asaṃhārimam vā, tathārūpe api phalakakhaṇḍe anupasampannenāpi saddhim nisīditum vaṭṭati.

Hatthinakhakanti hatthikumbhe patiṭṭhitam, evam katassa kiretam nāmam. **Sabbam pāsādaparibhoganti** suvaṇṇarajatādivicitrāni kavāṇāni mañcapīṭhāni tālavaṇṇāni suvaṇṇarajatamayapānīyaghaṭapānīyasarāvāni² yamkiñci cittakammakataṃ, sabbam vaṭṭati. Pāsādassa dāsīdāsam khettavatthum gomahimsam demāti vadanti, pāṭekkam gahaṇakiccam natthi, pāsāde paṭiggahite paṭiggahitameva hoti. Gonakādīni saṃghikavihāre vā puggalivihāre vā mañcapīṭhakesu attharivā paribhuñjitum na vaṭṭanti. Dhammāsane pana gihivikaṭanihārena labbhanti, tatrāpi nipajjitum na vaṭṭati.

Avissajjiyavattukathā

321. **Pañcimānīti** rāsivasena pañca, sarūpavasena panetāni bahūni honti. Tattha **ārāmo** nāma pupphārāmo vā phalārāmo vā. **Ārānavatthu** nāma tesamyeva ārāmānam atthāya paricchindivā ṭhapitokāso, tesu vā ārāmesu vinaṭṭhesu tesam porāṇakabhūmibhāgo. **Vihāro** nāma yamkiñci pāsādādisenāsanam. **Vihāravatthu** nāma tassa patiṭṭhānokāso. **Mañco** nāma masārako bundikābaddho kuḷīrapādako āhaccapādakoti imesam pubbe vuttānam catunnam mañcānam

1. Na pahoti (Sī)

2. ...sarāvādi (Ka), ...sarāvākāni (Syā)

aññataro. **Piṭham** nāma masārakādīnaṃyeva catunnaṃ piṭhānaṃ aññatarāṃ. **Bhisināma** uṇṇabhisi-ādīnaṃ pañcannaṃ aññatarā. **Bimbohanaṃ** nāma vuttappakārānaṃ bimbohanānaṃ aññatarāṃ. **Lohakumbhī** nāma kāḷalohena vā tambalohena vā yena kenaci lohena katā kumbhī. **Lohabhāṇakā**dīsupi eseva nayo. Ettha pana **bhāṇakanti** araṅjaro vuccati. **Vārakoti** ghaṭo. **Kaṭāham** kaṭāhameva. **Vāsi-ādīsu valli-ādīsu** ca duviñṇeyyaṃ nāma natthi. Evaṃ—

Dvisaṅgahāni dve honti, tatiyaṃ catusaṅgahaṃ.
 Catutthaṃ navakoṭṭhāsaṃ, pañcamaṃ aṭṭhabhedanaṃ.
 Iti pañcahi rāsīhi, pañcanimmalalocano.
 Pañcavīsavidhaṃ nātho, garubhaṅgaṃ pakāsayaṃ.

Tatrāyaṃ vinicchayakathā—idaṃ hi sabbampi garubhaṅgaṃ idha avissajjiyaṃ, Kīṭāgirivatthusmiṃ avebhaṅgiyanti vuttaṃ. Parivāre pana—

“Avissajjiyaṃ avebhaṅgiyaṃ, pañca vuttā Mahesinā.
 Vissajjentassa paribhuñjantassa anāpatti,
 Pañhā mesā kusalehi cintitā”¹—

Āgataṃ. Tasmā mūlacchejjavasena avissajjiyaṃ avebhaṅgiyañca, parivattanavasena pana vissajjentassa paribhuñjantassa ca anāpattīti evamettha adhippāyo veditabbo.

Tatrāyaṃ anupubbikathā, idaṃ tāva pañcavidhampi cīvarapiṇḍapātabhesajjathāya upanetuṃ na vaṭṭati. Thāvarena ca thāvaram garubhaṅgena ca garubhaṅgaṃ parivattetuṃ vaṭṭati. Thāvare pana khettaṃ vatthu² taḷākāṃ mātīkāti evarūpaṃ bhikkhusaṅghassa vicāretuṃ vā sampaṭicchituṃ vā adhivāsetuṃ vā na vaṭṭati, kappiyakārakeheva vicāritato kappiyabhaṅgaṃ vaṭṭati. Ārāmena pana ārāmaṃ ārāmatthuṃ vihāraṃ vihāravatthunti imāni cattāri parivattetuṃ vaṭṭati.

Tatrāyaṃ parivattananayo, saṅghassa nāḷikerārāmo dūre hoti, kappiyakārakā vā bahutaram khādanti. Yampi na khādanti, tato sakaṭavetaṇaṃ

1. Vi 5. 373 piṭṭhe.

2. Khettaṃ khattavatthu (Ka)

datvā appameva haranti. Aññesaṃ pana tassa ārāmassa avidūragāmaṁvāsīnaṃ manussānaṃ viharassa samīpe ārāmo hoti, te saṅghaṃ upasaṅkamitvā sakena ārāmena taṃ ārāmaṃ yācanti, saṅghena “ruccati saṅghassa”ti apaloketvā sampaṭicchitabbo. Sacepi¹ bhikkhūnaṃ rukkhasahassaṃ hoti, manussānaṃ pañca satāni, “tumahākaṃ ārāmo khuddako”ti na vattabbaṃ. Kiñcāpi hi ayaṃ khuddako, atha kho itarato bahutaraṃ āyaṃ deti. Sacepi samakameva deti, evampi icchiticchitakkhaṇe paribhuñjituṃ sakkāti gahetabbameva. Sace pana manussānaṃ bahutarā rukkhaṃ honti, “nanu tumhākaṃ bahutarā rukkhaṃ”ti vattabbaṃ. Sace “atirekaṃ amhākaṃ puññaṃ hotu, saṅghassa demā”ti vadanti, jānāpetvā sampaṭicchituṃ vaṭṭati. Bhikkhūnaṃ rukkhaṃ phaladhārino, manussānaṃ rukkhaṃ na tāva phalaṃ gaṇhanti, kiñcāpi na gaṇhanti, na cirena gaṇhissantīti sampaṭicchitabbameva. Manussānaṃ rukkhaṃ phaladhārino, bhikkhūnaṃ na tāva phalaṃ gaṇhanti, “nanu tumhākaṃ rukkhaṃ phaladhārino”ti vattabbaṃ. Sace “gaṇhatha bhante, amhākaṃ puññaṃ bhavissati”ti denti, jānāpetvā sampaṭicchituṃ vaṭṭati. Evaṃ ārāmena ārāmo parivattetabbo. Eteneva nayena ārāmaṁvatthupi viharōpi viharavatthupi ārāmena parivattetabbaṃ. Ārāmaṁvatthunā ca mahantena vā khuddakena vā ārāma-ārāmaṁvatthu viharaviharavatthūni.

Kathaṃ viharena viharō parivattetabbo? Saṅghassa antogāme gehaṃ hoti, manussānaṃ viharāmajjhe pāsādo, ubhopi agghena samakā, sace manussā tena pāsādena taṃ gehaṃ yācanti, sampaṭicchituṃ vaṭṭati. Bhikkhūnaṃ ce mahagghataraṃ gehaṃ hoti, mahagghataraṃ amhākaṃ gehanti vutte kiñcāpi mahagghataraṃ, pabbajitānaṃ asārappaṃ, na sakkā tattha pabbajitehi vasituṃ, idaṃ pana sārappaṃ gaṇhathāti vadanti, evampi sampaṭicchituṃ vaṭṭati. Sace pana manussānaṃ mahagghaṃ hoti, nanu tumhākaṃ gehaṃ mahagghanti vattabbaṃ. Hotu bhante, amhākaṃ puññaṃ bhavissati, gaṇhathāti vutte pana sampaṭicchituṃ vaṭṭati. Evaṃ viharena viharō parivattetabbo. Eteneva nayena viharavatthupi ārāmapi ārāmaṁvatthupi viharena parivattetabbaṃ. Viharavatthunā ca mahagghena vā appagghena vā viharaviharavatthu-ārāma-ārāmaṁvatthūni. Evaṃ tāva thāvarena thāvaraparivattanaṃ veditabbaṃ.

1. Sace hi (Sī)

Garubhaṇḍena garubhaṇḍaparivattane pana mañcapīṭham mahantam vā hotu khuddakam vā, antamaso caturaṅgulapādakam gāmadārakehi paṃsvāgārakesu kīlantehi katampi saṃghassa dinnakālato paṭṭhāya garubhaṇḍam hoti. Sacepi rājarājamahāmattādayo ekappahārenea mañcasatam vā mañcasahassam vā denti, sabbe kappiyamañcā sampaṭicchitabbā, sampāṭicchitvā vuḍḍhapaṭipāṭiyā “saṃghikaparibhogena paribhuñjathā”ti dātabbā, puggalikavasena na dātabbā. Atirekamañce bhaṇḍāgārādīsu paññapetvā pattacivaram nikkhipitumpi vaṭṭati. Bahisīmāya “saṃghassa demā”ti dinnamañco saṃghattherassa vasanaṭṭhāne dātabbo. Tattha ce bahū mañcā honti, mañcena kammaṃ natthi, yassa vasanaṭṭhāne kammaṃ atthi, tattha “saṃghikaparibhogena paribhuñjathā”ti dātabbo. Mahagghena satagghanakena vā saḥassagghanakena vā (satasahassagghanakena vā)¹ mañcena aññam mañcasatam labhati, parivattetvā gahetabbam. Na kevalam mañcena mañcoyeva, āramā-āramavatthuvihāravihāravatthupīṭhabhisibimbohanānīpi parivattetuṃ vaṭṭanti. Esa nayo pīṭhabhisibimbohanesupī. Etesu hi kappiyākappiyam vuttanayameva. Tattha akappiyam na paribhuñjitabbam, kappiyam saṃghikaparibhogena paribhuñjitabbam. Akappiyam vā mahaggham kappiyam vā parivattetvā vuttavatthūni gahetabbāni. Agarubhaṇḍupagam pana bhisibimbohanam nāma natthi.

Lohakumbhī lohahāṇakam lohakaṭṭhanti imāni tīni mahantāni vā hontu, khuddakāni vā, antamaso pasatamatta-udakagaṇhanakānīpi garubhaṇḍāniyeva. Lohavārako pana kāḷalohatambalohavaṭṭalohakamsalohānam yena kenaci kato Sīhaḷadīpe pādagaṇhanako bhājetabbo. Pādo ca nāma Magadhanāḷiyā pañcanāḷimattam gaṇhāti, kato adhikagaṇhanako² garubhaṇḍam. Imāni tāva Pāḷiyam āgatāni lohahājanāni.

Pāḷiyam pana anāgatānīpi bhīṅgāra paṭiggaha uḷunka dabbikaṭacchupāti taṭṭakasāraka samugga aṅgārakapalla dhūmakaṭacchu-ādīni khuddakāni vā mahantāni vā sabbāni garubhaṇḍāni. Patto ayathālakam tambalohathālakanti imāni pana bhājanīyāni. Kamsalohavaṭṭalohahājanavikati saṃghikaparibhogena vā gihivikaṭā vā vaṭṭati, puggalikaparibhogena na vaṭṭati.

1. () Natthi Sī-Syā-potthakesu.

2. Atirekagaṇhanako (Syā, Ka)

kaṃsalohādibhājanam saṃghassa dinnampi hi pārihāriyam na vaṭṭati,
gihivikaṭanihārenea paribhuñjitabbanti Mahāpaccariyam vuttam.

Ṭhapetvā pana bhājanavikatim aññasmimpi kappiyalohabhaṇḍe añjanī
añjanisalākā kaṇṇamalahaṇḍāni sūci paṇṇasūci khuddako pippalako
khuddakam āraṇṇakam kuñcikā tālam kattarayaṭṭhi vedhako natthudānam
bhindivālo¹ lohakuṭo lohakuṭṭi lohaguḷo lohapiṇḍi lohacakkalikam aññampi
vipakatalohabhaṇḍam bhājanīyam. Dhūmanettaphālādīparukkha
dīpakapallaka olambakadīpa itthipurisatiracchānagatarūpakāni pana aññāni
vā bhitticchadanakavāṭādīsu upanetabbāni antamaso lohakhilakam upādāya
sabbāni lohabhaṇḍāni garubhaṇḍāniyeva honti, attanā laddhānipi pariharitvā
puggalikaparibhogena na paribhuñjitabbāni, saṃghikaparibhogena vā
gihivikaṭāni vā vaṭṭanti. Tipubhaṇḍepi eseva nayo. Khīrapāsāṇamayāni
taṭṭakasarakādīni garubhaṇḍāniyeva.

Ghaṭako pana telabhājanam vā pādagaṇhanakato atirekameva
garubhaṇḍam. Suvaṇṇarajatahārakūṭajātiphalikabhājanāni gihivikaṭānipi na
vaṭṭanti, pageva saṃghikaparibhogena vā puggalikaparibhogena vā.
Senāsanaparibhoge pana āmāsampi anāmāsampi sabbam vaṭṭati.

Vāsi-ādīsu yāva vāsiyā ṭhapetvā daṇḍakaṭṭhacchedanam vā
ucchutacchanam vā aññam mahākammam kātum na sakkā, ayam bhājanīyā.
Tato mahattarī² yena kenaci ākārena katā vāsi garubhaṇḍameva. Pharasu
pana antamaso vejjānam sirāvedhanapharasupi garubhaṇḍameva.
Kuṭhāriyam pharasusadiso eva vinicchayo. Yā pana āvudhasaṅkhepena katā,
ayam anāmāsā. Kudālo antamaso caturaṅgulamattopi garubhaṇḍameva.
Nikhādanam caturassamukham vā hotu doṇimukham vā vaṅkam vā ujukam
vā, antamaso sammuñjanidaṇḍakavedhanampi daṇḍabaddham ce,
garubhaṇḍameva. Sammuñjanidaṇḍakhaṇanakaṃ pana adaṇḍakaṃ
phalamattameva³, yaṃ sakkā sipāṭikāya pakkipitvā pariharitam, tam
bhājanīyam. Sikharampi nikhādaneneva saṅghitam. Yehi manussehi vihāre
vāsi-ādīni dinnāni honti, te ca ghare daḍḍhe

1. Bheṇḍivālo (Sī) bhiṇḍivālo (Ka) 2. Mahantatarā (Sī) 3. Talamattameva (Sī)

vā corehi vā vilutte “detha no bhante upakaṇe, puna pākatike karissāmā”ti vadanti dātabbā. Sace āharanti, na vāretabbā, anāharantāpi na codetabbā.

Kammārataṭṭakāracundakāraṇalakāramaṇikārapattabandhakānaṃ adhikaraṇimuṭṭhikaṣaṇḍāsatulādīni sabbāni lohamaya-upakaṇāni saṃghe dinnakālato paṭṭhāya garubhaṇḍāni. Tipukoṭṭakasuvaṇṇakāracammakāra-upakaṇesupi eseva nayo. Ayaṃ pana viseso, tipukoṭṭaka-upakaṇesupi tipucchedanasatthakaṃ suvaṇṇakāra-upakaṇesu suvaṇṇacchedanasatthakaṃ cammakāra-upakaṇesu kataparikkammacammachiddanaṃ khuddakasatthakanti imāni bhājanīyabhaṇḍāni. Nahāpitatunnakāra-upakaṇesupi ṭhapetvā mahākattariṃ mahāsaṇḍāsaṃ mahāpipphalakañca sabbam bhājanīyam. Mahākattari-ādīni garubhaṇḍāni.

Valli-ādīsu vettavalli-ādikā yā kāci adḍhabāhuppamāṇā valli saṃghassa dinnā vā tathajātakā vā rakkhitagopitā garubhaṇḍam hoti, sā saṃghakamme ca cetiyakamme ca kate sace atirekā hoti, puggalikakammepi upanetuṃ vaṭṭati. Arakkhitā pana garubhaṇḍameva na hoti. Suttamakacivākanāḷikerahīracammamayā rajjukā vā yottāni vā vāke ca nāḷikerahīre ca vaṭṭetvā katā ekavaṭṭā vā dvivaṭṭā vā saṃghassa dinnakālato paṭṭhāya garubhaṇḍam. Suttamā pana avatṭetvā dinnam makacivākanāḷikerahīrā ca bhājanīyā. Yehi panetāni rajjukayottādīni dinnāni honti, te attano karaṇīyena harantā na vāretabbā.

Yo koci antamaso aṭṭhaṅgulasūcidaṇḍamattopi veḷu saṃghassa dinno vā tathajātako vā rakkhitagopito garubhaṇḍam, sopi saṃghakamme ca cetiyakamme ca kate atireko puggalikakamme dātuṃ vaṭṭati. Pādagaṇhanakatelanāḷi pana kattarayaṭṭhi upāhanadaṇḍako chattadaṇḍo chattasalākāti idamettha bhājanīyabhaṇḍam. Daḍḍhagehamanussā gaṇhitvā gacchantā na vāretabbā. Rakkhitagopitam veḷum gaṇhantena samakam vā atirekam vā thāvaram antamaso tamagghanakampi¹ phātikammaṃ katvā

1. Tamagghanakavāḷikāyapi (Sī, Syā, Ka)

gahetabbo. Phātikammaṃ akatvā gaṇhantena tattheva vaḷañjetabbo, gamanakāle saṃghikāvāse ṭhapetvā gantabbaṃ. Asatiyā gahetvā gatena paḥiṇitvā dātabbo. Desantaraṃ gatena sampattavihāre saṃghikāvāse ṭhapetabbo.

Tiṇanti muñjaṃ pabbajañca ṭhapetvā avasesaṃ yaṃkiñci tiṇaṃ. Yattha pana tiṇaṃ natthi, tattha paṇṇehi chāḍenti, tasmā paṇṇampi tiṇeneva saṅgahitaṃ. Iti muñjādīsu yaṃkiñci muṭṭhippamaṇāmpi tiṇaṃ tālapaṇṇādīsu ca ekaṃ paṇṇampi saṃghassa dinnāṃ vā tathajātakaṃ vā bahārāme saṃghassa tiṇavatthuto¹ jātatiṇaṃ vā rakkhitagopitaṃ garubhaṇḍaṃ hoti. Tampi saṃghakamme ca cetiyakamme ca kate atirekaṃ puggalikakamme dātuṃ vaṭṭati. Daḍḍhagehamanussā gahetvā gacchantā na vāretabbā. Aṭṭhaṅgulappamaṇopi rittapotthako garubhaṇḍameva.

Mattikā pakatimattikā vā hotu pañcavaṇṇā vā sudhā vā sajjurasakaṅguṭṭhasilesādīsu vā yaṃkiñci, dullabhaṭṭhāne ānetvā vā dinnāṃ tathajātakaṃ vā rakkhitagopitaṃ tālaphalapakkamattaṃ garubhaṇḍaṃ hoti. Tampi saṃghakamme ca cetiyakamme ca niṭṭhite atirekaṃ puggalikakamme dātuṃ vaṭṭati. Hiṅgu hiṅgulaka haritāla manosilañjanāni pana bhājanīyabhaṇḍāni.

Dārubhaṇḍe yo koci aṭṭhaṅgulasūcidaṇḍamattopi dārubhaṇḍako dārudullabhaṭṭhāne saṃghassa dinno vā tathajātako vā rakkhitagopito, ayaṃ garubhaṇḍaṃ hotīti Kurundiyaṃ vuttaṃ. Mahā-aṭṭhakathāyaṃ pana sabbampi dāru veḷu camma pāsāṇādivikatiṃ dārubhaṇḍena saṅgaṇhitvā “tena kho pana samayena saṃghassa āsandiko uppanno hotī”ti ito paṭṭhāya dārubhaṇḍavinicchayo vutto.

Tatrāyaṃ atthuddhāro, āsandiko sattaṅgo bhaddapīṭhaṃ pīṭhikā eḷakapādakapīṭhaṃ āmalakavaṭṭakapīṭhaṃ² phalakaṃ kocchaṃ palālapīṭhakanti

1. Tiṇavatthusmiṃ (Sī), dinnavatthuto (Ka)

2. Āmaṇḍakavaṇṭikapīṭhaṃ (Sī), āmalakavaṇḍakapīṭhaṃ (Syā)

imesu tāva yaṃkiñci khuddakaṃ vā hotu mahantaṃ vā, saṃghassa dinnam garubhaṇḍam hoti. Palālapīṭhena cettha kadalipattādipīṭhānipi saṅghatāni. Byagghacamma-onaddhampi vājarūpaparikkhitaṃ ratanaparisisbitam kocchakaṃ garubhaṇḍameva.

Vaṅkaphalakaṃ dīghaphalakaṃ cīvaradhovanaphalakaṃ ghaṭṭanaphalakaṃ ghaṭṭanamuggaro dantakaṭṭhacchedanagaṇṭhikā daṇḍamuggaro¹ ambaṇam rajanadoṇi udakapaṭicchako dārumayo vā dantamayo vā veḷumayo vā, sapādakopi apādakopi samuggo, mañjūsā, pādagaṇhanakato atirekappamāṇo karaṇḍo udakadoṇi udakakaṭāham uḷunko kaṭacchu pānīyasarāvaṃ pānīyasaṅkhoti etesupi yaṃkiñci saṅghe dinnam garubhaṇḍam. Saṅkhathālakam pana bhājanīyam, tathā dārumayo udakatumbo.

Pādakathalikamaṇḍalam dārumayaṃ vā hotu coḷapaṇṇādimayaṃ vā, sabbam garubhaṇḍam. Ādhāraḷo pattapīḍhānam tālavaṇṭam bījanī caṅkoṭakam pacchi yaṭṭhisammuṇjanī muṭṭhisammuṇjanīti etesupi yaṃkiñci khuddakaṃ vā mahantaṃ vā dāruveḷupaṇṇacammādisu yena kenaci kataṃ garubhaṇḍameva.

Thambhatulāsopānaphalakādīsu dārumayaṃ vā pāsānamayaṃ vā yaṃkiñci gehasambhārarūpaṃ yo koci kaṭasāraḷo yaṃkiñci bhūmattharaṇam yaṃkiñci akappiyacammaṃ, sabbam saṅghe dinnam garubhaṇḍam, bhūmattharaṇam kātuṃ vaṭṭati. Eḷakacammaṃ pana paccattharaṇagatikam hoti, tampi garubhaṇḍameva. Kappiyacammāni bhājanīyāni. Kurundiyaṃ pana “sabbam mañcappamāṇam cammam garubhaṇḍan”ti vuttam.

Udukkhalaṃ musalaṃ suppaṃ nisadaṃ nisadapoto pāsāṇadoṇi pāsāṇakaṭāham turivemabhastādi sabbam pesakārādibhaṇḍam, sabbam kasibhaṇḍam, sabbam cakkayuttakayānam garubhaṇḍameva. Mañcapādo mañca-aṭṭhāni pīṭhapādo pīṭha-aṭṭhāni vāsipharasu-ādīnam daṇḍāti etesu yaṃkiñci vippakatacchanakammaṃ aṇiṭṭhitameva bhājanīyam, tacchitamaṭṭham pana garubhaṇḍam hoti. Anuññātavāsīyā pana daṇḍo chattamuṭṭhipaṇṇam kattarayaṭṭhi upāhanā araṇisahitam dhammakaraṇo pādagaṇhanakato anatirittam āmalakatumbarā āmalakaghaṭo lābukatumbarā lābughaṭo visāṇakatumbanti sabbametaṃ bhājanīyam, tato mahantataram garubhaṇḍam.

1. Daṇḍamuggaro nāvā (Sī)

Hatthidanto vā yaṁkiñci visāṇaṁ vā atacchitaṁ yathājātaṁ¹
bhājanīyaṁ, tehi katamañcapādādīsu purimasadisoyeva vinicchayo.
Taccchitaniṭṭhitopi hiṅgukaraṇḍako añjanakaraṇḍako gaṇṭhikā vidho añjanī
añjanisalākā udakapuñchanīti idaṁ sabbaṁ bhājanīyameva.

Mattikābhaṇḍe sabbaṁ manussānaṁ upabhogaparibhogaṁ
ghaṭapiṭharādi² kulālabhājanaṁ pattakaṭāhaṁ aṅgārakaṭāhaṁ
dhūmadānakaṁ dīparukkhatō dīpakapallikā cayaniṭṭhakā chadaniṭṭhakā
thupikāti saṁghassa dinnakālato paṭṭhāya garubhaṇḍaṁ, pādagaṇṭhanakato
anarittappamaṇo pana ghaṭako pattaṁ thālakaṁ kañcanaḥ kuṇḍikāti
idamettha bhājanīyabhaṇḍaṁ. Yathā ca mattikābhaṇḍe, evaṁ lohabhaṇḍepi
kuṇḍikā bhājanīyakoṭṭhāsameva bhajatīti ayamettha anupubbikathā.

Navakammadānakathā

323. **Bhaṇḍikāṭṭhapanamattenāti**³ dvārabāhānaṁ upari
kapotabhaṇḍikayojanamattena. **Paribhaṇḍakaraṇamattenāti**
gomayaparibhaṇḍakasāvaparibhaṇḍakaraṇamattena. **Dhūmakālikanti** idaṁ
yāvassa citakadhūmo na paññāyati, tāva ayaṁ vihāro etassevāti evaṁ
dhūmakāle apaloketvā katapariyositaṁ vihāraṁ denti. **Vippakatanti** ettha
vipakato nāma yāva gopānasiyo na ārohanti. Gopānāsīsu pana āruḷhāsu
bahukato nāma hoti, tasmā tato paṭṭhāya na dātabbo, kiñcīdeva samādapetvā
kāressati. **Khuddake vihāre kammaṁ oloketvā chappañcavassikanti**
kammaṁ oloketvā catuhatthavihāre catuvassikaṁ, pañcahatthe
pañcavassikaṁ, chahatthe chavassikaṁ dātabbaṁ. Aḍḍhayogo pana yasmā
sattaṭṭhahattho hoti, tasmā ettha “sattaṭṭhavassikaṁ”ti vuttaṁ. Sace pana so
navahattho hoti, navavassikampi dātabbaṁ. Mahallake pana dasahatthe
ekādasahatthe vihāre vā pāsāde vā dasavassikaṁ vā ekādasavassikaṁ vā
dātabbaṁ. Dvādasahatthe pana kato adhike vā lohapāsādasadisepi
dvādasavassikameva dātabbaṁ, na tato uttari.

1. Yathābhatameva (Sī) 2. Ghaṭapīdhānādi (Syā) 3. Gaṇḍikāṭṭhapanamattenāti (Sī)

Navakammiko bhikkhu antovasse taṃ āvāsaṃ labhati, utukāle paṭibāhituṃ na labhati. Sace so āvāso jīrati, āvāsasāmikassa vā tassa vaṃse uppannassa vā kassaci kathetabbaṃ “āvāso te nassati, jaggatha etaṃ āvāsaṃ”ti. Sace so na sakkoti, bhikkhūhi ñāti vā upaṭṭhāke vā samādapetvā jaggitabbo. Sace tepi na sakkonti, saṃghikena paccayena jaggitabbo. Tasmimpi asati ekaṃ āvāsaṃ vissajjetvā avasesā jaggitabbā. Bahū vissajjetvā ekaṃ saṅghāpetumpi vaṭṭatiyeva.

Dubbhikkhe bhikkhūsu pakkantesu sabbe āvāsā nassanti, tasmā ekaṃ vā dve vā tayo vā āvāse vissajjetvā tato yāgubhattacīvarādīni paribhuñjantehi sesāvāsā jaggitabbāyeva. Kurundiyaṃ pana vuttaṃ “saṅghike paccaye asati eko bhikkhu ‘tuyhaṃ ekaṃ mañcaṭṭhānaṃ gahetvā jaggāhi’ti vattabbo. Sace bahutaraṃ icchati, tibhāgaṃ vā upaḍḍhabhāgaṃ vā datvāpi jaggāpetabbaṃ. Atha thambhamattamevettha avasiṭṭhaṃ, bahukammaṃ kātābanti na icchati, ‘tuyhaṃ puggalikameva katvā jagga, evampi hi saṅghassa bhaṇḍakaṭṭhapanatṭhānaṃ navakānañca vasanaṭṭhānaṃ labhissatī’ti jaggāpetabbo. Evaṃ jaggito pana tasmim jīvante puggaliko hoti, mate saṅghikoyeva. Sace saddhivihārikānaṃ dātukāmo hoti, kammaṃ oloketvā tibhāgaṃ vā upaḍḍhaṃ vā puggalikaṃ katvā jaggāpetabbo. Evañhi¹ saddhivihārikānaṃ dātuṃ labhati. Evaṃ jagganake pana asati ekaṃ āvāsaṃ vissajjetvāti-ādinā nayena jaggāpetabbo”ti.

Idampi ca aññaṃ tattheva vuttaṃ—dve bhikkhū saṅghikaṃ bhūmim gahetvā sodhetvā saṅghikaṃ senāsaṇaṃ karonti, yena sā bhūmi paṭhamaṃ gahitā, so sāmī. Ubhopi puggalikaṃ karonti, soyeva sāmī. So saṅghikaṃ karoti, itaro puggalikaṃ karoti, aññaṃ ce bahu senāsaṇatṭhānaṃ atthi, puggalikaṃ karontopi na vāretabbo. Aññasmiṃ pana tādise patirūpe ṭhāne asati taṃ paṭibāhitvā saṅghikaṃ karonteneva kātābbaṃ. Yaṃ pana tassa tattha vayakammaṃ kataṃ, taṃ dātābbaṃ. Sace pana katāvāse vā āvāsakaraṇatṭhāne vā chāyūpagaphalūpagarukkā honti,

1. Etañhi (Sī)

apaloketvā hāretabbā. Puggalikā ce honti, sāmikā āpucchitabbā. No ce denti, yāvataiyam āpucchitvā rukkha-agghanakamūlam dassāmāti hāretabbā.

Yo pana saṅghikavallimattampi aggahetvā āharimena upakaraṇena saṅghikāya bhūmiyā puggalikavihāram kāreti, upaḍḍhum saṅghikam hoti, upaḍḍham puggalikam. Pāsādo ce hoti, heṭṭhāpāsādo saṅghiko, upari puggaliko. Sace so heṭṭhāpāsādam icchati, tassa hoti. Atha heṭṭhā ca upari ca icchati, ubhayattha upaḍḍham labhati. Dve senāsanāni kāreti, ekam saṅghikam, ekam puggalikam. Sace vihāre uṭṭhitena dabbasambhārena kāreti, tatiyabhāgam labhati. Sace akataṭṭhāne cayam vā pamukham vā karoti, bahikutte upaḍḍham saṅghassa, upaḍḍham tassa. Atha mahantam visamam pūretvā apade padam dassetvā katam hoti, anissaro tattha saṅgho.

Ekam varaseyyanti ettha navakammadānaṭṭhāne vā vassaggena pattaṭṭhāne vā yam icchati, tam ekam varaseyyam anujānāmīti attho.

Pariyosite pakkamati, tassevetanti puna āgantvā vasantassa antovassam tasseva tam, anāgacchantassa pana saddhivihārikādayo gahetum na labhanti.

Aññatraparibhogapaṭikkhepādikathā

324. **Nātiharantīti** aññatra haritvā na paribhuñjanti. **Guttatthāyāti** yam tattha mañcapīṭhādi, tassa guttatthāya tam aññatra haritum anujānāmīti attho. Tasmā tam aññatra haritvā saṅghikaparibhogena paribhuñjantassa naṭṭham sunaṭṭham, jiṇṇam sujīṇam. Sace arogam, tasmim vihāre paṭisaṅkhate puna pākatikam kātabbam. Puggalikaparibhogena paribhuñjato naṭṭham vā jiṇṇam vā gīvā hoti, tasmim paṭisaṅkhate dātabbameva. Sace tato gopānasi-ādīni gahetvā aññasmim saṅghikāvāse yojenti, suyojitāni. Puggalikāvāse yojentehi pana mūlam vā dātabbam, paṭipākatikam vā kātabbam. Chaḍḍitavihārato mañcapīṭhādīni theyyacittena gaṇhanto uddhāreyeva bhaṇḍagghena kāretabbo. Puna āvāsikakāle dassāmīti gahetvā saṅghikaparibhogena paribhuñjantassa naṭṭham sunaṭṭham, jiṇṇam sujīṇam. Arogañce, pākatikam

kātabbāṃ. Puggalikaparibhogena paribhuñjantassa naṭṭhaṃ gīvā hoti. Tato dvāravātapānādīni saṃghikāvāse vā puggalikāvāse vā yojitāni paṭidātabbāniyeva.

Phātikammatthāyāti vaḍḍhikammatthāya. Phātikammañcetha samakāṃ vā atirekāṃ vā agghanakāṃ mañcapīṭhādīsenāsanameva vaṭṭati.

Cakkalikanti kambalādīhi veṭhetvā katacakkalikaṃ. **Allehi pādehīti** yehi akkantaṭṭhāne udakāṃ paññāyati, evarūpehi pādehi paribhaṇḍakatabhūmi vā senāsanāṃ vā na akkamitabbāṃ. Sace pana udakasinehamattameva paññāyati, na udakāṃ, vaṭṭati. Pādapuñchanim̐ pana allapādehipi akkamitum̐ vaṭṭatiyeva. Sa-upāhanena dhotapādehi akkamitabbaṭṭhāneyeva na vaṭṭati.

Coḷakena paliveṭhetunti sudhābhūmiyaṃ vā paribhaṇḍabhūmiyaṃ vā sace taṭṭikā vā kaṭasārako vā natthi, coḷakena pādā veṭhetabbā. Tasmim̐ asati paṇṇampi attharitum̐ vaṭṭati, kiñci anatharivā ṭhapentassa pana dukkaṭaṃ. Yadi pana tattha nevāsikā anathatāyapi bhūmiyā ṭhapenti, adhotapādehipi vaḷañjenti, tatheva vaḷañjetum̐ vaṭṭati.

Na bhikkhave parikkammakatā bhittīti setabhitti vā cittakammakatā vā. Na kevalaṅca bhittimeva, dvārampi vātapānampi apassenaphalakampi pāsāṇatthambhampi rukkhatthambhampi cīvarena vā kenaci vā appaṭicchādetvā apassayitum̐ na labbhatiyeva.

Dhotapādakāti dhotapādakā hutvā dhotehi pādehi akkamitabbaṭṭhāne nipajjitum̐ kukkuccāyanti. Dhotapādaketipi pāṭho, dhotehi pādehi akkamitabbaṭṭhānassetaṃ adhivacanaṃ. **Paccattharivāti** paribhaṇḍakataṃ bhūmim̐ vā bhūmattharaṇasenāsanāṃ vā saṃghikamañcapīṭhaṃ vā attano santakena paccattharaṇena paccattharivāva nipajjitabbāṃ. Sace niddāyatopi paccattharaṇe saṅkuṭite¹ koci sarīrāvayavo mañcaṃ vā pīṭhaṃ vā phusati, āpattiyeva. Lomesu pana lomagaṇanāya āpattiyeva. Paribhogasīsenā apassayantassāpi eseva nayo. Hatthatalapādālehi pana phusitum̐ vā akkamitum̐ vā vaṭṭati. Mañcapīṭhaṃ nīharantassa kāye paṭihaññati, anāpatti.

1. Saṅkucite (Si)

Samṅhabhattādi-anujānanakathā

325. Na sakkonti samṅhabhattaṃ kātunti sakalassa samṅhassa bhattaṃ kātum na sakkonti. **Uddesabhattanti**-ādīsu ekaṃ vā dve vā -pa- dasa vā bhikkhū samṅhato uddisitvā dethāti evaṃ uddesena laddhabhikkhūnaṃ bhattaṃ kātum icchanti. Apare tatheva bhikkhū paricchinditvā nimantetvā tesam bhattaṃ kātum icchanti, apare salākāyo chinditvā. Apare pakkhikaṃ, uposathikaṃ, pāṭipadikanti evaṃ niyāmetvā ekassa vā dvinnam vā -pa- dasannaṃ vā bhikkhūnaṃ bhattaṃ kātum icchanti. Iti etāni bhattāni uddesabhattaṃ nimantananti imaṃ vohāraṃ pattāni. Yasmā pana te saccepi dubbhikkhe na sakkonti, subhikkhe jāte pana puna samṅhabhattaṃ kātum sakkhissanti, tasmā Bhagavā tampi anto katvā **anujānāmi bhikkhave samṅhabhattaṃ uddesabhattanti**-ādimāha.

Tattha **samṅhabhatte** ṭhitikā nāma natthi, tasmā “amhākaṃ ajja dasa dvādasa divasā bhuñjantānaṃ, idāni aññato bhikkhū ānethā”ti na evaṃ tattha vattabbaṃ. “Purimadivasesu amhehi na laddhaṃ, idāni taṃ amhākaṃ gāhethā”ti evampi vattum na labbhati. Taṃ hi āgatāgatānaṃ pāpuṇātiyeva.

Uddesabhattakathā

Uddesabhattādīsu pana ayaṃ nayo—rañño vā rājamahāmattena vā samṅhato uddisitvā “ettake bhikkhū ānethā”ti pahite kālaṃ ghosetvā ṭhitikā pucchitabbā. Sace atthi, tato paṭṭhāya gāhetabbaṃ. No ce, therāsanato paṭṭhāya gāhetabbaṃ. Uddesakena piṇḍapātikānampi na atikkāmetabbaṃ. Te pana dhutaṅgaṃ rakkhantā sayameva atikkamissanti. Evaṃ gāhiyamāne alasaṅgātikā mahātherā pacchā āgacchanti, “bhante vīsativassānaṃ gāhiyati, tumhākaṃ ṭhitikā atikkantā”ti na vattabbā, ṭhitikaṃ ṭhapetvā tesam gāhetvā pacchā ṭhitikāya gāhetabbaṃ. “Asukavihāre bahu uddesabhattaṃ uppannaṃ”ti sutvā yojanantarikavihāratopi bhikkhū āgacchanti, sampattasampattānaṃ ṭhitaṭṭhānato paṭṭhāya gāhetabbaṃ. Asampattānampi upacārasīmaṃ pavīṭṭhānaṃ antevāsikādīsu

gaṇhantesu gāhetabbameva. Bahi-upacārasīmāya ṭhitānaṃ gāhethāti¹ vadanti, na gāhetabbaṃ. Sace pana upacārasīmaṃ okkantehi ekābaddhā hutvā attano vihāradvāre vā antovihāreyaeva vā honti, parisāvasena vaḍḍhitā nāma sīmā hoti, tasmā gāhetabbaṃ. Saṃghanavakassa dinnepi pacchā āgatānaṃ gāhetabbameva. Dutiyabhāge pana therāsaṇaṃ āruḷhe puna āgatānaṃ paṭhamabhāgo na pāpuṇāti, dutiyabhāgato vassaggena gāhetabbaṃ.

Ekasmiṃ vihāre ekaṃ bhattuddesaṭṭhānaṃ paricchinditvā gāvutappamaṇāyapi upacārasīmāya yattha katthaci ārocitaṃ uddesabhataṃ tasmīnyeva bhattuddesaṭṭhāne gāhetabbaṃ. Eko ekassa bhikkhuno paṇiṇāti “svepi saṃghato uddisitvā dasa bhikkhū paṇiṇathā”ti, tena so attho bhattuddesakassa ārocetabbo. Sace taṃ divasaṃ pamussati, dutiyadvase pātova ārocetabbo. Atha pamussitvāva piṇḍāya pavisanto sarati, yāva upacārasīmaṃ nātikkamati, tāva yā bhojanasālāya pakatiṭṭhitikā, tassāyeva vasena gāhetabbaṃ. Sacepi upacārasīmaṃ atikkantā bhikkhū ca upacārasīmaṭṭhakehi ekābaddhā honti, aññaṃaññaṃ dvādasahattantaraṃ avijahitvā gacchanti, pakatiṭṭhitikāya vasena gāhetabbaṃ. Bhikkhūnaṃ pana tādisse ekābaddhe asati bahi-upacārasīmāya yasmiṃ ṭhāne sarati, tattha navaṃ ṭhitikaṃ katvā gāhetabbaṃ. Antogāme āsanasālāya sarantena āsanasālāya ṭhitikāya gāhetabbaṃ. Yattha katthaci saritā gāhetabbameva, agāhetuṃ na vaṭṭati. Na hi etaṃ dutiyadvase labbhatīti².

Sace sakavihārato³ aññaṃ vihāraṃ gacchante bhikkhū disvā koci uddesabhataṃ uddisāpeti, yāva anto-upacāre vā upacārasīmaṭṭhakehi saddhiṃ vuttanayena ekābaddhā vā honti, tāva sakavihāre ṭhitikāvaseneva gāhetabbaṃ. Bahi-upacāre ṭhitānaṃ dinnānaṃ pana “saṃghato bhante ettake nāma bhikkhū uddisathā”ti vutte sampattānaṃ gāhetabbaṃ. Tattha dvādasahattantaraṃ avijahitvā ekābaddhanayena dūre ṭhitāpi sampattāyevāti veditabbaṃ. Sace yaṃ vihāraṃ gacchanti, tattha pavīṭṭhānaṃ ārocenti, tassa vihārassa ṭhitikāvasena gāhetabbaṃ. Sacepi gāmadvāre vā vīthiyaṃ vā

1. Gāhetabbāti (Sī)

2. Paṭilabbhatīti (Sī)

3. Pakativihārato (Ka)

catukke vā antaraghare vā bhikkhū disvā koci saṃghuddesaṃ āroceti,
tasmim̐ tasmim̐ ṭhāne anto-upacāragatānaṃ gāhetabbaṃ.

Gharūpacāro cettha ekaṃ gharaṃ ekūpacāraṃ, ekaṃ gharaṃ
nānūpacāraṃ, nānāgharaṃ ekūpacāraṃ, nānāgharaṃ nānūpacāraṃti imesaṃ
vasena veditaḃbo. Tattha yaṃ ekakulassa gharaṃ ekavaḷaṅjaṃ hoti, taṃ
suppapātaparicchedassa anto ekūpacāraṃ nāma. Tatthuppanno uddesalābho
tasmim̐ upacāre bhikkhācāravattenapi ṭhitānaṃ sabbesaṃ pāpuṇāti. Etaṃ
ekaṃ gharaṃ ekūpacāraṃ nāma.

Yaṃ pana ekaṃ gharaṃ dvinnaṃ bhariyānaṃ sukhavihāratthāya majjhe
bhittim̐ utṭhāpetvā nānādvāraḷaṅjaṃ kataṃ, tatthuppanno uddesalābho
bhitti-antarikassa na pāpuṇāti, tasmim̐ tasmim̐ ṭhāne nisinnasseva pāpuṇāti.
Etaṃ **ekaṃ gharaṃ nānūpacāraṃ** nāma.

Yasmim̐ pana ghare bahū bhikkhū nimantevā antogehato paṭṭhāya
ekābaddhe katvā paṭivissakagharānipi pūretvā nisidāpenti, tatthuppanno
uddesalābho sabbesaṃ pāpuṇāti. Yampi nānākulassa nivesanaṃ majjhe
bhittim̐ akatvā ekadvārenea vaḷaṅjanti, tatrāpi eseva nayo. Etaṃ
nānāgharaṃ ekūpacāraṃ nāma.

Yo pana nānānivesanesu nisinnānaṃ bhikkhūnaṃ uddesalābho
upajjati, kiṅcāpi bhitticchiddena bhikkhū dissanti, tasmim̐ tasmim̐ nivesane
nisinnānaṃyeva pāpuṇāti. Etaṃ **nānāgharaṃ nānūpacāraṃ** nāma.

Yo pana gāmadvāravithicatukkesu aññatarasmim̐ ṭhāne uddesabhattam̐
labhitvā aññasmim̐ bhikkhusmim̐ asati attanova pāpuṇāpetvā dutiyadivasepi
tasmim̐yeva ṭhāne aññaṃ labhati, tena yaṃ aññaṃ navakaṃ vā vuḍḍhaṃ vā
bhikkhuṃ passati, tassa gāhetabbaṃ. Sace koci natthi, attanova pāpetvā
bhūñjitabbaṃ.

Sace āsanasālaya nisiditvā kālaṃ paṭimānentesu bhikkhūsu koci āgantvā
“saṃghuddesapattam̐ detha, uddesapattam̐ detha, saṃghato uddisitvā pattam̐
detha, saṃghikaṃ pattam̐ dethā”ti vā vadati, uddesapattam̐ ṭhitikāya gāhetvā
dātabbaṃ. “Saṃghuddesabhikkhuṃ detha, saṃghato uddisitvā bhikkhuṃ
detha, saṃghikaṃ bhikkhuṃ dethā”ti vuttepi eseva nayo.

Uddesako panettha pesalo lajjī medhāvī icchitabbo, tena tikkhattum̐ ṭhitikaṃ pucchitvā sace koci ṭhitikaṃ jānanto natthi, therāsanato gāhetabbaṃ. Sace pana “ahaṃ jānāmi, dasavassena laddhan”ti koci bhaṇati, “atthāvuso dasavassā bhikkhū”ti pucchitabbaṃ. Sace tassa sutvā “dasavassamha dasavassamhā”ti bahū āgacchanti, “tuyhaṃ pāpuṇāti, tuyhaṃ pāpuṇāti”ti avatvā “sabbe appasaddā hothā”ti vatvā paṭipāṭiyā ṭhapetabbā. Ṭhapetvā “kati icchathā”ti upāsako pucchitabbo. “Ettake nāma bhante bhikkhū”ti vutte “tuyhaṃ pāpuṇāti, tuyhaṃ pāpuṇāti”ti avatvā sabbanavakassa vassaggañca utu ca divasabhāgo ca chāyā ca pucchitabbā. Sace chāyāyapi pucchiyamānāya añño vuḍḍhataro āgacchati, tassa dātabbaṃ. Atha chāyaṃ pucchitvā “tuyhaṃ pāpuṇāti”ti vutte vuḍḍhataro āgacchati, na labhati. Kathāpapañcena hi nisinnassāpi niddāyantassāpi gāhitaṃ suggāhitaṃ, atikkantaṃ su-atikkantaṃ. Bhājanīyabhaṇḍaṃ hi nāmetaṃ sampattasseva pāpuṇāti, tattha sampattabhāvo upacārena paricchinditabbo. Āsanasālāya ca antoparikkhepo upacāro, tasmim̐ ṭhitassa lābho pāpuṇātīti.

Koci āsanasālato aṭṭha uddesapatte āharāpetvā satta patte paṇītabhojanānaṃ, ekaṃ udakassa pūretvā āsanasālāyaṃ paṇīṇāti, gahetvā āgatā kiñci avatvā bhikkhūnaṃ hatthesu paṭiṭṭhāpetvā pakkamanti. Yena yaṃ laddhaṃ, tasseva taṃ hoti. Yena pana udakaṃ laddhaṃ, tassa atikkantampi ṭhitikaṃ ṭhapetvā aññaṃ uddesabhattaṃ gāhetabbaṃ. Tañca lūkhaṃ vā labhatu paṇītaṃ vā ticīvaraparivāraṃ vā, tassevetaṃ. Īdiso hissa puññaviseso. Udakaṃ pana yasmā āmisaṃ na hoti, tasmā aññaṃ uddesabhattaṃ labbhati.

Sace pana te gahetvā “idaṃ kira bhante sabbaṃ bhājetvā bhuñjathā”ti vatvā gacchanti, sabbehi bhājetvā bhuñjitvā udakaṃ pātabbaṃ. Saṃghato uddisitvā “aṭṭha mahāthere detha, majjhime detha, navake detha, pariṇaṇṇavassasāmaṇere detha, majjhimbhāṇakādayo detha, mayhaṃ nātibhikkhū dethā”ti vadantassa pana “upāsaka tvaṃ evaṃ vadasi, ṭhitikāya pana tesāṃ na pāpuṇāti”ti vatvā ṭhitikāvaseneva dātabbā.

dahasāmaṇerehi pana uddesabhattesu laddhesu sace dāyakānaṃ ghare maṅgalaṃ hoti, “tumhākaṃ ācariyupajjhāye pesethā”ti vattabbaṃ.

Yasmiṃ pana uddesabhatte paṭhamabhāgo sāmaṇerānaṃ pāpuṇāti, anubhāgo mahātherānaṃ, na tattha sāmaṇerā “mayāṃ paṭhamabhāgaṃ labhimhā”ti purato gantuṃ labhanti, yathāpaṭipāṭiyā eva gantabbaṃ. “Saṃghato uddisitvā tumhe ethā”ti vutte “mayhaṃ aññadāpi jānissasi, ṭhitikā pana evaṃ gacchatī”ti ṭhitikāvaseneva gāhetabbaṃ. Atha “saṃghuddesapattaṃ dethā”ti vatvā agāhiteyeva patte yassa kassaci pattāṃ gahetvā pūretvā āharati, āhaṭampi ṭhitikāya eva gāhetabbaṃ.

Eko “saṃghuddesapattaṃ āharā”ti pesito “bhante ekaṃ pattāṃ detha, nimantanabhattaṃ āharissāmi”ti vadati, so ce uddesabhattagharato ayaṃ āgatoti ñatvā bhikkhūhi “nanu tvaṃ asukagharato āgato”ti vutto “āma bhante, na nimantanabhattaṃ, uddesabhattaṃ”ti bhaṇati, ṭhitikāya gahetabbaṃ. Yo pana “ekaṃ pattāṃ āharā”ti vutto “kinti vatvā āharāmi”ti vatvā “yathā te rucati”ti vutto āgacchati, ayaṃ vissatṭhadūto nāma. Uddesapattaṃ vā paṭipāṭipattaṃ vā puggalikapattaṃ vā yaṃ icchati, taṃ tassa dātabbaṃ. Eko bālo abyatto uddesapattaṃ āharāti pesito vattuṃ na jānāti, tuṇhībhūto tiṭṭhati, so “kassa santikaṃ āgatosī”ti vā “kassa pattāṃ harissasi”ti vā na vattabbo. Evaṃ hi vutto pucchāsabhāgena “tumhākaṃ santikaṃ āgatomhī”ti “tumhākaṃ pattāṃ harissāmi”ti vā vadeyya, tato taṃ bhikkhuṃ aññe bhikkhū jigucchantā na olokeyyūṃ. “Kuhim gacchasi, kim karonto āhiṇḍasi”ti pana vattabbo. Tassa “uddesapattatthāya āgatomhī”ti vadantassa gāhetvā patto dātabbo.

Ekā **kūṭaṭṭhitikā** nāma hoti. Rañño vā hi rājamahāmattassa vā gehe atipaṇṭitāni aṭṭha uddesabhattāni niccaṃ diyyanti, tāni ekacārikabhattāni katvā bhikkhū visuṃ ṭhitikāya paribhuñjanti. Ekacce bhikkhū “sve dāni amhākaṃ pāpuṇissanti”ti attano ṭhitikaṃ sallakkhetvā gatā, tesu anāgatesuyeva aññe āgantukā bhikkhū āgantvā

āsanasālāya nisīdanti, taṅkhaṇaññeva rājapurisā āgantvā “paṇītabhattapatte dethā”ti vadanti, āgantukā ṭhitikaṃ ajānantā gāhenti, taṅkhaṇaññeva ca ṭhitikaṃ jānanakabhikkhū āgantvā “kiṃ gāhethā”ti vadanti. Rājagehe paṇītabhattanti. Kativassato paṭṭhāyāti. Ettakavassato nāmāti. Mā gāhethāti nivāretvā ṭhitikāya gāhetabbaṃ, gāhite āgatehipi pattadānakāle āgatehipi dinnakāle āgatehipi rājagehato patte pūretvā āhaṭakāle āgatehipi, rājā “ajja bhikkhūyeva āgacchantū”ti pesetvā bhikkhūnaṃyeva hatthe piṇḍapātāṃ deti, evaṃ dinnapiṇḍapātāṃ gahetvā āgatakāle āgatehipi ṭhitikaṃ jānanakabhikkhūhi mā bhuñjitthāti vāretvā ṭhitikāyameva gāhetabbaṃ.

Atha ne rājā bhojetvā pattepi nesam pūretvā deti, yaṃ āhaṭam, taṃ ṭhitikāya gāhetabbaṃ. Sace pana “mā tucchahatthā gacchantū”ti thokameva pattesu pakkhittam hoti, taṃ na gāhetabbaṃ. Atha bhuñjitvā tucchapattāva āgacchanti, yaṃ tehi bhuttam, taṃ nesam gīvā gīvā hotīti Mahāsumatthero āha. Mahāpadumatthero panāha “gīvākiccaṃ ettha natthi, ṭhitikaṃ pana ajānantehi yāva jānanakā āgacchanti, tāva nisīditabbaṃ siyā, evaṃ santepi bhuttam subhuttam, idāni pattaṭṭhānena gāhetabban”ti.

Eko ticīvaraparivāro satagghanako piṇḍapāto avassikassa bhikkhuno patto, vihāre ca “evarūpo piṇḍapāto avassikassa patto”ti likhitvā ṭhapesum. Atha saṭṭhivassaccayena añño tathārūpo piṇḍapāto uppanno, yaṃ kiṃ avassikaṭṭhitikāya gāhetabbo, udāhu saṭṭhivassikaṭṭhikāyāti. Saṭṭhivassikaṭṭhitikāyāti vuttam, yaṃ hi bhikkhu ṭhitikaṃ gahetvāyeva vaḍḍhitoti.

Eko uddesabhattam bhuñjitvā sāmaṇero jāto, puna taṃ bhattam sāmaṇeraṭṭhitikāya pattam gaṇhitum labhati. Ayaṃ kira **antarābhattako** nāma. Yo pana paripuṇṇavasso sāmaṇero “sve uddesabhattam labhissatī”ti ajjeva upasampajjati, atikkantā tassa ṭhitikā. Ekassa bhikkhuno uddesabhattam pattam, patto cassa na tuccho hoti, so aññassa samīpe nisinnassa pattam dāpeti, tañce theyyāya haranti, gīvā

hoti. Sace pana so bhikkhu mayham pattam dammīti sayameva deti, assa gīvā na hoti. Athāpi tena bhattena anathhiko hutvā “alam mayham, tavetam bhattam dammi, pattam pesetvā āharāpehī”ti aññam vadati, yam tato āharīyati, sabbam pattasāmikassa hoti. Pattañce theyyāya haranti, suhaṭo, bhattassa dinnattā gīvā na hoti.

Vihāre dasa bhikkhū honti, tesu nava piṇḍapātikā, eko sādiyanako, dasa uddesapatte dethātiutte piṇḍapātikā gahetum na icchanti. Itaro bhikkhu “sabbāni mayham pāpuṇanti”ti gaṇhāti, ṭhitikā na hoti. Ekekaṃ ce pāpetvā gaṇhāti, ṭhitikā tiṭṭhati. Evaṃ gāhetvā dasahipi pattehi āharāpetā “bhante mayham saṅgaham karothā”ti nava patte piṇḍapātikānam deti, bhikkhudattiyam nāmetam, gaṇhitum vaṭṭati.

Sace so upāsako “bhante gharam āgantabban”ti vadati, so ca bhikkhu te bhikkhū “etha bhante, mayham sahāyā hothā”ti tassa gharam gacchati, yam tattha labhati, sabbam tasseva hoti. Itare tena dinnam labhanti. Atha nesam ghareyeva nisīdāpetvā dakkhiṇodakam datvā yāgukhajjakādīni denti “bhante yam manussā denti, tam gaṇhathā”ti, tassa bhikkhuno vacaneneva itaresam vaṭṭati. Bhuttāvīnam patte pūretvā gaṇhitvā gamanathāya denti, sabbam tasseva bhikkhuno hoti, tena dinnam itaresam vaṭṭati.

Yadi pana te vihāreyeva tena bhikkhunā “bhante mayham bhikkham gaṇhatha, manussānañca vacanam katum vaṭṭati”ti vuttā gacchanti, yam tattha bhuñjanti ceva nīharanti ca, sabbam tam tasseva santakam. Athāpi “mayham bhikkham gaṇhathā”ti avuttā “manussānam vacanam katum vaṭṭati”ti gacchanti, tatra ce ekassa madhurena sarena anumodanam karontassa sutvā therānañca upasame pasīditvā bahum samaṇaparikkhāram denti, ayam theresu pasādena uppanno akatabhāgo nāma, tasmā sabbesam pāpuṇāti.

Eko saṅghato uddisāpetvā ṭhitikāya gāhitam pattam haritvā paṇītassa khādanīyabhojanīyassa pūretvā āharitvā “imam bhante sabbo saṅgho paribhuñjatū”ti deti, sabbehi bhājetvā paribhuñjitabbam. Pattasāmikassa pana atikkantampi ṭhitikam ṭhapetvā aññam uddesabhattam dātabbam.

Atha paṭhamāmyeva sabbaṃ saṃghikaṃ pattam̐ dethāti vadati, ekassa lajjibhikkhuno santako patto dātabbo. Āharitvā ca “sabbo saṃgho paribhuñjatū”ti vutte bhājetvā paribhuñjitabbaṃ.

Eko pātiyā bhattam̐ āharitvā “saṃghuddesaṃ dammī”ti vadati, ekekaṃ ālopaṃ adatvā ṭhitikāya ekassa yāpanamattaṃ katvā dātabbaṃ. Atha so bhattam̐ āharitvā kiñci vattum̐ ajānanto tuṇhībhuṭo acchati, “kassa te ānītaṃ, kassa dātukāmosī”ti na vattabbaṃ. Pucchāsabhāgena hi “tumhākaṃ ānītaṃ, tumhākaṃ dātukāmomhī”ti vadeyya, tato taṃ bhikkhum̐ aññe bhikkhū jigucchantā gīvaṃ parivattetvā oloketabbampi na maññeyyum̐. Sace pana kuhiṃ yāsi, kiṃ karonto āhiṇḍasīti vutte uddesabhattam̐ gahetvā āgatomhīti vadati, ekena lajjibhikkhunā ṭhitikāya gāhetabbaṃ. Sace ābhataṃ bahu hoti, sabbesaṃ pahoti, ṭhitikāiccaṃ natthi, therāsanato paṭṭhāya pattam̐ pūretvā dātabbaṃ.

“Saṃghuddesapattam̐ dethā”ti vutte kiṃ āharissasīti¹ avatvā pakatiṭṭhikāya eva gāhetabbaṃ. Yo pana pāyāso vā rasapiṇḍapāto vā niccaṃ labbhati, evarūpanaṃ paṇītabhojanānaṃ āveṇikā ṭhitikā kātabbā. Tathā saparivārāya yāguyā mahagghānaṃ phalānaṃ paṇītānañca khajjakānaṃ. Pakatibhattayāguphalakhajjakānaṃ pana ekāva ṭhitikā kātabbā. Sappiṃ āharissāmīti vutte sabbasappīnaṃ ekāva ṭhitikā vaṭṭati, tathā sabbatelānaṃ. Madhum̐ āharissāmīti vutte pana madhuno ekāva ṭhitikā vaṭṭati, tathā phāṇitassa laṭṭhimadhukādīnañca bhesajjānaṃ. Sace pana gandhamālaṃ saṃghuddesaṃ denti, piṇḍapātikassa vaṭṭati na vaṭṭatīti. Āmisasseva paṭikkhittattā vaṭṭati, saṃgham̐ uddissa dinnattā pana na gahetabbanti vadanti.

Uddesabhattakathā niṭṭhitā.

Nimantanabhattakathā

Nimantanam̐ puggalikañce, sayameva issaro. saṃghikaṃ pana uddesabhatte vuttanayeneva gāhetabbaṃ. Sace panettha dūto byatto hoti,

1. Āharīyatīti (Sī, Syā)

“bhante rājagehe bhikkhusaṅghassa bhattaṃ gaṇhathā”ti avatvā “bhikkhaṃ gaṇhathā”ti vadati, piṇḍapātikānaṃpi vaṭṭati. Atha dūto abyatto bhattaṃ gaṇhathāti vadati, bhattuddesako byatto bhattanti avatvā bhante tumhe yāthāti vadati, evaṃpi piṇḍapātikānaṃpi vaṭṭati. Tumhākaṃ paṭipāṭiyā bhattaṃ pāpuṇātīti vutte pana na vaṭṭati. Sace nimantetum āgatamanusso āsanasālam pavisitvā aṭṭha bhikkhū dethāti vā aṭṭha patte dethāti vā vadati, evaṃpi piṇḍapātikānaṃ vaṭṭati, tumhe ca tumhe ca gacchathāti vattabbaṃ. Sace pana aṭṭha bhikkhū detha, bhattaṃ gaṇhatha, aṭṭha patte detha, bhattaṃ gaṇhathāti vadati, paṭipāṭiyā gāhetabbaṃ. Gāhentena pana vicchinditvā bhattanti avadantena tumhe ca tumhe ca gacchathāti vutte piṇḍapātikānaṃ vaṭṭati. Bhante tumhākaṃ pattam detha, tumhe ethāti vutte pana sādhu upāsakāti gantabbaṃ. Saṅghato uddisitvā tumhe ethāti vuttepi yathāṭṭhitikāya¹ gāhetabbaṃ.

Nimantanabhattacharato pana pattatthāya āgatassa uddesabhatte vuttanayeneva ṭhitikāya patto dātabbo. Eko “saṅghato paṭipāṭiyā pattan”ti avatvā kevalam “ekaṃ pattam dethā”ti vatvā agāhiteyeva patte yassa kassaci pattam gahetvā pūretvā āharati, tam pattasāmikasessa hoti, uddesabhatte viya ṭhitikāya na gāhetabbaṃ. Idhāpi yo āgantvā tuṅhībhuṭo tiṭṭhati, so “kassa santikaṃ āgatosī”ti vā “kassa pattam harissasī”ti vā na vattabbo.

Pucchāsabhāgena hi “tumhākaṃ santikaṃ āgato, tumhākaṃ pattam harissāmī”ti vadeyya, tato so bhikkhu bhikkhūhi jigucchānīyo assa. Kuhim gacchasi, kim karonto āhiṇḍasīti pana vutte tassa pattatthāya āgatomhīti vadantassa paṭipāṭiyā bhattaṭṭhitikāya gāhetvā patto dātabbo. Bhattāharaṇakapattam dethāti vuttepi paṭipāṭiyā bhattaṭṭhitikāya eva dātabbo. Sace āharitvā sabbo saṅgho bhuñjatūti vadati, bhājetvā bhuñjitabbaṃ. Pattasāmikassa atikkantampi ṭhitikaṃ ṭhapetvā aññaṃ paṭipāṭibhattam gāhetabbaṃ.

1. Na ṭhitikāya (Sī), ṭhitikāya (Syā)

Eko pātiyā bhattam āharitvā saṅghassa dammīti vadati, ālopabhattaṭṭhitikato paṭṭhāya ālopasaṅkhepena bhājetabbarim. Sace pana tuṅhībhūto acchati, “kassa te ābhatam, kassa dātukāmosī”ti na vattabbo. Sace pana “kuhim gacchasi, kim karonto āhiṅḍasī”ti vutte “saṅghassa me bhattam ābhatam, therānam me bhattam ābhatan”ti vadati, gahetvā ālopabhattaṭṭhitikāya bhājetabbarim. Sace pana evam ābhatam bahu hoti, sakalassa saṅghassa bahu hoti, abhihaṭṭabhikkhā nāma piṇḍapātikānampi vaṭṭati, ṭhitikāpucchanakiccam natthi, therāsanato paṭṭhāya pattam pūretvā dātabbam.

Upāsako saṅghattherassa vā ganthadhutaṅgavasena abhiññātassa vā bhattuddesakassa vā paṇḍitāti “amhākam bhattagahaṇatthāya aṭṭha bhikkhū gahetvā āgacchathā”ti, sacepi ñāti-upaṭṭhākehi pesitam hoti, ime tayo janā pucchitum na labhanti, āruḥhāyeva mātikam, saṅghato aṭṭha bhikkhū uddisāpetvā attanavamehi gantabbam. Kasmā? bhikkhusaṅghassa hi ete bhikkhū nissāya lābho uppajjatīti. Ganthadhutaṅgādīhi pana anabhiññāto āvāsikabhikkhu pucchitum labhati, tasmā tena “kim saṅghato gaṇhāmi, udāhu ye jānāmi, tehi saddhim āgacchāmi”ti mātikam āropetvā yathā dāyakā vadanti, tathā paṭipajjitabbam. “Tumhākam nissitake vā, ye vā jānātha te gahetvā ethā”ti vutte pana ye icchanti, tehi saddhim gantum labhati. Sace aṭṭha bhikkhū paṇḍitāti pesenti, saṅghatova pesetabbā. Attanā sace aññasmim gāme sakkā hoti bhikkhā labhitum, añño gāmo gantabbo. Na sakkā ce hoti labhitum, soyeva gāmo piṇḍāya pavisitabbo.

Nimantitabhikkhū āsanasālāya nisinnā honti, tatra ce manussā patte dethāti āgacchanti, animantitehi na dātabbā. “Ete nimantitabhikkhū”ti vattabbam. “Tumhepi dethā”ti vutte pana dātum vaṭṭati. Ussavādīsu manussā sayameva pariveṇāni ca padhānagharāni ca gantvā Tipiṭake ca dhammakathike ca bhikkhusatenapi saddhim nimantenti, tadā yepi jānanti, te gahetvā gantum vaṭṭati. Kasmā? Na hi mahābhikkhusaṅghena atthikā manussā pariveṇāni ca padhānagharāni ca gacchanti, sannipātaṭṭhanatova yathāsatti yathābalaṃ bhikkhū gaṇhitvā gacchantīti.

Sace pana saṅghatthero vā ganthadhutaṅgavasena abhiññātako vā bhattuddesako vā aññatra vā vassaṃ vasitvā katthaci vā gantvā puna sakaṭṭhānaṃ āgacchanti, manussā ca āgantukassa sakkāraṃ karonti, ekavāraṃ ye jānanti, te gahetvā gantabbaṃ. Paṭibaddhakālato pana paṭṭhāya dutiyavāre āraddhe saṅghatoyeva gahetvā gantabbaṃ. Abhinava-āgantukāva hutvā ñātī vā upaṭṭhāke vā passissāmāti gacchanti, tatra tesāṃ ñātī ca upaṭṭhākā ca sakkāraṃ karonti, ettha pana ye jānanti, te gahetvā gantuṃ vaṭṭati.

Yo pana atilābhī hoti, sakaṭṭhānaṃca āgantukaṭṭhānaṃca ekasadisāṃ, sabbattha manussā saṅghabhattaṃ sajjetvāva nisīdenti, tena saṅghatova gahetvā gantabbanti ayaṃ nimantane viseso. Avaseso sabbapañho uddesabhatte vuttanayeneva veditabbo. Kurundiyaṃ pana “aṭṭha mahāthere dethāti vutte aṭṭha mahātherāva dātabbā”ti vuttaṃ, esa nayo majjhimādīsu, sace pana avisesetvā “aṭṭha bhikkhū dethā”ti vadati, saṅghato dātabbā.

Nimantanabhattakathā niṭṭhitā.

Salākabhattakathā

Salākabhatte¹ pana “anujānāmi bhikkhave salākāya vā paṭṭikāya vā upanibandhitvā opuñjitvā² uddisitun”ti vacanato rukkhasāramayāya salākāya vā veḷuvilīvatalapaṇṇādīmayāya paṭṭikāya vā asukassa nāma salākabhattanti evaṃ akkharāni upanibandhitvā pacchiyaṃ vā cīvarabhoge vā katvā sabbā salākāyo opuñjitvā punappunaṃ heṭṭhuparivaseneva āloḷetvā pañcaṅgasamānāgatena bhattuddesakena sace ṭhitikā atthi, ṭhitikato paṭṭhāya, no ce atthi, therāsanato paṭṭhāya salākā dātabbā. Pacchā āgatānampi ekābaddhavasena dūre ṭhitānampi uddesabhatte vuttanayeneva dātabbā.

1. Salākabhattaṃ (Sī, Ka)

2. Omuñcitvā (Syā)

Sace vihārassa samantato bahū gocaragāmā, bhikkhū pana na bahukā, gāmasenasapi salākāyo pāpuṇanti, tumhākaṃ asukagāme salākabhattaṃ pāpuṇātīti gāmasaseneva gāhetabbā. Evaṃ gāhetena sacepi ekekasmim gāme nānappakārāni saṭṭhisalākabhattāni, sabbāni gāhitāneva honti. Tassa pattagāmasamīpe aññānīpi dve tīṇi salākabhattāni honti, tānīpi tasseva dātābbāni. Na hi sakkā tesam kārāṇā aññam bhikkhum paṇitunti.

Sace ekaccesu gāmesu bahūni salākabhattāni, sallakkhetvā sattannampi aṭṭhannampi bhikkhūnam dātābbāni. Dadantena pana catunnam pañcannam bhattānam salākāyo ekato bandhitvā dātābbā. Sace taṃ gāmaṃ atikkamitvā añño gāmo hoti, tasmīṇca ekameva salākabhattaṃ, taṃ pana pātova denti, tampi etesu bhikkhūsu etassa niggahena datvā “pātova taṃ gahetvā pacchā orimagāme itarāni bhattāni gaṇhāhi”ti vattabbo. Sace orimagāme salākabhattesu agāhitasveva gāhitasaññāya gacchati, parabhāgagāme salākabhattaṃ gāhetvā puna vihāraṃ āgantvā itarāni gāhetvā orimagāmo gantabbo. Na hi bahisīmāya saṃghalābho gāhetum labbhatīti ayam nayo Kurundiyaṃ vutto.

Sace pana bhikkhū bahū honti, gāmasasena salākā na pāpuṇanti, vīthivasena vā vīthiyam ekagehasasena vā kulavasena vā gāhetabbā. Vīthi-ādīsu ca yattha bahūni bhattāni, tattha gāme vuttanayeneva bahūnam bhikkhūnam gāhetābbāni. Salākāsu asati uddisitvāpi gāhetābbāni.

Salākadāyakena pana vattam jānitabbam, tena hi kālasseva vuṭṭhāya pattacīvaraṃ gahetvā bhojanasālaṃ gantvā asammaṭṭhaṭṭhānam¹ sammajjitvā pānīyam paribhojanīyam upaṭṭhāpetvā idāni bhikkhūhi vattam kataṃ bhavissatīti kālam sallakkhetvā ghaṇṭim paharivā bhikkhūsu sannipatitesu paṭhamameva vāragāme salākabhattaṃ gāhetabbam. “Tuyham asukasmim nāma vāragāme salākā pāpuṇāti, tatra gacchā”ti vattabbam.

Sace atirekagāvute gāmo hoti, taṃ divasaṃ gacchantā kilamanti, sve tuyham vāragāme pāpuṇātīti ajjeva gāhetabbam. Yo vāragāmaṃ

1. Asammajjanaṭṭhānam (Syā, Ka)

pesiyamāno na gacchati, aññaṃ salākaṃ maggati, na dātabbā. Saddhānaṃ hi manussānaṃ puññahāni saṃghassa ca lābhacchedo hoti, tasmā tassa dutiyepi tatiyepi divase añña salākā na dātabbā, “atthano pattaṭṭhānaṃ gantvā bhuñjāhī”ti vattabbo, tīṇi pana divasāni agacchantaṃ vāragāmato orimavāragāme salākā gāhetabbā. Tañce na gaṇhāti¹, tato paṭṭhāya tassa aññaṃ salākaṃ dātuṃ na vaṭṭati, daṇḍakammaṃ pana gāḷhaṃ kātabbāṃ, saṭṭhito vā paṇṇāsato vā na pariḥāpetabbāṃ. Vāragāme gāhetvā viḥāravāro gāhetabbo, “tuyhaṃ viḥāravāro pāpuṇāti”ti vattabbāṃ. Viḥāravārikassa² dve tisso yāgusalākāyo tisso catasso vā bhattasalākāyo ca dātabbā, nibaddhaṃ katvā pana na dātabbā. Yāgubhattadāyakaṃ hi “amhākaṃ yāgubhattaṃ viḥāragopakāva bhuñjanti”ti aññathattaṃ āpajjeyyūṃ, tasmā aññesu kulesu dātabbā.

Sace viḥāravārikānaṃ sabhāgā āharitvā denti, iccetaṃ kusalaṃ. No ce, vāraṃ gāhetvā tesāṃ yāgubhattaṃ āharāpetabbāṃ. Tāva nesāṃ salākā phātikammameva bhavanti³, vassaggena pattaṭṭhāne pana aññaṃ pi paṇītabhattasalākāṃ gaṇhituṃ labhantiyeva. Atireka-uttaribhaṅgassa ekacārikabhattassa visuṃ ṭhitikaṃ katvā salākā dātabbā.

Sace yena salākā laddhā, so taṃdivasaṃ taṃ bhattaṃ na labhati, punadivase gāhetabbāṃ. Bhattameva labhati, na uttaribhaṅgaṃ, evampi puna gāhetabbāṃ. Khīrabhattassa salākāyapi eseva nayo. Sace pana khīrameva labhati, na bhattaṃ, khīralābhato paṭṭhāya puna na gāhetabbāṃ. Dve tīṇi ekacārikabhattāni ekasseva pāpuṇanti, dubbhikkhasamaye saṃghanavakena laddhakāle vijaṭetvā visuṃ gāhetabbāni. Pākatikasalākabhattaṃ aladdhassāpi punadivase gāhetabbāṃ.

Sace khuddako viḥāro hoti, sabbe bhikkhū ekasambhogā, ucchusalākāṃ gāhentaṃ yassa kassaci sammukhībhūtaṃ pāpetvā mahātherādīnaṃ divā tacchetvā dātuṃ vaṭṭati. Rasasalākāṃ pāpetvā pacchābhattaṃ parissāvetvā vā phāṇitaṃ vā kāretvā piṇḍapātikādīnampi

1. Gaṇhāti (Syā, Ka)

2. Viḥāracārikassa (Sī)

3. Labhanti (Sī)

dātabbam. Āgantukānam āgatānāgatabhāvaṃ ñatvā gāhetabbā. Mahā-āvāse ʔhitikam katvā gāhetabbā.

Takkasalākampi sabhāgaṭṭhāne pāpetvā vā pacāpetvā vā dhūmāpetvā vā therānam dātum vaṭṭati. Mahā-āvāse vuttanayeneva paṭipajjitabbam. Phalasalākapūvasalākabhesajjagandhamālasalākāyopi visum ʔhitikāya gāhetabbā. Bhesajjādisalākāyo cettha kiñcāpi piṇḍapātikānampi vaṭṭanti, salākavasena gāhitattā pana na sādītābbā. Aggabhikkhāmatam salākabhattam denti, ʔhitika pucchitvā gāhetabbam. Asatiyā ʔhitikāya therāsanato paṭṭhāya gāhetabbam. Sace tādīsāni bhattāni bahūni honti, ekekassa bhikkhuno dve tīṇi dātābbāni. No ce, ekekameva datvā paṭipāṭiyā gatāya puna therāsanato paṭṭhāya dātābbam. Sace antarāva upacchijjati, ʔhitikā sallakkhetabbā. Yadi pana tādīsam bhattam nibaddhameva hoti, yassa pāpuṇāti, so vattabbo “laddhā vā aladdhā vā svepi gaṇheyyāsī”ti. Ekam anibaddham hoti, labhanadivase pana yāvadattham labhati, alabhanadivasā bahutarā honti, tam yassa pāpuṇāti, so alabhitvā “sve gaṇheyyāsī”ti vattabbo.

Yo salākāsu gāhitāsu pacchā āgacchati, tassa atikkantāva salākā na upaṭṭhāpetvā dātābbā. Salākam nāma ghaṇṭippaharaṇato paṭṭhāya āgantvā hattham pasārentova labhati, aññassa āgantvā samīpe ʔhitassāpi atikkantā atikkantāva hoti. Sace panassa añño gaṇhanto atthi, sayam anāgatopi labhati. Sabhāgaṭṭhāne “asuko anāgato”ti ñatvā “ayam tassa salākā”ti ʔhapetum vaṭṭati. Sace “anāgatassa na dātābbā”ti katikam karonti, adhammikā hoti. Anto-upacāre ʔhitassa hi bhājanīyabhaṇḍam pāpuṇāti. Sace pana “anāgatassa dethā”ti mahāsaddam karonti, daṇḍakammam ʔhapetabbam, “āgantvā gaṇhantū”ti vattabbam.

Chappañcasalākā naṭṭhā honti, bhattuddesako dāyakānam nāmam nassarati, so ce naṭṭhasalākā mahātherassa vā attano vā pāpetvā bhikkhū vadeyya “mayā asukagāme salākabhattam mayham pāpitaṃ, tumhe tattha laddham salākabhattam bhuñjeyyāthā”ti, vaṭṭati. Vihāre apāpitaṃ pana āsanasālāya tam bhattam labhitvā tattheva pāpetvā

bhuñjituṃ na vaṭṭati. “Ajja paṭṭhāya mayhaṃ salākabhattaṃ gaṇhathā”ti vutte tatra āsanasālāya gāhetuṃ na vaṭṭati, vihāraṃ ānetvā gāhetabbaṃ. “Sve paṭṭhāyā”ti vutte pana bhattuddesakassa ācikkhitabbaṃ “sve paṭṭhāya asukakulaṃ nāma salākabhattaṃ deti, salākaggāhaṇakāle sareyyāsī”ti. Dubbhikkhe salākabhattaṃ pacchinditvā subhikkhe jāte kiñci disvā ajja paṭṭhāya amhākaṃ salākabhattaṃ gaṇhathāti puna paṭṭhapenti, antogāme agāhetvā vihāraṃ ānetvā gāhetabbaṃ. Idaṃ hi salākabhattaṃ nāma uddesabhattasadisam na hoti, vihārameva sandhāya diyyati, tasmā bahi-upacāre gāhetuṃ na vaṭṭati. “Sve paṭṭhāyā”ti vutte pana vihāre gāhetabbameva.

Gamiko bhikkhu yaṃ disābhāgaṃ gantukāmo, tattha aññena vāragāmasalākā laddhā hoti, taṃ gahetvā itaraṃ bhikkhuṃ “mayhaṃ pattasalākaṃ tvaṃ gaṇhāhi”ti vatvā gantuṃ vaṭṭati. Tena pana upacārasīmaṃ anatikkanteyeva tasmim tassa salākā gāhetabbā.

Chaḍḍitavihāre manussā bodhicetiyādīni jaggitvā bhuñjantūti salākabhattaṃ paṭṭhapenti, bhikkhū sakaṭṭhānesu vasitvā kālasseva gantvā tattha vattaṃ karitvā taṃ bhattaṃ bhuñjanti, vaṭṭati. Sace tesu svātanāya attano pāpetvā gatesu āgantuko bhikkhu chaḍḍitavihāre vasitvā kālasseva vattaṃ katvā ghaṇṭim paharitvā salākabhattaṃ attano pāpetvā āsanasālaṃ gacchati, sova tassa bhattassa issaro. Yo pana bhikkhūsu vattaṃ karontesuyeva bhūmiyaṃ dve tayo sammunjanippahāre datvā ghaṇṭim paharitvā “dhuragāme salākabhattaṃ mayhaṃ pāpuṇāti”ti gacchati, tassa taṃ corikāya gahitattā na pāpuṇāti, vattaṃ katvā pāpetvā pacchā gatabhikkhūnamyeva hoti.

Eko gāmo atidūre¹ hoti, bhikkhū niccaṃ gantuṃ na icchanti, manussā “mayam puññena paribāhirā homā”ti vadanti, ye tassa gāmassa āsannavihāre sabhāgabhikkhū, te vattabbā “imesam bhikkhūnam anāgatadivase tumhe bhuñjathā”ti. Salākā pana devasikaṃ pāpetabbā, tā ca kho pana ghaṇṭippaharaṇamattena vā pacchicālanamattena vā pāpitā na honti, pacchim pana

1. Atidūre (Sī, Ka)

gahetvā salākā pīṭhake ākiritabbā, pacchi pana mukhavaṭṭiyaṃ na gahetabbā. Sace hi tattha ahi vā vicchiko vā bhaveyya, dukkhaṃ uppādeyya. Tasmā heṭṭhā gahetvā pacchīm parammukhaṃ katvā salākā ākiritabbā “sacepi sappo bhavissati, ettova palāyissati”ti. Evaṃ salākā ākiritvā gāmādivasena pubbe vuttanayeneva gāhetabbā. Apica ekaṃ mahātherassa pāpetvā avasesā mayhaṃ pāpuṇāntīti attano pāpetvā vattaṃ katvā cetiyaṃ vanditvā vitakkamāḷake ṭhitehi bhikkhūhi “pāpitā āvuso salākā”ti vutte “āma bhante, tumhe gatagatagāme salākabhattaṃ gaṇhathā”ti vattabbaṃ. Evaṃ pāpitāpi hi supāpitāva honti.

Bhikkhū sabbarattim dhammasavanatthaṃ aññaṃ vihāraṃ gacchantā “mayam tattha dānaṃ aggahetvāva amhākaṃ gocaragāmeva piṇḍāya caritvā āgamissāmā”ti salākā aggahetvāva gatā, vihāre therassa pattasalākabhattaṃ bhuñjitum āgacchanti, vaṭṭati. Atha mahātheropi “ahaṃ idha kiṃ karomī”ti tehiyeva saddhim gacchati, tehi gatavihāre abhuñjitvāva¹ gocaragāmaṃ anuppattehi “detha bhante patte salākayāgu-ādīni āharissāmā”ti vutte pattā na dātabbā. Kasmā bhante na dethāti, vihāraṭṭhakaṃ bhattaṃ vihāre vutthānaṃ pāpuṇāti, mayam aññaṃsmim vihāre vutthāti. “Detha bhante, na mayam vihāre pālikāya dema, tumhākaṃ dema, gaṇhatha amhākaṃ bhikkhan”ti vutte pana vaṭṭati.

Salākabhattakathā niṭṭhitā.

Pakkhikabhattādikathā

Pakkhikādīsu pana yaṃ abhilakkhitesu cātuddasī pañcadasi pañcamī aṭṭhamīti imesu pakkhesu kammappasutehi uposathaṃ kātuṃ satikaraṇatthāya diyyati, taṃ **pakkhikaṃ** nāma. Taṃ salākabhattagatikameva hoti, gāhetvā bhuñjitabbaṃ. Sace salākabhattampi pakkhikabhattampi bahu² sabbesaṃ vinivijjhivā gacchati, dvepi bhattāni visum visum gāhetabbāni. Sace bhikkhusaṅgho mahā, pakkhikaṃ gāhetvā tassa ṭhitikāya salākabhattaṃ

1. Bhuñjitvāva (Sī)

2. Bahum (Syā, Ka)

gāhetabbaṃ, salākabhattaṃ vā gāhāpetvā tassa ṭhitikāya pakkhikaṃ gāhetabbaṃ. Yesaṃ na pāpuṇāti, te piṇḍāya carissanti. Sace dvepi bhattāni bahūni, bhikkhū mandā, salākabhattaṃ nāma devasikaṃ labbhati, tasmā taṃ ṭhapetvā “pakkhikaṃ āvuso bhuñjathā”ti pakkhikameva gāhetabbaṃ. Pakkhikaṃ paṇītaṃ denti, visuṃ ṭhitikā kātabbā. “Sve pakkho”ti ajja pakkhikaṃ na gāhetabbaṃ. Sace pana dāyakā vadanti “sve amhākaṃ ghare lūkhabhattaṃ¹ bhavissati, ajjeva pakkhikabhattaṃ uddisathā”ti, evaṃ vaṭṭati.

Uposathikaṃ nāma anvaḍḍhamāse uposathaṅgāni samādiyitvā yaṃ attanā bhuñjati, tadeva diyyati. **Pāṭipadikaṃ** nāma “uposathe bahū saddhā pasannā bhikkhūnaṃ sakkāraṃ karonti, pāṭipade pana bhikkhū kilamanti, pāṭipade dinnāṃ dubbhikkhadānasadisāṃ mahapphalaṃ hoti, uposathakamma vā parisuddhasīlānaṃ dutiyadivase dinnāṃ mahapphalaṃ hoti”ti sallakkhetvā pāṭipade diyyanakadānaṃ, tampi ubhayaṃ salākabhattagatikameva. Iti imāni satta bhattāni piṇḍapātikānaṃ na vaṭṭanti, dhutaṅgabhedāṃ karontiyeva.

Aparānīpi Cīvarakkhandhake Visākhāya varam yācitvā dinnāni āgantukabhattaṃ gamiyabhattaṃ gilānabhattaṃ gilānupaṭṭhākabhattanti cattāri bhattāni Pāḷiyaṃ āgatāneva. Tattha āgantukānaṃ dinnāṃ bhattaṃ **āgantukabhattaṃ**. Esa nayo sesesu. Sace panettha āgantukabhattānīpi āgantukāpi bahū honti, sabbesaṃ ekekaṃ gāhetabbaṃ. Bhattesu appahontesu ṭhitikāya gāhetabbaṃ. Eko āgantuko paṭhamameva āgantvā sabbaṃ āgantukabhattaṃ attano gāhetvā nisīdati, sabbaṃ tasseva hoti, pacchā āgatehi āgantukehi tena dinnāni paribhuñjitabbāni. Tenapi ekaṃ attano gāhetvā sesāni dātābbāni, ayaṃ uḷāro.

Sace pana yo paṭhamam āgantvāpi attano aggahetvā tuṅhībhūto nisīdati, pacchā āgatehi saddhim paṭipāṭiyā gaṇhitabbaṃ. Sace niccam āgantukā āgacchanti, āgatadivaseyeva bhuñjitabbaṃ. Antarantarā ce āgacchanti, dve tīṇi divasāni bhuñjitabbaṃ. Mahāpaccariyaṃ pana satta divasāni bhuñjituṃ vaṭṭatīti vuttaṃ.

1. Salākabhattaṃ (Sī)

Āvāsiko katthaci gantvā āgato, tenāpi āgantukabhattaṃ paribhuñjitabbaṃ. Sace pana taṃ vihāre nibandhāpitaṃ¹ hoti, vihāre gāhetabbaṃ. Atha vihāro dūre² hoti, āsanasālāya nibandhāpitaṃ¹ āsanasālāya gāhetabbaṃ. Sace pana dāyakā “āgantukesu asati āvāsikāpi paribhuñjantū”ti vadanti, vaṭṭati.

Gamiyabhattepi ayameva kathāmaggo. Ayaṃ pana viseso, āgantuko āgantukabhattameva labhati, gamiko āgantukabhattampi gamiyabhattampi. Āvāsikopi pakkamitukāmo gamiko hoti, gamiyabhattaṃ labhati. Yathā pana āgantukabhattaṃ, evamidam dve tīṇi vā satta vā divasāni na labbhati. “Gamissāmī”ti bhutto taṃdivasaṃ kenacideva kāraṇena na gato, punadivasepi bhuñjituṃ vaṭṭati, sa-ussāhattā. “Gamissāmī”ti bhuttassa corā vā panthaṃ rundhanti udakaṃ vā, devo vā vassati, sattho vā na gacchati, sa-ussāhena bhuñjitabbaṃ. Ete upaddave olokentena dve tayo divase bhuñjituṃ vaṭṭatīti Mahāpaccariyaṃ vuttam. “Gamissāmī”ti pana lesaṃ oḍḍetvā bhuñjituṃ na labbhati.

Gilānabhattampi sace sabbesaṃ gilānānaṃ pahoti, sabbesaṃ dātabbaṃ. No ce, ṭhitikaṃ katvā gāhetabbaṃ. Eko gilāno arogarūpo sakkoti antogāmaṃ gantuṃ, eko na sakkoti, ayaṃ **mahāgilāno** nāma. Etassa gilānabhattaṃ dātabbaṃ. Dve mahāgilānā, eko lābhī abhiññāto bahuṃ khādanīyaṃ bhojanīyaṃ labhati, eko anātho appalābhatāya antogāmaṃ pavisati, etassa gilānabhattaṃ dātabbaṃ. Gilānabhatte pana divasaparcchedo natthi, yāva rogo na vūpasammati, sappāyabhojanaṃ abhuñjanto na yāpeti, tāva bhuñjitabbaṃ. Yadā pana missakayāguṃ vā missakabhattaṃ vā bhuttassāpi rogo na kuppati, tato paṭṭhāya na bhuñjitabbaṃ.

Gilānupaṭṭhākabhattampi yaṃ sabbesaṃ pahoti, taṃ sabbesaṃ dātabbaṃ. No ce pahoti, ṭhitikaṃ katvā gāhetabbaṃ. Idampi dvīsu gilānesu mahāgilānupaṭṭhākassa gāhetabbaṃ, dvīsu mahāgilānesu anāthagilānupaṭṭhākassa. Yaṃ kulaṃ gilānabhattampi deti gilānupaṭṭhākabhattampi,

1. Nibaddhāpitaṃ (Syā)

2. Dūro (Ka)

tattha yassa gilānassa bhattam pāpuṇāti, tadupaṭṭhākassāpi tattheva gāhetabbaṃ. Gilānupaṭṭhākabhattepi divasaparichedo natthi, yāva gilāno labhati, tāvassa upaṭṭhākopi labhatīti. Imāni cattāri bhattāni sace evaṃ dinnāni honti “āgantukagamikagilānupaṭṭhākā mama bhikkhaṃ gaṇhantū”ti, piṇḍapātikānampi vaṭṭati. Sace pana āgantukādīnam bhattam nibandhāpemi, “mama bhattam gaṇhantū”ti evaṃ dinnāni honti, piṇḍapātikānam na vaṭṭati.

Aparānipi dhurabhattam kuṭibhattam vākarabhattanti tīṇi bhattāni. Tattha **dhurabhattanti** niccabhattam vuccati. Tam duvidham saṃghikam puggalikañca. Tattha yaṃ “saṃghassa dhurabhattam demā”ti nibandhāpitam, tam salākabhattagatikam. “Mama nibaddham bhikkhaṃ gaṇhantū”ti vatvā dinnam pana piṇḍapātikānampi vaṭṭati. Puggalikepi “tumhākam dhurabhattam dammī”ti vutte piṇḍapātiko ce, na vaṭṭati. “Mama nibaddham bhikkhaṃ gaṇhathā”ti vutte pana vaṭṭati, sādītābbaṃ. Sacepi pacchā katipāhe vītivatte “dhurabhattam gaṇhathā”ti vadati, mūle suṭṭhu sampañcchitattā vaṭṭati.

Kuṭibhattam nāma yaṃ saṃghassa āvāsam kāretvā “amhākam senāsanavāsino amhākaṃyeva bhattam gaṇhantū”ti evaṃ nibandhāpitam, tam salākabhattagatikameva hoti, gahetvā bhuñjitabbaṃ. “Amhākam senāsanavāsino amhākaṃyeva bhikkhaṃ gaṇhantū”ti vutte pana piṇḍapātikānampi vaṭṭati. Yaṃ pana puggale pasīditvā tassa vā āvāsam katvā “tumhākam demā”ti dinnam, tam tasseva hoti, tasmim katthaci gate nissitakehi bhuñjitabbaṃ.

Vārabhattam nāma dubbhikkhasamaye “vārena bhikkhū jaggissāmā”ti dhuragehato paṭṭhāya dinnam, tampi bhikkhāvacanena dinnam piṇḍapātikānam vaṭṭati. “Vārabhattan”ti vutte pana salākabhattagatikam hoti. Sace taṇḍulādīni pesenti “sāmaṇerā pacitvā dentū”ti, piṇḍapātikānam vaṭṭati. Iti imāni ca tīṇi āgantukabhattādīni ca cattārīti satta, tāni saṃghabhattādīhi saha cuddasa bhattāni honti.

Aṭṭhakathāyaṃ pana vihārabhattam aṭṭhakabhattam catukkabhattam gulhakabhattanti aññānīpi cattāri bhattāni vuttāni. Tattha **vihārabhattam** nāma vihāre tatrappādabhattam, tam saṃghabhattena gahitam. Tam pana tissamahāvihāracittalapabbatādīsu paṭisambhidāpattehi khīṇāsavehi yathā piṇḍapātikānampi

sakkā hoti paribhuñjiturū, tathā paṭiggahitattā tādisesu ṭhānesu piṇḍapātikānampi vaṭṭati. “Aṭṭhannaṃ bhikkhūnaṃ dema, catunnaṃ demā”ti evaṃ dinnāṃ pana **aṭṭhakabhattañceva catukkabhattañca**, tampi bhikkhāvacanena dinnāṃ piṇḍapātikānaṃ vaṭṭati. Mahābhisaṅkhārikena atirasakapūvena pattāṃ pūretvā thaketvā dinnāṃ **gulhakabhattaṃ** nāma. Imāni tīṇi salākabhattagatikāneva.

Aparampi **gulhakabhattaṃ** nāma atthi, idhekacce manussā mahādhammasavanañca vihārapūjañca kāretvā sakalasaṃghassa dāturuṃ na sakkomāti “dve tīṇi bhikkhusatāni amhākaṃ bhikkhaṃ gaṇhantū”ti bhikkhuparicchadajānanatthaṃ gulake denti, idaṃ piṇḍapātikānampi vaṭṭati. Iti Cīvarakkhandhake cīvarabhājanīyaṃ, imasmim̃ pana Senāsanakkhandhake senāsanabhājanīyañceva piṇḍapātabhājanīyañca vuttaṃ.

Gilānapaccayabhājanīyaṃ pana evaṃ veditabbaṃ—sappi-ādīsu bhesajjesu rājarājamahāmattā sappissa tāva kumbhasatampi kumbhasahassampi vihāraṃ pesenti, ghaṇṭim̃ paharivā therāsanato paṭṭhāya gahitabhājanaṃ pūretvā dātabbaṃ, piṇḍapātikānampi vaṭṭati. Sace alasajātikā mahātherā pacchā āgacchanti, “bhante vīsativassānaṃ diyyati, tumhākaṃ ṭhitikā atikkantā”ti na vattabbā, ṭhitikaṃ ṭhapetvā tesāṃ datvā pacchā ṭhitikāya dātabbaṃ.

“Asukavihāre bahu sappi uppannaṃ”ti sutvā yojanantaravihāratopi bhikkhū āgacchanti, sampattasampattānaṃ ṭhitaṭṭhānato paṭṭhāya dātabbaṃ. Asampattānampi upacārasīmaṃ pavīṭṭhānaṃ antevāsikādīsu gaṇhantesu dātabbameva. “Bahi-upacārasīmāya ṭhitānaṃ dethā”ti vadanti, na dātabbaṃ. Sace pana upacārasīmaṃ okkantehi ekābaddhā hutvā attano vihāradvāre vā antovihāreyeva vā hontī, parisāvasena vaḍḍhitā nāma sīmā hoti, tasmā dātabbaṃ. Saṃghanavakassa dinnepi pacchā āgatānaṃ dātabbameva. Dutiyabhāge pana therāsaṇaṃ āruḷhe pacchā āgatānaṃ paṭṭhamabhāgo na pāpuṇāti, dutiyabhāgato vassaggena dātabbaṃ. Upacārasīmaṃ pavisitvā yattha katthaci dinnāṃ hoti, sabbasannipātaṭṭhāneyeva bhājetabbaṃ.

Yasmim̃ vihāre dasa bhikkhū, daseva ca sappikumbhā diyyanti, ekekakumbhavaseneva bhājetabbaṃ. Eko sappikumbho hoti, dasabhikkhūhi

bhājetvā gahetabbaṃ. Sace yathāṭṭhitāṃyeva “amhākaṃ pāpuṇāti”ti gaṇhanti, duggahitaṃ, gatagataṭṭhāne saṃghikameva hoti. Kumbhaṃ pana āvajjetvā¹ thālake thokaṃ sappiṃ katvā “idaṃ mahātherassa pāpuṇāti, avasesaṃ amhākaṃ pāpuṇāti”ti vatvā tampi kumbheya ākiritvā yathicchitaṃ gahetvā gantuṃ vaṭṭati. Sace thinaṃ sappi hoti, lekhaṃ katvā “lekhatō parabhāgo² mahātherassa pāpuṇāti, avasesaṃ amhākaṃ”ti gahitampi suggahitaṃ. Vuttaparicchedato ūnādhikesupi bhikkhūsu ca sappikumbhesu ca etenevupāyena bhājetabbaṃ.

Sace paneko bhikkhu, ekopi kumbho hoti, ghaṇṭiṃ paharivā “ayaṃ mayhaṃ pāpuṇāti”tipi gahetuṃ vaṭṭati. “Ayaṃ paṭhamabhāgo mayhaṃ pāpuṇāti, ayaṃ dutiyabhāgo”ti evaṃ thokaṃ thokampi pāpetuṃ vaṭṭati. Esa nayo navaṇṭādīsipi. Yasmiṃ pana vippasanne tilatelādīmhi lekhaṃ na santiṭṭhati, taṃ uddharivā bhājetabbaṃ. Siṅgiveramaricādibhesajjampi avasesapattathālakādisamaṇaparikkhāropi sabbo vuttānurūpeneva nayena suṭṭhu sallakkhetvā bhājetabboti.

Pāliṃ Aṭṭhakathaṅceva, oloketvā vicakkhaṇo.
Saṃghike paccaye evaṃ, appamattova bhājayeti³.

Iti sabbākārena paccayabhājanīyakathā niṭṭhitā.

Sammannitvā ṭhapitayāgubhājakādīhi bhājanīyaṭṭhānaṃ āgatamanussānaṃ anāpucchitvāva upaḍḍhabhāgo dātabbo, asammatehi pana apaloketvā dātabbo. Sammatena appamattakavissajjanakena bhikkhunā cīvarakammaṃ karontassa “sūciṃ dehi”ti vadato ekā dīghā ekā rassāti dve sūciyo dātabbā. Avibhattaṃ saṃghikaṃ bhaṇḍanti pucchitabbakiccaṃ natthi. Pippalakatthikassa eko pippalako, addhānakantāraṃ paṭipajjitukāmassa upāhanayugaḷaṃ, kāyabandhanatthikassa kāyabandhanaṃ, “aṃsabaddhako me jiṇṇo”ti āgatassa aṃsabaddhako, parissāvanatthikassa parissāvanaṃ dātabbaṃ. Dhammakaraṇatthikassa⁴ dhammakaraṇo. Sace paṭako na hoti, dhammakaraṇo paṭakena saddhim dātabbo. “Āgantukapaṭṭaṃ āropessāmī”ti

1. Āvaṭṭetvā (Syā)

3. Appamatto vibhājayeti (Sī, Syā)

2. Paṭhamabhāgo (Ka)

4. Dhammakarakatthikassa (Sī, Syā)

yācantassa kusiyā ca aḍḍhakusiyā ca pahonakaṃ dātabbaṃ. “Maṇḍalaṃ nappahotī”ti āgatassa maṇḍalaṃ ekaṃ dātabbaṃ, aḍḍhamaṇḍalāni dve dātabbāni. Dve maṇḍalāni yācantassa na dātabbāni.

Anuvātaparibhaṇḍatthikassa ekassa cīvarassa pahonakaṃ dātabbaṃ. Sappinavanītādi-atthikassa gilānassa ekaṃ bhesajjaṃ nāḷimattaṃ katvā tato tatiyakoṭṭhāso dātabbo. Evaṃ tīṇi divasāni datvā nāḷiyā paripuṇṇāya catutthadivasato paṭṭhāya saṃghaṃ pucchitvā dātabbaṃ. Guḷapiṇḍepi ekadivasam tatiyabhāgo dātabbo. Evaṃ tīhi divasehi niṭṭhite piṇḍe tato param saṃghaṃ pucchitvā dātabbaṃ. Sesam sabbattha uttānamevāti.

Senāsanakkhandhakavaṇṇanā niṭṭhitā.

7. Saṃghabhedakakkhandhaka

Chasakyapabbajjākathā

330. Saṃghabhedakakkhandhake **abhiññātā abhiññātā**ti pākaṭā pākaṭā. **Sakyakumārā** nāma Kāḷudāyippabhutayo dasa dūtā saddhiṃ parivārehi aññe ca bahū janā. **Amhākanti** amhesu, amhākaṃ kulatoti vā vuttaṃ hoti. **Gharāvāsatthaṃ anusāsissāmī**ti gharāvāse yaṃ kattabbaṃ, taṃ jānāpessāmi. **Udakaṃ ninnetabbanti** yathā udakaṃ sabbaṭṭhāne samaṃ hoti, evaṃ kātabbāṃ. **Niddhāpetabbanti** tiṇāni uddharitabbāni. **Bhusikā uddharāpetabbā**ti sukhumapalālamissadhaññā palālikā palāpetabbā. **Opunāpetabbanti** sukhumapalālaṃ apanetabbāṃ. **Tvaññeva gharāvāsatthena upajānāhī**ti tvaññeva gharāvāsatthaṃ jānāhi. **Ahaṃ tayā yathāsukhaṃ pabbajāhī**ti ettha ahaṃ tayā saddhiṃ pabbajissāmīti sahāyasinehena sahasā vattukāmo hutvā puna rajjasirilobhena parikaḍḍhiyamānahadayo “ahaṃ tayā”ti ettakameva vatvā sesaṃ vattum nāsakkhīti evamattho veditabbo.

331. **Nippātī**ti nikkhamitā. **Mānassinoti** mānassayino, mānanissitīti vuttaṃ hoti.

332. **Yassantarato na santi kopā**ti tatiyamaggena samūhatattā yassa citte kopā na santi. Yasmā pana **bhavoti** sampatti, **vibhavoti** vipatti, tathā bhavoti vuḍḍhi, vibhavoti hāni, bhavoti sassataṃ, vibhavoti ucchedo, bhavoti puññaṃ, vibhavoti pāpaṃ, vibhavoti ca abhavoti ca atthato ekameva, tasmā **itibhavābhavatañca vītivattoti** ettha yā esā sampattivipattivuḍḍhihānisassatucchedapuññapāpavasena iti anekappakārā bhavābhavatā vuccati, catūhipi maggehi yathāsambhavaṃ tena tena nayena taṃ itibhavābhavatañca vītivattoti evamattho daṭṭhabbo. **Nānubhavanti**ti na sampāpuṇanti, tassa dassanaṃ devānampi dullabhanti adhippāyo.

333. **Ahimekhalikā**ti ahim kaṭiyam bandhitvā. **Ucchaṅgeti** aṅke.

334. **Sammannatīti** sammāneti. **Yaṃ tumo¹ karissatīti** yaṃ so karissati.

Pakāsanīyakammādikathā

336. **Kheḷāsakassāti** ettha micchājīvena uppannapaccayā ariyehi vantabbā kheḷasadisā, tathārūpe paccaye ayaṃ ajjhoharatīti katvā “kheḷāsako”ti Bhagavatā vutto.

340. **Patthaddhena kāyenāti** potthakarūpasadisena niccalena kāyena.

342. **Mayaṃ kho bhaṇe rājañātakā nāmāti** rājā amhe jānātīti rājañātakassa bhāvena attānaṃ ukkaṃsanto āha. **Pahaṭṭhakaṇṇavāloti** bandhane niccale katvā.

Dukkhaṃ hi kuñjara nāgamāsadoti bho kuñjara Buddhanāgaṃ āsādanāṃ vadhakacittena upagamanāṃ nāma dukkhaṃ. **Nāgahatassāti** Buddhanāgaṃ ghātakassa.

Paṭikuṭiyova osakkīti tathāgatābhīmukhoyeva piṭṭhimehi pādehi avasakki. **Alakkhikoti** ettha na lakkhetīti alakkhiko, na jānātīti attho, ahaṃ pāpakammaṃ karomīti na jānāti. Na lakkhitabboti vā alakkhiko, na passitabboti attho.

343. **Tikabhojananti** ettha tīhi janehi bhuñjitabbabhojanaṃ. **Taṃ paññāpessāmīti** taṃ anujānissāmi. Gaṇabhojane pana yathādhammo kāretabboti. **Pañcavatthuyācanakathā** saṃghādisesavaṇṇanāyāṃ vuttā. **Kappanti** āyukappaṃ. **Brahmaṃ puññanti** seṭṭhaṃ puññaṃ. **Kappaṃ saggamhīti** āyukappameva.

Saṃghabhedakakathā

344. **Atha kho Devadatto saṃghaṃ bhindivāti** so kira evaṃ salākaṃ gāhetvā tattheva āveṇikaṃ uposathaṃ katvā gato, tenetaṃ vuttaṃ.

1. Yaṃ tumho (Ka)

345. **Piṭṭhi me āgilāyatī**ti ciranisajjāya vedanābhibhūtā bādhati. **Tamaharāṃ āyamissāmī**ti taṃ ahaṃ pasāressāmi. **Ādesanāpāṭihāriyānusāsani** nāma “evampi te mano, tathāpi te mano”ti evaṃ parassa cittaṃ jānitvā tadanurūpā dhammadesanā.

346. **Mamānukubbanti** mamānukiriyaṃ kurumāno. **Kapaṇoti** dukkhito. **Mahāvarāhassāti** mahānāgassa. **Mahim vikubbatoti** pathaviṃ padālentassa. **Bhisam ghasamānassāti** bhisam khādantassa. **Nadīsu jaggatoti** ettha so kira hatthināgo sāyanhasamayam taṃ nadināmakaṃ pokkharaniṃ ogāhetvā kilanto sabbarattim vītināmesi, jālikaṃ karoti, tena vuttam “nadīsu jaggato”ti.

347. **Sutāti** sotā. **Asandiddho ca akkhātī**¹ nissandeho hutvā akkhātī² anusandhivasena yojetvā yojetvā.

350. Apāye nibbattissatīti **āpāyiko**. Evaṃ **nerayiko**. Kappaṃ ṭhassatīti **kappaṭṭho**. Idāni Buddhasahassenāpi tikicchitum na sakkāti **atekiccho**.

Mā jātu koci lokasminti mā kadācipi koci satto lokasmiṃ. **Udapajjathāti** upapajjathā. **Jalamva yasasā atṭhāti** yasasā jalanto viya ṭhito. **Devadattoti me sutanti** “īdiso Devadatto”ti Bhagavatā sutampi atthi, tadeva gāhetvā idaṃ vuttam. **So pamādamanuciṇṇoti** ettha pamādam anucinātīti anuciṇṇo, pamādo appahīnoti attho. **Āsajja nanti** pāpakena cittena patvā, visosetvāti vā attho. **Avīcinirayaṃ pattoti** idaṃ pana āsīsāyam³ atītavacanaṃ. **Bhesmāti** bhayānako.

Upālīpaṇhākathā

351. **Ekato Upālī ekoti** dhammavādīpakkhe eko. **Ekato dveti** adhammavādīpakkhe dve. **Catuttho anussāvetīti** saṃghaṃ bhindissāmīti

1. Asandiṭṭho ca akkhātīti (Ka)

2. Akkhātā (Ka)

3. Āsimsāyam (Sī, Syā) āsaṃsāka (Ka)

adhammavādicatuttho hutvā anussāveti, anunayanto sāveti, “na tumhākaṃyeva narakabhayaṃ atthi, amhākampi atthi, na amhākaṃ Avīcimaggo pihito¹. Na mayaṃ akusalā na bhāyāma, yadi hi ayaṃ adhammo avinayo asatthusāsanāṃ vā bhavēyya, na mayaṃ gaṇheyyāma”ti-ādinā nayena “adhammaṃ dhammo”ti evaṃ aṭṭhārasa bhedakaravatthūni bodhetīti attho. **Salākaṃ gāhetīti** evaṃ anussāvetvā pana “idaṃ gaṇhatha, idaṃ rocethā”ti vadanto salākaṃ gāheti.

Ekato Upāli dve hontīti-ādīsupi eseva nayo. **Evaṃ kho Upāli saṃgharāji ceva hoti saṃghabhedo cāti** evaṃ hoti, na pana ettāvātā saṃgho bhinno hoti.

Bhikkhu kho Upāli pakatatto samānasamvāsako samānasīmāyaṃ t̥hito saṃghaṃ bhindatīti ettha siyā evaṃ “Devadatto kathaṃ pakatatto”ti. Kathaṃ tāva na pakatatto, rañño ghātāpitattā ruhiruppādassa ca katattāti. Tatha vadāma—āṇattiyā tāva viraddhattā rañño ghātāpanaṃ natthi, “tena hi tvaṃ kumāra pitaraṃ hantvā rājā hohi, ahaṃ Bhagavantaṃ hantvā Buddho bhavissāmī”ti evaṃhi tassa āṇattī, kumāro pana rājā hutvā pacchā pitaraṃ māresi. Evaṃ tāva āṇattiyā viraddhattā rañño ghātāpanaṃ natthi. Ruhiruppāde pana katamatteyeva ruhiruppādapaccayā Bhagavatā abhabbatā na vuttā, na ca sakkā Bhagavato vacanaṃ vināyeva tassa abhabbatā āropetuṃ.

“Ruhiruppādako bhikkhave anupasampanno na upasampādetabbo, upasampanno nāsetabbo”ti—

Idaṃ pana Bhagavatā saṃghabhedato pacchā vuttaṃ. Tasmā pakatatteneva tena saṃgho bhinnoti.

Adhammaṃ Dhammoti dīpentīti-ādīsu aṭṭhārasasu bhedakaravatthūsu suttantapariyāyena tāva dasa kusalakammapathā dhammo, dasa akusalakammapathā adhammo. Tathā cattāro satipaṭṭhānā cattāro sammappadhānā cattāro iddhipādā pañcandriyāni pañca balāni satta bojjhaṅgā ariyo aṭṭhaṅgiko maggoti sattatiṃsa bodhipakkhiyadhammā dhammo nāma, tayo

satipaṭṭhānā tayo sammappadhānā tayo iddhipādā cha indriyāni cha balāni aṭṭha bojjhaṅgā navaṅgiko maggoti ca cattāro upādāna pañca nīvaraṇā satta anusayā aṭṭha micchattāti ca ayaṃ adhammo.

Tattha yaṃkiñci ekaṃ adhammakotṭhāsaṃ gahetvā “imaṃ adhammaṃ dhammoti karissāma, evaṃ amhākaṃ ācariyakulaṃ nissāya niyyānikaṃ bhavissati, mayañca loke pākaṭā bhavissāmā”ti taṃ adhammaṃ “dhammo ayaṃ”ti kathayantā adhammaṃ dhammoti dīpenti nāma. Tatheva dhammakotṭhāsesu ca ekaṃ gahetvā ayaṃ adhammoti kathentā dhammaṃ adhammoti dīpenti nāma. Vinayapariyāyena pana bhūtena vatthunā codetvā sāretvā yathāpaṭiññāya kātabbaṃ kammaṃ dhammo nāma, abhūtena vatthunā acodetvā asāretvā apaṭiññāya kātabbaṃ kammaṃ adhammo nāma.

Suttantapariyāyena rāgavinayo dosavinayo mohavinayo saṃvaro pahānaṃ paṭisaṅkhāti ayaṃ vinayo nāma, rāgādīnaṃ avinayo asaṃvaro appahānaṃ appaṭisaṅkhāti ayaṃ avinayo nāma. Vinayapariyāyena vatthusampatti ñattisampatti anussāvanasampatti sīmāsampatti parisāsampattīti ayaṃ vinayo nāma, vatthuvipatti -pa- parisāvīpattīti ayaṃ avinayo nāma.

Suttantapariyāyena cattāro satipaṭṭhānā -pa- aṭṭhaṅgiko-pa- maggoti idaṃ bhāsitaṃ lapitaṃ Tathāgatena, tayo satipaṭṭhānā tayo sammappadhānā tayo iddhipādā cha indriyāni cha balāni aṭṭha bojjhaṅgā navaṅgiko maggoti idaṃ abhāsitaṃ alapitaṃ Tathāgatena. Vinayapariyāyena cattāro pārājikā terasa saṃghādisesā dve aniyatā tiṃsa nissaggiyā pācittiyāti idaṃ bhāsitaṃ lapitaṃ Tathāgatena, tayo pārājikā cuddasa saṃghādisesā tayo aniyatā ekattiṃsa nissaggiyā pācittiyāti idaṃ abhāsitaṃ alapitaṃ Tathāgatena.

Suttantapariyāyena devasikaṃ phalasaṃpattisaṃpajjanaṃ mahākaruṇāsaṃpattisaṃpajjanaṃ Buddhacakkhunā lokavolokanaṃ aṭṭhuppattivasena suttantadesanā jātakakathāti idaṃ āciñṇaṃ, na devasikaṃ phalasaṃpattisaṃpajjanaṃ -pa- na jātakakathāti idaṃ anāciñṇaṃ. Vinayapariyāyena

nimantitassa vassāvāsam vasitvā apaloketvā cāriyapakkamanam pavāretvā cāriyapakkamanam āgantukehi saddhim paṭhamam paṭisanthāarakaraṇanti idam āciṇṇam, tasseva āciṇṇassa akaraṇam anāciṇṇam nāma.

Suttantapariyāyena cattāro satipaṭṭhānā -pa- aṭṭhaṅgiko maggoti idam paññattam nāma, tayo satipaṭṭhānā -pa- navaṅgiko maggoti idam apaññattam nāma. Vinayapariyāyena cattāro pārājikā -pa- tiṃsa nissaggiyā pācittiyāti idam paññattam nāma, tayo pārājikā -pa- ekattiṃsa nissaggiyā pācittiyāti idam apaññattam nāma.

“Anāpatti ajānantassa, attheyacittassa, na maraṇādhippāyassa, anullapanādhippāyassa, na mocanādhippāyassā”ti tattha tattha vuttā anāpatti anāpatti nāma, “jānantassa theyyacittassā”ti-ādinā nayena vuttā āpatti āpatti nāma. Pañcāpattikkhandhā lahukāpatti nāma, dve āpattikkhandhā garukāpatti nāma. Cha āpattikkhandhā sāvasesāpatti nāma, eko pārājikāpattikkhandho anavasesāpatti nāma. Dve āpattikkhandhā duṭṭhullāpatti nāma, pañcāpattikkhandhā aduṭṭhullāpatti nāma.

Purimanayeneva panettha vuttappakāram Dhammam “adhammo ayan”ti kathayantā “dhammam adhammo”ti dīpenti nāma. Avinayam “vinayo ayan”ti -pa- aduṭṭhullāpattim “duṭṭhullāpatti ayan”ti kathayantā “aduṭṭhullāpattim duṭṭhullāpatti”ti dīpenti nāma. Evam “adhammam dhammo”ti vā -pa- “aduṭṭhullāpattim duṭṭhullāpatti”ti vā dīpetvā pakkham labhitvā catunnam saṅghakammānam aññataram saṅghakammam ekasīmāyam visum karontehi saṅgho bhinno nāma hoti. Tena vuttam “te imehi aṭṭhārasahi vatthūhi **apakassantī**”ti-ādi.

Tattha **apakassantī**ti parisam ākaḍḍhanti vijaṭenti ekamantam ussārenti ca. **Avapakāsantī**ti ati viya pakāsenti¹, yathā visamsaṭṭhāva honti, evam karonti. **Āveninti**² visum. **Ettāvatā kho Upāli saṅgho bhinno hotīti** evam aṭṭhārasasu bhedakaravatthūsu yamkiñci ekampi vatthum dīpetvā tena tena kāraṇena “imam gaṇhatha, imam rocethā”ti saññāpetvā salākam gāhāpetvā visum saṅghakamme kate saṅgho bhinno hoti.

1. Vipakāsantīti ati viya pakāsenti (Sī), apakassantīti ati viya ākaḍḍhanti (Yojanā)

2. Āveṇīti (Sī), āveṇikanti (Syā)

Parivāre pana “pañcahi Upāli ākārehi saṅgho bhijjati”ti-ādi vuttam, tassa iminā idha vuttena saṅghabhedalakkhaṇena atthato nānākaraṇam natthi. Tam panassa nānākaraṇābhāvam tattheva pakāsayissāma. Sesam sabbattha uttānamevāti.

Saṅghabhedakakkhandhakavaṇṇanā niṭṭhitā.

8. Vattakkhandhaka

Āgantukavattakathā

357. Vattakkhandhake **idāni ārāmaṃ pavisissāmīti** iminā upacārasīmasamīpaṃ dasseti, tasmā upacārasīmaṃ patvā upāhanā-
omuñcanādi sabbaṃ kātappaṃ. **Gahetvā**ti upāhanadaṇḍakena gahetvā.
Paṭikkamantīti sannipatanti. ()¹ **vissajjettabbanti** pattharitaṃ. **Gocaro**
pucchitabboti “gocaragāmo āsanne udāhu dūre, kālasseva piṇḍāya
caritaṃ udāhu divā”ti evaṃ bhikkhācāro pucchitabbo. **Agocaro** nāma
micchādīṭṭhikānaṃ vā gāmo paricchinnabhikkho vā gāmo, yattha ekassa vā
dvinnā vā bhikkhā diyyati, sopi pucchitabbo. **Pānīyaṃ pucchitabbanti**
“kiṃ imissā pokkharāṇiyā pānīyaṃveva pivanti, nahānādiparibhogampi
karontī”ti evaṃ pānīyañceva paribhojanīyañca pucchitaṃ. Kesuci
ṭhānesu vāḷamigā vā amanussā vā honti, tasmā “kaṃ kālaṃ pavisitaṃ,
kaṃ kālaṃ nikkhamitaṃ”ti pucchitaṃ.

Bahi ṭhitenāti bahi nikkhamantassa ahino vā amanussassa vā maggaṃ
datvā ṭhiteṇa nilloketabbo. **Sace ussahati, sodhetabboti** yadi sakkoti, sabbo
vihāro sodhetabbo. Asakkontena attano vasanokāso jaggitabbo. Sabbaṃ
sodhetuṃ sakkontassa pana dassite vihārasodhanavatte vinicchayo
Mahākhandhake vuttanayeneva veditaṃ.

Āvāsikavattakathā

359. Āvāsikavatte **āsanāṃ paññapetabbanti** evamādi sabbaṃ vuḍḍhatare
āgate cīvarakammaṃ vā navakammaṃ vā ṭhapetvāpi kātappaṃ.
Cetiyaṅgaṇaṃ sammajjantena sammajjanaṃ nikkhipitvā tassa vattaṃ kātuṃ
ārabhitappaṃ. Paṇḍito

1. (Upāhanāpuñchanacoḷakaṃ pucchitvā upāhanā puñchitabbāti katarasmim
ṭhāne upāhanāpuñchanacoḷakanti āvāsikā bhikkhū pucchitabbā) (Ka)

hi āgantuko “sammajjāhi tāva cetiyaṅgaṇan”ti vakkhati. Gilānabhesajjam karontena pana sace nāti-āturo gilāno hoti, bhesajjam akatvā vattameva kātabbam. Mahāgilānassa pana bhesajjameva kātabbam. Paṇḍito hi āgantuko “karohi tāva bhesajjan”ti vakkhati. Pānīyena pacchantena sace sakim ānītam pānīyam sabbam pivati, “puna ānemi”ti pucchi tabboyeva. Apica bījanenapi bījitabbo, bījantena sakim pādapiṭṭhiyam bījitvā sakim majjhe sakim sīse bījitabbam, alam hotū”ti vuttena tato mandataram bījitabbam. Puna “alan”ti vuttena tato mandataram bījitabbam. Tatiyavāram vuttena bījanī ṭhapetabbā. Pādāpissā dhovitabbā, dhovitvā sace attano telam atthi, tena makkhetabbā. No ce atthi, tassa santakena makkhetabbā. Upāhanāpuñchanam pana attano rucivasena kātabbam. Teneva hettha “sace ussahatī”ti vuttam. Tasmā upāhanā apuñchantassāpi anāpatti. “Kattha mayham senāsanam pāpuṇātī”ti pucchitena senāsanam pañṇapetabbam, “etam tumhākam senāsanam pāpuṇātī”ti evam ācikkhitabbanti attho. Papphoṭetvā hi pattharitam pana vaṭṭatiyeva.

Navakassa vatte **pānīyam ācikkhitabbanti** “etam pānīyam gahetvā pivāhī”ti ācikkhitabbam. Paribhojanīyepi eseva nayo. Sesam purimasadisameva. Mahā-āvāsepi attano santikam sampattassa āgantukassa vattam akātam na labhati.

Gamikavattakathā

360. Gamikavattesu **dārubhaṇḍanti** Senāsanakkhandhake vuttam mañcapīṭhādi. **Mattikābhaṇḍampi** rajanabhājanādi sabbam tattha vuttappabhedameva. Tam sabbam aggisālāya vā aññatarasmim vā guttaṭṭhāne paṭisāmetvā gantabbam. Anovassake pabbhārepi ṭhapetum vaṭṭati. **Sesāsanam āpucchitabbanti** ettha yam pāsānapīṭṭhiyam vā pāsānatthambhesu vā katasenāsanam, yattha upacikā nārohanti, tam anāpucchiantassāpi anāpatti. **Catūsu pāsānakesūti-**ādi upacikānam uppattiṭṭhāne pañṇasālādisenāsane kattabbākāradassanattam vuttam. **Appeva nāma aṅgānipi seseyyunti** ayam ajjhokāse ṭhapitamhi ānisaṃso. Ovassakagehe pana tiṇesu ca mattikāpiṇḍesu ca upari patantesu pañcapīṭhānam aṅgānipi vinassanti.

Anumodanavattakathā

362. Anumodanavatthusmiṃ **iddhaṃ ahoṣīti** sampannaṃ ahoṣi. **Catūhi pañcahīti** saṃghattherena anumodanathāya nisinne heṭṭhā paṭipāṭiyā catūhi nisīditabbaṃ. Anuthere nisinne mahātherena ca heṭṭhā ca tīhi nisīditabbaṃ. Pañcame nisinne upari catūhi nisīditabbaṃ. Saṃghattherena heṭṭhā daharabhikkhusmiṃ ajjhiṭṭhepi saṃghattherato paṭṭhāya catūhi nisīditabbameva. Sace pana anumodako bhikkhu “gacchatha bhante, āgametabbakiccaṃ natthi”ti vadati, gantum vaṭṭati. Mahātherena “gacchāma āvuso”ti vutte “gacchathā”ti vadati, evampi vaṭṭati. “Bahigāme āgamaṣṣāmā”ti ābhogaṃ katvāpi bahigāmaṃ gantvā attano nissitake “tumhe tassa āgamaṇaṃ āgamethā”ti vatvāpi gantum vaṭṭatiyeva. Sace pana manussā attano rucikena¹ ekena anumodanaṃ kārenti, neva tassa anumodato āpatti, na mahātherassa bhāro hoti. Upanisinnakathāyameva hi manussesu kathāpentesu mahāthero āpucchitabbo, mahātherena ca anumodanāya ajjhiṭṭhova āgametabboti idamettha lakkhaṇaṃ. **Vaccitoti** sañjātavacco, vaccapīṭitoti adhippāyo.

Bhattaggavattakathā

346. Bhattaggavatte antogāmo vā hotu vihāro vā, manussānaṃ parivisaṇaṭṭhānaṃ gacchantena cīvaraṃ pārupitvā kāyabandhanaṃ bandhanameva vaṭṭatīti Aṭṭhakathāsu vuttam. **Na there bhikkhū anupakhajjāti** there bhikkhū ati-allīyitvā na nisīditabbaṃ. Sace mahātherassa nisinnāsanena samakaṃ āsanaṃ hoti, bahūsu āsanesu sati ekaṃ dve āsanāni ṭhapetvā nisīditabbaṃ. Bhikkhū gaṇetvā paññattāsanesu anisīditvā mahātherena “nisīdā”ti vuttena nisīditabbaṃ. No ce mahāthero vadati, “idaṃ bhante āsanaṃ uccaṃ”ti vattabbaṃ. Nisīdāti vutte nisīditabbaṃ. Sace pana evaṃ āpucchitepi na vadati, nisīdantassa anāpatti, mahātherasseva āpatti. Navako hi evarūpe āsane anāpucchā nisīdanto āpajjati, thero āpucchite ananujānanto. **Na saṅghāṭim ottharivāti** na saṅghāṭim avattharivā nisīditabbaṃ.

1. Attano cittarucikena (Sī), attanā rucitena (Syā)

Ubhohi hatthehīti pattadhovana-udakaṃ sandhāya vuttaṃ. Dakkhiṇodakaṃ pana purato ādhārake pattaṃ ṭhapetvā gahetabbaṃ. **Sādhukanti** udakasaddaṃ akarontena.

Sūpassa okāsoti yathā sūpassa okāso hoti, evaṃ mattāya odano gaṇhitabboti attho. **Samakaṃ sampādehīti** idaṃ na kevalaṃ sappi-ādīsuyeva, odanepi vattabbaṃ. Sappi-ādīsu pana yaṃ appaṃ hoti ekassa vā dvinnaṃ vā anurūpakāṃ, sabbesaṃ samakaṃ sampādehīti vutte manussānaṃ vihesā hoti, tasmā tādisaṃ sakiṃ vā dvikkhattuṃ vā gahetvā sesaṃ na gahetabbaṃ.

Na tāva therena bhujjittabanti idaṃ yaṃ paricchinnabhikkhukaṃ bhattaggaṃ, yattha manussā sabbesaṃ pāpetvā dātukāma¹ honti, taṃ sandhāya vuttaṃ. Yaṃ pana mahābhattaggaṃ hoti, yattha ekasmiṃ padese bhujjanti, ekasmiṃ padese udakaṃ diyyati, tattha yathāsukhaṃ bhujjittabbaṃ.

Na tāva udakanti idaṃ hatthadhovana-udakaṃ sandhāya vuttaṃ. Antarā pipāsītena pana gale vilaggāmisena vā pānīyaṃ pivītvā hatthā na dhovitabbā. Sace manussā “dhovatha bhante pattañca hatthe cā”ti vadanti, bhikkhū vā “tumhe udakaṃ gaṇhathā”ti vadanti, vaṭṭati.

Nivattantenāti bhattagato uṭṭhāya nivattantena saṃghena evaṃ nivattitabanti dasseti, kathaṃ? **Navakehīti** sabbaṃ daṭṭhabbaṃ. Sambādhesu hi gharesu mahātherānaṃ nikkhamanokāso na hoti, tasmā evaṃ vuttaṃ. Evaṃ nivattantehi pana navakehi gehadvāre ṭhatvā thesesu nikkhantesu paṭipāṭiyā gantabbaṃ. Sace pana mahātherā dhure² nisinnā honti, navakā antogehe, therāsanato paṭṭhāya paṭipāṭiyā eva nikkhamitabbaṃ. Kāyena kāyaṃ aghaṭṭentena yathā antarena manussā gantuṃ sakkonti, evaṃ viralāya paṭipāṭiyā gantabbaṃ.

Piṇḍacārikavattakathā

366. Piṇḍacārikavatte **kammaṃ vā nikkhipatīti** kappāsaṃ vā suppaṃ musalaṃ vā yaṃ gahetvā kammaṃ karonti, ṭhitā vā nisinnā vā honti, taṃ

1. Vanditukāma (Syā, Ka)

2. Dūre (Sī, Syā, Ka), pure (Katthaci)

nikkhipati. **Na ca bhikkhādāyikāyāti** itthī vā hotu puriso vā,
bhikkhādānasamaye mukhaṃ na ulloketabbaṃ¹.

Āraññikavattakathā

368. Āraññikavatte **senāsanā otaritabbanti** vasanaṭṭhānato
nikkhamitabbaṃ.

Pattam thavikāya pakkhipitvāti ettha sace bahigāme udakaṃ natthi,
antogāmeveva bhattakiccaṃ katvā, atha bahigāme atthi, bahigāme
bhattakiccaṃ katvā patto dhovitvā vodako katvā thavikāya pakkhipitabbo.

Paribhojanīyaṃ upaṭṭhāpetabbanti sace bhājanāni nappahonti,
pānīyameva paribhojanīyampi katvā upaṭṭhāpetabbaṃ. Bhājanāni
alabhantena veḷunāḷikāyapi upaṭṭhāpetabbaṃ. Tampi alabhantassa yathā
samīpe udaka-āvāṭo hoti, evaṃ kātābbaṃ. Araṇisahite sati aggiṃ akātumpi
vaṭṭati. yathā ca āraññikassa, evaṃ kantārappaṭipannassāpi araṇisahitaṃ
icchitabbaṃ. Gaṇavāsino pana tena vināpi vaṭṭati. Nakkhattāneva
nakkhattapadāni.

Senāsanavattakathā

369. Senāsanavatte **dvāram** nāma yasmā mahāvaḷaṅgaṃ, tasmā tattha
āpucchanakiccaṃ natthi, sesāni pana uddesadānādīni āpucchitvāva
kātābbaṃ. Devasikampi āpucchituṃ vaṭṭati. Athāpi “bhante āpucchitameva
hotū”ti vutte vuḍḍhataro “sādhū”ti sampaṭicchati, sayameva vā “tvam
yathāsukhaṃ viharāhī”ti vadati, evampi vaṭṭati. Sabhāgassa vissāsenāpi
vaṭṭatiyeva. **Yena vuḍḍho tena parivattitabbanti** vuḍḍhābhimukhena
parivattitabbaṃ. **Bhojanasālā**dīsupi evameva paṭipajjitabbaṃ.

Jantāgharavattādīkathā

371. Jantāgharavatte **paribhaṇḍanti** bahijagati.

1. Oloketabbaṃ (Syā, Ka)

373. Ācamanavatthusmim **sati udaketi** ettha sace udakam atthi, paṭicchannaṭṭhānam pana natthi, bhājanena nīharitvā ācamitabbam. Bhājane asati pattena nīharitabbam. Pattepi asati asantam nāma hoti. “Idam ativivaṭam, purato aññam udakam bhavissatī”ti gatassa udakam alabhantasseva bhikkhācāraṇelā hoti, kaṭṭhena vā kenaci vā puñchitvā gantabbam, bhuñjitumpi anumodanampi kātum vaṭṭati. **Āgatapaṭipāṭiyāti** vaccakuṭiyam passāvaṭṭhāne nhānatittheti tīsupi āgatapaṭipāṭiyeva pamānam.

374. Vaccakuṭivatte **na dantakaṭṭham khādantenāti** ayam vaccakuṭiyāpi avaccakuṭiyāpi sabbettheva paṭikkhepo. **Na pharusena kaṭṭhenāti** phālitaṭṭhena vā kharena vā gaṇṭhikena vā kaṇṭakena vā susirena vā pūtinā vā na avalekhitabbam. Avalekhanakaṭṭham pana aggahetvā pavitṭhassa āpatti natthi.

Na ācamanasarāvaketi sabbasādhāraṇaṭṭhānam sandhāyetaṃ vuttam. Tatra hi aññe aññe āgacchanti¹, tasmā udakam na sesetabbam. Yam pana saṃghikepi vihāre ekadese nibaddhagamanatthāya kataṃ ṭhānam hoti puggalikaṭṭhānam vā, tasmim vaṭṭati. Virecanaṃ pivitvā punappunam pavisantassāpi vaṭṭatiyeva.

Ūhatāti ūhaditā², bahi vaccamakkhitāti attho. **Dhovitabbāti** udakam āharitvā dhovitabbā. Udakam atthi bhājanam natthi, asantam nāma hoti. Bhājanam atthi udakam natthi, etampi asantam. Ubhaye pana asati asantameva, kaṭṭhena vā kenaci vā puñchitvā gantabbam. Sesam sabbattha uttānamevāti.

Vattakkhandhakavaṇṇanā niṭṭhitā.

1. Añño añño āgacchati (Sī), aññe āgacchanti (Ka)

2. Ūhatāti ohanitā (Syā), uhatāti uhaditā (Ka)

9. Pātimokkhaṭṭhapanakkhandhaka

Pātimokkhuddesayācanakathā

383. Pātimokkhaṭṭhapanakkhandhake (**nandimukhiyā rattiyāti** aruṇuṭṭhitakālepi hi nandimukhā viya ratti khāyati. Tenāha nandimukhiyā rattiyāti. **Antopūtinti** attacittasantāne kilesapūtibhāvena antopūtīm. **Avassutanti** kilesavassanavassena avassutaṃ. **Kasambukajātanti** ākiṇṇadosatāya saṃkiliṭṭhajātaṃ.)¹ **Yāva bāhāgahaṇāpi nāmāti** “aparissuddhā Ānanda parisā”ti vacanaṃ sutvāyeva hi tena pakkamitabbaṃ siyā, evaṃ apakkamitvā yāva bāhāga-aṇāpi nāma so moghapuriso āgamaṣṣati, acchariyamidanti dasseti.

384. **Na āyatakeneva papātoti** na paṭhamameva gambhīro, anupubbena gambhīroti attho. **Ṭhitadhammo velam nātivattatīti** vīcīnaṃ osakkanakandaraṃ mariyādavelam nātikkamati. **Tīraṃ vāhetīti** tīrato² appeti, ussāretīti attho. **Aññāpaṭivedhoti** arahattappatti.

385. **Channamativassatīti**³ āpattim āpajjitvā paṭicchādentō aññaṃ navam āpattim āpajjati, idametaṃ sandhāya vuttaṃ. **Vivaṭaṃ nātivassatīti** āpattim āpajjitvā vivaranto aññaṃ nāpajjati, idametaṃ sandhāya vuttaṃ.

Pātimokkhasavanārahakathā

386. **Ṭhapitaṃ hoti pātimokkhanti** ettha pure vā pacchā vā ṭhapitampi aṭṭhapitaṃ hoti, khethe ṭhapitameva pana ṭhapitaṃ nāma hoti. Tasmā “suṇātu me bhante saṃgho, ajjuposatho pannaraso, yadi saṃghassa pattakallaṃ, saṃgho uposathaṃ kareyyā”ti ettha yāva re-kāraṃ bhaṇati, tāva ṭhapetabbaṃ, idaṃ hi khettaṃ. Yya-kāre pana vutte ṭhapentena pacchā ṭhapitaṃ nama hoti. Suṇātu meti anāraddheyyeva ṭhapentena pure ṭhapitaṃ hoti.

1. () Natthi Sihaḷa-potthake.

2. Tīraṃ (Syā)

3. Suchannamativassatīti (Ka)

Dhammikādharmikapātimokkhaṭṭhapanakathā

387. **Amūlikāya sīlavipattiyā pātimokkham ṭhpeti akatāyāti** tena puggalena sā vipatti katā vā hotu akatā vā, pātimokkhaṭṭhapanakassa saññā-amūlikavasena amūlikā hoti. **Katākatāyāti** katañca akatañca ubhayaṃ gahetvā vuttam.

Dhammikam sāmaggim na upetīti kammaṃ kopetukāmatāya saṅghassa kamme kariyamāne neva āgacchati, na chandaṃ deti, sammukhībhūto va paṭikkosati, tena dukkaṭam āpajjati. Iccassāpi sāpattikasseva pātimokkham ṭhapitam hoti. **Paccādiyati** puna kātabbam kammanti paccādiyati, tena ukkoṭanakena pācittiyam āpajjati. Iccassāpi sāpattikasseva pātimokkham ṭhapitam hoti.

Dhammikapātimokkhaṭṭhapanakathā

388. **Yehi ākārehi yehi liṅgehi yehi nimittehīti** ettha maggena maggapaṭipādanādīsū ākāradisaññā veditabbā. **Tena diṭṭhena tena sutena tāya parisāṅkāyāti** ettha diṭṭhañca sutañca Pāliyaṃ āgatameva. Sace pana tehi diṭṭhasutehi parisāṅkam uppādeyya, taṃ sandhāya vuttam “tāya parisāṅkāyā”ti.

Attādāna-aṅgathā

398. **Attādānam ādātukāmenāti** ettha sāsanaṃ sodhetukāmo bhikkhu yaṃ adhikaraṇam attanā ādiyati, taṃ attādānanti vuccati. **Akālo imam attādānam ādātunti** ettha rājabhayaṃ corabhayaṃ dubbhikkhabhayaṃ vassārattoti ayaṃ akālo, viparīto kālo.

Abhūtam idam attādānanti asantamidaṃ, mayā adhammo vā dhammoti, dhammo vā adhammoti, avinayo vā vinayoti, vinayo vā avinayoti, dussīlo vā puggalo sīlavāti, sīlavā vā dussīloti gahitoti attho. Vipariyāyena bhūtam veditabbam. **Anatthasamhitam idam attādānanti**

ettha yaṃ jīvitantarāyāya vā brahmacariyantarāyāya vā saṃvattati, idaṃ anatthasaṃhitam, viparītam atthasaṃhitam nāma.

Na labhissāmi sandiṭṭhe sambhatte bhikkhūti appekadā hi rājabhayādīsu evarūpā attano pakkhassa upatthambhakā bhikkhū laddhum na sakkā honti, taṃ sandhāya vuttam “na labhissāmī”ti. Appekadā pana khemasubhikkhādīsu laddhum sakkā honti, taṃ sandhāya “labhissāmī”ti vuttam.

Bhavissati saṅghassa tatonidānam bhaṇḍananti kosambakānam viya bhaṇḍanam kalaho viggaho vivādo saṅghabhedo ca bhavissatīti. **Pacchāpi avipparāṣāraṅgāraṃ bhavissatīti** subhaddam vuḍḍhapabbajitam niggaḥetvā pañcasatikasaṅgītiṃ karontassa Mahākassapattherasseva, dasavatthuke adhikaraṇe dasabhikkhusahassāni niggaḥetvā sattasatikasaṅgītiṃ karontassa āyasmato Yasasseva, saṭṭhibhikkhusahassāni niggaḥetvā saḥassikasāṅgītiṃ karontassa Moggaliputtatissattherasseva ca pacchā samanussaraṇakaraṇam hoti, sāsanassa ca vigatupakkilesacandimasūriyasassirikatāya saṃvattati.

Codakenapaccavekkhitabbadhammakathā

399. **Acchiddena appaṭimaṃsenāti**-ādīsu yena gahaṭṭhapabbajitesu yo koci pahaṭo vā hoti, gihīnam gaṇḍaphālanādīni vejjakammāni vā katāni, tassa kāyasamācāro upacikāhi khāyitatālapaṇṇamiva chiddo ca, paṭimāsituṃ yattha katthaci gaḥetvā ākaḍḍhituṃ sakkuṇeyyatāya sappaṭimaṃso ca hoti. Viparīto acchiddo appaṭimaṃsoti veditabboti. Vacīsamācāro pana musāvāda-omasavādapesuñña-amūlakānuddhamsanādīhi chiddo ca sappaṭimaṃso ca hoti, viparīto acchiddo appaṭimaṃso.

Mettam nu kho me cittanti palibodhe chinditvā kammaṭṭhānabhāvanānuyogena adhigatam mettacittam. **Anāghātanti** āghātavirahitam, vikkhambhanavasena vihatāghātanti attho. **Idam panāvuso kattha vuttam Bhagavatāti** idam sikkhāpadam katarasmim nagare vuttanti attho.

Codakena-upaṭṭhāpetabbakathā

400. **Kālena vakkhāmī**ti-ādīsu eko ekaṃ okāsaṃ kāretvā codento **kālena vadati** nāma. Saṃghamaṃjjhagaṇamaṃjjhasalākaggayāgu-aggavitakkamaḷa-kabhikkhācāramagga-āsanasālādīsu upaṭṭhākehi parivāritakkhaṇe vā codento **akālena vadati** nāma. Tacchena vadanto **bhūtena vadati** nāma, “ambho mahallaka parisāvacara paṃsukūlikadhammakathikapatirūpaṃ tava idan”ti vadanto **pharusena vadati** nāma. Kāraṇanissitaṃ pana katvā “bhante mahallakattha, parisāvacarā paṃsukūlikā dhammakathikattha, patirūpaṃ tumhākaṃ idan”ti vadanto **saṃhena vadati** nāma. Kāraṇanissitaṃ katvā vadanto **atthasaṃhitena vadati** nāma, **mettacitto vakkhāmi no dosantaroti** mettacittaṃ upaṭṭhapetvā vakkhāmi, na duṭṭhacitto hutvā.

Codakacuditakapaṭṭisaṃyuttakathā

401. **Ajjhattaṃ manasikarivā**ti attano citte uppādetvā. **Kāruṇṇatā**ti karuṇābhāvo. Iminā karuṇaṅca karuṇāpubbabhāgaṅca dasseti. **Hitesitā**ti hitagavesanā. **Anukampitā**¹ tena hitena saṃyojanatā. Dvīhipi mettaṅca mettāpubbabhāgaṅca dasseti. **Āpattivuṭṭhānatā**ti āpattito vuṭṭhāpetvā suddhante paṭiṭṭhāpanā. Vatthum codetvā sāretvā paṭiṅṇaṃ āropetvā yathāpaṭiṅṇāya kammakaraṇaṃ **vinayapurekkhāratā** nāma. **Ime pañca dhammeti** ye ete kāruṇṇatāti-ādinā nayena vuttā, ime pañca dhamme ajjhattaṃ manasi karivā paro codetabboti.

Sacce ca akuppe cāti vacīsacce ca akuppanatāya ca. Cuditakena hi saccaṅca vattabbaṃ, kopo ca na kātabbo, neva attanā kujjhitabbo, na paro ghaṭṭetabboti attho. Sesam sabbattha uttānamevāti.

Pātimokkhaṭṭhapanakkhandhakavaṇṇanā niṭṭhitā.

1. Anukampatāti (Ka)

10. Bhikkhunikkhandhaka

Mahāpajāpatigotamīvatthukatā

402. Bhikkhunikkhandhake **alam Gotami mā te ruccīti** kasmā paṭikkhipati, nanu sabbesampi Buddhānaṃ catasso parisā hontīti. Kāmaṃ honti, kilamitvā pana anekakkhattuṃ yācitenā¹ anuññātaṃ pabbajjaṃ “dukkhena laddhā yaṃ amhehi”ti sammā paripālessantīti bhaddakaṃ² katvā anujānitukāmo paṭikkhipati. **Aṭṭhagarudhammakathā** Mahāvibhaṅgeva kathitā.

403. **Kumbhathenakehīti** kumbhe dīpaṃ jāletvā tena ālokena paragharena bhaṇḍaṃ vicinitvā thenakacorehi.

Setaṭṭhikā³ **nāma rogajātīti** eko pāṇako nālimajjhagataṃ kaṇḍaṃ vijjhati, yena viddhattā nikkhantampi sālīsīsaṃ khīraṃ gaheṭuṃ na sakkoti.

Mañjīṭṭhikā⁴ **nāma rogajātīti** ucchūnaṃ antorattabhāgo. **Mahato taḷākassa paṭikacceva ālīnti** iminā pana etamatthaṃ dasseti—yathā mahato taḷākassa āliyā abaddhāyapi kiñci udakaṃ tiṭṭheyya, paṭhamameva baddhāya pana yaṃ abaddhapaccayā na tiṭṭheyya, tampi tiṭṭheyya, evameva ye ime anuppanne vatthusmiṃ paṭikacceva avītikkamanatthāya garudhammā paññattā, tesu apaññattesupi mātugāmassa pabbajitattā pañceva vassasatāni saddhammo tiṭṭheyya. Paṭikacceva paññattattā pana aparānīpi pañcavassasatāni ṭhassatīti evaṃ paṭhamāṃ vuttaṃ vassasahassameva ṭhassatīti. **Vassasahassanti** cetāṃ paṭisambhidāpabhedappattakhīṇāsavavaseneva vuttaṃ, kato pana uttarīpi sukkhavipassakakhīṇāsavavasena vassasahassaṃ, anāgāmivasena vassasahassaṃ, sakadāgāmivasena vassasahassaṃ, sotāpannavasena vassasahassanti evaṃ pañcavassasahassāni paṭivedhasaddhammo ṭhassati. Pariyattidhammopi tāniyeva, na hi pariyattiyā asati

1. Yācite (Sī), yācito (Ka)

3. Setatṭhikā (Sī, Syā, Ka)

2. Garuṃ (Sī), garukaṃ (Syā)

4. Mañjāṭṭhikā (Ka), mañjetṭhikā (Sī, Syā)

paṭivedho atthi, nāpi pariyattiyā sati paṭivedho na hoti. Liṅgaṃ pana pariyattiyā¹ antarahitāyapi ciraṃ pavattissatīti.

Bhikkhunī-upasampadānujānanakathā

404. **Anujānāmi bhikkhave bhikkhūhi bhikkhuniyo upasampādetunti** imāya anupaññattiyā bhikkhū pañcasatā sākiyāniyo Mahāpajāpatiyā saddhivihāriniyo katvā upasampādesuṃ, iti tā sabbāpi ekato-upasampannā nāma ahesuṃ. Ye kho tvaṃ Gotamīti iminā ovādena Gotamī arahattaṃ pattā.

409. **Kammaṃ na karīyatīti** tajjanīyādi sattavidhampi kammaṃ na karīyati. **Khamāpentīti** na puna evaṃ karissāmīti khamāpenti.

410. **Anujānāmi bhikkhave bhikkhūhi bhikkhunīnaṃ kammaṃ ropetvā niyyādetunti** ettha tajjanīyādīsu idaṃ nāma kammaṃ etissā kātabbanti evaṃ ropetvā “taṃ dāni tumheva karoṭhā”ti niyyādetabbaṃ. Sace pana aññasmiṃ ropite aññaṃ karonti, “tajjanīyakammārahassa niyassakammaṃ karotī”ti ettha vuttanayena kāretabbataṃ āpajjati.

411. **Kaddamodakenāti** ettha na kevalaṃ kaddamodakena, vipasanna-udakarajanakaddamādīsipi yena kenaci osiñcantassa dukkaṭameva. **Avandiyo so bhikkhave bhikkhu bhikkhunisaṃghena kātabboti** bhikkhunupassaye sannipattivā “asuko nāma ayyo bhikkhunīnaṃ apasādanīyaṃ dasseti, etassa ayyassa avandiyakaraṇaṃ ruccatī”ti evaṃ tikkhattuṃ sāvetabbaṃ, ettāvataṃ avandiyo kato hoti. Tato paṭṭhāya yathā sāmaṇere disvā na vandanti, evameva disvāpi na vanditabbo. Tena bhikkhunā sammā vattantena bhikkhunupassayaṃ agantvā vihāreyeva saṃghaṃ vā gaṇaṃ vā ekapuggalaṃ vā upasaṅkamitvā ukkuṭikaṃ nisīditvā añjaliṃ paggahetvā “bhikkhunisaṃgho mayhaṃ khamatū”ti khamāpetabbaṃ. Tena bhikkhunā bhikkhunīnaṃ santikaṃ āgantvā “eso bhikkhu tumhe khamāpetī”ti vattabbaṃ. Tato paṭṭhāya so vanditabbo. Ayamettha saṅkhepo, vitthāraṃ pana Kammavibhaṅge vakkhāma.

Obhāsentīti asaddhammena obhāsentī. **Bhikkhunīhi saddhim** sampayo^{jentī}ti bhikkhunīhi saddhim purise asaddhammena sampayo^{jenti}. Avandiyakaraṇaṃ vuttanayameva. **Āvaraṇanti** vihārapavesane nivāraṇaṃ. **Ovādaṃ ṭhapetunti** ettha na bhikkhunupassayaṃ gantvā ṭhapetabbo, ovādatthāya pana āgatā bhikkhuniyo vattabbā “asukā nāma bhikkhunī sāpattikā, tassā ovādaṃ ṭhapemi, mā tāya saddhim uposathaṃ karitthā”ti. Kāyavivaraṇādīsupi daṇḍakammaṃ vuttanayameva.

413. Na **bhikkhave bhikkhuniyā ovādo na gantabboti**-ādi Bhikkhunivibhaṅgavaṇṇanāyaṃ vuttameva.

416. **Phāsukā namentī**ti gihidārikāyo viya ghanapaṭṭakena kāyabandhanena phāsukā namanatthāya bandhanti. **Ekapariyākatanti** ekavāraṃ parikkhipanaṃ.

Vilīvena paṭṭenāti saṅhehi veḷuvilīvehi katapaṭṭena. **Dussapaṭṭenā**ti setavatthapaṭṭena. **Dussaveniyā**ti dussena kataveniyā. **Dussavaṭṭiyā**ti dussena katavaṭṭiyā. **Coḷapaṭṭādīsu** coḷakāsāvaṃ coḷanti veditabbaṃ.

Aṭṭhillenāti gojaṅghaṭṭhikena. **Jaghananti** kaṭippadeso vuccati. **Hatthaṃ koṭṭāpentī**ti aggabāhaṃ koṭṭāpetvā morapattādīhi cittalaṅkāraṃ karoti. **Hatthakocchanti** piṭṭhihatthaṃ. **Pādanti** jaṅghaṃ. **Pādakocchanti** piṭṭhipādaṃ.

417. **Mukhalimpanādīni** vuttanayāneva. **Avaṅgaṃ karontī**ti akkhī añjantiyo avaṅgadese adhomukhaṃ lekhaṃ karonti. **Visesakanti** gaṇḍappadeso vicitrasaṅghānaṃ visesakaṃ karonti. **Oloketī**ti¹ vātapānaṃ vivarivā vīthim oloketi. **Sāloke tiṭṭhanti**ti dvāraṃ vivarivā upaḍḍhakāyaṃ dassentiyo tiṭṭhanti. **Naccanti** naṭasamajjaṃ kārenti. **Vesim vuṭṭhāpentī**ti gaṇikaṃ vuṭṭhāpentī. **Pānāgāraṃ ṭhapentī**ti suraṃ vikkiṇanti. **Sūnaṃ ṭhapentī**ti maṃsaṃ vikkiṇanti. **Āpaṇanti** nānābhaṇḍānaṃ anekavidhaṃ āpaṇaṃ pasārenti. **Dāsaṃ upaṭṭhāpentī**ti dāsaṃ gahetvā tena attano veyyāvaccam kārenti. Dāsī-ādīsupi eseva nayo.

1. Olokanakenāti (Syā)

haritakapakkikaṃ pakiṇantiti haritakañceva pakkañca pakiṇanti, pakiṇṇakāpaṇaṃ pasārentīti vuttaṃ hoti.

418. **Sabbanīlakā**dikathā kathitāyeva.

419. **Bhikkhunī ce bhikkhave kālaṃ karontī**ti-ādīsu ayaṃ Pāḷimuttakavinicchayo, sace hi pañcasu sahadhammikesu yo koci kālaṃ karonto “mamaccayena mayhaṃ parikkhāro upajjhāyassa hotu, ācariyassa hotu, saddhivihārikassa hotu, antevāsikassa hotu, mātu hotu, pitu hotu, aññassa vā yassa kassaci hotū”ti vadati, tesam na hoti, saṃghasseva hoti. Na hi pañcannaṃ sahadhammikānaṃ accayadānaṃ ruhati, gihīnaṃ pana ruhati. Bhikkhu hi bhikkhunivihāre kālaṃ karoti, tassa parikkhāro bhikkhūnaṃyeva hoti. Bhikkhunī bhikkhuvihāre kālaṃ karoti, tassā parikkhāro bhikkhunīnaṃyeva hoti.

420. **Purāṇamallī**ti purāṇe gihikāle Mallakassa bhariyā. **Purisabyañjananti** purisanimittaṃ. Chinnaṃ vā hotu acchinnaṃ vā paṭicchannaṃ vā appaṭicchannaṃ vā, sace etasmim ṭhāne purisabyañjananti cittaṃ uppādetvā upanijjhāyati, dukkaṭaṃ.

421. **Attano paribhogatthāya dinnam** nāma yaṃ “tumheyeva paribhuñjathā”ti vatvā dinnam, taṃ aññassa dadato dukkaṭaṃ. Aggaṃ gahetvā pana dātuṃ vaṭṭati. Sace asappāyaṃ, sabbaṃ apanetuṃ vaṭṭati. Cīvaraṃ ekāhaṃ vā dvīhaṃ vā paribhuñjitvā dātuṃ vaṭṭati. Pattādīsipi eseva nayo.

Bhikkhūnaṃ sannidhīm bhikkhunīhi paṭiggāhāpetvāti hiyyo paṭiggahetvā ṭhapitamamsaṃ ajja aññasmim anupasampanne asati bhikkhūhi paṭiggāhāpetvā bhikkhunīhi paribhuñjitabbaṃ. Bhikkhūhi paṭiggahitaṃ hi bhikkhunīnaṃ appaṭiggahitakaṭṭhāne tiṭṭhati, bhikkhunīnaṃ paṭiggahitampi bhikkhūsu eseva nayo.

426. **Āsanaṃ saṅkasāyantiyo**¹ **kālaṃ vītināmesunti** aññaṃ vuṭṭhāpetvā aññaṃ nisīdāpentiyō bhojanakālaṃ atikkāmesuṃ.

1. Saṅkāyantiyo (Sī), saṅgāyantiyo (Syā)

Aṭṭhannaṃ bhikkhunīnaṃ yathāvuḍḍhanti ettha sace pure aṭṭhasu nisinnāsu tāsāṃ abbhantarimā aññā āgacchati, sā attano navakaṃ uṭṭhāpetvā nisīdituṃ labhati. Yā pana aṭṭhahipi navakatarā, sā sacepi saṭṭhivassā hoti, āgatapaṭipāṭiyāva nisīdituṃ labhati. **Aññattha sabbattha yathāvuḍḍham¹ na paṭibāhitabbanti** ṭhapetvā bhattaggaṃ aññasmim catupaccayabhājanīyaṭṭhāne “ahaṃ pubbe āgatā”ti vuḍḍham paṭibāhitvā kiñci na gahetabbaṃ, yathāvuḍḍhameva vaṭṭati. **Pavāraṇākathā** kathitāyeva.

429. **Itthiyuttanti**-ādīhi sabbayānāni anuññātāni. **Pāṭaṅkinti** paṭapoṭṭalikaṃ².

430. **Dūtena upasampadā** dasannaṃ antarāyānaṃ yena kenaci vaṭṭati. Kammavācāpariyosāne sā bhikkhunī bhikkhunupassaye ṭhitā vā hotu nipannā vā jagarā vā niddaṃ okkantā vā, upasampannāva hoti. Tāvadeva chāyādīni āgatāya dūtabhikkhuniyā ācikkhitabbāni.

431. **Udositoti³** bhaṇḍasālā. **Na sammatīti** nappahoti. **Upassayanti** gharaṃ. **Navakammanti** saṃghassatthāya bhikkhuniyā navakammampi kātuṃ anujānāmīti attho.

432. **Tassā pabbajitāyāti** tassā pabbajitakāle. **Yāva so dārako viññutaṃ pāpuṇātīti** yāva khādītuṃ bhuñjītuṃ nahāyītuñca maṇḍītuñca attano dhammatāya sakkotīti attho.

Ṭhapetvā sīgāranti sahaḡaraseyyamattaṃ ṭhapetvā yathā aññasmim purise, evaṃ dutiyikāya bhikkhuniyā tasmim dārake paṭipajjitabbanti dasseti. Mātā pana nahāpetuṃ pāyetuṃ bhojetuṃ maṇḍetuṃ ure katvā sayītuñca labhati.

434. **Yadeva sā vibbhantāti** yasmā sā vibbhantā attano ruciyā khantiyā odātāni vatthāni nivatthā, tasmāyeva sā abhikkhunī, na sikkhāpaccakkhānenāti dasseti. Sā puna upasampadaṃ na labhati.

1. Aññattha yathāvuḍḍham (Sī, Syā) 2. Paṭapoṭṭalikaṃ (Sī) 3. Uddositoti (Sī, Syā)

Sā āgatā na upasampādetabbāti na kevalaṃ na upasampādetabbā, pabbajjampi na labhati. Odātāni gahetvā vibbhantā pana pabbajjāmatam labhati.

Abhivādananti-ādīsu purisā pāde sambāhantā vandanti, kese chindanti, nakhe chindanti, vaṇapaṭikammaṃ karonti, taṃ sabbaṃ kukkuccāyantā na sādīyantīti attho. Tatreke ācariyā “sace ekato vā ubhato vā avassutā honti sārattā, yathāvattukameva”. Eke ācariyā “natthi ettha āpattī”ti vadanti. Evaṃ ācariyavādaṃ dassetvā idaṃ odissa anuññātaṃ vaṭṭatīti Aṭṭhakathāsu vuttaṃ, taṃ pamāṇaṃ. “Anujānāmi bhikkhave sādītuṃ”ti hi vacaneneva kappiyaṃ.

435. **Pallaṅkena nisīdantī**ti pallaṅkaṃ ābhujitvā nisīdanti. **Aḍḍhapallaṅkanti** ekaṃ pādaṃ ābhujitvā katapallaṅkaṃ. **Heṭṭhā vivaṭe upari paṭicchanneti** ettha sace kūpo khato hoti, upari pana padaramattameva sabbadisāsu paññāyati, evarūpepi vaṭṭati.

436. **Kukkusaṃ mattikanti** kuṇḍakañceva mattikañca. Sesametta uttānamevāti.

Bhikkhunikkhandhakavaṇṇanā niṭṭhitā.

11. Pañcasatikakkhandhaka

Khuddānukhuddakasikkhāpadakathā

441. Pañcasatikakkhandhake **cattāri pārājikāni ṭhapetvā avasesāni khuddānukhuddakāni**ti evamādi ekasikkhāpadampi apariccajivā sabbesaṃ saṅghetabbabhāvadassanattamaṃ pariyāyeva vuttaṃ. **Idaṃ vo samaṇānanti** idaṃ samaṇānaṃ, padapūraṇamatte vokāro. ()¹

443. **Idampi te āvuso Ānanda dukkaṭanti** idaṃ “tayā duṭṭhu katan”ti kevalaṃ garahantehi therehi vuttaṃ, na āpattiṃ sandhāya vuttaṃ. Na hi te āpattānāpattiṃ na jānanti. Idāneva cetaṃ anussāvitāṃ “saṅgho apaññattaṃ na paññapeti paññattaṃ na samucchindati”ti. **Desehi taṃ dukkaṭanti** idampi ca “āma bhante, duṭṭhu mayā katan”ti evaṃ paṭijānāhi taṃ dukkaṭanti idaṃ sandhāya vuttaṃ, na āpattidesanaṃ. Thero pana yasmā asatiyā na pucchi, na anādarena, tasmā tatha duṭṭhukatabhāvampi asallakkhento “nāhaṃ taṃ dukkaṭaṃ passāmi”ti vatvā thesū gāraṇa dassento “apicāyasmantānaṃ sandhāya desemi taṃ dukkaṭaṃ”ti āha, yathā tumhe vadatha, tathā paṭijānāmi vuttaṃ hoti. Eseva nayo avasesesu catūsu ṭhānesu. Sesametta yaṃ vattabbaṃ siyā, taṃ nidānavaṇṇanāyameva vuttaṃ. ()²

Pañcasatikakkhandhakavaṇṇanā niṭṭhitā.

-
1. (Dhūmakālikanti yāva samaṇassa Gotamassa parinibbānacetakadhūmo paññāyati, tāva kāloti attho.) (Syā, Ka)
 2. (Visesamattameva vaṇṇayissāma. Māyimāsaṃ vikāle ahesunti mā imāsaṃ pikāle gamaṇaṃ ahesunti adhippāyenāha. Rajoharaṇaṃ karissāmāti udakena temetvā piḷetvā parikkammakataṃ bhūmiṃ puñchissāma. Na kulavaṃ gamentīti na koṭṭhake gāmentīti adhippāyo. Yadaggena tayāti yaṃ divasaṃ aggamaṃ katvā tayāti) (Ka)

12. Sattasatikakkhandhaka

Dasavatthukathā

446. Sattasatikakkhandhake (**bhikkhaggenā**ti bhikkhu-aggena, bhikkhū gaṇetvā tattake paṭivīse ṭhapesunti attho. **Mahiyā**ti himapātasamaye himavalāhakā.

447. **Avijjānivūṭā**ti avijjāpaṭicchannā. **Posā**ti purisā. Piyaṛūpaṃ abhinandanti patthentīti **piyaṛūpābhinandino**. **Aviddasū**ti avijjānantā. Rāgarajehi **sarajā**. Magasadisāti **magā**. **Saha nettiyā**ti sanettikā.)¹ **Vaḍḍhenti kaṭasinti** punappunaṃ kaḷevaraṃ nikkhipamaṇā bhūmiṃ vaḍḍhenti, evaṃ vaḍḍhentāva ghoraṃ ādiyanti punabbhavaṃ.

454. **Pāpakaṃ no āvuso katanti** āvuso amhehi pāpakaṃ katanti attho.

455. **Katamena tvaṃ bhūmi**² **vihārenā**ti ettha **bhūmi**³ piyavacanametam, piyam vattukāmo kira āyasmā Sabbakāmī navake bhikkhū evaṃ āmanteti. **Kullavihārenā**ti uttānavihārena.

457. **Sāvattihīyā Suttavibhaṅgeti** katham Suttavibhaṅge paṭikkhittam hoti? Tatra hi “sannidhi nāma ajja paṭiggahitam aparajjū”ti vatvā puna “sannidhikārake asannidhikārakasaññī khādanīyam vā bhojanīyam vā khādanti vā bhuñjati vā āpatti pācittiyassā”ti āpattim vadantena paṭikkhittam hoti. Tatreke maññanti “yo pana bhikkhu sannidhikāraṃ khādanīyam vā bhojanīyam vāti hi vuttam, idaṅca loṇam nāma yāvajīvikattā sannidhibhāvaṃ nāpajjati, yampi aloṇakaṃ āmisam paṭiggahetvā tena saddhim paribhuñjati, tam tadahupaṭiggahitameva, tasmā ‘yāvakālikena bhikkhave yāvajīvikaṃ tadahupaṭiggahitam kāle kappati, vikāle na kappati’ti vacanato dukkaṇettha bhavitabban”ti. Te vattabbā—tumhākaṃ matena dukkaṇetthapi na bhavitabban, na hi ettha yāvajīvikaṃ tadahupaṭiggahitam,

1. (...) Natthi Sīhaḷa-pothhake.

2. Bhummi (Sī, Syā)

3. Bhummi (Sī, Syā)

yāvakālikameva tadahupaṭiggahitaṃ, na ca taṃ vikāle paribhuttaṃ. Yadi vā¹ “vikāle na kappatī”ti vacanena tumhe dukkaṭaṃ maññatha, yāva jīvikamissaṃ yāvakālikaṃ vikāle bhuñjantassa vikālabhojanapācittiyaṃ na bhaveyya, tasmā na byañjanamattaṃ gahetabbaṃ, attho uparikkhitabbo.

Ayaṃ hettha attho—yāvakālikena yāvajīvikaṃ tadahupaṭiggahitaṃ yadi sambhinnarasam hoti, yāvakālikagatikameva hoti, tasmā “yo pana bhikkhu vikāle khādanīyaṃ vā bhojanīyaṃ vā”ti iminā sikkhāpadena kāle kappati, vikāle na kappati, na idha “na kappatī”ti vacanamattenettha dukkaṭaṃ hoti. Yatheva yāvajīvikaṃ tadahupaṭiggahitaṃ yāvakālikena sambhinnarasam vikāle na kappati, vikālabhojanapācittiyāvahaṃ² hoti, evaṃ ajja paṭiggahitampi aparajju yāvakālikena sambhinnarasam na kappati, sannidhibhojanapācittiyāvahaṃ hoti, taṃ “sannidhikataṃ idan”ti ajānantopi na muccati. Vuttaṃ hetam “sannidhikārake asannidhikārasaññī khādanīyaṃ vā bhojanīyaṃ vā khādati vā bhuñjati vā āpatti pācittiyassā”ti. Tasmā “kattha paṭikkhittan”ti imissā pucchāya parisuddhamidaṃ byākaraṇam Sāvattiyā Suttavibhaṅgeti.

Rājagahe uposathasamnyutteti idaṃ “na bhikkhave ekasmiṃ āvāse dve uposathāgārāni sammannitabbāni, yo sammanneyya āpatti dukkaṭassā”ti etaṃ sandhāya vuttaṃ. **Vinayātisāre dukkaṭanti** “na bhikkhave ekasmiṃ āvāse dve uposathāgārāni sammannitabbāni”ti etassa vinayassa atisāre dukkaṭaṃ. **Campeyyake vinayavattusminti** idaṃ “adhammena ce bhikkhave vaggakammaṃ, akammaṃ na ca karaṇīyen”ti evamādiṃ katvā Campeyyakkhandhake āgataṃ vinayavattum sandhāya vuttaṃ.

Ekacco kappatīti idaṃ dhammikaṃ āciṇṇaṃ sandhāya vuttaṃ. **Chedanake pācittiyanti** Suttavibhaṅge hi “nisīdanaṃ nāma sadasaṃ vuccatī”ti āgataṃ, tasmā dvinnaṃ Sugatavidatthīnaṃ upari dasāyeva vidatthimattā labbhati. Dasāya vinā taṃ pamāṇaṃ karontassa idaṃ āgatameva hoti “taṃ atikkāmayato chedanakaṃ pācittiyaṃ”ti. Tasmā “kiṃ āpajjati”ti puṭṭho

1. Yadi taṃ (Sī, Ka)

2. ...pācittiyāva taṃ (Ka)

“chedanake pācittiyā”ti āha, Chedanakasikkhāpade vuttapācittiyā
āpajjatīti attho. Sesā sabbattha uttānamevāti.

Samantapāsādikāya Vinayasāmvāṇṇāya

Sattasatikakkhandhakavaṇṇāni niṭṭhitā.

Dvivaṅgasaṅgahā vuttā, dvāvīsati pabhedanā.

Khandhakā sāsane pañca-kkhandhadukkhappahāyino.

Yā tesāni vaṇṇāni esā, antarāyāni vinā yathā.

Siddhā sikkhantu kalyāṇā, evāni āsāpi paṇinanti.

Cūlavagga-aṭṭhakathā niṭṭhitā.

Vinayapiṭaka

Parivāra-aṭṭhakathā

Namo Tassa Bhagavato Arahato Sammāsambuddhassa.

Soḷasamahāvāra

Paññattivāraṇṇanā

Visuddhaparivārassa, parivāroti sāsane.

Dhammakkhandhasarīrassa, khandhakānam anantarā.

Saṅgahaṃ yo samāruḷho, tassa pubbāgataṃ nayaṃ.

Hitvā dāni karissāmi, anuttānatthavaṇṇanam.

1. Tattha **yam tena Bhagavatā -pa- paññattanti** ādinayappavattāya tāva pucchāya ayaṃ saṅkhepattho—yo so Bhagavā sāsanaṃ ciraṭṭhitikattham Dhammasenāpatinā saddhammagāravabahumānavegasamussitam añjalim sirasmiṃ patiṭṭhāpetvā yācito dasa atthavase paṭicca vinayapaññattim paññāpesi, tena Bhagavatā tassa tassa sikkhāpadassa paññattikālam jānatā. Tassā tassā sikkhāpadapaññattiyā dasa atthavase passatā. Apica pubbenivāsādīhi jānatā, dibbena cakkhunā passatā, tīhi vijjāhi chahi vā pana abhiññāhi jānatā, sabbattha appaṭihatena samantacakkhunā passatā, sabbadhammajānanasamatthāya paññāya jānatā, sabbasattānam cakkhuvisayātītāni tirokuṭṭādigatāni cāpi rūpāni ativisuddhena maṃsacakkhunā ca passatā, atthahitasādhikāya samādhipadaṭṭhānāya paṭivedhapaññāya jānatā, parahitasādhikāya karuṇāpadaṭṭhānāya desanāpaññāya passatā Arahataṃ Sammāsambuddhena yam paṭhamam pārājikam paññattam, tam kattha paññattam, kam ārabba paññattam, kismiṃ vatthusmiṃ paññattam, atthi tattha paññatti -pa- kenābhatanti.

2. Pucchāvissajjane pana **yaṃ tena Bhagavatā jānatā passatā Arahataṃ Sammāsambuddhena paṭhamam pārajikanti** idam kevalam pucchāya āgatassa ādipadassa paccuddharaṇamattameva, **kattha paññattanti Vesāliyā paññattam. Kam ārabbhāti Sudinnaṃ Kalandaputtaṃ ārabbhāti** evamādinā pana nayena punapi ettha ekekaṃ padaṃ pucchitvāva vissajjitaṃ. **Ekā paññattīti** “yo pana bhikkhu methunaṃ dhammaṃ paṭiseveyya pārajiko hoti asaṃvāso”ti ayaṃ ekā paññatti. **Dve anupaññattiyoti** “antamaso tiracchānagatāyapī”ti ca “sikkhaṃ apaccakkhāyā”ti ca makkaṭṭivajjiputtakavattthūnaṃ vasena vuttā imā dve anupaññattiyō. Ettāvata “atthi tattha paññatti anupaññatti anuppannapaññattī”ti imissā pucchāya dve koṭṭhāsā vissajjitā honti. Tatiyaṃ visajjetuṃ pana **anuppannapaññatti tasmim natthīti** vuttaṃ. Ayaṃ hi **anuppannapaññatti** nāma anuppanne dose paññattā, sā aṭṭhagarudhamavasena bhikkhunīnaṃyeva āgatā, aññatra natthi. Tasmā vuttaṃ “anuppannapaññatti tasmim natthī”ti. **Sabbatthapaññattīti** Majjhimadesa ceva paccantimajanapadesu ca sabbatthapaññatti. Vinayadharapañcamena gaṇena upasampadā, guṇaṅguṇūpahanā, dhuvanahānaṃ, cammattharaṇanti imāni hi cattāri sikkhāpadaṇi Majjhimadeseyeva paññatti, ettheva etehi āpatti hoti, na paccantimajanapadesu. Sesāni sabbāneva sabbatthapaññatti nāma.

Sādhāraṇapaññattīti bhikkhūnañceva bhikkhunīnañca sādharmaṇapaññatti. Suddhabhikkhūnameva hi suddhabhikkhunīnaṃ vā paññattam sikkhāpadaṃ **asādhāraṇapaññatti** nāma hoti. Idam pana bhikkhuṃ ārabbhā uppanne vatthusmiṃ—“yā pana bhikkhunī chandaso methunaṃ dhammaṃ paṭiseveyya, antamaso tiracchānagatenapi pārajikā hoti asaṃvāsā”ti—bhikkhunīnampi paññattam. Vinītakathāmettameva hi tāsāṃ natthi, sikkhāpadaṃ pana atthi. Tena vuttaṃ “sādhāraṇapaññattī”ti. **Ubhatopaññattiyampi** eseva nayo. Byañjanamattameva hi ettha nānaṃ, bhikkhūnaṃ bhikkhunīnampi sādharmaṇattā **sādhāraṇapaññatti**, ubhinnaṃ paññattattā **ubhatopaññattīti** atthe pana bhedo natthi.

Nidānogadhanti “yassa siyā āpatti so āvikareyyā”ti ettha sabbāpattīnaṃ anupaviṭṭhattā **nidānogadham**, nidāne anupaviṭṭhanti attho. **Dutiyena uddesenāti** nidānogadham nidānapariyāpannaṃ samānaṃ “tatrima

cattāro pārājikā dhammā”ti-ādinā dutiyeneva uddesena uddesaṃ āgacchati. **Catunnaṃ vipattīnanti** sīlavipatti-ādinānaṃ. Paṭhamā hi dve āpattikkhandhā sīlavipatti nāma, avasesā pañca ācaravipatti nāma, micchādiṭṭhi ca antaggāhikadiṭṭhi ca diṭṭhivipatti nāma, ājīvahetu paññattāni cha sikkhāpādāni ājīvavipatti nāma. Iti imāsaṃ catunnaṃ vipattīnaṃ idaṃ pārājikaṃ sīlavipatti nāma hoti.

Ekena samuṭṭhānenāti dvaṅgikena ekena samuṭṭhānena. Ettha hi cittaṃ aṅgaṃ, hoti, kāyena pana āpattiṃ āpajjati. Tena vuttaṃ “kāyato ca cittato ca samuṭṭhātī”ti. **Dvīhi samathehi sammatīti** “āpannosī”ti sammukhā pucchiyamāno “āma āpannomhī”ti paṭijānāti, tāvadeva bhaṇḍanakalahaviggahā vūpasantā honti, sakkā ca hoti taṃ puggalaṃ apānetvā uposatho vā pavāraṇā vā¹ kātuṃ. Iti sammukhāvīnayaena ca paṭiññātakaraṇena cāti dvīhi samathehi sammati, na ca tappaccayā koci upaddavo hoti. Yaṃ pana upari paññattivagge “na katameva samathena sammatī”ti vuttaṃ, taṃ samathaṃ otāretvā anāpatti kātuṃ na sakkāti imamatthaṃ sandhāya vuttaṃ.

Paññatti vinayoti “yo pana bhikkhū”ti-ādinā nayena vuttamātikā paññatti vinayoti attho. **Vibhattīti** padabhājanaṃ vuccati, **vibhattīti** hi Vibhaṅgassevetaṃ nāmaṃ. **Asaṃvaroti** vītikkamo. **Saṃvaroti** avītikkamo. **Yesaṃ vattatīti** yesaṃ Vinayapiṭakaṇca Aṭṭhakathā ca sabbā paguṇāti attho. **Te dhārentīti** te etaṃ paṭhamapārājikaṃ Pāḷito ca atthato ca dhārenti. Na hi sakkā sabbānaṃ vinayapiṭakaṃ ajānantena etassa attho jānituntī. **Kenābhatanti** idaṃ paṭhamapārājikaṃ Pāḷivasena ca atthavasena ca yāva ajjatanakālaṃ kena ānītanti. **Paramparābhatanti** paramparāya ānītaṃ.

3. Idāni yāya paramparāya ānītaṃ, taṃ dassetuṃ **Upāli dāsako cevāti-** ādinā nayena porāṇakehi mahātherehi gāthāyo

1. Uposathaṃ vā pavāraṇaṃ (Sī)

ṭhapitā. Tattha yaṃ vattabbaṃ, taṃ nidānavañṇanāyameva vuttaṃ. Iminā nayena dutiyapārājikādipucchāvissajjanesupi vinicchayo veditabboti.

Mahāvibhaṅge paññattivāravañṇanā niṭṭhitā.

Katāpattivārādivañṇanā

157. Ito paraṃ “methunaṃ dhammaṃ paṭisevanto kati āpattiyo āpajjati”ti ādippabhedo **katāpattivāro** “methunaṃ dhammaṃ paṭisevantassa āpattiyo catunnaṃ vipattīnaṃ kati vipattiyo bhajanti”ti ādippabhedo **vipattivāro** “methunaṃ dhammaṃ paṭisevantassa āpattiyo sattannaṃ āpattikkhandhānaṃ katihi āpattikkhandhehi saṅgahitā”ti ādippabhedo **saṅgahavāro** “methunaṃ dhammaṃ paṭisevantassa āpattiyo channaṃ āpattisamuṭṭhānānaṃ katihi samuṭṭhānehi samuṭṭhahanti”ti ādippabhedo **samuṭṭhānavāro** “methunaṃ dhammaṃ paṭisevantassa āpattiyo catunnaṃ adhikaraṇānaṃ katamaṃ adhikaraṇaṃ”ti ādippabhedo **adhikaraṇavāro** “methunaṃ dhamma paṭisevantassa āpattiyo sattannaṃ samathānaṃ katihi samathehi sammanti”ti ādippabhedo **samathavāro** tadanantaro **samuccayavāro**cāti ime satta vārā uttānatthā eva.

188. Tato paraṃ “methunaṃ dhammaṃ paṭisevanapaccayā pārājikaṃ kattha paññattan”ti-ādinā nayena puna paccayavasena eko **paññattivāro**, tassa vasena purimasadisā eva katāpattivārādayo satta vārāti evaṃ aparepi aṭṭha vārā vuttā, tepi uttānatthā eva. Iti ime aṭṭha, purimā aṭṭhāti Mahāvibhaṅge soḷasa vārā dassitā. Tato paraṃ teneva nayena Bhikkhunīvibhaṅgepi soḷasa vārā āgatāti evamime Ubhatovibhaṅge dvattimsa vārā Pālinayeneva veditabbā. Na hettha kiñci pubbe avinicchitaṃ nāma atthi.

Mahāvibhaṅge ca Bhikkhunivibhaṅge ca

Soḷasamahāvāravañṇanā niṭṭhitā.

Samuṭṭhānasīsavaṇṇanā

257. Tadanantarāya pana samuṭṭhānakathāya **anattā iti nicchayāti** anattā iti nicchitā¹. **Sabhāgadhammānanti** aniccākārādīhi sabhāgānaṃ saṅkhatadhammānaṃ. **Nāmamattaṃ na nāyatīti** nāmamattampi na paññāyati. **Dukkhahāninti** dukkhaghātaṇaṃ. **Khandhakā ya ca mātikāti** khandhakā yā ca mātikāti attho. Ayameva vā pāṭho. **Samuṭṭhānaṃ niyato katanti** samuṭṭhānaṃ niyatokataṃ niyatakataṃ, niyatasamuṭṭhānanti attho. Etena bhūtārocana corivuṭṭhāpana-ananuññātasikkhāpadattayassa saṅgaho paccetabbo. Etāneva hi tīṇi sikkhāpadāni niyatasamuṭṭhānāni, aññehi saddhiṃ asambhinnasamuṭṭhānāni.

Sambhedaṃ nidānañcaññanti aññampi sambhedañca nidānañca. Tattha sambhedavacanena samuṭṭhānasambhedassa gahaṇaṃ paccetabbaṃ, tāni hi tīṇi sikkhāpadāni ṭhapetvā sesāni sambhinnasamuṭṭhānāni. Nidānavacanena sikkhāpadānaṃ paññattidesasaṅkhātāṃ nidānaṃ paccetabbaṃ, **sutte dissanti uparīti** sikkhāpadānaṃ samuṭṭhānaniyamo sambhedo nidānanti imāni tīṇi suttamhi eva dissanti, paññāyantīti attho. Tattha ekena samuṭṭhānena samuṭṭhāti kāyato ca cittato cāti-ādimhi tāva purimanaye samuṭṭhānaniyamo ca sambhedo ca dissanti. Itaraṃ pana nidānaṃ nāma—

Vesāliyā Rājagahe, Sāvattiyā ca Āḷavī.

Kosambiyā ca Sakkesu, Bhaggesu ceva paññattāti.

Evam upari dissati, parato āgate sutte dissatīti veditabbaṃ.

Vibhaṅge dvīsūti gāthāya ayamattho—yaṃ sikkhāpadaṃ dvīsu Vibhaṅgesu paññattaṃ uposathadivase bhikkhū ca bhikkhuniyo ca uddisanti, tassa yathāñāyaṃ samuṭṭhānaṃ pavakkhāmi, taṃ me suṇāthāti.

Sañcarittānubhāsanañcāti sañcarittañca samanubhāsanañca. **Atirekañca cīvaranti** atirekacīvaraṃ kathinanti attho. **Lomāni padasodhammoti**

1. Vinicchitā (Syā)

eḷakalomāni ca padasodhammo ca. **Bhūtaṃ saṃvidhānena cāti** bhūtārocanañca, saṃvidahitvā addhānappaṭipajjanañca. **Theyyadesanā corim cāti** theyyasattho ca, chattapāṇissa agilānassa dhammadesanā ca, corivuṭṭhāpanañca. **Ananuññātāya terasāti** mātāpitusāmikehi ananuññātāya saddhim imāni terasa samuṭṭhānāni honti. **Sadisā idha dissareti** idha Ubhatovibhaṅge etesu terasasu samuṭṭhānasīsesu¹ ekekasmim aññānipi sadisāni samuṭṭhānāni dissanti.

Paṭhamapārājikasamuṭṭhānavañṇanā

258. Idāni tāni dassetuṃ **methunaṃ sukkasaṃsaggoti**-ādi vuttaṃ. Tattha **methunanti** idaṃ tāva paṭhamapārājikaṃ nāma ekaṃ samuṭṭhānasīsaṃ, sesāni tena sadisāni. Tattha **sukkasamsaggoti** sukkavissaṭṭhi ceva kāyasamsaggo ca. **Aniyatā paṭhamikāti** paṭhamam Aniyatasikkhāpadaṃ. **Pubbūpaparipācitāti** jānaṃ pubbūpagataṃ bhikkhunti sikkhāpadañca, bhikkhuniparipācitapiṇḍapātasikkhāpadañca. **Raho bhikkhuniyā sahāti** bhikkhuniyā saddhim raho Nisajjasikkhāpadañca.

Sabhojane raho dve cāti sabhojane kule anupakhajja Nisajjasikkhāpadañca, dve Rahonisajjasikkhāpadāni ca, **aṅguli uduke hasanti** aṅgulipatodakañca, uduke Hasadhammasikkhāpadañca. **Pahāre uggire cevāti** Pahāradānasikkhāpadañca, Talasattika-uggiraṇasikkhāpadañca. **Tepaññāsā ca sekhiyāti** parimaṇḍalanivāsanādīni khuddakavañṇanāvasāne vuttāni tepaññāsa sekhiyasikkhāpadāni ca.

Adhakkhagāmāvassutāti bhikkhunīnaṃ Adhakkhakasikkhāpadañca, gāmantaragamanam, avassutā avassutassa hatthato khādaniyabhojanīyaggahaṇasikkhāpadañca. **Talamatṭhañca suddhikāti** talaghātakam, jatumatṭham, udakasuddhikādiyanañca. **Vassaṃvuṭṭhā ca ovādanti** vassaṃvuṭṭhā chappañcayojanāni sikkhāpadañca, ovādāya agamanasikkhāpadañca. **Nānubandhe pavattininti** yā pana bhikkhūni vuṭṭhāpitaṃ pavattimnim dve vassāni nānubandheyyāti vuttasikkhāpadaṃ.

1. Samuṭṭhānesu (Sī, Syā)

Ime sikkhāti imā sikkhāyo. Liṅgavipariyāyo kato. **Kāyamānasikā katāti** kāyacittasamuṭṭhānā katā.

Dutiyapārājikasamuṭṭhānavaṇṇanā

259. **Adinnanti** idaṃ tāva adinnādānanti vā dutiyapārājikanti vā ekaṃ samuṭṭhānasīsaṃ, sesāni tena sadisāni. Tattha **viggahuttarīti** Manussaviggaha-uttarimanussadhammasikkhāpadāni. **Duṭṭhullā attakāminanti** Duṭṭhullavācā-attakāmapāricariyasikkhāpadāni. **Amūlā aññabhāgiyāti** dve Duṭṭhadosasikkhāpadāni. **Aniyatā dutiyikāti** dutiyaṃ Aniyatasikkhāpadāni.

Acchinde pariṇāmaneti sāmaṃ cīvaraṃ datvā acchindanañca, saṃghikalābhassa attano pariṇāmanañca. **Musā omasapesuṇāti** musāvādo ca omasavādo ca bhikkhupesunñāñca. **Duṭṭhullā pathavīkhaṇeti**¹ duṭṭhullāpatti-ārocanañca pathavīkhaṇaṇca. **Bhūtaṃ aññāya ujjhāpeti** bhūtagāma-aññavādaka-ujjhāpanakasikkhāpadāni.

Nikkadḍhanaṃ siñcanañcāti vihārato nikkadḍhanañca, udakena tiṇḍisiñcanañca. **Āmisahetu bhuttāvīti** āmisahetu bhikkhuniyo ovaḍantīti sikkhāpadañca, bhuttāvīṃ anatirittena khādanīyādīnaṃ Pavāraṇāsikkhāpadañca. **Ehi anādari bhimsāti** ehāvuso gāmaṃ vāti sikkhāpadañca, anādariyañca, bhikkhubhimsāpanakañca. **Apanidhe ca jīvitanti** pattādīnaṃ Apanidhānasikkhāpadañca, sañcicca paṇaṃ jīvitāvoropanañca.

Jānaṃ sappāṇakaṃ kammanti jānaṃ Sappāṇaka-udakasikkhāpadañca, punakammāya ukkoṭanañca. **Ūnasarivāsanāsanāti** Ūnavāsativassasikkhāpadañca, ukkhittakena saddhīṃ Saṃvāsasikkhāpadañca, Nsitakasāmaṇerasambhogasikkhāpadañca. **Sahadhammikaṃ vilekhāti** sahadhammikaṃ Vccamānasikkhāpadañca, vilekhāya saṃvattantīti Āgatasikkhāpadañca. **Moho amūlakena cāti** mohanake pācittiyasikkhāpadañca, amūlakena saṃghādisesena Anuddhamāsanasikkhāpadañca.

Kukkuccaṃ dhammikaṃ cīvaraṃ datvāti kukkucca-upadahanañca, dhammikānaṃ kammānaṃ chandaṃ datvā khīyanañca, cīvaraṃ datvā khīyanañca. **Pariṇāmeyya puggaleti** saṃghikaṃ

1. Pathavīṃ khaṇeti (Sī)

lābham puggalassa Pariṇāmanasikkhāpadaṃ. **Kim te akālaṃ acchindeti** kim te ayye eso purisapuggalo karissatīti Āgatasikkhāpadaṃca, akālacīvaram kālacīvaranti adhiṭṭhahitvā Bhājanasikkhāpadaṃca¹, bhikkhuniyā saddhim cīvaram parivattetvā Acchindanasikkhāpadaṃca. **Duggahī nirayena cāti** duggahitena duppadhāritena param Ujjhāpanasikkhāpadaṃca, nirayena vā brahmacariyena vā Abhisapanasikkhāpadaṃca.

Gaṇam vibhaṅgadubbalanti gaṇassa cīvaralābham antarāyam kareyyāti ca, dhammikaṃ cīvaravibhaṅgam paṭibāheyyāti ca, dubbalacīvarapaccāsāya cīvarakālasamayam atikkāmeyyāti ca vuttasikkhāpadāni. **Kathinā phāsu passayanti** dhammikaṃ kathinuddhāram paṭibāheyya, bhikkhuniyā sañcicca aphāsum kareyya, bhikkhuniyā upassayam datvā kupitā anattamanā nikkaddheyya vāti vuttasikkhāpadāni. **Akkosacaṇḍī maccharīti** bhikkhum akkoseyya vā paribhāseyya vā, caṇḍikatā gaṇam paribhāseyya, kule maccharinī assāti vuttasikkhāpadāni. **Gabbhiniṅca pāyantiyāti** gabbhinim vuṭṭhāpeyya, pāyantim vuṭṭhāpeyyāti vuttasikkhāpadāni.

Dvevassam sikkhā saṅghenāti dve vassāni chasu dhammesu asikkhitasikkham sikkhamānam vuṭṭhāpeyya, sikkhitasikkham sikkhamānam saṅghena asammatam vuṭṭhāpeyyāti vuttasikkhāpadāni. **Tayo ceva gihigatāti** unadvādasavassam gihigatam, paripuṇṇadvādasavassam gihigatam dve vassāni chasu dhammesu asikkhitasikkham, dve vassāni sikkhitasikkham saṅghena asammatanti vuttasikkhāpadāni. **Kumāribhūtā tissoti** unavāsativassam kumāribhūtanti-ādinā nayena vuttā tisso. **Unadvādasasammatāti** unadvādasavassā vuṭṭhāpeyya, paripuṇṇadvādasavassā saṅghena asammatā vuṭṭhāpeyyāti vuttasikkhāpadadvayam.

Alam tāva sokāvāsanti alam tāva te ayye vuṭṭhāpitenāti ca, caṇḍim sokāvāsam sikkhamānam vuṭṭhāpeyyāti ca vuttasikkhāpadadvayam. **Chandā anuvassā ca dveti** pārivāsikachandadānena sikkhamānam vuṭṭhāpeyya, anuvassam vuṭṭhāpeyya, ekam vassam dve vuṭṭhāpeyyāti vuttasikkhāpadattayam. **Samuṭṭhānā tikā katāti** tikasamuṭṭhānā katā.

1. Bhājāpanasikkhāpadaṃca (Sī, Syā)

Sañcarittasamuṭṭhānaṇṇā

260. **Sañcarī kuṭi vihāro**ti sañcarittam, saññācīkāya kuṭikaraṇam, mahallakavihārakarakaṇca. **Dhovanaṇca paṭiggahoti** aññātikāya bhikkhunīyā purāṇacīvaradhovāpanaṇca, cīvarapaṭiggahaṇaṇca. **Viññattuttari abhihaṭṭhanti** aññātakam gahapatim cīvaraviññāpanam, Tatuttarisādiyanasikkhāpadaṇca. **Ubhinnaṃ dūtakena cāti** cīvaracetāpannam upakkhaṭam hotīti āgatasikkhāpadadvayaṇca, dūtena Cīvaracetāpannapahitasikkhāpadaṇca.

Kosiyā suddhadvebhāgā, chabbassāni nisīdananti kosiyamissakam santhatanti-ādīni pañca sikkhāpadāni. **Riñcanti rūpikā cevāti** Vibhaṅge “riñcanti uddesan”ti āgataṃ eḷakalomadhovāpana, Rūpiyappaṭiggahaṇasikkhāpadaṇca. **Ubho nānappakārakāti** rūpiyasamvohāra, Kayavikkayasikkhāpadadvayaṇ.

Ūnabandhanavassikāti Ūnapañcabandhanapattasikkhāpadaṇca, Vassikasāṭīkasikkhāpadaṇca. **Suttaṃ vikappanena cāti** suttaṃ viññāpetvā cīvaravāyāpanaṇca, tantavāye upasaṅkamtivā cīvare vikappāpajjanaṇca. **Dvāradānasibbāni cāti** yāva dvāraḷosā aggaḷaṭṭhapanāya, aññātikāya bhikkhunīyā cīvaram dadeyya, cīvaram sabbeyyāti vuttasikkhāpadattayaṇ. **Pūvapaccayajoti cāti** pūvehi vā manthehi vā abhihaṭṭhum Pavāraṇāsikkhāpadam, Cātumāsapaccayappavāraṇājotisamādahanasikkhāpadāni ca.

Ratanam sūci mañco ca, tūlam nisīdanakaṇḍu ca. Vassikā ca sugatenāti Ratanasikkhāpadaṇceva, Sūciḷharasikkhāpadādīni ca satta sikkhāpadāni. **Viññatti aññam cetāpanā, dve Saṃghikā mahājanikā dve, puggalalahukā garūti** yā pana bhikkhunī aññam viññāpetvā aññam viññāpeyyāti-ādīni nava sikkhāpadāni. **Dve vighāsā sātīkā cāti** uccāram vā passāvaṇam vā saṅkāram vā vighāsam vā tirokuṭṭe vā tiropākāre vā chaḍḍeyya vā chaḍḍāpeyya vā, harite chaḍḍeyya vā chaḍḍāpeyya vāti evam vuttāni dve Vighāsasikkhāpadāni ca, Udakasāṭīkasikkhāpadaṇca. **Samaṇacīvarena cāti** samaṇacīvaram dadeyyāti idametam sandhāya vuttam.

Samanubhāsanāsamuṭṭhānavāṇṇā

261. Bhedānuvattadubbaca, dūsaduṭṭhulladiṭṭhi cāti

Samghabhedānuvattakadubbacakuladūsaka-duṭṭhullappaṭicchādanadiṭṭhi-
appaṭinissajjanasikkhāpadāni. **Chandaṃ ujjagghikā dve cāti** chandaṃ adatvā
gamanasikkhāpadam, ujjagghikāya antaraghare
gamananisīdanasikkhāpadadvayaṅca. **Dve ca saddāti** appasaddo antaraghare
gamissāmi, nisīdissāmīti sikkhāpadadvayaṅca. **Na byāhareti** na sakabaḷena
mukhena byāharissāmīti sikkhāpadam.

Chamā nīcāsane ṭhānaṃ, pacchato uppathena cāti chamāyaṃ nisīditvā,
nīce āsane nisīditvā, ṭhītena nisinnassa, pacchato gacchantena purato
gacchantassa, uppathena gacchantena pathena gacchantassa
Dhammadesanāsikkhāpadāni. **Vajjānuvattigahaṇāti** vajjappaṭicchādāna,
ukkhittānuvattaka, hatthaggaḥaṇādisaṅkhātāni tīṇi pārājikāni. **Osāre**
paccācikkhanāti anapaloketvā kārakasamgham anaññāya gaṇassa chandaṃ
osāreyyāti ca, Buddhaṃ paccakkhāmīti ca vuttasikkhāpadadvayaṃ.

Kismiṃ saṃsaṭṭhā dve vadhīti kismiṅcīdeva adhikaraṇe paccākatāti ca,
bhikkhuniyo paneva saṃsaṭṭhā viharantīti ca, yā pana bhikkhunī evaṃ
vadeyya saṃsaṭṭhāva ayye tumhe viharathāti ca, attānaṃ vadhitvā vadhitvā
rodeyyāti ca vuttasikkhāpadāni. **Visibbe dukkhitāya cāti** bhikkhuniyā
cīvaraṃ visibbetvā vā visibbāpetvā vāti ca, dukkhitam sahaḥjīvininti ca
vuttasikkhāpadadvayaṃ. **Puna saṃsaṭṭhā na vūpasameti** saṃsaṭṭhā
vihareyya gahapatinā vā gahapatiputtana vāti evaṃ puna
vuttasaṃsaṭṭhasikkhāpadaṅca, chayye imaṃ adhikaraṇam vūpasamehīti
vuccamānā sādḥūti paṭissuṇitvā sā pacchā anantarāyikinī neva
vūpasammeyyāti vuttasikkhāpadaṅca. **Ārāmaṅca pavāraṇāti** jānam
sabhikkhukam ārāmaṃ anāpucchā paviseyyāti ca, ubhatosamghe tīhi ṭhānehi
na pavāreyyāti ca vuttasikkhāpadadvayaṃ.

Anvaddham sahaḥjīvinim dveti anvaddhamāsam bhikkhuniyā
bikkhusamghato dve dhammā paccāsīsītābbāti vuttasikkhāpadaṅca,
sahaḥjīvinim vuṭṭhāpetvā dve vassāni neva anuggaṇheyya, sahaḥjīvinim
vuṭṭhāpetvā neva vūpakāseyyāti vuttasikkhāpadadvayaṅca. **Cīvaraṃ**
anubandhanāti sace me tvaṃ ayye cīvaraṃ dassasi,

evāhaṃ taṃ vuṭṭhāpessāmīti ca, sace maṃ tvaṃ ayye dve vassāni
anubandhissasi, evāhaṃ taṃ vuṭṭhāpessāmīti ca vuttasikkhāpadadvayaṃ.

Kathinasamuṭṭhānavañṇanā

262. **Ubbhataṃ kathinaṃ tīṇīti** niṭṭhitacīvarasmim bhikkhunā
ubbhatasmim kathineti vuttāni āditova tīṇi sikkhāpadāni. **Paṭhamam**
pattabhesajjanti dasāhaparamam atirekapattoti vuttam
Paṭhamapattasikkhāpadañca, paṭisāyanīyāni bhesajjānīti vuttasikkhāpadañca.
Accekañcāpi sāsāṅkanti Acekacīvarasikkhāpadañca, tadanantameva
Sāsāṅkasikkhāpadañca, **pakkamantena vā duveti** taṃ pakkamanto neva
uddhareyyāti Būtagāmaṃvagge vuttasikkhāpadadvayaṃ.

Upassayaṃ paramparāti bhikkhunupassayaṃ gantvā bhikkhuniyo
ovadeyyāti ca, paramparabhojane pācittiyanti ca vuttasikkhāpadadvayaṃ.
Anatirittamnimantanāti anatirittam khādanīyam vā bhojanīyam vāti ca,
nimantito sabhatto samānoti ca vuttasikkhāpadadvayaṃ. **Vikappam rañño**
vikāleti sāmam cīvaram vikappetvāti ca, rañño khattiyassāti ca, vikāle
gāmam paviseyyāti ca vuttasikkhāpadattayaṃ, **vosāsāraññakena cāti**
vosāsamānarūpā ṭhitāti ca, tathārūpesu āraññakesu senāsanesu pubbe
appaṭisaṃviditanti ca vuttasikkhāpadadvayaṃ.

Ussayā sannicayañcāti ussayavādikāti ca, pattasannicayaṃ kareyyāti ca
vuttasikkhāpadadvayaṃ. **Pure pacchā vikāle cāti** yā pana bhikkhunī
purebhattam kulāni upasaṅkamitvāti ca, pacchābhattam kulāni
upasaṅkamitvāti ca, vikāle kulāni upasaṅkamitvāti ca
vuttasikkhāpadattayaṃ. **Pañcāhikā saṅkamanīti** pañcāhikā saṅghāṭicāram
atikkameyyāti ca, cīvarasaṅkamanīyam dhāreyyāti ca
vuttasikkhāpadadvayaṃ. **Dvepi āvasathena cāti** āvasathacīvaram anissajjitvā
paribhuñjeyya, āvasatham anissajjitvā cārikam pakkameyyāti ca evam
āvasathena saddhim vuttasikkhāpadāni ca dve.

Pasākhe āsane cevāti pasākhe jātam gaṇḍam vāti ca, bhikkhussa purato
anāpucchā āsane nisīdeyyāti ca vuttasikkhāpadadvayaṃ.

Eḷakalomasamuttāhānavāṇṇā

263. **Eḷakalomā dve seyyāti** Eḷakalomasikkhāpadañceva, dve ca Shaseyyasikkhāpadāni. **Āhacca piṇḍabhojananti** Āhaccapādakasikkhāpadañca, Āvasathapiṇḍabhojanasikkhāpadañca.

Gaṇavikālasannidhīti

Gaṇabhojanavikālabhojanasannidhikārasikkhāpadattayam. **Dantaponena celakāti** Dantaponasikkhāpadañca, Acelakasikkhāpadañca. **Uyyuttam senam uyyodhīti** uyyuttam senam dassanāya gaccheyya, senāya vaseyya, uyyodhikam vā -pa- anīkadassanam vā gaccheyyāti vuttasikkhāpadattayam. **Surā orena nhāyanāti** Surāpānasikkhāpadañca, Orenaddhamāsanahānasikkhāpadañca. **Dubbaṇṇe dve desanikāti** tiṇṇam dubbaṇṇakaraṇānanti vuttasikkhāpadañca, vuttāvasesapaṭidesanīyadvayañca. **Lasuṇupatiṭṭhe naccanāti** Lasuṇasikkhāpadam, bhikkhussa bhuñjantassa pāniyena vā vidhūpanena vā upatiṭṭheyāti vuttasikkhāpadam, naccam vā gītam vā vāditam vā dassanāya gaccheyyāti vuttasikkhāpadañca. Ito param Pālim virajjhivā likhanti. Yathā pana attham vaṇṇayissāma, evamettha anukkamo vedītabbo.

Nhānamattharaṇam seyyāti naggā nahāyeyya, ekattharaṇapāvuraṇā tuvaṭṭeyyum, ekamañce tuvaṭṭeyyunti vuttasikkhāpadattayam. **Antoraṭṭhe tathā bahīti** antoraṭṭhe sāsāṅkasammate, tiroraṭṭhe sāsāṅkasammateti vuttasikkhāpadadvayam. **Antovassam cittāgāranti** antovassam cārikam pakkameyya, rājāgāram vā cittāgāram vā -pa- pokkharaṇim vā dassanāya gaccheyyāti ca vuttasikkhāpadadvayam. **Āsandiṃ suttakantanāti** āsandiṃ vā pallaṅkam vā paribhuñjeyya, suttam kanteyyāti vuttasikkhāpadadvayam.

Veyyāvaccam sahatthā cāti gihiveyyāvaccam kareyya, agārikassa vā paribbājakassa vā paribbājikāya vā sahatthā khādanīyam vā bhojanīyam vā dadeyyāti vuttasikkhāpadadvayam. **Abhikkhukāvāsena cāti** abhikkhuke āvāse vassam vaseyyāti idametam sandhāya vuttam. **Chattam yānañca saṅghāṇinti** chattupāhanam dhāreyya, yānena yāyeyya, saṅghāṇim dhāreyyāti vuttasikkhāpadattayam. **Alaṅkāragandhavāsītanti** itthālaṅkāram dhāreyya, gandhacūṇakena nahāyeyya, vāsītakena viññākenā nahāyeyyāti vuttasikkhāpadattayam. **Bhikkhunīti-ādinā** bhikkhuniyā ummaddāpeyyāti-ādinī cattāri sikkhāpadāni vuttāni. **Asaṅkaccikā āpattīti**

asaṅkaccikā gāmaṃ paviseyya pācittiyanti evaṃ vutta-āpatti ca. **Cattārisā catuttarīti** etāni sabbānīpi catucattālīsa sikkhāpadāni vuttāni.

Kāyena na vācācittena, kāyacittena na vācatoti kāyena ceva kāyacittena ca samuṭṭhahanti, na vācācittena na vācatoti attho. **Dvisamuṭṭhānikā sabbe, samā eḷakalomikāti** idam uttānatthameva.

Padasodhammasamuṭṭhānavaṇṇanā

264. **Padaññatra asammatāti** “padaso dhammaṃ, mātugāmassa uttarichappañcavācāhi dhammaṃ deseyya aññatra viññunā purisaviggahena, asammato bhikkhuniyo ovadeyyā”ti vuttasikkhāpadattayaṃ. **Tathā atthaṅgatenā cāti** “atthaṅgate sūriye ovadeyyā”ti idametaṃ sandhāya vuttam. **Tiracchānavijjā dveti** tiracchānavijjāṃ pariyāpuṇeyya, vāceyyā”ti evaṃ vuttasikkhāpadadvayaṃ. **Anokāso¹ ca pucchanāti** “anokāsakataṃ bhikkhuṃ pañhaṃ puccheyyā”ti idametaṃ sandhāya vuttam.

Addhānasamuṭṭhānavaṇṇanā

265. **Addhānanāvaṃ paṇītanti** “bhikkhuniyā saddhiṃ saṃvidhāya ekaddhānamaggaṃ paṭipajjeyya, ekaṃ nāvaṃ abhiruheyya, paṇītabhojanāni agilāno attano atthāya viññāpetvā bhuñjeyyā”ti vuttasikkhāpadattayaṃ. **Mātugāmena saṃhareti** mātugāmena saddhiṃ saṃvidhāya gamanañca, “sambādhe lomaṃ saṃharāpeyyā”ti vuttasikkhāpadañca. **Dhaññam nimantitā cevāti** “dhaññaṃ viññāpetvā vā”ti ca, “nimantitā vā pavāritā vā khādanīyaṃ vā bhojanīyaṃ vā khādeyya vā bhuñjeyya vā”ti vuttasikkhāpadañca. **Aṭṭha cāti** bhikkhunīnaṃ vuttā aṭṭha pāṭidesanīyā vā.

Theyyasatthasamuṭṭhānavaṇṇanā

266. **Theyyasatthaṃ upassutīti** theyyasatthena saddhiṃ saṃvidhāya ekaddhānamaggagamañca upassutitīṭhanañca. **Supaviññāpanena cāti** idam sūpodanaviññattim sandhāya vuttam. **Rattichannañca okāsanti** “rattandhakāre appadīpe,

1. Anokāse (Sī, Syā)

paṭicchanne okāse, ajjhokāse purisena saddhin”ti evaṃ
vuttasikkhāpadattayaṃ. **Byūhena sattamā**ti idaṃ tadanantarameva
“rathikāya vā byūhe vā siṅghātake vā purisena saddhin”ti āgatasikkhāpadaṃ
sandhāya vuttaṃ.

Dhammadesanāsamuṭṭhānavaṇṇanā

267. Dhammadesanāsamuṭṭhānāni ekādasa uttānāneva. Evaṃ tāva
sambhinnasamuṭṭhānaṃ veditabbaṃ. Niyatasamuṭṭhānaṃ pana tividhaṃ,
taṃ ekekasēva sikkhāpadassa hoti, taṃ visuṃyeva dassetuṃ **bhūtaṃ**
kāyena jāyatīti-ādi vuttaṃ. Taṃ uttānameva. **Nettidhammānulomikanti**
vinayapāḷidhammassa anulomanti.

Samuṭṭhānasīsavaṇṇanā niṭṭhitā.

Antarapeyyāla

Katipucchāvāraṇṇanā

271. Idāni āpatti-ādikoṭṭhāsesu kosallajananattham “kati āpattiyo”ti-
ādinā nayena mātikam ṭhapetvā niddesappaṭiniddesavasena Vibhaṅgo vutto.

Tattha **kati āpattiyoti** mātikāya ca Vibhaṅge ca āgatāpattipucchā. Esa
nayo dutiyapadepi. Kevalañhettha āpattiyo eva rāsivasena **khandhāti** vuttā.
Vinītavatthūnīti tāsam āpattīnam **vinayapucchā**. Vinītam vinayo vūpasamoti
idañhi atthato ekaṃ, vinītāniyeva **vinītavatthūnīti** ayamettha padattho. Idāni
yesu sati āpattiyo honti, asati na honti, te dassetum **kati agāravāti**
pucchādvayaṃ. Vinītavatthūnīti ayam pana tesam agāravānaṃ
vinayapucchā. Yasmā pana tā āpattiyo vipattim apattā nāma¹ natthi, tasmā
“kati vipattiyo”ti ayam āpattīnam vipattibhāvapucchā. **Kati**
āpattisamuṭṭhānānīti tāsamyeva āpattīnam samuṭṭhānapucchā. **Vivādamūlāni**
anuvādamūlānīti imā “vivādādhikaraṇam anuvādādhikaraṇan”ti āgatānam
vivādānuvādānam mūlapucchā. **Sāraṇīya dhammāti** vivādānuvādamūlānam
abhāvakaradhammapucchā. **Bhedakaravatthūnīti** ayam
“bhedanasamvattanikaṃ vā adhikaraṇan”ti-ādīsu vuttabhedakaraṇapucchā.
Adhikaraṇānīti bhedakaravatthūsu sati uppajjanadhammapucchā. **Samathāti**
tesamyeva vūpasamanadhammapucchā. **Pañca āpattiyoti** mātikāya
āgatavasena vuttā. **Sattāti** Vibhaṅge āgatavasena.

Ārakā etehi ramatīti **ārati**, bhusā² vā rati **ārati**. Vinā etehi ramatīti
virati. Paccekaṃ paccekaṃ viramatīti³ **paṭivirati**. Veram maṇati vināsetīti
veramaṇī. Na etāya ete āpattikkhandhā karīyantīti **akiriya**. Yam etāya asati
āpattikkhandhakaraṇam uppajjeyya, tassa paṭipakkhato **akaraṇam**.
Āpattikkhandha-ajjhāpattiyā paṭipakkhato **anajjhāpatti**. Velanato **velā**,
calayanato⁴ vināsanatoti

1. Vipattim āpannā nāma (Sī) vipatti-apattā nāma (Syā)

3. Viratīhi (Syā, Ka)

2. Ābhuso (Ka)

4. Velanato (Ka)

attho. Niyyānaṃ sinoti bandhati nivāretīti **setu**, āpattikkhandhānametaṃ adhivacanaṃ. So setu etāya paññattiyā haññatīti¹ **setughāto**.
Sesavinītavatthuniddesesupi eseva nayo.

Buddhe agāravādīsu yo Buddhe dharamāne upaṭṭhānaṃ na gacchati, parinibbute cetiyaṭṭhānaṃ bodhiṭṭhānaṃ na gacchati, cetiyaṃ vā bodhiṃ vā na vandati, cetiyaṅgaṇe sachatto sa-upāhano carati, natthetassa Buddhe gāravoti veditabbo. Yo pana sakkontoyeva dhammassavanaṃ na gacchati, sarabhaññaṃ na bhaṇati, dhammakathaṃ na katheti, dhammassavanaggaṃ bhinditvā gacchati, vikkhitto vā anādaro vā nisīdati, natthetassa dhamme gāravo. Yo theranavamajjhimesu cittikāraṃ na paccupaṭṭhāpeti, uposathāgāravitakkamālakādīsu kāyappāgabbhiyaṃ dasseti, yathāvuḍḍham na vandati, natthetassa saṃghe gāravo. Tisso sikkhā samādāya asikkhamānoyeva pana sikkhāya agāravoti veditabbo. Pamāde ca sativippavāse tiṭṭhamānoyeva appamādalakkhaṇaṃ abrūhayamāno appamāde agāravoti veditabbo. Tathā āmisappaṭisanthāraṃ dhammappaṭisanthāraṃ imāṃ duvidhaṃ paṭisanthāraṃ akarontoyeva **paṭisanthāre agāravoti** veditabbo. Gāraṇidde vuttavipariyāyena attho veditabbo.

272. Vivādamūlaniddese **Sattharipi agāravoti**-ādīnaṃ Buddhe agāravādīsu vuttanayeneva attho veditabbo. **Appatissoti** anīcavutti, na Satthāraṃ jeṭṭhakaṃ katvā viharati. **Ajjhattaṃ vāti** attano santāne vā attano pakkhe vā, sakāya parisāyāti attho. **Bahiddhā vāti** parasantāne vā parapakkhe vā. **Tatra tumheti** tasmim ajjhattabahiddhābhede saporasantāne vā saporaparīsāya vā. **Pahānāya vāyameyyāthāti** mettābhāvanādīhi nayehi pahānatthaṃ vāyameyyātha, mettābhāvanādinayena hi taṃ ajjhattampi bahiddhāpi pahīyati. **Anavassavāyāti** appavattibhāvāya.

Sanditṭhiparāmāsīti sakameva diṭṭhiṃ parāmasati, yaṃ attanā² diṭṭhigataṃ gahitaṃ, idameva saccanti gaṇhāti. **Ādhānaggāhīti** dalhaggāhī.

1. Hanatīti (Ka)

2. Attano (Sī)

273. anuvādamūlaniddeso kiñcāpi vivādamūlaniddeseneva samāno, atha kho aṭṭhārasa bhedakaravatthūni nissāya vivadantānaṃ kodhupanāhādayo vivādamūlāni, tathā vivadantā pana silavipatti-ādīsu aññataravipattiṃ āpajjitvā “asuko bhikkhu asukaṃ nāma vipattiṃ āpanno”ti vā “pārājikaṃ āpannosi, saṃghādisesaṃ āpannosi”ti vā anuvadanti, evaṃ anuvadantānaṃ kodhupanāhādayo anuvādamūlānīti ayamettha viseso.

274. Sāraṇīyadhammaniddese mettacittena kataṃ kāyakammaṃ mettaṃ kāyakammaṃ nāma. **Āvi ceva raho cāti** sammukhā ca parammukhā ca. Tattha navakānaṃ cīvarakammādīsu sahāyabhāvagamanaṃ sammukhā mettaṃ kāyakammaṃ nāma¹, therānaṃ pana pādadhovanabījanavātadānādībhedampi sabbaṃ sāmīcikkammaṃ sammukhā mettaṃ kāyakammaṃ nāma, ubhayehipi dunnikkhittānaṃ dārubhaṇḍādīnaṃ tesu avamaññaṃ akatvā attanā dunnikkhittānaṃ viya paṭisāmanaṃ parammukhā mettaṃ kāyakammaṃ nāma. **Ayampi dhammo sāraṇīyoti** yaṃ mettakāyakammasaṅkhāto dhammo saritabbo satījanako, yo naṃ karoti, taṃ puggalaṃ, yesaṃ kato hoti, te pasannacittā “aho sappuriso”ti anussarantīti adhippāyo. **Piyakaraṇoti** taṃ puggalaṃ sabrahmacārīnaṃ piyaṃ karoti. **Garukaraṇoti** taṃ puggalaṃ sabrahmacārīnaṃ garuṃ karoti. **Saṅgahāyāti**-ādīsu sabrahmacārīhi saṅgahetabbabhāvāya tehi saddhiṃ avivādāya samaggabhāvāya ekībhāvāya ca saṃvattati.

Mettaṃ vacīkammanti-ādīsu “Devatthero Tissatthero”ti evaṃ paggayha vacanaṃ sammukhā mettaṃ vacīkammaṃ nāma, vihāre asante pana taṃ paṭipucchantassa “kuhiṃ amhākaṃ Devatthero, kuhiṃ amhākaṃ Tissatthero, kadā nu kho āgamissatī”ti evaṃ mamāyanavacanaṃ parammukhā mettaṃ vacīkammaṃ nāma, mettāsinehasiniddhāni pana nayanāni ummīletvā pasannena mukhena olokanaṃ sammukhā mettaṃ manokammaṃ nāma. “Devatthero Tissatthero arogo hotu, appābādho”ti samannāharaṇaṃ parammukhā mettaṃ manokammaṃ nāma.

Appaṭivibhattabhogīti neva āmisaṃ paṭivibhajitvā bhuñjati, na puggalaṃ. Yo hi “ettakaṃ paresaṃ dassāmi, ettakaṃ attanā bhuñjissāmi, ettakaṃ vā

1. Sammukhā kāyakammaṃ nāma (Sī)

asukassa ca asukassa ca dassāmi, ettakaṃ attanā bhuñjissāmi”ti vibhajitvā bhuñjati, ayaṃ paṭivibhattabhogī nāma, ayaṃ pana evaṃ akatvā ābhataṃ piṇḍapātaṃ therāsanato paṭṭhāya datvā gahitāvesesaṃ bhuñjati, “sīlavantehi”ti vacanato dussīlassa adātumpi vaṭṭati, sāraṇīyadhammapūrakena pana sabbesaṃ dātabbamevāti vuttaṃ. Gilānagilānupaṭṭhāka-āgantukagamikacīvarakammādipasutānaṃ viceyya dātumpi vaṭṭati. Na hi ete vicinitvā dentena puggalavibhāgo kato hoti, īdisānaṃ hi kicchālābhattā viseso kātabbojevāti ayaṃ karoti.

Akhaṇḍānīti-ādīsu yassa sattasu āpattikkhandhesu ādimhi vā ante vā sikkhāpadaṃ bhinnaṃ hoti, tassa sīlaṃ pariyante chinnaṃsāṭako viya khaṇḍaṃ nāma. Yassa pana vemajjhe bhinnaṃ, tassa majjhe chiddasāṭako viya chiddaṃ nāma hoti. Yassa paṭipāṭiyā dve tīṇi bhinnāni, tassa piṭṭhiyaṃ vā kucchiyaṃ vā utṭhitena visabhāgavaṇṇena kāḷarattādīnaṃ aññatarasarīravaṇṇā gāvī viya sabalaṃ nāma hoti. Yassa antarantarā bhinnāni, tassa antarantarā visabhāgavaṇṇabinduviditrā gāvī viya kammāsāṃ nāma hoti. Yassa pana sabbena sabbaṃ abhinnāni sīlāni, tassa tāni sīlāni akhaṇḍāni acchiddāni asabalāni akammāsāni nāma honti. Tāni panetāni bhujissabhāvakaṇaṇato **bhujissāni**, viññūhi pasatthattā **viññuppasatthāni**, taṇhādiṭṭhihi aparāmaṭṭhattā **aparāmaṭṭhāni**, upacārasamādhim appanāsamādhim vā samvattayantīti **samādhisaṃvattanikānī**ti vuccanti. **Silasāmaññagato viharatī**ti tesu tesu disābhāgesu viharantehi kalyāṇasīlehi bhikkhūhi saddhim samānabhāvūpagatasīlo viharati.

Yāyaṃ diṭṭhīti maggasampayuttā sammādiṭṭhi. **Ariyā**ti niddosā. Niyyātīti **niyyānikā**. **Takkarassā**ti yo tathākārī hoti, tassa. **Dukkhakkhayāyā**ti sabbadukkhassa khayatthaṃ. Sesāṃ yāva samathabhedapariyosānā uttānatthameva.

Katipucchāvāraṇṇanā niṭṭhitā.

Khandhakapucchāvāra

Pucchāvissajjanāvāṇṇanā

320. **Upasampadam** pucchissanti upasampadakkhandhakam pucchissam. **Sanidānam saniddesanti** nidānena ca niddesena ca saddhim pucchissāmi. **Samukkaṭṭhapadānam kati āpattiyoti** yāni tattha samukkaṭṭhāni uttamāni padāni vuttāni, tesam samukkaṭṭhapadānam uttamapadānam saṅkhepato kati āpattiyoti hontīti. Yena yena hi padena yā yā āpatti paññattā, sā sā tassa tassa padassa āpattīti vuccati. Tena vuttam “samukkaṭṭhapadānam kati āpattiyoti”ti. **Dve āpattiyoti** unavāsativassam upasampādentassa pācittiyam, sesesu sabbapadesu dukkaṭam.

Tissoti “nassantete, vinassantete, ko tehi attho”ti bhedapurekkhārānam uposathakaraṇe thullaccayam, ukkhittakena saddhim uposathakaraṇe pācittiyam, sesesu dukkaṭanti evam Uposathakkhandhake tisso āpattiyoti. **Ekāti** Vassūpanāyikakkhandhake ekā dukkaṭāpattiyeva.

Tissoti bhedapurekkhārassa pavārayato thullaccayam, ukkhittakena saddhim pācittiyam, sesesu dukkaṭanti evam Pavāraṇākkhandhakepi tisso āpattiyoti.

Tissoti vaccharim uggahetvā mārentānam pācittiyam, rattena cittena aṅgajātachupane thullaccayam, sesesu dukkaṭanti evam Cammasamyuttepi tisso āpattiyoti, Bhesajjakkhandhakepi samantā dvaṅgule thullaccayam, bhojjayāguyā pācittiyam, sesesu dukkaṭanti evam tisso āpattiyoti.

Kathinam kevalam paññattimeva, natthi tattha āpatti. **Cīvarasamyutte** kusacīravākacīresu thullaccayam, atirekacīvare nissaggiyam, sesesu dukkaṭanti imā tisso āpattiyoti.

Campeyyake ekā dukkaṭāpattiyeva. Kosambakakammakkhandhakapārīvāsika samuccayakkhandhakesupi ekā dukkaṭāpattiyeva.

Samathakkhandhake chandadāyako khiyyati, khiyyanakam pācittiyam, sesesu dukkaṭanti imā dve āpattiyo. **Khuddakavatthuke** attano aṅgajātam chindati, thullaccayam, romaṭṭhe pācittiyam, sesesu dukkaṭanti imā tisso āpattiyo. **Senāsanakkhandhake** garubhaṇḍavissajjane thullaccayam, saṅghikā vihārā nikkadḍhane pācittiyam, sesesu dukkaṭanti imā tisso āpattiyo.

Samghabhede bhedakānuvattakānam thullaccayam, Gaṇabhojane pācittiyanti imā dve āpattiyo. **Samācāram pucchisanti** vutte Vattakkhandhake ekā dukkaṭāpattiyeva, sā sabbavattesu anādariyena hoti. Tathā **Pātimokkhaṭṭhapane**. **Bhikkhunikkhandhake** appavāraṇāya pācittiyam, sesesu dukkaṭanti dve āpattiyo. Pañcasatikasattasatikesu kevalam dhammo saṅgaham āropito, natthi tattha āpattīti.

Khandhakapucchāvāraṇṇā niṭṭhitā.

Ekuttarikanaya

Ekakavāraṇṇanā

321. **Āpattikarā dhammā jānitabbāti**-ādimhi ekuttarikanaye āpattikarā dhammā nāma cha āpattisamuṭṭhānāni. Etesaṃ hi vasena puggalo āpattiṃ āpajjati, tasmā “āpattikarā”ti vuttā. **Anāpattikarā** nāma satta samathā. **Āpatti jānitabbāti** tasmiṃ tasmiṃ sikkhāpade ca Vibhaṅge ca vuttā āpatti jānitabbā. **Anāpattīti** “anāpatti bhikkhu asādiyantassā”ti-ādinā nayena anāpatti jānitabbā. **Lahukāti** lahukena vinayakammena visujjhanato pañcavidhā āpatti. **Garukāti** garukena vinayakammena visujjhanato saṅghādisesā āpatti, kenaci ākārena anāpattibhāvaṃ upanetuṃ asakkuṇeyyato pārājikāpatti ca. **Sāvasesāti** ṭhapetvā pārājikaṃ sesā. **Anavasesāti** pārājikāpatti. Dve āpattikkhandhā **duṭṭhullā**, avasesā **aduṭṭhullā**. **Sappaṭikammadukam** sāvasesadukasadisam. **Desanāgāminidukam** lahukadukasāṅgahitaṃ.

Antarāyikāti sattapi āpattiyo sañcicca vītikkantā saggantarāyañceva mokkhanarāyañca karontīti antarāyikā, ajānantena vītikkantā pana paṇṇattivajjāpatti neva saggantarāyaṃ na mokkhanarāyaṃ karontīti **anantarāyikā**. Antarāyikaṃ āpannassāpi desanāgāminiṃ desetvā vuṭṭhānagāminito vuṭṭhāya suddhipattassa sāmaṇerabhūmiyaṃ ṭhitassa ca avārito saggamokkhamaggoti. **Sāvajjapaññattīti** lokavajjā.

Anavajjapaññattīti paṇṇattivajjā. **Kiriyato samuṭṭhitā** nāma yaṃ karonto āpajjati pārājikāpatti viya. **Akiriyatoti** yaṃ akaronto āpajjati cīvara-anadhiṭṭhānāpatti viya. **Kiriyākiriyatoti** yaṃ karonto ca akaronto ca āpajjati kuṭikārāpatti viya.

Pubbāpattīti paṭhamam āpannāpatti. **Aparāpattīti** pārivāsikādīhi pacchā āpannāpatti. **Pubbāpattīnam antarāpatti** nāma mūlavisuddhiyā antarāpatti. **Aparāpattīnam antarāpatti** nāma agghavisuddhiyā antarāpatti. Kurundiyam pana “**pubbāpatti** nāma paṭhamam āpannā, **aparāpatti** nāma mānattārahakāle āpannā. **Pubbāpattīnam antarāpatti** nāma parivāse āpannā, **aparāpattīnam**

antarāpatti nāma mānattacāre āpannā”ti vuttaṃ. Idampi ekena pariyāyena yujjati.

Desitā gaṇanūpagā¹ nāma yā dhuranikkhepaṃ katvā puna na āpajjissāmīti desitā hoti, agaṇanūpagā nāma² yā dhuranikkhepaṃ akatvā sa-ussāheneva cittaena aparissuddhena desitā hoti. Ayaṃ hi desitāpi desitagaṇanaṃ na upeti, aṭṭhame vatthusmiṃ bhikkhuniyā pārājikameva hoti. **Paññatti jānitabbā**ti-ādīsu navasu padesu paṭhamapārājikapucchāya vuttanayeneva vinicchayo veditabbo.

Thullavajjāti thulladose paññattā garukāpatti. **Athullavajjāti** lahukāpatti. **Ghipaṭisaṃyuttāti** Sudhammattherassa āpatti, yā ca dhammikassa paṭissavassa asaccāpane āpatti, avasesā **na ghipaṭisaṃyuttā**. Pañcānantariyakammāpatti **niyatā**, sesā **aniyatā**. **Ādikaroti** Sudinnattherādi ādikammiko. **Anādikaroti** makkaṭisamaṇādi anupaññattikāraḷo. **Adhiccāpattiko** nāma yo kadāci karahaci āpattiṃ āpajjati. **Abhiṇhāpattiko** nāma yo niccaṃ āpajjati.

Codako nāma yo vatthunā vā āpattiyā vā paraṃ codeti. Yo pana evaṃ codito, ayaṃ **cuditako** nāma. Pañcadasasu dhammesu appatiṭṭhahitvā abhūtena vatthunā codento **adhammacodako** nāma, tena tathā codito **adhammacuditako** nāma. Vipariyāyena **dhammacodakacuditakā** veditabbā. Micchattaniyatehi vā sammattaniyatehi vā dhammehi samannāgato **niyato**, viparīto **aniyato**.

Sāvakā **bhabbāpattikā** nāma, Buddhā ca Paccekabuddhā ca **abhhabbāpattikā** nāma. Ukkhepanīyakammakato **ukkhittako** nāma, avasesacatubbidhatajjanīyādikammakato **anukkhittako** nāma. Ayaṃ hi uposathaṃ vā pavāraṇaṃ vā dhammaparibhogaṃ vā āmisaparibhogaṃ vā na kopeti. “Mettiyaṃ bhikkhuniṃ nāsetha, dūsako nāsetabbo, kaṇṭako samaṇuddeso nāsetabbo”ti evaṃ liṅgadaṇḍakammasaṃ vāsanāsanāhi nāsitabbo **nāsitako** nāma, sesā sabbe **anāsitakā**. Yena saddhiṃ uposathādiko saṃvāso atthi, ayaṃ **samānasaṃvāsako**,

1. Gaṇanūpivā (Syā, Ka) gaṇanūpikā (Yojanā)

2. Agaṇanūpigā nāma (Syā, Ka)

itaro **nānāsaṃvasako**. So kammanānāsaṃvasako laddhinānāsaṃvāsakoti duvidho hoti. **Thapanam jānitabbanti** ekam bhikkhave adhammikam pātimokkhaṭṭhapananti-ādinā nayena vuttam pātimokkhaṭṭhapanam jānitabbanti attho.

Ekakavāraṇṇanā niṭṭhitā.

Dukavāraṇṇanā

322. Dukesu sacittakā āpatti **saññāvimokkhā**, acittakā **nosaññāvimokkhā**. **Laddhasamāpattikassa āpatti** nāma bhūtārocanāpatti, **aladdhasamāpattikassa āpatti** nāma abhūtārocanāpatti. **Saddhammapaṭisaññuttā** nāma padasodhammādikā, **asaddhammapaṭisaññuttā** nāma duṭṭhullavācāpatti. **Saparikkhārapaṭisaññuttā** nāma nissaggiyavattuno anissajjitvā paribhoge, pattacivarānam nidahane, kiliṭṭhacivarānam adhovane, malaggahitapattassa apacaneti evam ayuttaparibhoge āpatti, **paraparikkhārapaṭisaññuttā** nāma saṃghikamañcapīṭhādīnam ajjhokāse santharaṇa-anāpucchāgamanādīsu āpajjitabbā āpatti. **Sapuggalapāṭisaññuttā** nāma mudupiṭṭhikassa lambissa ūrunā aṅgajātam pīlentassāti-ādinā nayena vuttāpatti. **Parapuggalapāṭisaññuttā** nāma methunadhammakāyasaṃsaggapahāradānādīsu vuttāpatti, sikharaṇīsīti **saccam bhaṇanto garukam** āpajjati, sampajānamusāvāde pācittiyanti **musā bhaṇanto lahukam**. Abhūtārocane **musā bhaṇanto garukam**. Bhūtārocane **saccam bhaṇanto lahukam**.

“Saṃghakammaṃ vaggam karissāmī”ti antosīmāya ekamante nisīdanto **bhūmigato āpajjati** nāma. Sace pana aṅgulimattampi ākāse tiṭṭheyya, na āpajjeyya. Tena vuttam “no vehāsagato”ti. Vehāsakuṭiyā āhaccapādakam mañcam vā pīṭham vā abhinisīdanto **vehāsagato āpajjati** nāma. Sace pana tam bhūmiyam paññāpetvā nipajjeyya, na āpajjeyya, tena vuttam “no bhūmigato”ti. Gamiyo gamiyavattam apūretvā gacchanto **nikkhamanto āpajjati nāma, no pavisanto**. Āgantuko āgantukavattam apūretvā sachattupāhano pavisanto **pavisanto āpajjati nāma, no nikkhamanto**.

Ādiyanto āpajjati nāma bhikkhunī atigambhīraṃ udakasuddhikaṃ ādiyamānā, dubbaṇṇakaraṇaṃ anādiyitvā cīvaraṃ paribhuñjanto pana **anādiyanto āpajjati** nāma. Mūgabbatādīni tittiyavattāni samādiyanto **samādiyanto āpajjati** nāma, pārivāsikādayo pana tajjanīyādikammakatā vā attano vattaṃ asamādiyantā āpajjanti, te sandhāya vuttaṃ “atthāpatti na samādiyanto āpajjati”ti. Aññātikāya bhikkhuniyā cīvaraṃ sibbanto vejjakammabhaṇḍāgārikakammacittakammādīni vā karonto **karonto āpajjati** nāma, upajjhāyavattādīni akaronto **akaronto āpajjati** nāma. Aññātikāya bhikkhuniyā cīvaraṃ dadamāno **dento āpajjati** nāma, saddhivihārika-antevāsikānaṃ cīvarādīni adento **adento āpajjati** nāma. Aññātikāya bhikkhuniyā cīvaraṃ gaṇhanto **paṭiggaṇhanto āpajjati** nāma, “na bhikkhave ovādo na gahetabbo”ti vacanato ovādaṃ agaṇhanto **na paṭiggaṇhanto āpajjati** nāma.

Nissaggiyavattum anissajjitvā paribhuñjanto **paribhogena āpajjati** nāma, pañcāhikaṃ saṅghāṭicāraṃ atikkāmayamānā **aparibhogena āpajjati** nāma. Sahagāraseyyaṃ **rattim āpajjati nāma, no divā**, dvāraṃ asaṃvaritvā paṭisallīyanto **divā āpajjati, no rattim**. Ekarattachārattasattāhadāsāhamāsātikamesu vutta-āpattim āpajjanto **aruṇugge āpajjati** nāma, pavāretvā bhuñjanto **na aruṇugge āpajjati** nāma.

Bhūtagāmañceva aṅgajātañca chindanto **chindanto āpajjati** nāma, kese vā nakhe vā na chindanto **na chindanto āpajjati** nāma. Āpattim chādentō **chādentō āpajjati** nāma, “tiṇena vā paṇṇena vā paṭicchādetvā āgantabbam, natveva naggena āgantabbam, yo āgaccheyya, āpatti dukkaṭassā”ti imam pana āpattim **na chādentō āpajjati** nāma. Kusacīrādīni dhārento **dhārento āpajjati** nāma, “ayaṃ te bhikkhu patto yāva bhedaṇāya dhāretabbo”ti imam āpattim **na dhārento āpajjati** nāma.

Attanā vā¹ attānaṃ nānāsamvasakaṃ karotīti ekasīmayam dvīsu saṅghesu nisinnesu ekasmim pakkhe nisīditvā parapakkhassa laddhim gaṇhanto

yasmiṃ pakkhe nisinno, tesam attanāva attānam nānāsamvāsakam karoti nāma. Yesam santike nisinno, tesam gaṇapūraḥ hutvā kammaṃ kopeti, itaresam hatthapāsam anāgatattā. Samānasamvāsakepi eveda nayo. Yesam hi so laddhiṃ roceti, tesam samānasamvāsako hoti. Itaresam nānāsamvāsako. **Satta āpattiyo satta āpattikkhandhāti** āpajjitabbato āpattiyo, rāsaṭṭhena khandhāti evam dveveva nāmāni hontīti nāmavasena dukkaṃ dassitam. **Kammena vā salākaggāhena vāti** ettha uddeso ceva kammañca ekaṃ, vohāro ceva anussāvanā ca salākaggāho ca ekaṃ, vohārānussāvanasalakaggāhā pubbhāgā, kammañceva uddeso ca pamāṇam.

Addhānahīno nāma unavīsativasso, **aṅgahīno** nāma hatthacchinnādibhedo. **Vatthuvipanno** nāma paṇḍako tiracchānagato ubhatobyañjanako ca, avasesā theyyasaṃvāsakādayo aṭṭha abhabbapuggalā **karaṇadukkaṭakā** nāma, dukkaṭakiriyaṃ dukkaṭakammā, imasmiṃ yeva attabhāve katena attano kammaṃ abhabbaṭṭhānam pattāti attho. **Aparipūro** nāma aparipuṇṇapattacīvaro. **No ca yācati** nāma upasampadam na yācati. **Alajjissa ca bālassa cāti** alajjī sacepi tepīṭako hoti, bālo ca sacepi saṭṭhivasso hoti, ubhopi nissāya na vatthabbaṃ. **Bālassa ca lajjissa cāti** ettha bālassa “tvam nissayam gaṇhā”ti āṇāyapi nissayo dātabbo, lajjissa pana yācantasseva. **Sātisāranti** sadosam, yam ajjhācaranto āpattiṃ āpajjati.

Kāyena paṭikkosanā nāma hatthavikārādīhi paṭikkosanā. **Kāyena paṭijānāti** hatthavikārādīhi paṭijānāti. **Upaghātikā** nāma upaghātā. **Sikkhūpaghātikā** nāma sikkhūpaghāto, **bhogūpaghātikā** nāma paribhogūpaghāto. Tattha tisso sikkhā asikkhato “sikkhūpaghātikā”ti veditabbā. Saṃghikaṃ vā puggalikaṃ vā dupparibhogaṃ bhuñjato “bhogūpaghātikā”ti veditabbā. **Dve venayikāti** dve atthā vinayasiddhā. **Paññattam** nāma sakale Vinayaṭṭhake kappiyākappiyavasena paññattam. **Paññattānulomaṃ** nāma catūsu mahāpadessesu daṭṭhabbaṃ. **Setughātoti** paccayaghāto, yena cittena akappiyam kareyya, tassa cittassāpi anuppādananti attho. **Mattakāritāti**

mattāya pamāṇena karaṇam, pamāṇe ṭhānanti attho. **Kāyena āpajjati** kāyadvārikam kāyena āpajjati, vacīdvārikam vācāya. **Kāyena vuṭṭhāti** tiṇavatthāarakasamathe vināpi desanāya kāyeneva vuṭṭhāti, desetvā vuṭṭhahanto pana vācāya vuṭṭhāti. **Abbhantaraparibhogo** nāma ajjhoharaṇaparibhogo, **bāhiraparibhogo** nāma sīsamakkhādi.

Anāgataṃ bhāraṃ vahatī atherova samāno therehi vahitabbaṃ bījanagāhadhammajjhesanādibhāraṃ vahati, taṃ nittharituṃ vīriyaṃ ārabhati. **Āgataṃ bhāraṃ na vahatī** thero therakiccaṃ na karoti, “anujānāmi bhikkhave therena bhikkhunā sāmaṃ vā dhammaṃ bhāsituṃ pāraṃ vā ajjhesituṃ. Anujānāmi bhikkhave therādheyyaṃ pātimokkhaṃ”ti evamādi sabbam pariḥpetīti attho. **Na kukkucāyitabbaṃ kukkucāyatīti** na kukkucāyitabbaṃ kukkucāyitvā karoti. **Kukkucāyitabbaṃ na kukkucāyatīti** kukkucāyitabbaṃ na kukkucāyitvā karoti, etesaṃ dvinnam divā ca ratto ca āsavā vaḍḍhantīti attho. Anantaradukepi vuttapaṭipakkhavasena attho veditabbo. Sesaṃ tattha tattha vuttanayattā uttānamevāti.

Dukavāraṇṇanā niṭṭhitā.

Tikavāraṇṇanā

323. Tikesu **atthāpatti tiṭṭhante Bhagavati āpajjati** atthi āpatti, yaṃ tiṭṭhante Bhagavati āpajjati attho. Eseva nayo sabbattha. Tattha lohittuppādāpattim tiṭṭhante āpajjati. “Etarahi kho panānanda bhikkhū aññamaññaṃ āvusovādena samudācaranti, na vo mamaccayena evaṃ samudācaritabbaṃ, navakena Ānanda bhikkhunā thero bhikkhu ‘bhante’ti vā ‘āyasmā’ti vā samudācaritabbo”ti vacanato theram āvusovādena samudācaraṇapaccayā āpattim parinibbute Bhagavati āpajjati, no tiṭṭhante. Imā dve āpattiyo ṭhapetvā avasesā dharantepi Bhagavati āpajjati parinibbutepi.

Pavāretvā anatirittam bhuñjanto āpattim kāle āpajjati no vikāle, vikālabhojanāpattim pana vikāle āpajjati no kāle,

avasesā kāle ceva āpajjati vikāle ca. Sahagāraseyyaṃ rattiṃ āpajjati, dvāraṃ asaṃvaritvā paṭisallīyanaṃ divā, sesā rattiñceva divā ca. “Dasavassomhi atirekadasavassomhi”ti bālo abyatto parisam upaṭṭhāpento dasavasso āpajjati, na ūnadasavasso, “ahaṃ paṇḍito byatto”ti navo vā majjhimo vā parisam upaṭṭhāpento ūnadasavasso āpajjati no dasavasso, sesā dasavasso ceva āpajjati ūnadasavasso ca. “Pañcavassomhi”ti bālo abyatto anissāya vasanto pañcavasso āpajjati, “ahaṃ paṇḍito byatto”ti navako anissāya vasanto ūnapañcavasso āpajjati, sesam pañcavasso ceva āpajjati ūnapañcavasso ca. Anupasampannaṃ padasodhammaṃ vācento, mātugāmassa dhammaṃ desento evarūpaṃ¹ āpattiṃ kusalacitto āpajjati, pārājika sukkavissatṭhi kāyasaṃsagga duṭṭhulla attakāmapāricariya duṭṭhadosaṃghabheda pahāradāna talasattikādibhedam akusalacitto āpajjati, asaṅcicca saḥagāraseyyādiṃ abyākatacitto āpajjati. Yaṃ arahāva āpajjati, sabbam abyākatacittova āpajjati, methunadhammādibhedamāpattiṃ sukhavedanāsamaṅgī āpajjati, duṭṭhadosaḍibhedam dukkhavedanāsamaṅgī, yaṃ sukhavedanāsamaṅgī āpajjati, taṃyeva majjhato hutvā āpajjanto adukkhamasukhavedanāsamaṅgī āpajjati.

Tayo paṭikkhepāti Buddhassa Bhagavato tayo paṭikkhepā, catūsu paccayesu mahicchata asantuṭṭhitā kilesasallekhanapaṭipattiyā agopāyanā, ime hi tayo dhammā Buddhena Bhagavatā paṭikkhittā. Appicchataḍayo pana tayo Buddhena Bhagavatā anuññātā, tena vuttam “tayo anuññātā”ti.

“Dasavassomhi”ti parisam upaṭṭhāpento “pañcavassomhi”ti nissayaṃ agaṇhanto bālo āpajjati na paṇḍito, ūnadasavasso “byattomhi”ti bahussutattā parisam upaṭṭhāpento ūnapañcavasso ca nissayaṃ agaṇhanto paṇḍito āpajjati no bālo, avasesam paṇḍito ceva āpajjati bālo ca. Vassam anupagacchanto kāle āpajjati no juṇhe, mahāpavāraṇāya appavārento juṇhe āpajjati no kāle, avasesam kāle ceva āpajjati juṇhe ca. Vassūpagamaṃ

1. Evarūpim (Sī, Syā)

kāle kappati no juṅhe, mahāpavāraṇāya pavāraṇā juṅhe kappati no kāle, sesaṃ anuññātakam kāle ceva kappati juṅhe ca.

Kattikapuṇṇamāsiyā pacchime paṭipadaḍivase vikappetvā ṭhapitam vassikasāṭikam nivāseno hemante āpajjati. Kurundiyaṃ pana “kattikapuṇṇamadivase apaccuddharitvā hemante āpajjati”ti vuttam, tampi suvuttam, “catumāsam adhiṭṭhātum, tato param vikappetun”ti vuttam. Atirekamāse sese gimhāne pariyesanto atirekaḍḍhamāse sese katvā nivāseno ca gimhe āpajjati nāma, satiyā vassikasāṭikāya naggo kāyam ovassāpento vasse āpajjati nāma. Pārisuddhi-uposatham vā adhiṭṭhānuposatham vā karonto saṃgho āpajjati. Suttaddesaṅca adhiṭṭhānuposathaṅca karonto gaṇo āpajjati. Ekako suttuddesam (pārisuddhi-uposathaṅca)¹ karonto puggalo āpajjati. Pavāraṇāyapi eseva nayo.

Saṃghuposatho ca saṃghapavāraṇā ca saṃghasseva kappati. Gaṇuposatho ca gaṇapavāraṇā ca gaṇasseva kappati. Adhiṭṭhānuposatho ca adhiṭṭhānapavāraṇā ca puggalasseva kappati. “Pārājikam āpajjamhī”ti-ādīni bhaṅanto vatthum chādeti na āpattim. “Methunam dhammam paṭisevin”ti-ādīni bhaṅanto āpattim chādeti no vatthum. Yo neva vatthum na āpattim āroceti, ayam vatthuṅceva chādeti āpattiṅca.

Paṭicchādetīti paṭicchādi. Jantāgharameva paṭicchādi **jantāgharapaṭicchādi**. Itarāsupi eseva nayo. Dvāram pidahitvā antojantāghare ṭhitena parikammam kātum vaṭṭati. Udake otiṇṇenāpi etadeva vaṭṭati. Ubhayattha khāditum bhuñjitum vā na vaṭṭati. Vatthapaṭicchādi sabbakappiyatāya² paṭicchannena sabbam kātum vaṭṭati. **Vahantīti** yanti niyyanti, nindam vā paṭikkosam vā na labhanti. Candamaṇḍalam abbhāmahikādhūmarajarāhuvimuttam vivaṭṭamyeva viroceti, na tesu aññatarena paṭicchannam. Tathā sūriyamaṇḍalam. Dhammavinayopi vivaritvā vibhajitvā desiyamānova viroceti, no paṭicchanno.

1. () Sī-Syā-potthakesu natthi.

2. Sabbattha kappiyā, tāya (Syā)

Aññena bhesajjena karaṇīyena aññaṃ viññāpento gilāno āpajjati. Na bhesajjena karaṇīyena bhesajjaṃ viññāpento agilāno āpajjati. Avasesaṃ āpattiṃ gilāno ceva āpajjati agilāno ca.

Anto āpajjati no bahīti anupakhajja seyyaṃ kappento anto āpajjati no bahi, **bahī āpajjati no antoti** saṃghikaṃ mañcādiṃ ajjhokāse santharivā pakkamanto bahi āpajjati no anto, avasesaṃ pana **anto ceva āpajjati bahi ca**. **Antosīmāyāti** āgantuko āgantukavattaṃ adassetvā sachattupāhano vihāraṃ pavisanto upacārasīmaṃ okkantamattova āpajjati. **Bahisīmāyāti** gamiko dārubhaṇḍapaṭisaṃanādigamikavattaṃ apūretvā pakkamanto upacārasīmaṃ atikkantamattova āpajjati, avasesaṃ antosīmāya ceva āpajjati bahisīmāya ca. Sati vuddhatare anajjhīṭṭho dhammaṃ bhāsanto saṃghamajjhe āpajjati nāma, gaṇamajjhepi puggalasantikepi eseva nayo. **Kāyena vuṭṭhātīti** tiṇavatthārakasamathena vuṭṭhāti, kāyaṃ acāletvā vācāya desentassa vācāya vuṭṭhāti, vacīsampayuttaṃ kāyakiriyaṃ katvā desentassa kāyena vācāya vuṭṭhāti nāma. Saṃghamajjhe desanāgāminīpi vuṭṭhānagāminīpi vuṭṭhāti, gaṇapuggalamajjhe pana desanāgāminīyeva vuṭṭhāti.

Āgālhāya ceteyyāti āgālhāya daḷhabhāvāya ceteyya, tajjanīyakammādikatassa vattaṃ na pūrayato icchamāno saṃgho ukkhepanīyakammaṃ kareyyāti attho. **Alajjī ca hoti bālo ca apakatatto cāti** ettha bālo “ayaṃ dhammādhammaṃ na jānāti”, apakatatto vā “āpattānāpattiṃ na jānāti”ti na ettāvatā kammaṃ kātappaṃ, bālabhāvamūlakaṃ pana apakatattabhāvamūlakaṃ āpattiṃ āpanassa kammaṃ kātappanti attho. Adhisīle sīlavipanno nāma dve āpattikkhandhe āpanno, ācāravipanno nāma pañca āpattikkhandhe āpanno, diṭṭhivipanno nāma antaggāhikāya diṭṭhiyā samannāgato. Tesāṃ āpattiṃ apassantānaṃ appaṭikarontānaṃ diṭṭhiṃca anissajjantānaṃyeva kammaṃ kātappaṃ.

Kāyiko davo nāma pāsakādīhi jūtakilānādibhedo anācāro, vācasiko davo nāma mukhālambarakaraṇādibhedo anācāro, kāyikavācasiko nāma naccanagāyanādibhedo dvīhipi dvārehi

anācāro. Kāyiko anācāro nāma kāyadvāre paññattasikkhāpadavītikkamo, vācasiko anācāro nāma vacīdvāre paññattasikkhāpadavītikkamo, kāyikavācasiko nāma dvāradvayepi paññattasikkhāpadavītikkamo. **Kāyikena upaghātikenāti** kāyadvāre paññattassa sikkhāpadassa asikkhanena. Yo hi taṃ na sikkhati, so naṃ upaghātetī, tasmā tassa taṃ asikkhanaṃ “kāyikaṃ upaghātikaṃ”ti vuccati. Sesapadadvayepi eseva nayo. **Kāyikena micchājīvenāti** jaṅghapesanikādinā vā gaṇḍaphālanādinā vā vejjakammena. **Vācasikenāti** sāsana-uggahaṇa-ārocanādinā. Tatiyapadaṃ ubhayasampayogavasena vuttaṃ.

Alaṃ bhikkhu mā bhaṇḍananti alaṃ bhikkhu mā bhaṇḍanaṃ kari, mā kalahaṃ, mā vivādaṃ karīti attho. **Na voharitabbanti** na kiñci vattabbaṃ, vadatopi hi tādisassa vacanaṃ na sotabbaṃ maññanti. **Na kismiñci paccekattāhāneti** kismiñci bījanaggāhādike ekasmimpi jeṭṭhakaṭṭhāne na ṭhapetabboti attho. **Okāsakammaṃ kārentassāti** karotu āyasmā okāsaṃ, ahaṃ taṃ vattukāmoti evaṃ okāsaṃ kārentassa. **Nālaṃ okāsakammaṃ kātunti** kiṃ tvaṃ karissasīti okāso na kātabbo. **Savacanīyaṃ nādātābbanti** vacanaṃ na ādātābbaṃ, vacanampi na sotabbaṃ, yattha gahetvā gantukāmo hoti, na tattha gantābbanti attho.

Tihaṅgehi samannāgatassa bhikkhuno vinayoti yaṃ so jānāti, so tassa vinayo nāma hoti, so na pucchitabboti attho. **Anuyogo na dātābboti** idaṃ kappatīti pucchantassa pucchāya okāso na dātābbo, “aññaṃ pucchā”ti vattābbo ()¹. Iti so neva pucchitābbo² nāssa pucchā sotābbāti attho. **Vinayo na sākacchātābboti** vinayapañho na sākacchitābbo, kappiyākappiyakathā na saṃsandetābbā.

Idamappahāyāti etaṃ brahmacāripaṭiññātādikaṃ laddhiṃ avijahitvā. **Suddhaṃ brahmacārīnti** khīṇāsavaṃ bhikkhuṃ. **Pātabyataṃ āpajjati** pātabyabhāvaṃ paṭisevanaṃ āpajjati. “Idamappahāyā”ti vacanato pana taṃ brahmacāripaṭiññātaṃ pahāya khīṇāsavaṃ “musā mayā bhaṇitaṃ, khamatha

1. (Yopi taṃ pucchati, so aññaṃ pucchāti vattābbo) (Sī, Syā)

2. Vattābbo (Sī)

me”ti khamāpetvā “natthi kāmesu doso”ti laddhiṃ vijahitvā gativisodhanam kareyya. **Akusalamūlānī**ti akusalāni ceva mūlāni ca, akusalānam vā mūlāni akusalamūlāni. Kusalamūlesupi eseva nayo. Duṭṭhu caritāni, virūpāni vā caritāni **duccaritāni**. Suṭṭhu caritāni, sundarāni vā caritāni **sucaritāni**. Kāyena karaṇabhūtena katam duccharitam **kāyaduccharitam**. Esa nayo sabbattha. Sesam tattha tattha vuttanayattā uttānamevāti.

Tikavāraṇṇanā niṭṭhitā.

Catukkavāraṇṇanā

324. Catukkesu **sakavācāya āpajjati paravācāya vuṭṭhātī**ti vacīdvārikam padasodhammādibhedam āpattim āpajjitvā tiṇavatthāraḥasamathaṭṭhānam gato parassa kammavācāya vuṭṭhāti. **Paravācāya āpajjati sakavācāya vuṭṭhātī**ti pāpikāya diṭṭhiyā appaṭinissagge parassa kammavācāya āpajjati, puggalassa santike desento sakavācāya vuṭṭhāti. **Sakavācāya āpajjati sakavācāya vuṭṭhātī**ti vacīdvārikam padasodhammādibhedam āpattim sakavācāya āpajjati, desetvā vuṭṭhahantopi sakavācāya vuṭṭhāti. **Paravācāya āpajjati paravācāya vuṭṭhātī**ti yāvattiyakam saṃghādisesam parassa kammavācāya āpajjati, vuṭṭhahantopi parassa parivāsakammavācādihi vuṭṭhāti. Tato paresu kāyadvārikam **kāyena āpajjati**, desento **vācāya vuṭṭhāti**. Vacīdvārikam **vācāya āpajjati**, tiṇavatthāraḥake **kāyena vuṭṭhāti**. Kāyadvārikam kāyena āpajjati, tameva tiṇavatthāraḥake kāyena vuṭṭhāti, vacīdvārikam vācāya āpajjati, tameva desento vācāya vuṭṭhāti, saṃghikamañcassa attano paccattharaṇena anattarato kāyasamphusane lomagaṇanāya āpajjitabbāpattim sahaḡāraseyyāpattiñca **pasutto āpajjati**, pabujjhitvā pana āpanabhāvam ñatvā desento **paṭibuddho vuṭṭhāti**, jagganto āpajjitvā pana tiṇavatthāraḥasamathaṭṭhāne sayanto **paṭibuddho āpajjati pasutto vuṭṭhāti** nāma. Pacchimapadadvayampi vuttānusāreneva veditabham.

Acittakāpattim **acittako āpajjati** nāma, pacchā desento **sacittako vuṭṭhāti**, sacittakāpattim **sacittako āpajjati** nāma. Tiṇavatthārakaṭṭhāne sayanto **acittako vuṭṭhāti**. Sesapadadvayampi vuttānusāreṇeva veditabbaṃ. Yo sabhāgaṃ āpattim deseti, ayaṃ desanāpaccayā dukkaṭaṃ āpajjanto pācittiyādīsu aññataraṃ deseti, tañca desento dukkaṭaṃ āpajjati. Taṃ pana dukkaṭaṃ āpajjanto pācittiyādito vuṭṭhāti, pācittiyādito ca vuṭṭhahanto taṃ āpajjati. Iti ekassa puggalassa ekameva payogaṃ sandhāya “āpattim āpajjanto deseti”ti idaṃ catukkaṃ vuttanti veditabbaṃ.

Kammacatukke pāpikāya diṭṭhiyā appaṭinissaggāpattim **kammena āpajjati**, desento **akammena vuṭṭhāti**, vissaṭṭhi-ādikaṃ **akammena āpajjati**, parivāsādinā **kammena vuṭṭhāti**, samanubhāsanam **kammeneva āpajjati**, **kammena vuṭṭhāti**. Sesam **akammena āpajjati akammena vuṭṭhāti**.

Parikkhāracatukke paṭhamo sakaparikkhāro, dutiyo saṃghikova, tatiyo cetiyasantako, catuttho ghiparikkhāro. Sace pana so pattacīvaranavakammabhesajjānaṃ atthāya āhaṭo hoti, avāpuraṇaṃ dātuṃ anto ṭhapāpetuñca vaṭṭati.

Sammukhācatukke pāpikāya diṭṭhiyā appaṭinissaggāpattim saṃghassa **sammukhā āpajjati**, vuṭṭhānakāle pana saṃghena kiccaṃ natthīti **parammukhā vuṭṭhāti**, vissaṭṭhi-ādikaṃ **parammukhā āpajjati**, saṃghassa **sammukhā vuṭṭhāti**. Samanubhāsanam saṃghassa **sammukhā eva āpajjati sammukhā vuṭṭhāti**. Sesam sampajānamusāvādādibhedam **parammukhāva āpajjati parammukhāva vuṭṭhāti**. Ajānantacatukkaṃ acittakacatukkasadisam.

Liṅgapātubhāvenāti sayitasseva bhikkhussa vā bhikkhuniyā vā liṅgaparivatte jāte sahaḡāraseyyāpatti hoti, idameva taṃ paṭicca vuttam, ubhinnampi pana asādhāraṇāpatti liṅgapātubhāvena vuṭṭhāti. Sahapaṭilābhacatukke yassa bhikkhuno liṅgaṃ parivattati, so saha liṅgapaṭilābhena paṭhamaṃ uppannavasena seṭṭhabhāvena ca purimaṃ purisaliṅgaṃ jahati, pacchime itthiliṅge paṭiṭṭhāti, purisakuttapurisākārādivasena pavattā kāyavacīviññattiyo paṭippassambhanti, bhikkhūti vā purisoti vā evaṃ pavattā

paṇṇattiyo nirujjhanti, yāni bhikkhunīhi asādhāraṇāni chacattālīsa sikkhāpadāni, tehi anāpattiyeva hoti. Dutiyacatukke pana yassā bhikkhuniyā liṅgaṃ parivattati, sā pacchāsamuppattiyā vā hīnabhāvena vā pacchimanti saṅkhyam̐ gataṃ itthiliṅgaṃ jahati, vuttappakārena purimanti saṅkhyam̐ gate purisaliṅge patiṭṭhāti. Vuttaviparītā viññattiyo paṭippassambhanti, bhikkhunīti vā itthīti vā evam̐ pavattā paṇṇattiyopi nirujjhanti, yāni bhikkhūhi asādhāraṇāni sataṃ tiṃsaṅca sikkhāpadāni, tehi anāpattiyeva hoti.

Cattāro sāmukkaṃsāti cattāro mahāpadesā, te hi Bhagavatā anuppanne vatthumhi sayam̐ ukkaṃsitvā ukkhipitvā ṭhapitattā “sāmukkaṃsā”ti vuccanti. **Paribhogāti** ajjhoharaṇīyaparibhogā, udakaṃ pana akālikattā appaṭiggahitakaṃ vaṭṭati. Yāvakālikādīni appaṭiggahitakāni ajjhoharitam̐ na vaṭṭanti. **Cattāri mahāvikaṭāni** kālodissattā yathāvutte kāle vaṭṭanti. **Upāsako sīlavāti** pañca vā dasa vā sīlāni gopayamāno.

Āgantukādicatukke sachattupāhano sasīsam̐ pāruto vihāram̐ pavisanto tatha vicaranto ca **āgantukova āpajjati no āvāsiko**, āvāsikavattam̐ akaronto pana **āvāsiko āpajjati no āgantuko**, sesam̐ kāyavacīdvārikaṃ āpattim̐ ubhopi āpajjanti, asādhāraṇam̐ āpattim̐ **neva āgantuko āpajjati no āvāsiko**. Gamiyacatukkepi gamiyavattam̐ apūretvā gacchanto **gamiko āpajjati no āvāsiko**, āvāsikavattam̐ akaronto pana **āvāsiko āpajjati no gamiko**, sesam̐ ubhopi āpajjanti, asādhāraṇam̐ ubhopi nāpajjanti. Vatthunānattatādicatukke catunnam̐ pārājikānam̐ aññamaññam̐ **vatthunānattatāva** hoti, na āpattinānattatā, sabbāpi hi sā pārājikāpattiyeva. Saṅghādisesādīsipi eseva nayo. Bhikkhussa ca bhikkhuniyā ca aññamaññam̐ kāyasam̐sagge bhikkhussa saṅghādiseso, bhikkhuniyā pārājikanti evam̐ **āpattinānattatāva** hoti, na vatthunānattatā, ubhinnampi hi kāyasam̐saggova vatthu. Tathā lasuṇakkhādane bhikkhuniyā pācittiyam̐, bhikkhussa dukkaṭanti evamādināpettha nayena yojanā veditabbā. Catunnam̐ pārājikānam̐ terasahi saṅghādisesehi saddhim̐ **vatthunānattatā ceva**

āpattinānattatā ca. Evaṃ saṃghādisesādīnaṃ aniyatādīhi. Ādito paṭṭhāya cattāri pārājikāni ekato āpajjantānaṃ bhikkhubhikkhunīnaṃ **neva vatthunānattatā no āpattinānattatā.** Visuṃ āpajjantesupi sesā sādharmaṇāpattiyō āpajjantesupi eśeva nayo.

Vatthusabhāgādicatukke bhikkhussa ca bhikkhuniyā ca kāyasamsagge **vatthusabhāgatā no āpattisabhāgatā,** catūsu pārājikesu **āpattisabhāgatā no vatthusabhāgatā,** esa nayo saṃghādisesādīsu. Bhikkhussa ca bhikkhuniyā ca catūsu pārājikesu **vatthusabhāgatā ceva āpattisabhāgatā ca.** Esa nayo sabbāsu sādharmaṇāpattīsu. Asādharmaṇāpattiyāṃ **neva vatthusabhāgatā no āpattisabhāgatā.** Yo hi purimacatukke paṭṭhamo pañho, so idha dutiyo. Yo ca tattha dutiyo, so idha paṭṭhamo. Tatiyacatutthesu nānākaraṇaṃ natthi.

Upajjhāyacatukke saddhivihārikassa upajjhāyena kattabbavattassa akaraṇe āpattiṃ **upajjhāyo āpajjati no saddhivihāriko,** upajjhāyassa kattabbavattaṃ akaronto **saddhivihāriko āpajjati no upajjhāyo,** sesaṃ ubhopi āpajjanti, asādharmaṇaṃ ubhopi nāpajjanti. Ācariyacatukkepi eśeva nayo.

Ādiyantacatukke pādaṃ vā atirekapādaṃ vā sahatthā ādiyanto **garukaṃ āpajjati,** ūnakapādaṃ gaṇhāhīti āṇattiyā aññaṃ payojento **lahukaṃ āpajjati.** Etena nayena sesapadattayaṃ veditabbaṃ.

Abhivādanārahacatukke bhikkhunīnaṃ tāva bhattagge navamabhikkhunito paṭṭhāya upajjhāyāpi **abhivādanārahā no paccuṭṭhānārahā.** Avisesena ca vippakatabhojanassa bhikkhussa yo koci vuḍḍhataro. Saṭṭhivassassāpi pārivāsikassa samīpagato tadahupasampannopi **paccuṭṭhānāraho no abhivādanāraho.** Appaṭikkhittesu ṭhānesu vuḍḍho navakassa **abhivādanāraho ceva paccuṭṭhānāraho ca.** Navako pana vuḍḍhassa **neva abhivādanāraho na paccuṭṭhānāraho.** Āsanārahacatukkassa paṭṭhamapadaṃ purimacatukke dutiyapadena, dutiyapadañca paṭṭhamapadena atthato sadisaṃ.

Kālacatukke pavāretvā bhuñjanto **kāle āpajjati no vikāle**, vikālabhojanāpattim **vikāle āpajjati no kāle**, sesam **kāle ceva āpajjati vikāle ca**, asādhāraṇam **neva kāle no vikāle**. Paṭiggahitacatukke purebhattam paṭiggahitāmisam **kāle kappati no vikāle**, pānakam **vikāle kappati punadivasamhi no kāle**, sattāhakālikam yāvajīvikam **kāle ceva kappati vikāle ca**, attano attano kālātītam yāvakālikādittayam akappiyamaṃsam uggahitakamappaṭiggahitakaṅca **neva kāle kappati no vikāle**.

Paccantimacatukke samudde sīmam bandhanto **paccantimesu janapadesu āpajjati no majjhimesu**, pañcavaggena gaṇena upasampādentō guṇaṅguṇūpāhanam dhuvanahānam cammattharaṇāni ca **Majjhimesu janapadesu āpajjati no paccantimesu**, imāni cattāri idha na kappantīti vadantopi paccantimesu āpajjati, idha kappantīti vadanto pana Majjhimesu āpajjati. Sesāpattim ubhayattha āpajjati, asādhāraṇam na katthaci āpajjati. Dutiyacatukke pañcavaggena gaṇena upasampadādi catubbidhampi vatthu **paccantimesu janapadesu kappati**. Idam kappatīti dīpetumpi tattheva kappati no majjhimesu. Idam na kappatīti dīpetum pana **Majjhimesu janapadesu kappati no paccantimesu**. Sesam “anujānāmi bhikkhave pañca loṇānī”ti-ādi anuññātakam ubhayattha kappati. Yam pana akappiyanti paṭikkhittam, tam ubhayatthāpi na kappati.

Anto-ādicatukke anupakhajja seyyādim **anto āpajjati no bahi**, ajjhokāse saṃghikamañcādīni nikkhipitvā pakkamanto **bahi āpajjati no anto**, sesam **anto ceva bahi ca**, asādhāraṇam **neva anto na bahi**. Antosīmādicatukke āgantuko vattam apūrento **antosīmāya āpajjati**, gamiyo **bahisīmāya**, musāvādādim **antosīmāya ca bahisīmāya ca āpajjati**, asādhāraṇam na katthaci. Gāmacatukke antaragharapaṭisaṃyuttam sekhiyapaññattim **gāme āpajjati no araññe**, bhikkhunī aruṇam utthāpayamānā **araññe āpajjati no gāme**, musāvādādim **gāme ceva āpajjati araññe ca**, asādhāraṇam na katthaci.

Cattāro pubbakiccāti “sammajjanī padīpo ca udakam āsanena cā”ti idaṃ “catubbidham pubbakaraṇaṃ”ti vuccatīti vuttaṃ. “Chandapārisuddhi-utukkhānaṃ bhikkhugaṇaṇā ca ovādo”ti ime pana “cattāro pubbakiccā”ti veditabbā. **Cattāro pattakallāti** uposatho yāvatikā ca bhikkhū kammappattā, te āgatā honti, sabhāgāpattiyo na vijjanti, vajjanīyā ca puggalā tasmim na honti, pattakallanti vuccatīti. **Cattāri anaññapācittiyānī** “etadeva paccayaṃ karitvā anaññaṃ pācittiyaṃ”ti evaṃ vuttāni anupakhajjaseyyākappanasikkhāpadaṃ, “ehāvuso gāmaṃ vā nigamaṃ vā”ti sikkhāpadaṃ, sañicca kukkucce-upadahaṇaṃ, upassutiṭṭhananti imāni cattāri. **Catasso bhikkhusammutiyoti** “ekarattampi ce bhikkhu ticivarena vippavaseyya aññatra bhikkhusammutiyā, aññaṃ navam santhataṃ kārāpeyya aññatra bhikkhusammutiyā, tato ce uttari vippavaseyya aññatra bhikkhusammutiyā, duṭṭhullaṃ āpattiṃ anupasampanna āroceyya aññatra bhikkhusammutiyā”ti evaṃ āgatā terasahi sammutiḥi muttā **sammutiyo**. Gilānacatukke aññabhesajjena karaṇīyena lolatāya aññaṃ viññāpento **gilāno āpajjati**, abhesajjakaraṇīyena bhesajjaṃ viññāpento **agilāno āpajjati**, musāvādādim ubhopi āpajjanti, asādhāraṇaṃ ubhopi nāpajjanti. Sesam sabbattha uttānamevāti.

Catukkavāraṇṇā niṭṭhitā.

Pañcakavāraṇṇā

325. Pañcakesu **pañca puggalā niyatāti** ānantariyānamevetam gahaṇam. **Pañca chedanakā āpattiyo** nāma pamāṇāṭikkante mañcapīthe, nisīdanakaṇḍuppaṭicchādivassikasāṭikāsu, Sugatacīvare ca veditabbā. **Pañcahākārehīti** alajjitā, aññānatā, kukkuccappakatatā, akappiye kappiyasaññitā, kappiye akappiyasaññitāti imehi pañcahi. **Pañca āpattiyo musāvādapaccayāti** pārājikathullaccayadukkaṭasaṃghādisapācittiyā. **Anāmantacāroti** santam bhikkhu anāpucchā purebhattam pacchābhattam kulesu cārittam āpajjeyyāti imassa āpucchitvā cārassa abhāvo. **Anadhiṭṭhānanti** gaṇabhojane aññatra samayāti

vuttaṃ samayaṃ adhiṭṭhahitvā bhojanaṃ adhiṭṭhānaṃ nāma, tathā akaraṇaṃ **anadhiṭṭhānaṃ**. **Avikappanā** nāma yā paramparabhojane vikappanā vuttā, tassā akaraṇaṃ. Imāni hi pañca piṇḍapātikassa dhutaṅgeneva paṭikkhittāni. **Ussaṅkitaparisaṅkitoti** ye passanti ye suṇanti, tehi ussaṅkito ceva parisaṅkito ca api¹ akuppadhammo khīṇāsavopi samāno, tasmā agocarā pariharitabbā. Na hi etesu sandissamāno ayasato vā garahato vā muccati. **Sosānikanti** susāne patitakaṃ. **Pāpaṅikanti** āpaṇadvāre patitakaṃ. **Thūpacīvaranti** vammikaṃ parikkhipitvā balikammakataṃ. **Ābhisekikanti** nahānaṭṭhāne vā rañño abhisekaṭṭhāne vā chaḍḍitacīvaraṃ. **Bhatapaṭiyābhatanti**² susānaṃ netvā puna ānītaṃ. **Pañca mahācorā** uttarimanussadhamme vuttā.

Pañcāpattiyo kāyato samuṭṭhantī paṭhamena āpattisamuṭṭhānena pañca āpattiyo āpajjati “bhikkhu kappiyasaññī saññācīkāya kuṭim karotī”ti evaṃ antarapeyyāle vuttāpattiyo. **Pañca āpattiyo kāyato cā vācato cāti** tatiyena āpattisamuṭṭhānena pañca āpattiyo āpajjati “bhikkhu kappiyasaññī saṃvidahitvā kuṭim karotī”ti evaṃ tattheva vuttā āpattiyo. **Desanāgāminiyoti** ṭhapetvā pārājikaṅca saṃghādisesaṅca avasesā.

Pañca kammānī tajjanīyaniyassapabbājanīyapaṭisāraṇīyāni cattāri ukkhepanīyaṅca tividhampi ekanti pañca. **Yāvatatiyake pañcāti** ukkhittānuvattikāya bhikkhuniyā yāvatatiyaṃ samanubhāsanāya appaṭinissajjantiyā pārājikaṃ thullaccayaṃ dukkaṭanti tisso, bhedaṅkānuvattakādisamanubhāsanāsu saṃghādiseso, pāpikāya diṭṭhiyā appaṭinissagge pācittiyā. **Adinnanti** aññena adinnaṃ. **Aviditanti** paṭiggaṇhāmīti cetaṇāya abhāvena aviditaṃ. **Akappiyanti** pañcahi samaṅkappehi akappiyakataṃ, yaṃ vā panaññampi akappiyamaṃsaṃ akappiyabhojanaṃ. **Akatātirittanti** pavāretvā atirittaṃ akataṃ. **Samajjadānanti** naṭasamajjādānaṃ. **Usabhadānanti** gogaṇassa antare usabhavissajjanaṃ. **Cittakammadānanti** āvāsaṃ kāretvā tattha cittakammaṃ kāretuṃ vaṭṭati, idaṃ pana paṭibhānacittakammadānaṃ sandhāya vuttā. Imāni hi pañca kiñcāpi lokassa puññasammatāni, atha kho apuññāni

1. Apica (Syā, Ka)

2. Gatapaṭiyāgatanti (Syā)

akusalānīyeva. **Uppannaṃ paṭibhānanti** ettha paṭibhānanti kathetukamyatā vuccati. **Ime pañca duppaṭivinodayāti** na supaṭivinodayā, upāyena pana kāraṇena anurūpāhi paccavekkhanā-anusāsanādīhi sakkā paṭivinodetunti attho.

Sakacittam pasīdatīti ettha imāni vatthūni—Kaṭa-andhakāravāsī¹
Phussadevatthero kira cetiyaṅgaṇaṃ sammajjitvā ekamsaṃ uttarāsaṅgaṃ karitvā sinduvāra kusumasaṅgathātamiva samavippakiṇṇavālikam cetiyaṅgaṇaṃ olokeno Buddhārammaṇaṃ pītipāmojjaṃ uppādetvā aṭṭhāsi, tasmim̐ khaṇe Māro pabbatapāde nibbattakālamakkaṭo viya hutvā cetiyaṅgaṇe gomayaṃ vippakiranto gato. Thero nāsakkhi arahattaṃ pāpuṇitum̐, sammajjitvā agamāsi. Dutiyadivasepi jaraggavo hutvā tādīsameva vippakāraṃ akāsi. Tatiyadivase vaṅkapādaṃ manussattabhāvaṃ nimminitvā pādena parikasanto agamāsi. Thero “evarūpo bībhaccha² puriso samantā yojanappamāṇesu gocaragāmesu natthi, siyā nu kho Māro”ti cintetvā “Mārosi tvaṃ”ti āha. Āma bhante Māromhi, na dāni te vañcetum̐ asakkhinti. Diṭṭhapubbo tayā Tathāgatoti. Āma diṭṭhapubboti. Māro nāma mahānubhāvo hoti, iṅgha tāva Buddhassa Bhagavato attabhāvasadisāṃ attabhāvaṃ nimmināhīti. Na sakkā bhante tādīsāṃ rūpaṃ nimminitum̐, apica kho pana taṃsarikkhakaṃ patirūpakaṃ nimminissāmīti sakabhāvaṃ vijahitvā Buddharūpasadisena attabhāvena aṭṭhāsi. Thero Māraṃ oloketvā “ayaṃ tāva sarāgadosamoho evaṃ sobhati, kathaṃ nu kho Bhagavā na sobhati sabbaso vītarāgadosamoho”ti Buddhārammaṇaṃ pītiṃ paṭilabhitvā vipassanaṃ vaḍḍhetvā arahattaṃ pāpuṇi. Māro “vañcitomhi tayā bhante”ti āha. Theropi “kiṃ atthi jaramāra tādīsāṃ vañcetun”ti āha.
 Lokantaravihārepi Datto nāma daharabhikkhu cetiyaṅgaṇaṃ sammajjitvā olokeno odātakasiṇaṃ paṭilabhi, aṭṭha samāpattiyo nibbattesi, tato vipassanaṃ vaḍḍhetvā phalattayaṃ sacchākāsi.

Paracittam pasīdatīti ettha imāni vatthūni—Tisso nāma daharabhikkhu jambukolacetiyaṅgaṇaṃ sammajjitvā saṅkārachaḍḍaṇim̐ hatthena gahetvāva

1. Kāḷandakālavāsī (Syā)

2. Vigaccha (Ka)

aṭṭhāsi. Tasmim̄ khaṇe **Tissadattatthero** nāma nāvāto oruyha cetiyaṅgaṇaṃ olokento bhāvitacittena sammatṭhaṭṭhānanti ñatvā pañhāsahassaṃ pucchi, itaro sabbaṃ vissajjesi. Aññatarasmimpi vihāre thero cetiyaṅgaṇaṃ sammajjitvā vattaṃ paricchindi. Yonakavisayato cetiyavandakā cattāro therā āgantvā cetiyaṅgaṇaṃ disvā anto appavisitvā dvāreyeva ṭhatvā eko thero aṭṭha kappe anussari, eko soḷasa, eko vīsati, eko tiṃsa kappe anussari.

Devatā attamanā hontīti ettha idaṃ vatthu—ekasmim̄ kira vihāre eko bhikkhu cetiyaṅgaṇaṃca bodhiyaṅgaṇaṃca sammajjitvā nahāyituṃ gato. Devatā “imassa vihārassa katakālato paṭṭhāya evaṃ vattaṃ pūretvā sammatṭhapubbo bhikkhu natthī”ti pasannacittā pupphahatthā aṭṭhamsu. Thero āgantvā “kataragāmaṃvāsikāṭṭhā”ti āha. “Bhante idheva vasāma, imassa vihārassa katakālato paṭṭhāya evaṃ vattaṃ pūretvā sammatṭhapubbo bhikkhu natthīti tumhākaṃ bhante vatte pasīditvā pupphahatthā ṭhitāmhā”ti devatā āhamsu.

Pāsādikaṃvattanikanti ettha idaṃ vatthu—ekaṃ kira amaccaputtaṃ **Abhayattheraṅca** ārabha ayaṃ kathā udapādi “kiṃ nu kho amaccaputto pāsādiko, Abhayattheroti ubhopi ne ekasmim̄ ṭhāne olokessāmā”ti. Ñātakā amaccaputtaṃ alaṅkaritvā mahācetiyaṃ vandāpessāmāti agamaṃsu. Theramātāpi pāsādikaṃ cīvaraṃ kāretvā puttassa paṇiṇi “putto me kese chindāpetvā imaṃ cīvaraṃ pārupitvā bhikkhusaṃghaparivuto mahācetiyaṃ vandatū”ti. Amaccaputto ñātiparivuto pācīnadvārena cetiyaṅgaṇaṃ āruḷho, Abhayatthero bhikkhusaṃghaparivuto dakkhiṇadvārena cetiyaṅgaṇaṃ āruhitvā cetiyaṅgaṇe tena saddhim̄ samāgantvā āha “kiṃ tvaṃ āvuso Mahallakattherassa sammatṭhaṭṭhāne kacavaraṃ chaḍḍetvā mayā saddhim̄ yugaggāhaṃ gaṇhāsī”ti. Atītattabhāve kira Abhayatthero Mahallakatthero nāma hutvā gocaragāme cetiyaṅgaṇaṃ sammajji, amaccaputto mahā-upāsako hutvā sammatṭhaṭṭhāne kacavaraṃ gahetvā chaḍḍesi.

Satthusāsaṇaṃ kataṃ hotīti idaṃ sammajjanavattaṃ nāma Buddhehi vaṇṇitaṃ, tasmā taṃ karontena Satthusāsaṇaṃ kataṃ hoti. Tatridaṃ vatthu,

āyasmā kira **Sāriputto** Himavantam gantvā ekasmiṃ pabbhāre asammajjitvāva nirodham samāpajjitvā nisīdi. Bhagavā āvajjanto therassa asammajjitvā nisinnabhāvaṃ ṇatvā ākāseṇa gantvā therassa purato asammaṭṭhatṭhāne pādāni dassetvā paccagañchi. Thero samāpattito vuṭṭhito Bhagavato pādāni disvā balavahirottappaṃ paccupaṭṭhāpetvā jaṇṇukehi paṭiṭṭhāya “asammajjitvā nisinnabhāvaṃ vata me Satthā aññāsi, saṃghamajjhe dāni codanaṃ kāressāmī”ti Dasabalassa santikaṃ gantvā vanditvā nisīdi. Bhagavā “kuhiṃ gatosi Sāriputtā”ti vatvā “na patirūpaṃ dāni te mayham anantare ṭhāne ṭhatvā vicarantassa asammajjitvā nisīditun”ti āha. Tato paṭṭhāya thero gaṇṭhikaṭṭhāne paṭiṭṭhāne paṭiṭṭhānto pādēna kacavaraṃ viyūhitvāva tiṭṭhati.

Attano bhāsapariyantam na uggaṇhātī “imasmiṃ vatthusmiṃ ettakaṃ suttaṃ upalabbhati, ettako vinicchayo, ettakaṃ suttañca vinicchayañca vakkhāmi”ti evaṃ attano bhāsapariyantam na uggaṇhātī. “Ayaṃ codakassa purimakathā, ayaṃ pacchimakathā, ayaṃ cuditakassa purimakathā, ayaṃ pacchimakathā, ettakaṃ gayhūpagaṃ, ettakaṃ na gayhūpagan”ti evaṃ anuggaṇhanto pana **parassa bhāsapariyantam na uggaṇhātī** nāma. **Āpattim na jānātī**ti pārājikam vā saṃghādisesam vāti sattannaṃ āpattikkhandhānaṃ nānākaraṇam na jānātī. **Mūlanti** dve āpattiyā mūlāni kāyo ca vācā ca, tāni na jānātī. **Samudayanti** cha āpattisamuṭṭhānāni āpattisamudayo nāma, tāni na jānātī. Pārājikādīnaṃ vatthuraṃ na jānātītipi vuttaṃ hoti. **Nirodhanti** ayaṃ āpatti desanāya nirujjhati vūpasammati, ayaṃ vuṭṭhānenāti evaṃ āpattinirodham na jānātī. Satta samathe ajānanto pana **āpattinirodhagāminipaṭipadam** na jānātī.

Adhikaraṇapañcake **adhikaraṇam** nāma cattāri adhikaraṇāni. **Adhikaraṇassa mūlāni** nāma tettiṃsa mūlāni—vivādādhikaraṇassa dvādasa mūlāni, anuvādādhikaraṇassa cuddasa, āpattādhikaraṇassa cha, kiccādhikaraṇassa ekaṃ, tāni parato āvi bhavissanti. **Adhikaraṇasamudayo** nāma adhikaraṇasamuṭṭhānaṃ, vivādādhikaraṇam aṭṭhārasa bhedakaravattḥūni nissāya uppajjati, anuvādādhikaraṇam catasso vipattiyo, āpattādhikaraṇam sattāpattikkhandhe, kiccādhikaraṇam cattāri saṃghakiccānīti imaṃ vibhāgaṃ na jānātīti

attho. **Adhikaraṇanirodham na jānātīti** dhammena dinayena Satthusāsanena mūlāmūlaṃ gantvā vinicchayasamathaṃ pāpetuṃ na sakkoti. “Idaṃ adhikaraṇaṃ dvīhi, idaṃ catūhi, idaṃ tīhi, idaṃ ekena samathena sammatī”ti evaṃ satta samathe ajānanto pana

adhikaraṇanirodhagāminipaṭipadaṃ na jānāti nāma. **Vatthuṃ na jānātīti** idaṃ pārājikassa vatthu, idaṃ saṃghādisesassāti evaṃ sattannaṃ āpattikkhandhānaṃ vatthuṃ na jānāti. **Nidānanti** sattannaṃ nidānānaṃ idaṃ sikkhāpadaṃ ettha paññattaṃ, idaṃ etthāti na jānāti. **Paññattim na jānātīti** tasmim tasmim sikkhāpade paṭhamapaññattim na jānāti. **Anupaññattinti** punappunaṃ paññattim na jānāti. **Anusandhivacanapathanti** kathānusandhivinicchayānusandhivasena vatthuṃ na jānāti. **Ñattim na jānātīti** sabbena sabbam ñattim na jānāti. **Ñattiyā karaṇaṃ na jānātīti** ñattikiccaṃ na jānāti, osāraṇādīsu navasu ṭhānesu ñattikammaṃ nāma hoti, ñattidutiyañatticatutthakammesu ñattiyā kammappatto hutvā tiṭṭhatīti na jānāti. **Na pubbakusalo hoti na aparakusaloti** pubbe kathetabbañca pacchā kathetabbañca na jānāti, ñatti nāma pubbe ṭhapebbā, pacchā na ṭhapetabbātipi na jānāti. **Akālaññū ca hotīti** kālaṃ na jānāti, anajjhīṭṭho ayācito bhāsati, ñattikālampi ñattikhettampi ñatti-okāsampi na jānāti.

Mandattā momūhattāti kevalaṃ aññāṇena momūhabhāvena dhutaṅge ānisaṃsaṃ ajānitvā¹. **Pāpicchoti** tena araññavāsesena paccayalābhaṃ paṭthayamāno. **Pavivekanti** kāyacitta-upadhivivekaṃ. **Idamatthitanti** imāya kalyāṇāya paṭipattiyā attho etassāti idamatthi, idamatthino bhāvo idamatthitā. Taṃ idamatthitaṃyeva nissāya, na aññaṃ kiñci lokāmisanti attho.

Uposathaṃ na jānātīti navavidhaṃ uposathaṃ na jānāti. **Uposathakammanti** adhammenavaggādibhedaṃ catubbidhaṃ uposathakammaṃ na jānāti. **Pātimokkhanti** dve mātikā na jānāti. **Pātimokkhuddesanti** sabbampi navavidhaṃ pātimokkhuddesaṃ na jānāti. **Pavāraṇanti** navavidhaṃ pavāraṇaṃ na jānāti. Pavāraṇākammaṃ² uposathakammasadisameva.

1. Na jānāti (Syā)

2. Pavāraṇākammaṃ (Sī)

Apāsādikapañcake **apāsādikanti** kāyaduccaritādi akusalakammaṃ vuccati. **Pāsādikanti** kāyasucaritādi kusalakammaṃ vuccati. **Ativelanti** velam atikkamma, bahutaram kalam kulesu, appam vihāreti attho. **Otāroti** kilesānam anto otaraṇam. **Sarṅkiliṭṭhanti** duṭṭhullāpattikāyasaṃsaggādibhedam. **Visuddhipañcake** pavāraṇāggahaṇena navavidhāpi pavāraṇā veditabbā. Sesam sabbattha uttānamevāti.

Pañcakavāraṇṇanā niṭṭhitā.

Chakkavāraṇṇanā

326. Chakkesu **cha sāmīciyoti** “so ca bhikkhu anabbhito te ca bhikkhū gārayhā, ayaṃ tattha sāmīci, yuñjantāyasmanto sakam, mā vo sakam vinassāti ayaṃ tattha sāmīci, ayaṃ te bhikkhu patto yāva bhedanāya dhāretabboti ayaṃ tattha sāmīci, tato nīharitvā bhikkhūhi saddhim saṃvibhajitabbam, ayaṃ tattha sāmīci, aññātabbam paripucchitabbam paripaṇhitabbam, ayaṃ tattha sāmīci, yassa bhavissati so harissatīti ayaṃ tattha sāmīci”ti imā bhikkhupātimokkheyeva **cha sāmīciyo**. **Cha chedanakāti** pañcake vuttā pañca bhikkhunīnam udakasāṭikāya saddhim cha. **Chahākārehīti** alajjitā aññāṇatā kukkucapakatātā akappiye kappiyasaññitā kappiye akappiyasaññitā satisammosāti. Tattha ekarattachārattasattāhātikkamādīsu āpattim satisammosena āpajjati. Sesam vuttanayameva. **Cha ānisaṃsā vinayadhareti** pañcake vuttā pañca tassādheyyo uposathoti iminā saddhim cha.

Cha paramānīti “dasāhaparamam atirekaṭvaram dhāretabbam, māsaparamam tena bhikkhunā tam cīvaram nikkhipitabbam, santaruttaraparamam tena bhikkhunā tato cīvaram sādītabbam, chakkattuparamam tuṅhībhūtena uddissa ṭhātabbam, navam pana bhikkhunā santhataṃ kārapetvā chabbassāni dhāretabbam, chabbassaparamatā dhāretabbam, tiyojanaparamam sahatthā dhāretabbāni, dasāhaparamam atirekapatto dhāretabbo, sattāhaparamam sannidhikārakam paribhuñjitabbāni, chārattaparamam tena bhikkhunā tena cīvarena vipavasitabbam, catukkaṃsaparamam, aḍḍhateyyakaṃsaparamam, dvaṅgulapabbaparamam ādātabbam, aṭṭhaṅgulaparamam

mañcapaṭipādakaṃ, aṭṭhaṅgulaparamaṃ dantakaṭṭhan”ti imāni **cuddasa paramāni**. Tattha paṭhamāni cha ekaṃ chakkaṃ, tato ekaṃ apanetvā sesesu ekekaṃ pakkhipitvāti-ādinā nayena aññānīpi chakkāni kātābbāni.

Cha āpattiyoti tīṇi chakkāni antaraṭṭhāle vuttāni. **Cha kammānīti** tajjanīya niyassa pabbājanīya paṭisāraṇīyāni cattāri, āpattiyā adassane ca appaṭikamme ca vuttadvayampi ekaṃ, pāpikāya diṭṭhiyā appaṭinissagge ekanti cha. **Nahāneti** orenaḍḍhamāsaṃ nahāne. Vippakatacīvarādichakkadvayaṃ Kathinakkhandhake niddiṭṭham. Sesāṃ sabbattha uttānamevāti.

Chakkavāraṇṇanā niṭṭhitā.

Sattakavāraṇṇanā

327. Sattakesu **satta sāmīciyoti** pubbe vuttasu chasu “sā ca bhikkhunī anabbhitā, tā ca bhikkhuniyo gārayhā, ayaṃ tattha sāmīci”ti imaṃ pakkhipitvā satta veditabbā. **Satta adhammikā paṭiññātakaraṇāti** “bhikkhu pārājikaṃ ajjhāpanno hoti, pārājikena codiyamāno ‘saṃghādisesaṃ ajjhāpannomhi’ti paṭijānāti, taṃ saṃgho saṃghādisesena kāreti, adhammikaṃ paṭiññātakaraṇan”ti evaṃ Samathakkhandhake niddiṭṭhā. Dhammikāpi tattheva niddiṭṭhā. **Sattannaṃ anāpatti sattāhakaṇīyena gantunti** Vassūpanāyikakkhandhake vuttam. **Sattānisamsā sinayadhareti** tassādheyyo uposatho pavāraṇāti imehi saddhim pañcake vuttā pañca satta honti. **Satta paramānīti** chakke vuttāniyeva sattakavasena yojetābbāni. **Katacīvaranti-ādīni** dve sattakāni Kathinakkhandhake niddiṭṭhāni.

Bhikkhussa na hoti āpatti daṭṭhabbā, bhikkhussa hoti āpatti daṭṭhabbā, bhikkhussa hoti āpatti paṭikātabbāti imāni tīṇi sattakāni dve adhammikāni, ekaṃ dhammikaṃ. Tāni tīṇīpi Campeyyake niddiṭṭhāni. **Asaddhammāti** asataṃ dhammā, asanto vā dhammā, asobhanā hīnā lāmakāti attho. **Saddhammāti** sataṃ Buddhādīnaṃ dhammā, santo vā dhammā, sundarā uttamāti attho. Sesāṃ sabbattha uttānamevāti.

Sattakavāraṇṇanā niṭṭhitā.

Atthakavāraṇṇanā

328. Atthakesu **atthānisamseti** “na mayam iminā bhikkhunā saddhim uposatham karissāma, vinā iminā bhikkhunā uposatham karissāma, na mayam iminā bhikkhunā saddhim pavāressāma, samghakammaṃ karissāma, āsane nisīdissāma, yāgupāne nisīdissāma, bhattagge nisīdissāma, ekacchanne vasissāma, yathāvuddham abhivādanam paccuṭṭhānam añjalikammaṃ sāmīcikkammaṃ karissāma, vinā imānā bhikkhunā karissāmā”ti evam Kosambakakkhandhake vutte ānisamse. Dutiya-atthakepi eseva nayo. Tampi hi evameva Kosambakakkhandhake vuttam.

Attha yāvatiyakāti bhikkhūnam terasake cattāro, bhikkhūnam sattarasake bhikkhūhi asādhāraṇā cattāroti attha. **Atthahākārehi kulāni dūsetīti** kulāni dūseti pupphena vā phalena vā cuṇṇena vā mattikāya vā dantakattāhena vā veluyā vā vejjikāya vā jaṅghapesanikena vāti imehi atthahi. **Attha mātikā** Cīvarakkhandhake, aparā attha Kathinakkhandhake vuttā. **Atthahi asaddhammehīti** lābhena alābhena yasena ayasena sakkārena asakkārena pāpicchatāya pāpamittatāya. **Attha lokadhammā** nāma lābhe sārāgo alābhe paṭivirodho, evam yase ayase, pasamsāya nindāya, sukhe sārāgo dukkhe paṭivirodhoti. **Atthaṅgiko musāvādoti** vinidhāya saññanti iminā saddhim Pāliyam āgatehi sattahīti atthahi aṅgehi atthaṅgiko.

Attha uposathaṅgānīti—

Pāṇam na hane¹ na cādinnaṃ mādiye,
Musā na bhāse na ca majjapo siyā.
Abrahmacariyā virameyya methunā,
Rattim na bhuñjeyya vikālabhojanam.
Mālam na dhāre na ca gandhamācare,
Mañce chamāyamva sayetha santhate.
Etañhi atthaṅgikamāhuposatham,
Buddhena dukkhantagunā pakāsītanti².

1. Na haññe (Syā)

2. Am 1. 215 piṭthe.

Evam vuttāni aṭṭha. **Aṭṭha dūteyyaṅgānī**ti idha bhikkhave bhikkhu sotā ca hoti sāvetā cāti-ādinā nayena saṁghabhedake vuttāni. **Titthiyavattāni** Mahākhandhake niddiṭṭhāni. **Anatirittā ca atirittā** ca Pavāraṇāsikkhāpade niddiṭṭhā. **Aṭṭhannaṃ paccuṭṭhātabbanti** bhattagge vuḍḍhabhikkhunīnaṃ, āsanampi tāsāmyeva dātabbāṃ. **Upāsikāti** Visākhā. **Aṭṭhānisamsā vinayadhareti** pañcake vuttasu pañcasu tassādheyyo uposatho, pavāraṇā, vaṃghakammanti ime tayo pakkhipitvā aṭṭha veditabbā. **Aṭṭha paramānī**ti pubbe vuttaparamāneva aṭṭhakavasena yojetvā veditabbāni. **Aṭṭhasu dhammesu sammā vattitabbanti** “na pakatattassa bhikkhuno uposatho ṭhapetabbo, na pavāraṇā ṭhapetabbā”ti-ādinā nayena Samathakkhandhake niddiṭṭhesu aṭṭhasu. Sesam sabbattha uttānamevāti.

Aṭṭhakavaravaṇṇanā niṭṭhitā.

Navakavāraṇṇanā

329. Navakesu **nava āghātavattūnī**ti anattamaṃ me acarīti-ādīni nava. **Nava āghātaṭṭhavinayāti** “anattamaṃ me acari, tam kutettha labbhāti āghātamaṃ ṭṭhavineti”ti-ādīni nava. **Nava vinītavattūnī**ti navahi āghātavattūhi āraṭi virati ṭṭhivirati setughāto. **Navahi saṃgho bhijjati** “navannaṃ vā Upāli atirekanavannaṃ vā saṃgharāji ceva hoti saṃghabhedo cā”ti. **Nava paramānī**ti pubbe vuttaparamāneva navakavasena yojetvā veditabbāni. **Nava taṇhāmūlakā** nāma taṇham ṭṭhicca pariyesanā, pariyesanaṃ ṭṭhicca lābho, lābham ṭṭhicca vinicchayo, vinicchayaṃ ṭṭhicca chandarāgo, chandarāgam ṭṭhicca ajjhosānaṃ, ajjhosānaṃ ṭṭhicca pariggaho, pariggahaṃ ṭṭhicca macchariyaṃ, macchariyaṃ ṭṭhicca ārakkhā, ārakkhādhikaraṇam daṇḍādānasatthādānakalahaviggahavivādatuvamtuvaṃpesuñṇamusāvādā. **Nava vidhamānī**ti seyyassa seyyohamasmītimānādayo. **Nava cīvarānī**ti ticīvaranti vā vassikasāṭikāti vāti-ādinā nayena vuttāni. **Na vikappetabbānī**ti adhiṭṭhitakālato ṭṭhāya na vikappetabbāni. **Nava adhammikāni dānānī**ti saṃghassa pariṇatam añṇasaṃghassa vā cetiyassa vā puggalassa vā pariṇāmeti, cetiyassa pariṇatam añṇacetiyaṃ vā saṃghassa vā puggalassa vā

pariṇāmeti, puggalassa pariṇatam aññapuggalassa vā saṅghassa vā cetiyassa vā pariṇāmetīti evam vuttāni.

Nava paṭiggahaparibhogāti etesaṃyeva dānānam paṭiggahā ca paribhogā ca. **Tīṇi dhammikāni dānānī**ti saṅghassa ninnam saṅghasseva deti, cetiyassa ninnam cetiyasseva, puggalassa ninnam puggalasseva detīti imāni tīṇi. Paṭiggahapaṭibhogāpi tesamyeva paṭiggahā ca paribhogā ca. **Nava adhammikā saññattiyoti** adhammavādipuggalo, adhammavādisambahulā, adhammavādisaṅghoti evam tīṇi tikāni Samathakkhandhake niddiṭṭhāni. **Dhammikā saññattiyopi** dhammavādī puggaloti-ādinā nayena tattheva niddiṭṭhā. **Adhammakamme dve nava kāni** ovādavaggassa paṭhamasikkhāpadaniddese pācittiyavasena vuttāni. **Dhammakamme dve navakāni** tattheva dukkaṭavasena vuttāni. Sesam sabbattha uttānamevāti.

Navakavāraṇṇanā niṭṭhitā.

Dasakavāraṇṇanā

330. Dasakesu **dasa āghātavatthūnī**ti navakesu vuttāni nava “aṭṭhāne vā pana āghāto jāyatī”ti iminā saddhim dasa honti. **Āghātapativinayā**pi tattha vuttā nava “aṭṭhāne vā pana āghāto jāyati, tam kutettha labbhāti āghātam paṭivinetī”ti iminā saddhim dasa veditabbā. **Dasa vinītavatthūnī**ti dasahi āghāta-atthūhi viratisaṅkhātāni dasa. **Dasavatthukā micchādīṭṭhī**ti natthi dinnantādivasena veditabbā. Atthi dinnanti ādivasena **sammādīṭṭhi**. Sasso lokoti-ādinā vasena pana **antaggāhikā diṭṭhi** veditabbā. **Dasa micchattā**ti micchādīṭṭhi-ādayo micchādhimuttipariyosānā, viparītā **sammattā**. **Salākaggāhā** Samathakkhandhake niddiṭṭhā.

Dasahaṅgehi samannāgato bhikkhu ubbāhikāya sammannitabboti sīlavā hotīti-ādinā nayena Samathakkhandhake vuttehi dasahi. **Dasa ādinavā rājante purappavesane** Rājasikkhāpade niddiṭṭhā. **Dasa dānavatthūnī**ti annam pānam vattham yānam mālā gandham vilepanam seyyāvasatham paḍipeyyam. **Dasa ratanānī**ti muttāmaṇiveḷuriyādīni. **Dasa paṃsukūlānī**ti sosānikam,

pāpaṇikam, undūrakkhāyitam, upacikkhāyitam, aggidaḍḍham,
gokhāyitam, ajikkhāyitam, thūpacīvaram, ābhisekiyam,
bhatapaṭiyābhatanti etesu upasampannena ussukkam kātabbam. **Dasa**
cīvaradhāraṇāti sabbanīlakāni cīvarāni dhārentīti vuttavasena dasāti
Kurundiyam vuttam. Mahā-aṭṭhakathāyam pana “navasu kappiyacīvaresu
udakasāṭikam vā saṅkaccikam vā pakkhipivā dasā”ti vuttam.

Avandanīyapuggalā Senāsanakkhandhake niddiṭṭhā. **Dasa**
akkosavatthūni omasavāde niddiṭṭhāni. **Dasa akārā** Pesuññasikkhāpade
niddiṭṭhā. **Dasa senāsanānī**ti mañco, pīṭham, bhisi, bimbohanam, cimilikā,
uttarattharaṇam, taṭṭikā, cammakhaṇḍo, nisīdanam, tiṇasanthāro,
paṇṇasanthāroṭi. **Dasa varāni yācimsūti** Visākhā aṭṭha, Suddhodanamahārājā
ekam, Jivako ekam. **Yāgu-ānisaṃsā** ca **akappiyamaṃsāni** ca
Bhesajjakkhandhake niddiṭṭhāni. Sesam sabbattha uttānamevāti.

Dasakavāraṇṇanā niṭṭhitā.

Ekādasakavāraṇṇanā

331. Ekādasakesu **ekādasāti** paṇḍakādayo ekādasā. **Ekādasā pādukāti**
dasa ratanamayā, ekā kaṭṭhapādukā.
Tiṇapādukamuñjapādukapabbajapādukādayo pana
kaṭṭhapādukasaṅgahameva gacchanti. **Ekādasā pattāti** tambalohamayena vā
dārumayena vā saddhim dasa ratanamayā. **Ekādasā cīvarānī**ti
sabbanīlakādīni ekādasā. **Yāvatatiyakāti** ukkhittānuvattikā bhikkhunī,
saṅghādisesā aṭṭha, ariṭṭho, caṇḍakālīti. **Ekādasā antarāyikā** nāma “nasi
animittā”ti-ādayo. **Ekādasā cīvarāni adhiṭṭhātabbānī**ti ticīvaram,
vassikasāṭikā, nisīdanam, paccattharaṇam, kaṇḍuppaṭicchādi,
mukhapuñchanacoḷam, parikkhāraḷam, udakasāṭikā, saṅkaccikāti. **Na**
vikappetabbānīti etāneva adhiṭṭhātakālato paṭṭhāya na vikappetabbāni.
Gaṇṭhikā ca **vidhā** ca suttamayena saddhim ekādasā honti, te sabbe
Khuddakakkhandhake niddiṭṭhā. **Pathaviyo** Pathavisikkhāpade niddiṭṭhā.
Nissayapaṭipassaddhiyo upajjhāyamhā pañca, ācariyamhā cha, evam
ekādasā. **Avandiyapuggalā** naggena saddhim ekādasā, te sabbe
Senāsanakkhandhake

niddiṭṭhā. **Ekādasā paramāni** pubbe vuttesu cuddasasu ekādasakavasena yojetvā veditabbāni. **Ekādasā varānīti** Mahāpajāpatiyā yācitavarena saddhim pubbe vuttāni dasa. **Ekādasā sīmādosāti** atikhuddakaṃ sīmaṃ sammannantīti-ādinā nayena Kammavagge āgamissanti.

Akkosakaparibhāsake puggale ekādasādīnavā nāma yo so bhikkhave bhikkhu akkosako paribhāsako ariyūpavādī sabrahmacārīnaṃ, aṭṭhānametaṃ anavakāso, yaṃ so ekādasannaṃ byasaṇānaṃ aññataraṃ byasaṇaṃ na nigaccheyya. Katamesaṃ ekādasannaṃ? Anadhigataṃ nādhigacchati, adhigatā parihāyati, saddhammassa na vodāyanti, saddhammesu vā adhimāniko hoti, anabhirato vā brahmacariyaṃ carati, aññataraṃ vā saṃkiliṭṭhaṃ āpattiṃ āpajjati, sikkhaṃ vā paccakkhāya hīnāyāvattati, gāḷhaṃ vā rogātākaṃ phusati, ummādaṃ vā pāpuṇāti cittakkhepaṃ vā, sammulho kālaṃ karoti, kāyassa bhedaṃ parammaraṇā apāyaṃ duggatiṃ vinipātaṃ nirayaṃ upapajjatīti¹. Ettha ca **saddhammoti** Buddhavacanaṃ adhippetam.

Āsevitāyāti ādito paṭṭhāya sevitāya. **Bhāvitāyāti** nipphādītāya, vaḍḍhitāya vā. **Bahulīkatāyāti** punappunaṃ katāya. **Yānikatāyāti** suyuttayānasadisāya katāya. **Vatthukatāyāti** yathā patiṭṭhā hoti, evaṃ katāya. **Anuṭṭhitāyāti** anu anu pavattitāya, niccādhiṭṭhitāyāti attho. **Paricitāyāti** samantato citāya, sabbadisāsu citāya ācitāya bhāvitāya abhivaḍḍhitāyāti attho. **Susamāradhāyāti** suṭṭhu samāradhāya, vasībhāvaṃ upanītāyāti attho. **Na pāpakaṃ supinanti** pāpakameva na passati, bhadrakaṃ pana vuḍḍhikāraṇabhūtaṃ passati. **Devatā rakkhantīti** ārakkhadevatā dhammikaṃ rakkhaṃ paccupaṭṭhāpentī. **Tuvaṇaṃ cittaṃ samādhiyatīti** khippaṃ cittaṃ samādhiyati. **Uttari appaṭivijjhantoti** mettājāhānato uttari arahattaṃ asacchikaronto sekkho vā puthujjano vā hutvā kālaṃ karonto brahmalokūpago hoti. Sesam sabbattha uttānamevāti.

Ekādasakavāraṇṇanāpariyosānā

Ekuttarikavaṇṇanā niṭṭhitā.

1. Am 3. 522 piṭṭhe.

Uposathādipucchāvissajjanā

332. “Uposathakamassa ko ādī”ti-ādīnaṃ pucchānaṃ vissajjane **sāmaggī ādīti** “uposathaṃ karissāmā”ti sīmaṃ sodhetvā chandapārisuddhim āharitvā sannipatitānaṃ kāyasāmaggī ādi. **Kiriyā majjheti** pubbakiccaṃ katvā pātimokkha-osāraṇakiriyā majjhe. **Niṭṭhānaṃ pariyosānanti** “tatha sabbeheva samaggehi sammodamānehi avivadamānehi sikkhitabban”ti idaṃ pātimokkhanīṭṭhānaṃ pariyosānaṃ. **Pavāraṇākamassa sāmaggī ādīti** “pavāraṇaṃ karissāmā”ti sīmaṃ sodhetvā chandapavāraṇaṃ āharitvā sannipatitānaṃ kāyasāmaggī ādi. **Kiriyā majjheti** pavāraṇāñatti ca pavāraṇākathā ca majjhe, saṃghanavakassa “passanto paṭikarissāmī”ti vacanaṃ pariyosānaṃ. Tajjanīyakammādīsu **vatthu** nāma yena vatthunā kammāraho hoti, taṃ vatthu. **Puggaloti** yena taṃ vatthu kataṃ, so puggalo. **Kammavācā pariyosānanti** “kataṃ saṃghena itthannāmassa bhikkhuno tajjanīyakammaṃ, khamati saṃghassa, tasmā tuṅhī, evametaṃ dhārayāmī”ti evaṃ tassā tassā kammavācāya avasānavacanaṃ pariyosānaṃ. Sesāṃ sabbattha uttānamevāti.

Uposathādipucchāvissajjanāvaṇṇanā niṭṭhitā.

Atthavasapakaraṇāvaṇṇanā

334. Atthavasapakaraṇe **dasa atthavaseti**-ādīsu yaṃ vattabbaṃ, taṃ paṭhamapārājikavaṇṇanāyameva vuttaṃ. **Yaṃ saṃghasutṭhu, taṃ saṃghaphāsūti**-ādīsu uparimaṃ uparimaṃ padaṃ heṭṭhimassa heṭṭhimassa padassa attho.

Atthasataṃ dhammasatanti-ādīmihi pana yadetaṃ dasasu padesu ekekaṃ mūlaṃ katvā dasakkhattuṃ yojanāya padasataṃ vuttaṃ. Tatha pacchimassa pacchimassa padassa vasena atthasataṃ, purimassa purimassa vasena dhammasataṃ veditabbaṃ. Atha vā ye dasa atthavase paṭicca Tathāgatena sāvakānaṃ sikkhāpadaṃ paññattaṃ, ye pubbe paṭhamapārājikavaṇṇanāyaṃ “tatha saṃghasutṭhutā nāma saṃghassa sutṭhubhāvo, ‘sutṭhu devā’ti āgataṭṭhāne viya ‘sutṭhu bhante’ti vacanasampañicchanabhāvo, yo ca Tathāgatassa vacanaṃ sampañicchati, tassa taṃ

dīgharattaṃ hitāya sukhāya hoti, tasmā saṃghassa ‘suṭṭhu bhante’ti mama vacanasampañicchanatthaṃ paññapessāmi asampañicchane ādīnavaṃ sampañicchane ca ānisaṃsaṃ dassetvā, na balakkārena abhibhavitvāti, etamatthaṃ āvikaronto āha saṃghasuṭṭhutāyā”ti¹ evamādinā nayena vaṇṇitā, tesāṃ idha dasakkhattuṃ āgatattā atthasataṃ, tadatthajotakānañca padānaṃ vasena dhammasataṃ veditabbaṃ. Idāni atthajotakānaṃ niruttīnaṃ vasena niruttisataṃ, dhammabhūtānaṃ niruttīnaṃ vasena niruttisatanti dve niruttisatāni, atthasate ñāṇasataṃ, dhammasate ñāṇasataṃ, dvīsu niruttisatesu dve ñāṇasatānīti cattāri ñāṇasatāni ca veditabbāni.

Atthasataṃ dhammasataṃ, dve ca niruttisatāni.

Cattāri ñāṇasatāni, atthavase pakaraṇehi—

Iti hi yaṃ vuttaṃ, idametam paṭicca vuttanti.

Iti Smantapāsādikāya Vnayasamvaṇṇanāya

Mahāvaggavaṇṇanā niṭṭhitā.

Paṭhamagāthāsaṅgaṇika

1. Sattanagaresu paññattasikkhāpadavaṇṇanā

335. **Ekamsaṃ cīvaraṃ katvāti** ekasmiṃ aṃsakūṭe cīvaraṃ katvā, sādhukaṃ uttarāsaṅgaṃ katvāti attho. **Paggaṇhitvāna añjalinti** dasanakhasamodhānasamujjalaṃ añjaliṃ ukkhipitvā. **Āsīsamānarūpovāti** paccāsīsamānarūpo viya. **Kissa tvaṃ idha māgatoti** kena kāraṇena kimatthaṃ patthayamāno tvaṃ idha āgato. Ko evamāha? Sammāsambuddho. Kaṃ evamāha? Āyasmantaṃ Upāliṃ. Iti āyasmā Upāli Bhagavantaṃ upasaṅkamitvā “dvīsu vinayesū”ti imaṃ gāthaṃ pucchi, athassa Bhagavā “bhaddako te ummaṅgo”ti-ādīni vatvā taṃ vissajjesi. Esa nayo sabbattha. Iti ime sabbapañhe Buddhakāle Upālitthero pucchi, Bhagavā byākāsi. Saṅgītikāle pana Mahākassapatthero pucchi, Upālitthero byākāsi.

Tattha **bhaddako te ummaṅgoti** bhaddakā te pañhā. Pañhā hi avijjandhakārato ummujjitvā ṭhitattā “ummaṅgo”ti vuccati. **Tagghāti** kāraṇatthe nipāto, yasmā maṃ pucchasi, tasmā te ahamakkhissanti¹ attho. Sampatīcchanatthe vā, tagghāti hi iminā vacanaṃ sampatīcchitvā akkhissanti āha. Samādahitvā visibbenti, sāmisenā, sasitthakanti imāni tīṇiyeva sikkhāpadāni bhaggesu paññattāni.

Catuvipattivaṇṇanā

336. **Yaṃ taṃ pucchimhāti** yaṃ tvaṃ apucchimhā. **Akittayīti** abhāsi. **Noti** amhākaṃ. **Taṃ taṃ byākatanti** yaṃ yaṃ puṭṭhaṃ, taṃ tadeva byākataṃ. **Anaññathāti** aññathā akatvā byākataṃ.

Ye duṭṭhullā sā sīlavipattīti ettha kiñcāpi sīlavipattī nāma pañhe natthi, atha kho duṭṭhullaṃ vissajjetukāmatāyetaṃ vuttaṃ. Catūsu hi vipattīsu duṭṭhullaṃ ekāya vipattiyā saṅgahitaṃ, aduṭṭhullaṃ tīhi vipattīhi saṅgahitaṃ. Tasmā “ye duṭṭhullā sā sīlavipattī”ti vatvā tameva vitthārato dassetuṃ “pārājikaṃ saṅghādiseso sīlavipattīti vuccatī”ti āha.

1. Ācikkhissanti (Sī)

Idāni tissannaṃ vipattīnaṃ vasena aduṭṭhullaṃ dassetuṃ
“thullaccayan”ti-ādimāha. Tattha **yo cāyaṃ, akkosati hasādhippāyoti** idaṃ
dubbhāsītassa vatthudassanattamaṃ vuttamaṃ.

Abbhācikkhantīti “tathāhaṃ Bhagavatā dhammaṃ desitaṃ ājanāmi”ti
vadantā abbhācikkhanti.

Ayaṃ sā ājīvavipattisammatati ayaṃ chahi sikkhāpadehi saṅgahitā
ājīvavipatti nāma catutthā vipatti sammataṃ eti vāvatā aduṭṭhullanti idaṃ
vissajjitaṃ hoti.

Idāni “ye ca yāvattiyakā”ti pañhaṃ vissajjetuṃ “ekādasā”ti-ādimāha.

Chedanakādivaṇṇanā

337. Yasmā pana “ye ca yāvattiyakā”ti ayaṃ pañho “ekādasā
yāvattiyakā”ti evaṃ saṅkhāvasena vissajjito, tasmā
saṅkhānusandhivaseneva **kati chedanakānī**ti-ādike aññe antarāpañhe pucchi,
tesaṃ vissajjanattamaṃ **cha chedanakānī**ti-ādi vuttamaṃ. Tattha “ekam
bhedanakaṃ, ekam uddālanakaṃ, sodasa jānanti paññattā”ti idameva
apubbaṃ, sesaṃ Mahāvagge vibhattameva. Yaṃ panetaṃ apubbaṃ, tattha
ekam bhedanakanti sūciharaṃ. **Ekam uddālanakanti**
tūlonaddhamañcapīṭhaṃ. **Sodasā**ti soḷasa. ‘**Jānan**’ti paññattāti ‘jānan’ti evaṃ
vatvā paññattā. Te evaṃ veditabbā—jānaṃ saṅghikaṃ lābhaṃ pariṇataṃ
attano pariṇāmeyya, jānaṃ pubbupagataṃ bhikkhuṃ anupakhajja nisajjaṃ
kappeyya, jānaṃ sappānakaṃ udakaṃ tiṇaṃ vā mattikaṃ vā siñceyya vā
siñcāpeyya vā, jānaṃ bhikkhuniparipācitaṃ piṇḍapātaṃ bhujjeyya, jānaṃ
āsādanāpekkho bhuttasmiṃ pācittiyaṃ, jānaṃ sappānakaṃ udakaṃ
paribhujjeyya, jānaṃ yathādhammaṃ nihatādhikaraṇaṃ, jānaṃ duṭṭhullaṃ
āpattiṃ paṭicchādeyya, jānaṃ unavāsativassaṃ puggalaṃ upasampādeyya,
jānaṃ theyyasatthena saddhiṃ, jānaṃ tathāvādinā bhikkhunā
akatānudhammena, jānaṃ tathānāsitaṃ samaṇuddesaṃ, jānaṃ saṅghikaṃ
lābhaṃ pariṇataṃ puggalassa pariṇāmeyya, jānaṃ pārājikaṃ dhammaṃ
ajjhāpannaṃ bhikkhuṃ neva attanā paṭicodeyya, jānaṃ coriṃ vajjhaṃ
viditaṃ anapaloketvā, jānaṃ sabhikkhukaṃ ārāmaṃ anāpucchā paviseyyāti.

Asādhāraṇādivaṇṇanā

338. Idāni “sādhāraṇaṃ asādhāraṇaṃ”ti imaṃ purimapañhaṃ viṣṣajjento **vīsaṃ dve satānī**ti-ādimāha. Tattha bhikkhunihi asādhāraṇesu **cha saṃghādisesā**ti viṣṣatṭhi, kāyasamsaggo, duṭṭhullaṃ, attakāma, kuṭi, vihāroti. **Dve-aniyatehi aṭṭhā**ti dvīhi aniyatehi saddhim aṭṭha ime.

Nissaggiyāni dvādasāti—

Dhovanañca paṭiggaho, koseseyyasuddhadvebhāgā.

Chabbassāni nisīdanaṃ, dve lomā paṭhamo patto.

Vassikā āraññakena cāti—ime dvādasa.

Dvevīsati khuddakāti—

Sakalo bhikkhunīvaggo, paramparañca bhojanaṃ.

Anatirittaṃ abhihaṭaṃ, paññañca acelakaṃ.

Ūnaṃ duṭṭhullachādanaṃ.

Mātugāmena saddhiñca, yā ca anikkhantarājake.

Santaṃ bhikkhuṃ anāpucchā, vikāle gāmapavesanā.

Nisīdane ca yā sikkhā, vassikā yā ca sāṭikā.

Dvāvīsati imā sikkhā, khuddakesu pakāsītāti.

Bhikkhūhi asādhāraṇesupi **saṃghamhā dasa nissareti** “saṃghamhā nissārīyatī”ti evaṃ Vibhaṅge vuttā, mātikāyaṃ pana “nissāraṇīyaṃ

saṃghādisesan”ti evaṃ āgatā dasa. **Nissaggiyāni dvādasāti**

Bhikkhunivibhaṅge vibhattāni nissaggiyāneva. Khuddakāpi tattha vibhattakhuddakā eva. Tathā cattāro paṭidesanīyā. Iti satañceva tiṃsañca sikkhā sibhaṅge bhikkhunīnaṃ bhikkhūhi asādhāraṇā. Sesam imasmim sādhāraṇāsādhāraṇavissajjane uttānameva.

Idāni “vipattiyo ca yehi samathehi sammantī”ti imaṃ pañhaṃ viṣṣajjento **aṭṭheva pārājikā**ti-ādimāha. Tattha **durāsadā**ti iminā tesam

sappaṭibhayataṃ dasseti. Kaṇhasappādayo viya hi ete durāsadā durūpagamanā durāsajjanā, āpajjiyamānā mūlacchedāya samvattanti.

Tālavatthusamūpamāti sabbam tālam uddharitvā tālassa vatthumattakaraṇena samūpamā. Yathā vatthumattakato tālo na puna pākatiko hoti, evam na puna pākatikā honti.

Evam sādharmaṇam upamaṃ dassetvā puna ekekassa vuttam upamaṃ dassento **paṇḍupalāsoti**-ādimāha. **Avirulī bhavanti teti** yathā ete paṇḍupalāsādayo punaharitādibhāvena avirulhidhammā honti, evam pārājikāpi puna pakatisilābhāvena avirulhidhammā hontīti attho. Ettāvata “vipattiyo ca yehi samathehi sammantī”ti ettha imā tāva aṭṭha pārājikavipattiyo kehici samathehi na sammantīti evam dassitam hoti. Yā pana vipattiyo sammanti, tā dassetuṃ **tevīsati saṃghādisesā**ti-ādi vuttam. Tattha **tīhi samathehī**ti sabbasaṅgāhikavacanametam. Saṃghādisesā hi dvīhi samathehi sammanti, na tiṇavatthārakena, sesā tīhipi sammanti.

Dve uposathā dve pavāraṇāti idaṃ bhikkhūnaṅca bhikkhunīnaṅca vasena vuttam. Vibhattimattadassaneneva cetam vuttam, na samathehi vūpasamanavasena. Bhikkhu-uposatho, bhikkhuni-uposatho, bhikkhupavāraṇā, bhikkhunipavāraṇāti imāpi hi catasso vibhattiyo, vibhajanānīti attho. **Cattāri kammānī**ti adhammenavaggādīni uposathakammāni. **Pañceva uddesā caturo bhavanti, anaññathā**ti bhikkhūnam pañca uddesā bhikkhunīnam caturo bhavanti, aññathā na bhavanti, imā aparāpi vibhattiyo. **Āpattikkhandhā ca bhavanti satta, adhikaraṇāni cattārī**ti imā pana vibhattiyo samathehi sammanti, tasmā **sattahi samathehī**ti-ādimāha. Atha vā dve uposathā dve pavāraṇā cattāri kammāni pañceva uddesā caturo bhavanti, anaññathāti imāpi catasso vibhattiyo nissāya “nassantete vinassantete”ti-ādinā nayena yā āpattiyo āpajjanti, tā yasmā vuttappakāreheva samathehi sammanti, tasmā taṃmūlakānam āpattīnam samathadassanattampi tā vibhattiyo vuttāti veditabbā. **Kiccam ekenā**ti kiccādhikaraṇam ekena samathena sammati.

Pārājikādi-āpattivāṇṇā

339. Evaṃ pucchānukkamena sabbapañhe vissajjetvā idāni “āpattikkhandhā ca bhavanti sattā”ti ettha saṅgahita-āpattikkhandhānaṃ paccekaṃ nibbacanamattaṃ dassento **pārājikanti-ādimāha**. Tattha **pārājikanti** gāthāya ayamattho—yadidaṃ puggalāpattisikkhāpadapārājikesu **āpattipārājikam** nāma vuttaṃ, taṃ āpajjanto puggalo yasmā parājito parājayamāpanno saddhammā cuto paraddho bhaṭṭho nirāṅkato¹ ca hoti, anihate tasmim puggale puna uposathappavāraṇādibhedo saṃvāso natthi. **Tenetam iti vuccatīti** tena kāraṇena etaṃ āpattipārājikanti vuccati. Ayam hettha saṅkhepattho, yasmā parājito hoti tena, tasmā etaṃ pārājikanti vuccati.

Dutiyagāthāyapi byañjanam anādiyitvā atthamattameva dassetum **saṅghova deti parivāsanti-ādi** vuttaṃ. Ayam panettha attho—imaṃ āpattim āpajjitvā vuṭṭhātukāmassa yaṃ taṃ āpattivuṭṭhānaṃ, tassa ādimhi ceva parivasadānatthāya, ādito sese majjhe mānattadānatthāya mūlāyapaṭikassanena vā saha mānattadānatthāya, avasāne abbhānatthāya ca saṅgho icchitabbo, na hettha ekampi kammaṃ vinā saṅghena sakkā kātunti saṅgho ādimhi ceva sese ca icchitabbo assāti **saṅghādiseso**.

Tatiyagāthāya **aniyato na niyatoti** yasmā na niyato, tasmā aniyato ayamāpattikkhandhoti attho. Kim kāraṇā na niyatoti. **Anekaṃsikataṃ padaṃ**, yasmā idaṃ sikkhāpadaṃ anekaṃsena katanti attho. Kathaṃ anekaṃsena? **Tiṇṇamaññātaram ṭhānam**, tiṇṇaṃ dhammānaṃ aññātarena kāretabboti hi tattha vuttaṃ, tasmā “aniyato”ti pavuccati, so āpattikkhandho aniyatoti vuccati, yathā ca tiṇṇaṃ aññātaram ṭhānam, evaṃ dvinnaṃ dhammānaṃ aññātaram ṭhānam yattha vuttaṃ, sopi aniyato eva.

Catutthagāthāya **accayo tena samo natthīti** desanāgāminīsu accayesu tena samo thūlo accayo natthi, tenetaṃ iti vuccati, thūlattā accayassa etaṃ **thullaccayanti** vuccatīti attho.

1. Nirākato (?)

Pañcamagāthāya **nissajjivāna deseti, tenetanti** nissajjivā desetabbato **nissaggiyanti** vuccatīti attho.

Chaṭṭhagāthāya **pātetī kusalam dhammanti** sañcicca āpajjantassa kusaladhammasaṅkhātāṃ kusalacittāṃ pātetī, tasmā pātetī cittanti **pācittiyāṃ**. Yaṃ pana cittāṃ pātetī, taṃ yasmā ariyamaggaṃ aparajjhāti, cittasammohakāraṇaṅca hoti, tasmā “ariyamaggaṃ aparajjhāti, cittasammohanaṭṭhānan”ti ca vuttāṃ.

Paṭidesanīyagāthāsu gārayhaṃ āvuso dhammaṃ āpajjinti vuttagārayhabhāvakāraṇadassanattameva **bhikkhu aññātako santoti**-ādi vuttāṃ. Paṭidesetabbato pana sā āpatti **pāṭidesanīyāti** vuccati.

Dukkaṭagāthāya **aparaddhaṃ viraddhaṅca, khalitanti** sabbametaṃ “yaṅca dukkaṭaṇ”ti ettha vuttassa dukkaṭassa pariyāyavacanāṃ. Yaṃ hi duṭṭhu kataṃ, virūpaṃ vā kataṃ, taṃ **dukkataṃ**. Taṃ panetaṃ yathā Sathārā vuttāṃ, evaṃ akatattā **aparaddhaṃ**, kusalam virajjhivā pavattattā **viraddhaṃ**, ariyavattapaṭipadaṃ anāruḥhattā **khalitaṃ**. Yaṃ **manusso kareti** idaṃ panassa opammanidassanāṃ, tassattho—yathā hi yaṃ loke manusso āvi vā yadi vā raho pāpaṃ karoti, taṃ dukkaṭanti pavedenti, evamidampi Buddhappaṭikuṭṭhena lāmakabhāvena pāpaṃ, tasmā dukkaṭanti veditabbaṃ.

Dubbhāsitaḡāthāya **dubbhāsitaṃ durābhaṭṭhanti** duṭṭhu ābhaṭṭhaṃ bhāsitaṃ lapitanti **durābhaṭṭhaṃ**. Yaṃ durābhaṭṭhaṃ, taṃ **dubbhāsitanti** attho, kiṅca bhiyyo, **saṅkiliṭṭhaṅca yaṃ padaṃ**, saṅkiliṭṭhaṃ yasmā taṃ padaṃ hotīti attho. Tathā¹ **yaṅca viññū garahanti**, yasmā ca naṃ viññū garahantīti attho. **Tenetaṃ iti vuccatīti** tena saṅkiliṭṭhabhāvena ca viññugarahanenāpi ca etaṃ iti vuccati, dubbhāsitanti evaṃ vuccatīti attho.

Sekhiyagāthāya “ādi cetaṃ caraṇaṅcā”ti-ādinā nayena sekhasa santakabhāvaṃ dīpeti. Tasmā sekhasa idaṃ **sekhiyanti** ayamettha saṅkhepattho. Idaṃ “garukalahukaṅcāpi”ti-ādipaṅhehi asaṅgahitassa “handa vākyāṃ suṇoma te”ti iminā pana āyācanavacanena saṅgahitassa atthassa dīpanatthāṃ vuttanti veditabbaṃ.

Channamativassatīti-ādimhipi eseva nayo. Tattha **channamativassatīti** gehaṃ tāva tiṇḍādihi acchannaṃ ativassati, idaṃ pana āpattisaṅkhātāṃ gehaṃ channaṃ ativassati, mūlāpattim hi chādentō aññaṃ navaṃ āpattim āpajjati. **Vivaṭaṃ nātivassatīti** gehaṃ tāva avivaṭaṃ succhannaṃ nātivassati, idaṃ pana āpattisaṅkhātāṃ¹ gehaṃ vivaṭaṃ nātivassati. Mūlāpattim hi vivaranto desanāgāminim desetvā vuṭṭhānagāminito vuṭṭhahitvā suddhante patiṭṭhāti, āyatim sāvaranto aññaṃ āpattim nāpajjati. **Tasmā channaṃ vivarethāti** tena kāraṇena desanāgāminim desento vuṭṭhānagāminito ca vuṭṭhahanto channaṃ vivaretha. **Evaṃ taṃ nātivassatīti** evañcetaṃ vivaṭaṃ nātivassatīti attho.

Gati migānaṃ pavananti ajjhokāse byagghādīhi paripātiyamānānaṃ migānaṃ pavanaṃ rukkhādighanaṃ araññaṃ gati paṭisaraṇaṃ hoti, taṃ patvā te assāsanti. Eteneva nayena **ākāso pakkhīnaṃ gati**. Avassaṃ upagamanatṭhena pana **vibhavo gati dhammānaṃ**, sabbesampi saṅkhatadhammānaṃ vināsova tesāṃ gati. Na hi te vināsaṃ agacchantā ṭhātuṃ sakkonti, sucirampi ṭhatvā pana **nibbānaṃ arahato gati**, khīṇāsavassa arahato anupādisesanibbānadhātu ekaṃsena gatīti attho.

Paṭhamagāthāsaṅgaṇikavaṇṇanā niṭṭhitā.

1. Anāpattisaṅkhātāṃ (Syā)

Adhikaraṇabheda

Ukkoṭanabhedādivaṇṇanā

340. Adhikaraṇabhede **ime dasa ukkoṭāti** adhikaraṇānaṃ ukkoṭetvā puna adhikaraṇa-ukkoṭena samathānaṃ ukkoṭaṃ dassetuṃ “vivādādhikaraṇaṃ ukkoṭento kati samathe ukkoṭetī”ti-ādimāha. Tattha **vivādādhikaraṇaṃ ukkoṭento dve samathe ukkoṭetīti** sammukhāvinayaṅca yebhuyyasikaṅca ime dve ukkoṭeti paṭisedheti, paṭikkosatīti attho. **Anuvādādhikaraṇaṃ ukkoṭento cattāro**ti sammukhāvinayaṃ, sativinayaṃ, amūḷhavinayaṃ, tassapāpiyasikanti ime cattāro samathe ukkoṭeti. **Āpattādhikaraṇaṃ ukkoṭento tayoti** sammukhāvinayaṃ, paṭiññātakaraṇaṃ, tiṇavatthārakanti ime tayo samathe ukkoṭeti. **Kiccādhikaraṇaṃ ukkoṭento ekanti** sammukhāvinayaṃ imaṃ ekaṃ samathaṃ ukkoṭeti.

341. **Kati ukkoṭāti**-ādipucchānaṃ vissajjane pana dvādasasu ukkoṭesu **akataṃ kammanti**-ādayo tāva tayo ukkoṭā visesato dutiye anuvādādhikaraṇe labbhanti, **anihataṃ kammanti**-ādayo tayo paṭhame vivādādhikaraṇe labbhanti, **avinicchitanti**-ādayo tayo tatiye āpattādhikaraṇe labbhanti, **avūpasantanti**-ādayo tayo catutthe kiccādhikaraṇe labbhanti, apica dvādasāpi ca ekekasmim adhikaraṇe labbhantiyeva.

Tatthajātakaṃ adhikaraṇaṃ ukkoṭetīti yasmim vihare “mayhaṃ iminā patto gahito cīvaraṃ gahitaṃ”ti-ādinā nayena pattacīvarādīnaṃ atthāya adhikaraṇaṃ uppannaṃ hoti, tasmimyeva ca naṃ vihare āvāsikā sannipatitvā alaṃ āvusoti attapaccatthike saññāpetvā Pāḷimuttakavinicchayeneva vūpasamenti, idaṃ tatthajātakaṃ adhikaraṇaṃ nāma. Yenāpi vinicchayena samitaṃ, sopi eko samathoyeva. Imaṃ ukkoṭentassāpi pācittiyaṃ.

Tatthajātakaṃ vūpasantanti sace pana taṃ adhikaraṇaṃ nevāsikā vūpasametum na sakkonti, athañño vinayadharo āgantvā “kiṃ āvuso

imasmiṃ vihāre uposatho vā pavāraṇā vā ṭhitā”ti pucchati, tehi ca tasmim̄ kāraṇe kathite taṃ adhikaraṇaṃ Khandhakato ca Parivārato ca suttena vinicchinitvā vūpasameti, idaṃ tatthajātaṃ vūpasantaṃ nāma adhikaraṇaṃ. Etaṃ ukkoṭentassāpi pācittiyameva.

Antarāmaggeti te attapaccatthikā “na mayam̄ etassa vinicchaye tiṭṭhāma, nāyam̄ vinaye kusalo, asukasmim̄ nāma gāme vinayadharā therā vasanti, tattha gantvā vinicchinissāmā”ti gacchantā antarāmaggeyeva kāraṇaṃ sallakkhetvā aññamaññaṃ vā saññāpentī, aññe vā te bhikkhū nijjhāpentī, idampi vūpasantameva hoti. Evaṃ vūpasantaṃ antarāmagge adhikaraṇaṃ ukkoṭeti yo, tassāpi pācittiyameva.

Antarāmagge vūpasantanti na heva kho pana aññamaññaṃ saññattiyā vā sabhāgabhiikkhunijjhāpanena vā vūpasantaṃ hoti, apica kho paṭipathaṃ āgacchanto eko vinayadharo disvā “kattha āvuso gacchathā”ti pucchitvā “asukam̄ nāma gāmaṃ iminā nāma kāraṇenā”ti vutte “alam̄ āvuso, kim̄ tattha gatenā”ti tattheva dhammena vinayena taṃ adhikaraṇaṃ vūpasameti, idaṃ antarāmagge vūpasantaṃ nāma. Etaṃ ukkoṭentassāpi pācittiyameva.

Tattha gatanti sace pana “alam̄ āvuso, kim̄ tattha gatenā”ti vuccamānāpi “mayam̄ tattheva gantvā vinicchayaṃ pāpessāmā”ti vinayadharassa vacanaṃ anādiyitvā gacchantiyeva, gantvā sabhāgānaṃ bhikkhūnaṃ etamatthaṃ ārocentī, sabhāgā bhikkhū “alam̄ āvuso, saṃghasannipātaṃ nāma garukan”ti tattheva nisīdāpetvā vinicchinitvā saññāpentī, idampi vūpasantameva hoti. Evaṃ vūpasantaṃ tattha gataṃ adhikaraṇaṃ ukkoṭeti yo, tassāpi pācittiyameva.

Tattha gataṃ vūpasantanti na heva kho pana sabhāgabhiikkhūnaṃ saññattiyā vūpasantaṃ hoti, apica kho saṃghaṃ sannipātetvā ārocitaṃ saṃghamajjhe vinayadharā vūpasamenti, idaṃ tattha gataṃ vūpasantaṃ nāma. Etaṃ ukkoṭentassāpi pācittiyameva.

Sativinayanti khīṇāsavassa dinnam̄ sativinayaṃ ukkoṭeti, pācittiyameva. Ummattakassa dinne amūlḥavinaye pāpussanna dinnāya tassapāpiyasikāyapi eseva nayo.

Tiṇavatthāraṇaṃ ukkoṭetiti saṅghena tiṇavatthāraṇasamathena vūpasamite adhikaraṇe “āpatti nāma ekaṃ bhikkhuṃ upasaṅkamitvā ukkuṭikaṃ nisīditvā añjaliṃ paggahetvā desiyamānā vuṭṭhāti, yaṃ panetaṃ niddāyantassāpi āpattivuṭṭhānaṃ nāma, etaṃ mayhaṃ na khamatī”ti evaṃ vadantopi tiṇavatthāraṇaṃ ukkoṭeti nāma, tassāpi pācittiyameva.

Chandāgatiṃ gacchanto adhikaraṇaṃ ukkoṭetiti vinayadharo hutvā attano upajjhāyādīnaṃ atthāya adhammaṃ dhammoti-ādīni dīpetvā pubbe vinicchitaṃ adhikaraṇaṃ dvādasasu ukkoṭesu yena kenaci ukkoṭento chandāgatiṃ gacchanto adhikaraṇaṃ ukkoṭeti nāma. Dvīsu pana attapaccatthikesu ekasmiṃ anattaṃ me acarīti-ādīnā nayena samuppannāghāto, tassa parājayaṃ āropanattaṃ adhammaṃ dhammoti-ādīni dīpetvā pubbe vinicchitaṃ adhikaraṇaṃ dvādasasu ukkoṭesu yena kenaci ukkoṭento dosāgatiṃ gacchanto adhikaraṇaṃ ukkoṭeti nāma. Mando pana momūho momūhattā eva adhammaṃ dhammoti-ādīni dīpetvā vuttanayeneva ukkoṭento mohāgatiṃ gacchanto adhikaraṇaṃ ukkoṭeti nāma. Sace pana dvīsu attapaccatthikesu eko visamāni kāyakammādīni, gahanamicchādīṭṭhiṃ, balavante ca pakkhantariye abhiññāte bhikkhū nissitattā visamanissito gahananissito balavanissito ca hoti, tassa bhayena “ayaṃ me jīvitantarāyaṃ vā brahmacariyantarāyaṃ vā kareyyā”ti adhammaṃ dhammoti-ādīni dīpetvā vuttanayeneva ukkoṭento bhayāgatiṃ gacchanto adhikaraṇaṃ ukkoṭeti nāma.

Tadahupasampannoti eko sāmaṇero byatto hoti bahussuto, so vinicchaye parājayaṃ patvā maṅkubhūte bhikkhū disvā pucchati “kasmā maṅkubhūtātthā”ti. Te tassa taṃ adhikaraṇaṃ ārocenti. So te evaṃ vadeti “hotu bhante, maṃ upasampādetha, ahaṃ taṃ adhikaraṇaṃ vūpasameśāmi”ti. Te taṃ upasampādenti. So dutiyadivase bheriṃ paharivā saṅghaṃ sannipātetī. Tato bhikkhūhi “kena saṅgho sannipātito”ti vutte “mayā”ti vadati. Kasmā sannipātītī. Hiyyo adhikaraṇaṃ dubbinicchitaṃ, tamahaṃ vinicchinnissāmīti. Tvaṃ pana hiyyo kuhiṃ gatoti. Anupasampannomhi bhante, ajja pana upasampannomhīti. So vattabbo “idaṃ āvuso tumhādisānaṃ Bhagavatā sikkhāpadaṃ paññattaṃ

‘tadahupasampanno ukkoṭeti, ukkoṭanakam pācittiyam’ti, gaccha āpattim desehi’ti. Āgantukepi eseva nayo.

Kārakoti ekam saṅghena saddhim adhikaraṇam vinicchinitvā pariveṇagatam parājītā bhikkhū vadanti “kissa bhante tumhehi evam vinicchitam adhikaraṇam, nanu evam vinicchinitabban’ti. So kasmā paṭhamameva evam na vaditthāti tam adhikaraṇam ukkoṭeti. Evam yo kārako ukkoṭeti, tassāpi ukkoṭanakam pācittiyam. **Chandadāyakoti** eko adhikaraṇavinicchaye chandam datvā sabhāge bhikkhū parājayam patvā āgate maṅkubhūte disvā “sve dāni aham vinicchinissāmī’ti saṅgham sannipātetvā “kasmā sannipātesī’ti vutte hiyyo adhikaraṇam dubbicchitam, tamaham ajja vinicchinissāmīti. Hiyyo pana tvam kattha gatoti. Chandam datvā nisinnomhīti. So vattabbo “idam āvuso tumhādisānam Bhagavatā sikkhāpadam paññattam ‘chandadāyako ukkoṭeti, ukkoṭanakam pācittiyam’ti, gaccha āpattim desehi’ti.

Adhikaraṇanidānādivaṇṇanā

342. **Vivādādhikaraṇam kimnidānanti-ādīsu** kim nādānamassāti **kim nidānam**. Ko samudayo assāti **kim samudayam**. Kā jāti assāti **kim jātikam**. Ko pabhavo assāti **kim pabhavam**. Ko sambhāro assāti **kim sambhāram**. Kim samuṭṭhānam assāti **kim samuṭṭhānam**. Sabbānetāni kāraṇavevacanāniyeva.

Vivādanidānanti-ādīsupi aṭṭhārasabhedakaravattusāṅkhāto vivādo nidānametassāti **vivādanidānam**. Vivādam nissāya uppajjanakavivādavasenetam vuttam. Anuvādo nidānam assāti **anuvādanidānam**. Idampi anuvādam nissāya uppajjanaka-anuvādavasena vuttam. Āpatti nidānam assāti **āpattinidānam**. Āpattādhikaraṇapaccayā catasso āpattiyo āpajjātīti evam āpattim nissāya uppajjanaka-āpattivasenetam vuttam. Kiccayam nidānamassāti **kiccayanidānam**, catubbidham saṅghakammaṃ kāraṇamassāti attho. Ukkhittānuvattikāya bhikkhuniyā yāvattiyam samanubhāsanādīnam kiccam nissāya uppajjanakakiccānam vasenetam vuttam. Ayam catunnampi adhikaraṇānam vissajjanapakkhe ekapadayo janā. Etenānusārena sabbapadāni yojetabbāni.

Dutiyapucchāya **hetunidānanti**-ādimhi vissajjane navannaṃ kusalākusalābyākatahetūnaṃ vasena hetunidānādītā veditabbā. Tatiyapucchāya vissajjane byañjanamattam nānam. Hetuyeva hi ettha paccayoti vutto.

343. Mūlapucchāya vissajjane **dvādasa mūlānī**ti kodha-upanāhayugaḷakādīni cha vivādāmūlāni lobhadosamohā tayo, alobhādosāmohā tayoti imāni ajjhattasantānappavattāni dvādasa mūlāni. **Cuddasa mūlānī**ti tāneva dvādasa kāyavācāhi saddhim cuddasa honti. **Cha mūlānī**ti kāyādīni cha samuṭṭhānāni.

Samuṭṭhānapucchāya vissajjane **aṭṭhārasa bhedakaravattūni** samuṭṭhānāni, taṃ hi etesu aṭṭhārasasu bhedakaravattūsu samuṭṭhāti, etehi vā kāraṇabhūtehi samuṭṭhāti. Tenassetāni samuṭṭhānāni vuccanti. Esanayo sabbattha.

344. **Vivādādhikaraṇam āpattī**-ādibhede **ekena adhikaraṇena kiccādhikaraṇenā**ti idaṃ yena adhikaraṇena sammanti, taṃ dassetuṃ vuttaṃ, na panetāni ekamsato kiccādhikaraṇeneva sammanti. Na hi puggalassa santike desentassa kiccādhikaraṇam nāma atthi.

Na katamena samathenāti sāvasesāpatti viya na sammati. Na hi sakkā sā desetuṃ, na tato vuṭṭhāya suddhante patīṭṭhātuṃ.

348. **Vivādādhikaraṇam hoti anuvādādhikaraṇanti**-ādi nayo uttānoyeva.

349. Tato paraṃ **yattha sativinayoti**-ādikā sammukhāvinayaṃ amuñcitvā cha yamakapucchā vuttā, tāsam vissajjaneneva attho pakāsito.

351. Saṃsaṭṭhādīpucchānaṃ vissajjane **saṃsaṭṭhā**ti sativinayakammavācākkhaṇasmim yeva dvinnampi samathānaṃ siddhattā sammukhāvinayoti vā, sativinayoti vā ime dhammā saṃsaṭṭhā, no visaṃsaṭṭhā. Yasmā pana kadalikkhandhe pattavaṭṭīnaṃ viya na sakkā tesam vinibbhujitvā nānākaraṇam dassetuṃ, tena

vuttaṃ “na ca labbhā imesaṃ dhammānaṃ vinibbhujitvā vinibbhujitvā nānākaraṇaṃ paññāpetun”ti, esa nayo sabbattha.

Sattasamathanidānavañṇanā

352. **Kirīnidānoti** pucchāvissajjane nidānaṃ nidānamassāti **nidānanidāno**. Tattha saṅghasammukhatā, dhammasammukhatā, vinayasammukhatā, puggalasammukhatāti idaṃ sammukhāvinayassa nidānaṃ. Sativepullapatto khīṇāsavo laddhupavādo sativinayassa nidānaṃ. Ummattako bhikkhu amūḷhavinayassa nidānaṃ. Yo ca deseti, yassa ca deseti, ubhinnaṃ sammukhībhāvo paṭiññātakaraṇassa nidānaṃ. Bhaṇḍanaajātānaṃ adhikaraṇaṃ vūpasametum asakkuṇeyyatā yebhuyyasikāya nidānaṃ. Pāpussanno puggalo tassapāpiyasikāya nidānaṃ. Bhaṇḍanaajātānaṃ bahu assāmaṇaka-ajjhācāro tiṇavatthārakassa nidānaṃ. **Hetupaccayavārā** vuttanayā eva.

353. Mūlapucchāya vissajjanaṃ uttānameva. Samuṭṭhānapucchāya kiñcāpi “sattannaṃ samathānaṃ katame chattiṃsa samuṭṭhānā”ti vuttaṃ, sammukhāvinayassa pana kammaṣaṅgahābhāvena samuṭṭhānābhāvato channaṃyeva samathānaṃ cha samuṭṭhānāni vibhattāni. Tattha **kammasa kiriyāti** ñatti veditabbā. **Karaṇanti** tassāyeva ñattiyā ṭhapetabbakāle ṭhapanāṃ. **Upagamananti** sayāṃ upagamaṇaṃ, attanāyeva tassa kammasa karaṇanti attho. **Ajjhupagamananti** ajjhesanupagamaṇaṃ, aññaṃ saddhivihārikādikaṃ “idaṃ kammaṃ karohī”ti ajjhesananti attho. **Adhivāsanāti** “ruccati me ekaṃ karotu saṅgho”ti evaṃ adhivāsanā, chandadānanti attho. **Appaṭikkosanāti** “na metaṃ khamati, mā evaṃ karoṭhā”ti appaṭisedhanā. Iti channaṃ chakkānaṃ vasena chattiṃsa samuṭṭhānā veditabbā.

Sattasamathanānāthādivañṇanā

354. Nānāthapucchāvissajjanaṃ uttānameva. Adhikaraṇapucchāvissajjane **ayaṃ vivādo no adhikaraṇanti** ayaṃ mātāputtādīnaṃ vipādo viruddhavādattā vivādo nāma hoti, samathehi pana adhikaraṇitāya abhāvato adhikaraṇaṃ na hoti. Anuvādādīsupi eseva nayo. Sesaṃ sabbattha uttānamevāti.

Adhikaraṇabhedavañṇanā niṭṭhitā.

Dutiyagāthāsāṅgaṇika

Codanādipucchāvissajjanāvaṇṇanā

359. Dutiyagāthāsāṅgaṇiyam **codanā**ti vatthuñca āpattiñca dassetvā codanā. **Sāraṇā**ti dosasāraṇā. **Sam̐gho kimatthāyā**ti sam̐ghasannipāto kimatthāya. **Matikammaṃ pana kissa kāraṇā**ti matikammaṃ vuccati mantaggahaṇam, tam kissa kāraṇāti attho.

Codanā sāraṇatthāyāti vuttappakārā codanā tena cuditakapugalena codakadosasāraṇatthāya. **Niggahatthāya sāraṇā**ti dosasāraṇā pana tassa puggalassa niggahatthāya. **Sam̐gho pariggahatthāyā**ti tattha sannipatito sam̐gho vinicchayapariggahaṇatthāya, dhammādhammaṃ tulanatthāya suvinicchitadubbinicchitam jānanatthāyāti attho. **Matikammaṃ pana pāṭiyekanti** suttantikatherānañca vinayadharattherānañca mantaggahaṇam pāṭekkam pāṭekkam vinicchayasanniṭṭhāpanattham.

Mā kho paṭighanti cuditake vā codake vā kopam mā janayi. **Sace anuvijjako** tuvanti sace tvam sam̐ghamajjhe otiṇṇam adhikaraṇam vinicchitum nisinno vinayadharo.

Viggāhikanti na tvam imam dhammavinayam ājānāsīti-ādinayappavattam. **Anatthasam̐hitanti** yā¹ anattham janayati, parisam̐ khobhetvā uṭṭhāpeti, evarūpim̐ katham̐ mā abhaṇi. **Sutte vinaye vā**ti-ādīsu **suttam̐** nāma Ubhatovibhaṅgo. **Vinayo** nāma Khandhako. **Anulomo** nāma parivāro. **Paññattam̐** nāma sakalam̐ Vinayapiṭakam̐. **Anulomikam̐** nāma cattāro mahāpadesā.

Anuyogavattam̐ nisāmayāti anuyuñjanavattam̐ nisāmehi. **Kusalena buddhimatā** katanti chekena paṇḍitena nāṇapāramippattena Bhagavatā nīharitvā ṭhapitam̐. **Suvuttanti** supaññāpitam̐. **Sikkhāpadānulomikanti** sikkhāpadānam̐ anulomam̐. Ayam̐ tāva padattho. Ayam̐ panettha sādhippāyasaṅkhepavaṇṇanā, sace tvam̐ anuvijjako, mā sahasā bhaṇi, mā anatthasam̐hitam̐

viggāhikakathaṃ bhaṇi. Yaṃ pana kusalena buddhimatā Lokanāthena etesu
suttādāsu anuyogavattaṃ kathaṃ supaññattaṃ sabbasikkhāpadānaṃ
anulomaṃ, taṃ nisāmaya taṃ upadhārehīti. **Gatiṃ na nāsento
samparāyikanti** attano samparāye sugatinibbattiṃ anāsento anuyogavattaṃ
nisāmaya. Yo hi taṃ anisādhetvā anuyuñjati, so samparāyikaṃ attano gatiṃ
nāseti, tasmā tvaṃ anāsento nisāmayaṭi attho. Idāni taṃ anuyogavattaṃ
dassetuṃ **hitesīti**-ādimāha. Tattha **hitesīti** hitaṃ esanto gavesanto, mettañca
mettāpubbabhāgañca upaṭṭhapetvāti attho. **Kālenāti** yuttapattakālena,
ajjhositakāleyeva tava bhāre kate anuyuñjāti attho.

Sahasā vohāraṃ mā padhāresīti yo etesaṃ sahasā vohāro hoti, sahasā
bhāsitaṃ, taṃ mā padhāresi mā gaṇhittha.

Paṭiññānusandhitena kārayeti ettha **anusandhitanti** kathānusandhi
vuccati, tasmā paṭiññānusandhinā kāraye, kathānusandhiṃ sallakkhetvā
paṭiññāya kārayeti attho. Atha vā paṭiññāya ca anusandhitena ca kāraye.
Lajjīṃ paṭiññāya kāraye, alajjīṃ vattānusandhināti attho. Tasmā eva **paṭiññā
lajjīsūti** gāthamāha. Tattha **vattānusandhitena kārayeti** vattānusandhinā
kāraye, yā assa vattena saddhiṃ paṭiññā sandhiyati, tāya paṭiññāya kārayeti
attho.

Sañciccāti jānanto āpajjati, **parigūhatīti** nigūhāti na deseti na vuṭṭhāti.

Sā ahampi jānāmīti yaṃ tumhehi vuttaṃ, taṃ saccaṃ, ahampi naṃ
evameva jānāmi. **Aññañca tāhanti** aññañca taṃ ahaṃ pucchāmi.

Pubbāparaṃ na jānātīti purekathitañca pacchākathitañca na jānāti.
Akovidoti tasmiṃ pubbāpare akusalo. **Anusandhivacanapathaṃ na jānātīti**
kathānusandhivacanaṃ vinicchayānusandhivacanañca na jānāti.

Sīlavipattiyā codetīti dvīhi āpattikkhandhehi codeti. **Ācāradiṭṭhiyāti**
ācāravipattiyā ce diṭṭhivipattiyā ca, ācāravipattiyā codento
pañcahāpattikkhandhehi codeti, diṭṭhivipattiyā

codento micchādiṭṭhiyā ceva antaggāhikadiṭṭhiyā ca codeti. **Ājīvenapi codetīti** ājīvahetupaññattehi chahi sikkhāpadehi codeti. Sesam sabbattha uttānamevāti.

Dutiyagāthāsāṅgaṇikavaṇṇanā niṭṭhitā.

Codanākaṇḍa

Anuvijjakakiccavaṇṇanā

360-361. Idāni evaṃ uppannāya codanāya vinayadharena kattabbakiccaṃ dassetuṃ **anuvijjakenā**ti-ādi āradham. Tattha **diṭṭham diṭṭhenā**ti gāthāya ayamattho, ekeneko mātugāmena saddhim ekaṭṭhānato nikkhamanto vā pavisanto vā diṭṭho, so taṃ pārājikenā codeti, itaro tassa dassanaṃ anujānāti. Taṃ pana dassanaṃ paṭicca pārājikaṃ upeti na paṭijānāti. Evamettha yaṃ tena diṭṭham, taṃ tassa “diṭṭho mayā”ti iminā diṭṭhavacanena sameti. Yasmā pana itaro taṃ dassanaṃ paṭicca dosaṃ na paṭijānāti, tasmā asuddhāparisaṅkito hoti, amūlakāparisaṅkito attho. Tassa puggalassa “suddho ahan”ti paṭiññāya tena saddhim uposatho kātabbo. Sesagāthādvayepi eseva nayo. Sesam sabbattha uttānamevāti.

Anuvijjakakiccavaṇṇanā niṭṭhitā.

Codakapucchāvissajjanāvaṇṇanā

362-363. **Codanāya ko ādī**ti-ādipucchānaṃ vissajjane **sacce ca akuppe cā**ti sacce paṭiṭṭhātabbam akuppe ca. Yaṃ kataṃ vā na kataṃ vā, tadeva vattabbam, na ca codake vā anuvijjake vā saṃghe vā kopo uppādetabbo. **Otiṇṇānotiṇṇam jānitabbanti** otiṇṇaṅca anotiṇṇaṅca vacanaṃ jānitabbam. Tatrāyaṃ jānanavidhi, ettakā¹ codakassa pubbakathā, ettakā pacchimakathā, ettakā cuditakassa pubbakathā, ettakā pacchimakathāti jānitabbā. Codakassa pamāṇam gaṇhitabbam, cuditakassa pamāṇam gaṇhitabbam, anuvijjakassa pamāṇam gaṇhitabbam, anuvijjako appamattakampi ahāpento “āvuso samannāharitvā ujum katvā āharā”ti vattabbo, saṃghena evaṃ paṭipajjitabbam. **Yena dhammena yena vinayena yena satthusāsanena taṃ adhikaraṇam vūpasammatī**ti ettha **Dhammoti** bhūtam vatthu. **Vinayoti** codanā ceva sārāṇā ca. **Satthusāsananti** nāttisampadā ceva

1. Ettikā (Sī)

anussāvanasampadā ca. Etena hi dhammena ca vinayena ca Satthusāsanena ca adhikaraṇaṃ vūpasamati, tasmā anuvijjakena bhūtena vatthunā codetvā āpattiṃ sāretvā ñattisampadāya ceva anussāvanasampadāya ca taṃ adhikaraṇaṃ vūpasametabbaṃ, anuvijjakena evaṃ paṭipajjitabbaṃ. Sesamettha uttānameva.

364. **Uposatho kimatthāyāti**-ādipucchāvissajjanampi uttānameva. Avasānagāthāsu **there ca paribhāsati**ti avamaññaṃ karonto “kim ime jānanti”ti paribhāsati. **Khato upahatindriyoti** tāya chandādigāmitāya tena ca paribhāsanena attanā attanā khatattā **khato**. Saddhādīnañca indriyānaṃ upahattā upahatindriyo. **Nirayaṃ gacchati dummedho, na ca sikkhāya gāravāti** so khato upahatindriyo paññāya abhāvato dummedho tīsu sikkhāsu asikkhanato na ca sikkhāya gāravo kāyassa bhedaṃ nirayameva upagacchati, tasmā **na ca āmisaṃ nissāya -pa- yathā dhammo tathā kareti**. Tassattho, na ca āmisaṃ nissāya kare, cuditakacodakesu hi aññatarena dinnāṃ cīvarādi-āmisaṃ gaṇhanto āmisaṃ nissāya karoti, evaṃ na kareyya. **Na ca nissāya puggalanti** ayaṃ me upajjhāyo vā ācariyo vāti-ādinā nayena chandādīhi gacchanto puggalaṃ nissāya karoti, evaṃ na kareyya. Atha kho ubhopete vivajjetvā yathā dhammo ṭhito, tatheva kareyyāti.

Upakaṇṇakaṃ jappatīti “evaṃ kathehi, mā evaṃ kathayitthā”ti kaṇṇamūle manteti. **Jimhaṃ pekkhatīti** dosameva gavesati. **Vītiharatīti** vinicchayaṃ hāpeti. **Kummaggāṃ paṭisevatīti** āpattiṃ dīpeti.

Akālena ca codetīti anokāse anajjhīṭṭhova codeti. **Pubbāparaṃ na jānātīti** purimakathaṃca pacchimakathaṃca na jānāti.

Anusandhivacanapathaṃ na jānātīti
kathānusandhivinicchayānusandhivasena vacanaṃ na jānāti. Sesāṃ sabbattha uttānamevāti.

Codanākaṇḍavaṇṇanā niṭṭhitā.

Cūlasaṅgāma

Anuvijjakassa paṭipattivaṇṇanā

365. Cūlasaṅgāme **saṅgāmāvacarena bhikkhunā**ti saṅgāmo vuccati adhikaraṇavinicchayatthāya saṅghasannipāto. Tatra hi attapaccatthikā ceva sāsanaṇapaccatthikā ca uddhammaṃ ubbinayaṃ Satthu sāsanaṃ dīpentā samosaranti Vesālikā vajjiputtakā viya. Yo bhikkhu tesāṃ paccatthikānaṃ laddhiṃ madditvā sakavādadīpanatthāya tattha avacarati, ajjhogāhetvā vinicchayaṃ pavatteti, so saṅgāmāvacaro nāma Yasatthero viya. Tena saṅgāmāvacarena bhikkhunā saṅghaṃ upasaṅkamantena nīcacittena saṅgho upasaṅkamitabbo. **Nīcacittena**ti mānaddhajaṃ nipātetvā nihatamānacittena. **Rajoharaṇasamenā**ti pādapuñchanasamena, yathā rajoharaṇassa saṅkiliṭṭhe vā asaṅkiliṭṭhe vā pāde puñchi yamāne neva rāgo na doso, evaṃ iṭṭhāniṭṭhesu arajjantena adussantenāti attho. **Yathāpatirūpe āsaneti** yathāpatirūpaṃ āsanaṃ ṇatvā attano pāpuṇanaṭṭhāne therānaṃ bhikkhūnaṃ piṭṭhiṃ adassetvā nisīditabbaṃ. **Anānākathikenā**ti nānāvidhaṃ taṃ taṃ anattakathaṃ akathentena. **Atiracchānakathikenā**ti diṭṭhasutamutampi rājakathādikaṃ tiracchānakathaṃ akathentena. **Sāmaṃ vā dhammo bhāsitaṃ**boti saṅghasannipātaṭṭhāne kappiyākappiyanissitā vā rūpārūpaparicchedasamathācāravipassanācārāṭṭhānanisajjavattādinissitā vā kathā dhammo nāma, evarūpo dhammo sayāṃ vā bhāsitaṃ, paro vā ajjhesitaṃ. Yo bhikkhu tathārūpiṃ kathaṃ kathetuṃ pahoti, so vattabbo “āvuso saṅghamajjhamhi pañhe uppanne tvaṃ katheyyāsi”ti. **Ariyo vā tuṇhībhāvo nātimaññitaṃ**boti ariyā tuṇhī nisīdantā na bālaputhujjanā viya nisīdanti, aññataraṃ kammaṭṭhānaṃ gahetvāva nisīdanti. Iti kammaṭṭhānāmanasikārasena tuṇhībhāvo ariyo tuṇhībhāvo nāma, so nātimaññitaṃ, kiṃ kammaṭṭhānanuyogenāti nāvajānitaṃ, attano patirūpaṃ kammaṭṭhānaṃ gahetvāva nisīditabbanti attho.

Na upajjhāyo pucchitaṃboti “ko nāmo tuyhaṃ upajjhāyo”ti na pucchitaṃ. Esa nayo sabbattha. **Na jāṭi**ti “khattiyajāṭiyo tvaṃ

brāhmaṇajātiyo”ti evaṃ jāti na pucchitabbā. **Na āgamoti** “dīghabhāṇakosi tvaṃ majjhimabhāṇako”ti evaṃ āgamo na pucchitabbo. **Kulapadesopi** khattiyakulādivaseneva veditabbo. **Atrassa pemaṃ vā doso vāti** atra puggale etesaṃ kāraṇānaṃ aññataravasena pemaṃ vā bhaveyya doso vā.

No parisakappikenāti¹ parisakappakena parisānuvidhāyakena na bhavitabbaṃ, yaṃ parisāya rucati, tadeva cetevā kappetvā na kathetabbanti attho. **Na hatthamuddā dassetabbāti** kathetabbe ca akathetabbe ca saññājananattamaṃ hatthavikāro na kātabbā.

Attamaṃ anuvidhiyantenati vinicchayaapaṭivedhameva sallakkhenta “idaṃ suttaṃ upalabbhati², imasmiṃ vinicchaye idaṃ vakkhāmi”ti evaṃ paritulyantena nisīditabbanti attho. **Na ca āsanā vuṭṭhātabbanti** na āsanā vuṭṭhāya sannipātamaṇḍale vicaritabbaṃ, vinayadhare uṭṭhite sabbā parisā uṭṭhahati. **Na vīthātabbanti** na vinicchayo hāpetabbo. **Na kummaggo sevītabboti** na āpatti dīpetabbā. **Asāhasikena bhavitabbanti** na sahasākārinā bhavitabbaṃ, sahasā duruttavacanaṃ na kathetabbanti attho. **Vacanakkhamaṇāti** duruttavācam³ khamasīlena. **Hitaparisakkināti** hitesinā hitagavesinā karuṇā ca karuṇāpubbabhāgo ca upaṭṭhāpetabboti ayaṃ padadvayepi adhippāyo. **Anasuruttenti** na asuruttana, asuruttaṃ vuccati viggāhikakathāsaṅkhātamaṃ asundaravacanaṃ, taṃ na kathetabbanti attho. **Attā pariggahetabboti** vinicchinituṃ vūpasametumaṃ sakkhissāmi nu kho noti evaṃ attā pariggahetabbo, attano pamāṇamaṃ jānitabbanti attho. **Paro pariggahetabboti** “lajjiyā nu kho ayaṃ parisā, sakkā saññāpetumaṃ, udāhu no”ti evaṃ paro pariggahetabbā.

Codako pariggahetabboti “dhammacodako nu kho no”ti evaṃ pariggahetabbo. **Cuditako pariggahetabboti** “dhammacuditako nu kho no”ti evaṃ pariggahetabbo. **Adhammacodako pariggahetabboti** tassa pamāṇamaṃ jānitabbaṃ. Sesesupi eseva nayo.

1. No parisakappiyenāti (Sī, Syā)

2. Labbhati (Ka)

3. Duruttavācā (Sī) duruttavacanaṃ (Ka)

vuttaṃ ahāpentenāti codakacuditakehi vuttavacanaṃ ahāpentena. **Avuttaṃ apakāsentenā**ti anosataṃ vatthum appakāsentena. **Mando hāsetabboti**¹ mando momūho paggaṇhitabbo, “nanu tvaṃ kulaputto”ti uttejetvā anuyogavattaṃ kathāpetvā tassa anuyogo gaṇhitabbo. **Bhūrū assāsetabboti** yassa saṅghamajjhaṃ vā gaṇamajjhaṃ vā anosatapubbattā sārājjaṃ uppajjati, tādiso “mā bhāyi, vissaṭṭho kathehi, mayaṃ te upatthambhā bhavissāmā”ti vatvāpi anuyogavattaṃ kathāpetabbo. **Caṇḍo nisedhetabboti** apasādetabbo tajjetabbo. **Asuci vibhāvetabboti** alajjīm pakāsetvā āpattim desāpetabbo. **Ujumaddavenā**ti yo bhikkhu uju sīlavā kāyavankādirahito, so maddaveneva upacaritabbo. **Dhammesu ca puggalesu cāti** ettha yo dhammagaruko hoti, na puggalagaruko, ayameva dhammesu ca puggalesu ca majjhattoti veditabbo.

366. **Suttaṃ saṃsandanatthāyāti**-ādīsu tena ca pana evaṃ sabrahmacārīnaṃ piyamaṇāpagarubhāvanīyena anuvijjakena samudāhaṭṭesu suttādīsu suttaṃ saṃsandanatthāya, āpattānāpattīnaṃ saṃsandanatthanti veditabbaṃ. **Opammaṃ nidassanatthāyāti** opammaṃ atthadassanatthāya. **Attho viññāpanatthāyāti** attho jānāpanatthāya. **Paṭipucchā ṭhapanatthāyāti** pucchā puggalassa ṭhapanatthāya. **Okāsakammaṃ codanatthāyāti** vatthunā vā āpattiyā vā codanatthāya. **Codanā sāraṇatthāyāti** dosādosam sarāpanatthāya. **Sāraṇā savacanīyatthāyāti** dosādosasāraṇā savacanīyakaraṇatthāya. **Savacanīyaṃ palibodhatthāyāti** savacanīyaṃ “imamhā āvāsā paraṃ² mā pakkamī”ti evaṃ palibodhatthāya³. **Palibodho vinicchayatthāyāti** vinicchayaṃ pāpanatthāya⁴. **Vinicchayo santīraṇatthāyāti** dosādosam santīraṇatthāya tulanatthāya. **Santīraṇaṃ ṭhānāṭṭhānagamanatthāyāti** āpatti-anāpattigarukalahukāpattijānanatthāya. **Saṅghosampariggahasampañchanatthāyāti** vinicchayasampañiggahaṇatthāya⁵ ca suvinicchitadubbicchitabhāvajānanatthāya cāti attho. **Paccekaṭṭhāyino avisamvādakaṭṭhāyino**

1. Pahāsetabboti (Sī)

2. Ekapadampi (Syā)

3. Ṭhapanatthāya (Syā)

4. Vinicchayaṭṭhāpanatthāya (Syā)

5. Sampañiggahaṇatthāya (Sī)

issariyādhīpaccajeṭṭhakaṭṭhāne ca avisamvādakaṭṭhāne ca ṭhitā, na te apasādetabbāti attho.

Idāni ye mandā mandabuddhino evaṃ vadeyyuṃ “vinayo nāma kimatthāyā”ti, tesam vacanokāsapidahanatthamattam¹ dassetuṃ **vinayo samvaratthāyāti**-ādimāha. Tattha **vinayo samvaratthāyāti** sakalāpi vinayapaññatti kāyavacīdvārasamvaratthāya. Ājīvavisuddhipariyosānassa sīlassa upanissayo hoti, paccayo hotīti attho. Esa nayo sabbattha. Apicettha **avippaṭṭisāro**ti pāpapuññānam katākatavasena cittavippaṭṭisārābhāvo. **Pāmu**jjanti dubbalā taruṇapīti. **Pī**ṭiti balavā bahalapīti. **Passaddhī**ti kāyaccittadarathapaṭṭipassaddhi. **Sukhanti** kāyikacetāsikasukham. Tam hi duvidhampi samādhissa upanissayapaccayo hoti. **Samādhī**ti cित्tekaggatā. **Yathābhūtañāṇadassananti** taruṇavipassanā, udayabbayaññāṇassetam adhivacanam. Cित्tekaggatā hi taruṇavipassanāya upanissayapaccayo hoti. **Nibbidāti** sikhāpattā vuṭṭhānagāminibalavavipassanā. **Virāgoti** ariyamaggo. **Vimuttī**ti arahattaphalam. Catubbidhopi hi ariyamaggo arahattaphalassa upanissayapaccayo hoti. **Vimuttiñāṇadassananti** paccavekkhaññāṇam. **Vimuttiñāṇadassanam anupādāparinibbānatthāyāti** apaccayaparinibbānatthāya. Apaccayaparinibbānassa hi tam paccayo hoti, tasmim anuppatte avassam parinibbāyitabbatoti. **Etadatthā kathāti** ayam vinayakathā nāma etadatthā. **Mantanāti** vinayamantanā eva. **Upanisāti** ayam “vinayo samvaratthāyā”ti-ādikā paramrapaccayatāpi etadatthāya. **Sotāvadhānanti** imissā paramrapaccayakathāya sotāvadhānam imam katham sutvā yam uppajjati ñāṇam, tampi etadatthāya. **Yadidam anupādā cittassa vimokkhoti** yo ayam catūhi upādānehi anupādīyivā cittassa arahattaphalasaṅkhāto vimokkho, sopi etadatthāya, apaccayaparinibbānatthāya evāti attho.

367. Anuyogavattagāthāsu **paṭhamagāthā** vuttatthā eva.

Vatthum vipattim āpattim, nidānam ākāra-akovidō. Pubbāparam na jānātīti “vatthun”ti-ādīni “na jānātī”ti padena sambandho.

1. ...pidahanattham attham (Syā, Ka)

“akovido”ti padassa “sa ve tādisako”ti iminā sambandho. Tasmā ayamettha yojanā, yo bhikkhu pārājikādīnaṃ vatthuṃ na jānāti, catubbidhaṃ vipattiṃ na jānāti, sattavidhaṃ āpattiṃ na jānāti, idaṃ sikkhāpadaṃ asukasmim¹ nāma nagare paññattanti evaṃ nidānaṃ na jānāti, idaṃ purimavacanaṃ idaṃ pacchimavacanaṃ pubbāparaṃ na jānāti, idaṃ kataṃ idaṃ akatanti katākatam na jānāti. **Samena cāti** teneva pubbāparaṃ ajānanassa samena² aññāṇena, katākatam na jānātīti vuttaṃ hoti. Evaṃ tāva na jānātipadena saddhiṃ sambandho veditabbo. Yaṃ panetaṃ ākāra-akovidoti vuttaṃ, tattha **ākāra-akovidoti** kāraṇākāraṇe akovido. Iti yvāyaṃ vatthu-ādīnipi na jānāti, ākāraṃ ca akovido, sa ve tādisako bhikkhu apaṭikkhoti vuccati.

Kammaṅca adhikaraṇaṅcāti imesampi padānaṃ na jānātīti padeneva sambandho. Ayaṃ panettha yojanā, tatheva iti yvāyaṃ kammaṅca jānāti, adhikaraṇaṅca na jānāti, sattappakāre samathe cāpi akovido, rāgādīhi pana ratto duṭṭho ca mūḷho ca, bhayena bhayā gacchati, sammohena mohā gacchati, rattattā pana duṭṭhattā ca chandā dosā ca gacchati, paraṃ saññāpetuṃ asamatthatāya na ca saññattikusalo, kāraṇākāraṇadassane asamatthatāya nijjhattiyā ca akovido, attano sadisāya parisāya laddhattā laddhapakkho, hiriyā paribāhirattā ahiriko, kāḷakehi kammehi samannāgatattā kaṇhakammo, dhammādariyapuggalādariyānaṃ abhāvato anādaro, sa ve tādisako bhikkhu apaṭikkhoti vuccati, na paṭikkhitabbo na oloketabbo, na sammannitvā issariyādhipaccajeṭṭhakaṭṭhāne ṭhapetabboti attho. Sukkapakkhagāthānampi yojanānayo vuttanayeneva veditabboti.

Cūlasaṅgāmaṇṇanā niṭṭhitā.

1. Amukasmiṃ (Ka)

2. Ajānanasamena (Ka) ajānantassa samena (Syā)

Mahāsaṅgāma

Voharantena jānitabbādivaṇṇanā

368-374. Mahāsaṅgāme **vatthuto vā vatthum saṅkamatīti** paṭhamapārājikavatthu mayā diṭṭhaṃ vā sutam vāti vatvā puna pucchiamāno nighamsiyamāno “na mayā paṭhamapārājikassa vatthu diṭṭhaṃ, na sutam, dutiyapārājikassa vatthu diṭṭhaṃ vā sutam vā”ti vadati. Eteneva nayena sesavatthusaṅkamanam vipattito vipattisaṅkamanam āpattito āpattisaṅkamanaṅca veditabham. Yo pana “neva mayā diṭṭhaṃ na sutam”ti vatvā pacchā “mayāpetam diṭṭhaṃ vā sutam vā”ti vadati, “diṭṭhaṃ vā sutam vā”ti vatvā pacchā “na diṭṭhaṃ vā na sutam vā”ti vadati. Ayam **avajānitvā paṭijānāti, paṭijānitvā avajānāti**ti veditabbā. Eseva **aññenaññam paṭicarati** nāma.

375. **Vaṇṇāvaṇṇoti** nīlādivaṇṇāvaṇṇavasena sukkavissaṭṭhisikkhāpadam vuttam. **Vacanamanuppadānanti**¹ sañcarittam vuttam. Kāyasamsaggādittayam sarūpeneva vuttam. Iti imāni pañca methunadhammassa pubbhāgo pubbapayogoti veditabbāni.

376. **Cattāri apalokanakammānīti** adhammenavaggādīni. Sesesupi eseva nayo. Iti cattāri catukkāni soḷasa honti.

Agati-agantabbavaṇṇanā

379. **Bahujana-ahitāya paṭipanno hotīti** vinayadharena hi evam chandādigatiyā adhikaraṇe vinicchite tasmim vihare saṅgho dvidhā bhijjati, ovādūpajīviniyo bhikkhuniyopi dve bhāgā honti, upāsakāpi upāsikāyopi dārakāpi dārikāyopi tesam ārakkhadevatāpi tatheva dvidhā bhijjanti, tato bhummadevatā ādim katvā yāva Akaniṭṭhabrahmāno dvīdhāva honti. Tena vuttam “bahujana-ahitāya paṭipanno hoti -pa- dukkhāya devamanussānan”ti.

1. Dhanamanappadānanti (Ka)

382. **Visamanissitoti** visamāni kāyakammādāni nissito. **Gahananissitoti** micchādiṭṭhi-antaggāhikadiṭṭhisāṅkhātāṃ gahaṇaṃ nissito. **Balavanissitoti** balavante abhiññāte bhikkhū nissito.

393. **Tassa avajānantoti** tassa vacanaṃ avajānanto. Upayogatthe vā sāmivacanaṃ, taṃ avajānantoti attho.

394. **Yaṃ atthāyāti** yadatthāya. **Taṃ atthanti** so attho. Sesāṃ sabbattha uttānamevāti.

Mahāsaṅgāmaṇṇanā niṭṭhitā.

Kathinabheda

Kathina-atthataḍḍivaṇṇanā

403. Kathine **aṭṭha mātikā**ti Khandhake vuttā pakkamanantikādikā aṭṭha. **Palibodhānisamsāpi** pubbe vuttā eva.

404. **Payogassā**ti cīvaradhovanādino sattavidhassa pubbakaraṇassatthāya yo udakāharaṇādiko payogo kayirati, tassa payogassa. **Katame dhammā anantarapaccayena paccayoti** anāgatavasena anantarā hutvā katame dhammā paccayā hontīti attho. **Samanantarapaccayenā**ti suṭṭhu anantarapaccayena. Anantarapaccayameva āsannataram katvā pucchati. **Nissayapaccayenā**ti uppajjamānassa payogassa nissayam ādhārabhāvaṃ upagatā viya hutvā katame dhammā paccayā hontīti attho. **Upanissayapaccayenā**ti upetena nissayapaccayena, nissayapaccayameva upagatataram katvā pucchati. **Purejātapaccayenā**ti iminā paṭhamam uppannassa paccayabhāvaṃ pucchati. **Pacchājātapaccayenā**ti iminā pacchā uppajjanakassa paccayabhāvaṃ pucchati. **Sahajātapaccayenā**ti iminā apubbam acarimam uppajjamānānam paccayabhāvaṃ pucchati. **Pubbakaraṇassā**ti dhovanādino pubbakaraṇassa. **Paccuddhārassā**ti purāṇasankhāṭi-ādīnam paccuddharaṇassa. **Adhiṭṭhānassā**ti kathinacīvarādhiṭṭhānassa. **Atthārassā**ti kathinatthārassa. **Mātikānañca palibodhānañcā**ti aṭṭhannaṃ mātikānaṃ dvinnāñca palibodhānaṃ. **Vatthussā**ti saṅghāṭi-ādino kathinavatthussa. Sesam vuttanayameva.

Evam yañca labbhati, yañca na labbhati, sabbam pucchitvā idāni yaṃ yassa labbhati, tadeva dassento **pubbakaraṇam payogassā**ti-ādīnā nayena vissajjanamāha. Tassattho—yaṃ vuttam “payogassa katame dhammā”ti-ādi, tattha vuccate, pubbakaraṇam payogassa anantarapaccayena paccayo, samanantaranissaya-upanissayapaccayena paccayo. Payogassa hi sattavidhampi pubbakaraṇam yasmā tena payogena nipphādetabbassa pubbakaraṇassatthāya so payogo kayirati, tasmā imehi catūhi paccayehi paccayo hoti. Purejātapaccaye¹ panesa uddiṭṭhadhammesu ekadhammampi

1. Purejātapaccayo (Ka)

na labhati, aññadatthu pubbakaraṇassa sayam¹ purejātapaccayo hoti, payoge sati pubbakaraṇassa nipphajjanato. Tena vuttaṃ “payogo pubbakaraṇassa purejātapaccayena paccayo”ti. Pacchājātapaccayaṃ pana labhati, tena vuttaṃ “pubbakaraṇaṃ payogassa pacchājātapaccayena paccayo”ti. Pacchā uppajjanakassa hi pubbakaraṇassa atthāya so payogo kayirati. Sahajātapaccayaṃ pana mātikāpalibodhānisamsasaṅkhāte pannarasa dhamme ṭhapetvā añño payogādīsu ekopi dhammo na labhati, te eva hi pannarasa dhammā saha kathinatthārena ekato nipphajjantīti aññamaññaṃ sahajātapaccayā honti. Tena vuttaṃ “pannarasa dhammā sahajātapaccayena paccayo”ti. Etenupāyena sabbapadavissajjanāni veditabbāni.

Pubbakaraṇanidānādivibhāgavaṇṇanā

405. **Pubbakaraṇaṃ kim nidānanti-ādipucchāvissajjanaṃ uttānameva.**

406-7. Payogo kim nimnidānoti-ādīsu pucchādvayavissajjanesu **hetunidāno paccayanidānoti** ettha cha cīvarānī hetu ceva paccayo cāti veditabbāni. Pubbapayogādīnaṃ hi sabbesaṃ tāniyeva hetu tāni paccayo. Na hi chabbidhe cīvare asati payogo atthi, na pubbakaraṇādīni, tasmā “payogo hetunidāno”ti-ādi vuttaṃ.

408. Saṅgahavāre **vacībhedenāti** “imāya saṅghāṭiyā, iminā uttarāsaṅgena, iminā antaravāsakena kathinaṃ attharāmī”ti etena vacībhedena. Katimūlādipucchāvissajjane **kiriya majjheti** paccuddhāro ceva adhiṭṭhānaṃca.

411. **Vatthuvipannaṃ hotīti** akappiyadussaṃ hoti. **Kālavipannaṃ** nāma ajja dāyakehi dinnam sve saṅgho kathinatthārakassa deti. **Karaṇavipannaṃ** nāma tadaheva chinditvā akataṃ.

1. Ayam (Ka)

Kathinādi jānita bba vibhāgavaṇṇanā

412. Kathinaṃ jānita bbaṅṅanti-ādipucchāya vissajjane **tesaññeva dhammānanti** yesu rūpādidhammesu sati kathinaṃ nāma hoti, tesāṃ samodhānaṃ missibhāvo. **Nāmaṃ nāmakammanti**-ādinaṃ pana ‘kathinaṃ’ti idaṃ bahūsu dhammesu nāma mattaṃ, na paramatthato eko dhammo atthīti dasseti.

Catuvīsatiyā ākārehi “na ullikhitamattenā”ti-ādīhi pubbe vuttakāraṇehi. **Sattarasahi ākārehi** “ahatena atthataṃ hoti kathinaṃ”ti-ādīhi pubbe vuttakāraṇehi. Nimittakammādīsu yaṃ vatta bbaṃ, sabbaṃ Kathinakkhandhakavaṇṇanāyaṃ vuttaṃ.

416. **Ekuppādā ekanirodhā**ti uppajjamānāpi ekato uppajjanti, nirujjhamānāpi ekato nirujjhanti. **Ekuppādā nānānirodhā**ti uppajjamānā ekato uppajjanti, nirujjhamānā nānā nirujjhanti. Kiṃ vuttaṃ hoti, sabbe pi atthārena saddhiṃ ekato uppajjanti, atthāre hi sati uddhāro nāma. Nirujjhamānā panettha purimā dve atthārena saddhiṃ ekato nirujjhanti, uddhārabhāvaṃ pāpuṇanti. Atthārassa hi nirodhā etesaṅca uddhārabhāvo ekakkaṇṇe hoti, itare nānā nirujjhanti. Tesu uddhārabhāvaṃ pattesupi atthāro tiṭṭhatiyeva. Sesaṃ sabbattha uttānamevāti.

Samantapāsādikāya Vinaya saṃvaṇṇanāya

Kathinabhedavaṇṇanā niṭṭhitā.

Paññattivaggavaṇṇanā niṭṭhitā.

Upālīpañcaka

Anissitavaggavaṇṇanā

417. Upālīpañhesu **katihī nu kho bhanteti** pucchāya ayaṃ sambandho. Thero kira rahogato sabbāni imāni pañcakāni āvajjetvā “Bhagavantam dāni pucchitvā imesaṃ nissāya vasanakādīnaṃ atthāya tantim thapessāmi”ti Bhagavantam upasaṅkamtivā “katihī nu kho bhante”ti-ādīnā nayena pañhe pucchi. Tesam vissajjane **uposatham na jānātīti** navavidham uposatham na jānāti. **Uposathakammaṃ na jānātīti** adhammenavaggādibhedam catubbidham uposathakammaṃ na jānāti. **Pātimokkham na jānātīti** dve mātikā na jānāti. **Pātimokkhuddesaṃ na jānātīti** bhikkhūnaṃ pañcavidham bhikkhunīnaṃ catubbidhanti navavidham pātimokkhuddesaṃ na jānāti.

Pavāraṇam na jānātīti navavidham pavāraṇam na jānāti. **Pavāraṇākammaṃ na jānātīti** adhammenavaggādibhedam catubbidham pavāraṇākammaṃ na jānāti.

Āpattānāpattim na jānātīti tasmim tasmim sikkhāpade niddiṭṭham āpattiṅca anāpattiṅca na jānāti.

Āpanno kammakatoti āpattim āpanno, tappaccayāva saṅghena kammaṃ kataṃ hoti.

Nappaṭippassambhanavaggavaṇṇanā

420. **Kammaṃ nappaṭippassambhetabbanti** ayaṃ yasmā anulomavatte na vattati, tasmā nāssa kammaṃ paṭippassambhetabham, sarajjukova vissajjetabboti attho.

421. **Sace Upālī saṅgho samaggakaraṇīyāni kammāni karotīti** sace samaggehi karaṇīyāni uposathādīni kammāni karoti. Uposathapavāraṇādīsu hi thitāsu upatthambho na dātabbo. Sace hi saṅgho accayaṃ desāpetvā saṅghasāmaggim karoti, tiṇavatthārakasamatham vā katvā uposathapavāraṇam karoti, evarūpaṃ samaggakaraṇīyam nāma kammaṃ hoti. **Tatra ceti** sace tādise kamme bhikkhuno nakkhamati,

diṭṭhāvikkammampi katvā tathārūpā sāmaggī upetabbā, evaṃ vilomaggāho na gaṇhitabbo. Yatra pana uddhammaṃ ubbinayaṃ Satthu sāsanaṃ dīpenti, tattha diṭṭhāvikkammaṃ na vaṭṭati, paṭibāhitvā pakkamitabbari.

Ussitamantī cāti¹ lobhadosaṃmohamānussannaṃ vācaṃ bhāsitaṃ kaṇhavāco anattakadīpano. **Nissitajappīti** attano dhammatāya ussadayuttaṃ bhāsituṃ na sakkoti, atha kho “mayā saddhiṃ rājā evaṃ kathesi, asukamahāmatto evaṃ kathesi, asuko nāma mayhaṃ ācariyo vā upajjhāyo vā teṭṭhako mayā saddhiṃ evaṃ kathesi”ti evaṃ aññaṃ nissāya jappati. **Na ca bhāsānusandhikusaloti** kathānusandhivacane ca vinicchayānusandhivacane ca akusalo hoti. **Na yathādhamme yathāvinayeti** na bhūtena vatthunā āpattiṃ sāretvā codetā hoti.

Ussādetā hotīti “amhākaṃ ācariyo mahāteṭṭhako paramadhammakathiko”ti-ādinā nayena ekaccaṃ ussādeti. Dutiyapade “āpattiṃ kim so na jānātī”ti-ādinā ekaccaṃ apasādeti. **Adhammaṃ gaṇhātīti** aniyyānikapakkhaṃ gaṇhāti. **Dhammaṃ paṭibāhatīti** niyyānikapakkhaṃ paṭibāhati. **Samphañca bahum bhāsātīti** bahum niratthakakathaṃ katheti.

Pasayha pavattā hotīti anajjhīṭṭho bhāre anāropite kevalaṃ mānaṃ nissāya ajjhottharivā anadhikāre kathetā hoti. **Anokāsakammaṃ kāretvāti** okāsakammaṃ akaretvā pavattā hoti. **Na yathādiṭṭhiyā byākatā hotīti** yassa attano diṭṭhi, taṃ purakkhatvā na byākatā, laddhiṃ nikkhipivā ayathābhuccaṃ adhammādisu dhammādiladdhiko hutvā kathetā hotīti attho.

Vohāravaggavaṇṇanā

424. **Āpattiyā payogaṃ na jānātīti** ayaṃ āpatti kāyappayogā, ayaṃ vacīpayogāti na jānāti. **Āpattiyā vūpasamaṃ na jānātīti** ayaṃ āpatti desanāya vūpasamati, ayaṃ vuṭṭhānena, ayaṃ neva desanāya, na vuṭṭhānenāti na jānāti. **Āpattiyā na**

1. Ussitamantī cāhi ussādamantī (Sī) ussitamantī cāti ussadamantī (Syā)

vinicchayakusalo hotīti imasmiṃ vatthusmiṃ ayaṃ āpattīti na jānāti, dosānurūpaṃ āpattim uddharitvā patiṭṭhāpetum na sakkoti.

Adhikaraṇasamuṭṭhānaṃ na jānātīti “idaṃ adhikaraṇaṃ aṭṭhārasa bhedakaravatthūni nissāya samuṭṭhātī, idaṃ catasso vipattiyo, idaṃ pañca vā satta vā āpattikkhandhe, idaṃ cattāri saṃghakiccāni nissāya samuṭṭhātī”ti na jānāti. **Payogaṃ na jānātīti** “idaṃ adhikaraṇaṃ dvādasamūlappayogaṃ, idaṃ cuddasamūlappayogaṃ, idaṃ chamūlapayogaṃ, idaṃ ekamūlapayogaṃ”ti na jānāti. Adhikaraṇānaṃ hi yathāsakaṃmūlameva payogā nāma hontī, taṃ sabbampi na jānātīti attho. **Vūpasamaṃ na jānātīti** “idaṃ adhikaraṇaṃ dvīhi samathehi vūpasamati, idaṃ tīhi, idaṃ catūhi, idaṃ ekena samathena vūpasamati”ti na jānāti. **Na vinicchayakusalo hotīti** adhikaraṇaṃ vinicchānitvā samathaṃ pāpetum na jānāti.

Kammaṃ na jānātīti tajjanīyāti sattavidhaṃ kammaṃ na jānāti. **Kammaṃ karaṇaṃ na jānātīti** “idaṃ kammaṃ iminā nīhārena kātabban”ti na jānāti. **Kammaṃ vatthum na jānātīti** “idaṃ tajjanīyassa vatthu, idaṃ niyassadānaṃ”ti na jānāti. **Vattanti** sattasu kammesu heṭṭhā catunnaṃ kammānaṃ aṭṭhārasavidhaṃ tividdhassa ca ukkhepanīyakammaṃ tecattālisavidhaṃ vattaṃ na jānāti. **Kammaṃ vūpasamaṃ na jānātīti** “yo bhikkhu vatte vattitvā yāceti, tassa kammaṃ paṭippassambhetabbaṃ, accayo desāpetabbo”ti na jānāti.

Vatthum na jānātīti sattannaṃ āpattikkhandhānaṃ vatthum na jānāti. **Nidānaṃ na jānātīti** idaṃ sikkhāpadaṃ “imasmiṃ nagare paññattaṃ, idaṃ imasmin”ti na jānāti. **Paññattim na jānātīti** paññatti-anupaññatti-anuppannapaññattivasena tividdhaṃ paññattim na jānāti. **Padapaccābhāṭṭhaṃ na jānātīti** sammukhā kātabbaṃ padaṃ na jānāti. “Buddho Bhagavā”ti vattabbe “Bhagavā Buddho”ti heṭṭhupariyaṃ katvā padaṃ yojeti.

Akusalo ca hoti vinayeti Vinayapāḷiyaṃca Aṭṭhakathāyaṃca akusalo hoti.

Ñattim na jānātīti saṅkhepato hi duvidhā ñatti “esā ñatti”ti evaṃ niddiṭṭhā ca aniddiṭṭhā ca. Tattha yā evaṃ aniddiṭṭhā, sā kammañatti nāma hoti. Yā niddiṭṭhā, sā kammaṃpādañatti nāma. Taṃ sabbena sabbaṃ ñattim na jānāti.

ñattiyā karaṇaṃ na jānātīti navasu ṭhānesu kammañattiyā karaṇaṃ na jānāti, dvīsu ṭhānesu kammaṇādañattiyā. **Ñattiyā anussāvananti** imissā ñattiyā ekā anussāvanā, imissā tissoti na jānāti. **Ñattiyā samathaṃ na jānātī**ti yvāyaṃ sativinayo amūḷhavinayo tassapāpiyasikā tiṇavatthārakoti catubbidho samatho ñattiyā vinā na hoti, taṃ ñattiyā samatho na jānāti. **Ñattiyā vūpasamaṃ na jānātī**ti yaṃ adhikaraṇaṃ iminā catubbidhena ñattisamathena vūpasamati, tassa taṃ vūpasamaṃ ayaṃ ñattiyā vūpasamo katoti na jānāti.

Suttanaṃ na jānātīti Ubhatovibhaṅgaṃ na jānāti. **Suttānulomaṃ na jānātī**ti cattāro mahāpadese na jānāti. **Vinayaṃ na jānātī**ti Khandhakaparivāraṃ na jānāti. **Vinayānulomaṃ na jānātī**ti cattāro mahāpadeseveva na jānāti. **Na ca ṭhānāṭhānakusaloti** kāraṇākāraṇakusalo na hoti.

Dhammaṃ na jānātīti ṭhapetvā Vinayapiṭakaṃ avasesaṃ piṭakadvayaṃ na jānāti. **Dhammānulomaṃ na jānātī**ti suttantike cattāro mahāpadese na jānāti. **Vinayaṃ na jānātī**ti Khandhakaparivārameva na jānāti. **Vinayānulomaṃ na jānātī**ti cattāro mahāpadese na jānāti. Ubhatovibhaṅgā panettha asaṅgahitā honti, tasmāyaṃ Kurundiyaṃ vuttaṃ “vinayanti sakalaṃ Vinayapiṭakaṃ na jānātī”ti, taṃ na gahetabbaṃ. **Na ca pubbāparakusalo hotī**ti purekathāya ca pacchākathāya ca akusalo hoti. Sesāṃ sabbattha vuttapaṭipakkhavasena ñeyyattā pubbe pakāsitattā ca uttānamevāti.

Anissitavaggaṇappaṭippassambhanavaggavohāravaggavaṇṇanā niṭṭhitā.

Diṭṭhāvikkammavaggavaṇṇanā

425. Diṭṭhāvikkammavagge **diṭṭhāvikkammā**ti diṭṭhīnaṃ āvikammāni laddhippakāsanāni¹, āpattidesanāsaṅkhātānaṃ vinayakammānametaṃ adhvacaṇaṃ. **Anāpattiyā diṭṭhīm āvi karotī**ti anāpattiveva āpattīti desetīti

1. Laddhipakāsanānaṃ (Ka)

attho. **Adesanāgāminiyāti** garukāpattiyā diṭṭhiṃ āvikaroti, saṃghādisesañca pārājikañca desetīti attho. **Desitāyāti** lahukāpattiyāpi desitāya diṭṭhiṃ āvikaroti, desitaṃ puna desetīti attho.

Catūhi pañcahi diṭṭhinti yathā catūhi pañcahi diṭṭhi āvikatā hoti, evaṃ āvikaroti, cattāro pañca janā ekato āpattim desetīti attho. **Mano mānasenāti** manasaṅkhātena mānasena diṭṭhiṃ āvikaroti, vacībhedam akatvā citteneva āpattim desetīti attho.

Nānāsaṃvāsakassāti laddhinānāsaṃvāsakassa vā kammanānāsaṃvāsakassa vā santike diṭṭhiṃ āvikaroti, āpattim desetīti attho. **Nānāsīmāyāti** samānasaṃvāsakassāpi nānāsīmāya ṭhitassa santike āvikaroti. Mālakasīmāya hi ṭhitena simantarikāya ṭhitassa, sīmantarikāya vā ṭhitena avippavāsasīmāya ṭhitassāpi āpattim desetum na vaṭṭati. **Apakatattassāti** ukkhittakassa vā, yassa vā uposathapavāraṇā ṭhapitā honti, tassa santike desetīti attho.

430. **Nālaṃ okāsakammaṃ kātunti** na pariyattaṃ kātum, na kātabbanti attho. Idhāpi apakatatto ukkhittako ca ṭhapita-uposathapavāraṇo ca. **Cāvanādhippāyoti** sāsanato cāvetukāmo.

432. **Mandattā momūhattāti** mandabhāvena momūhabhāvena vissajjitampi jānituṃ asamattho, kevalam attano momūhabhāvaṃ pakāsentoyeva pucchati ummattako viya. **Pāpicchoti** “evaṃ maṃ jano sambhāvessatī”ti pāpikāya icchāya pucchati. **Paribhavāti** paribhavaṃ āropetukāmo hutvā pucchati. Aññabyākaraṇesupi eseva nayo. Sesam sabbattha uttānamevāti. Attādānavagge ca dhutaṅgavagge ca yaṃ vattabbaṃ siyā, taṃ sabbaṃ heṭṭhā vuttameva.

Diṭṭhāvikkammavaggavaṇṇanā niṭṭhitā.

Musāvādvaggavaṇṇanā

444. Musāvādvagge pārājikaṃ gacchatīti **pārājikagāmī**, pārājikāpattibhāvaṃ pāpuṇātīti attho. Itaresupi eseva nayo. Tattha asanta-uttarimanussadhammārocānamusāvādo pārājikagāmī, amūlakena pārājikena anuddhaṃsanāmusāvādo saṅghādisesagāmī, “yo te vihāre vasatī”ti-ādinā pariyaṃyena jānantassa vuttamusāvādo thullaccayagāmī, ajānantassa dukkaṭṭagāmī, “sāmpajānamusāvāde pācittiyān”ti āgato pācittiyagāmīti veditabbo.

Adassanēnāti vinayadharassa adassanena. Kappiyākappiyesu hi kukkucce uppanne vinayadharaṃ disvā kappiyākappiyabhāvaṃ paṭipucchitvā akappiyaṃ pahāya kappiyaṃ kareyya, taṃ apassanto pana akappiyampi kappiyanti karonto āpajjati. Evaṃ āpajjitabbaṃ āpattim vinayadharassa dassanena nāpajjati, adassanēna āpajjati. Tena vuttaṃ “adassanēnā”ti. **Assavanēnāti** ekavihārepi vasanto pana vinayadharassa upaṭṭhānaṃ gantvā kappiyākappiyaṃ apucchitvā¹ vā aññesaṃ vā vuccamānaṃ asuṇanto āpajjatiyeva. Tena vuttaṃ “assavanēnā”ti. **Pasuttakatāti** pasuttakatāya. Sahagārāseyyaṃ hi pasuttakabhāvenāpi āpajjati. Akappiye kappiyasaññitāya āpajjanto pana **tathāsaññī** āpajjati. **Satisammosā** ekarattātikkaṃādivasena āpajjitabbaṃ āpajjati. Sesāṃ sabbattha uttānamevāti.

Musāvādvaggavaṇṇanā niṭṭhitā.

Bhikkhunovādvaggavaṇṇanā

450. Bhikkhunivagge **alābhāyāti** catunnaṃ paccayānaṃ alābhatthāya, yathā paccaye na labhati, tathā parisakkati vāyamatīti attho. **Anatthāyāti** anattaṃ kalisāsaṇaṃ āropento parisakkati. **Avāsāyāti** avāsathāya, yasmiṃ gāmakhetta vasanti, tato nīharaṇatthāya. **Sampayojetīti** asaddhammapaṭisevanatthāya sampayojetī.

1. Pucchitvā (Sī)

451. “Katihi nu kho bhante aṅgehi samannāgatāya bhikkhuniyā kammaṃ kātabban”ti sattannaṃ kammānaṃ aññataraṃ sandhāya pucchati.

454. **Na sākacchātabboti** kappiyākappiyanāmarūpaparicchedasamatha-vipassanādibhedo kathāmaggo na kathetabbo. Yasmā pana khīṇāsavo bhikkhu na visamvādeti, tathārūpassa kathāmaggassa sāmī hutvā katheti, na itaro, tasmā paṭhamapañcake na asekkhenāti paṭikkhipitvā dutiyapañcake asekkhenāti-ādi vuttaṃ.

Na atthapaṭisambhidāpattoti Aṭṭhakathāya paṭisambhidāpatto pabhedagatañāpattro na hoti. **Na dhammapaṭisambhidāpattoti** Pāḷidhamme paṭisambhidāpatto na hoti. **Na niruttipaṭisambhidāpattoti** vohāraniruttiyaṃ paṭisambhidāpatto na hoti. **Na paṭibhānapaṭisambhidāpattoti** yāni tāni paṭibhānasankhātāni atthapaṭisambhidādāni ñāṇāni, tesu paṭisambhidāpatto na hoti. **Yathāvimuttaṃ cittaṃ na paccavekkhitāti** catunnaṃ phalavimuttīnaṃ vasena yathāvimuttaṃ cittaṃ ekūnavīsatisabhedāya paccavekkhāṇāya na paccavekkhitā hoti. Sesaṃ sabbattha uttānamevāti.

Bhikkhunovādavaggavaṇṇanā niṭṭhitā.

Ubbāhikavaggavaṇṇanā

455. Ubbāhikavagge **na atthakusaloti** na Aṭṭhakathākusalō. Atthuddhāre cheko na hoti. **Na dhammakusaloti** ācariyamukhato anuggahitattā Pāḷiyaṃ na kusalo, na Pāḷisūro. **Na niruttikusaloti** bhāsantaravohāre na kusalo. **Na byañjanakusaloti** sithiladhaniṭṭhādivasena parimaṇḍalabyañjanāropane kusalo na hoti, na akkharaparicchede nipuṇoti attho. **Na pubbāparakusaloti** atthapubbāparedhammapubbāpare niruttipubbāpare byañjanapubbāpare purekathāpacchākathāsu ca na kusalo hoti.

Kodhanoti-ādāni yasmā kodhādāni abhibhūto kāraṇākāraṇaṃ na jānāti, vinicchitūṃ na sakkoti, tasmā vuttāni. **Pasāretā**

hoti no sāretāti mohetā hoti na sati-uppādetā, codakacuditakānaṃ kathaṃ moheti pidahati na sāretīti attho. Sesamettha ubbāhikavagge uttānamevāti.

Ubbāhikavaggavaṇṇanā niṭṭhitā.

Adhikaraṇavūpasamavaggavaṇṇanā

457. Adhikaraṇavūpasamavagge **puggalagaru hotī**ti “ayaṃ me upajjhāyo, ayaṃ me ācariyo”ti-ādīni cintetvā tassa jayaṃ ākaṅkhamāno adhammaṃ dhammoti dīpeti. **Saṅghagaru hotī**ti dhammañca vinayañca amuñcivā vinicchinto saṅghagaruko nāma hoti. Cīvarādīni gahetvā, vinicchinto **āmisagaruko** nāma hoti, tāni aggahetvā yathādhammaṃ vinicchinto **saddhammagaruko** nāma hoti.

458. **Pañcahupāli ākārehī**ti pañcahi kāraṇehi saṅgho bhijjati. **Kammena uddesena voharanto anussāvanena salākaggāhenā**ti ettha **kammenā**ti apalokaṇādīsu catūsu kammesu aññatarena kammena. **Uddesenā**ti pañcasu pātīmokkhuddesesu aññatarena uddesena. **Voharantoti** kathayanto, tāhi tāhi upapattīti adhammaṃ dhammoti-ādīni aṭṭhārasa bhedakaravatthūni dīpento. **Anussāvanenā**ti “nanu tumhe jānātha mayhaṃ uccākulā pabbajitabhāvaṃ bahussutabhāvañca, mādiso nāma uddhammaṃ ubbinayaṃ Satthu sāsanaṃ gāheyyāti cittampi uppādetuṃ tumhākaṃ yuttaṃ, kiṃ mayhaṃ avīci nīluppalavanamiva sītaḷo, kimahaṃ apāyato na bhāyāmi”ti-ādīnā nayena kaṇṇamūle vacībhedaṃ katvā anussāvanena. **Salākaggāhenā**ti evaṃ anussāvetvā tesāṃ cittaṃ upatthambhetvā anivattidhamme katvā “gaṇhatha imaṃ salākaṇ”ti salākaggāhena.

Ettha ca kammameva uddeso vā pamāṇaṃ, vohārānussāvanasalākaggāhā pana pubbabhāgā. Aṭṭhārasavatthudīpanavasena hi voharante tattha

rucijananattham anussāvetvā salākāya gāhitāyapi abhinnova hoti saṅgho. Yathā pana evaṃ cattāro vā atireke vā salākāṃ gāhetvā āveṇikāṃ kammaṃ vā uddesaṃ vā karoti, tadā saṅgho bhinno nāma hoti. Iti yaṃ **Samghabhedakakkhandhakavaṇṇanāyaṃ** avocumhā “evaṃ aṭṭhārasasu vatthūsu yaṃkiñci ekampi vatthum dīpetvā tena tena kāraṇena ‘imaṃ gaṇhatha, imaṃ rocethā’ti saññāpetvā salākāṃ gāhetvā visum saṅghakamme kate saṅgho bhinno hoti. Parivāre pana ‘pañcahi Upāli ākārehi saṅgho bhijjati’ti-ādi vuttam, tassa iminā idha vuttena saṅghabhedalakkhaṇena atthato nānākaraṇam natthi. Tam panassa nānākaraṇābhāvaṃ tattheva pakāsayissāmā”ti, svāyaṃ pakāsito hoti.

Paññatteti paññattam etaṃ, kva paññattam? Vattakkhandhake. Tatra hi cuddasa khandhakavattāni paññattāni. Tenāha “paññattetaṃ Upāli mayā āgantukānaṃ bhikkhūnaṃ āgantukavattan”ti-ādi. **Evampi kho Upāli saṅgharāji hoti no ca saṅghabhedoti** ettāvata hi saṅgharājimattameva hoti, na tāva saṅghabhedo. Anupubbena pana ayaṃ saṅgharāji vaḍḍhamānā saṅghabhedāya saṃvattatīti attho. **Yathārattanti** rattiparimāṇānurūpaṃ, yathātheranti attho. **Āvenibhāvaṃ karitvāti** visum vavatthānaṃ karitvā. **Kammākammāni karontīti** aparāparaṃ saṅghakammaṃ upādāya khuddakāni ceva mahantāni ca kammāni karontī. Sesametthāpi adhikaraṇavūpasamavagge uttānameva.

Saṅghabhedakavaggadvayaṇṇanā

459. Saṅghabhedavaggadvaye **vinidhāya diṭṭhiṃ kammaṃ**ti tesu adhammādisu adhammādayo eteti evaṃdiṭṭhikova hutvā taṃ diṭṭhiṃ vinidhāya te dhammādivasena dīpetvā visum kammaṃ karoti. Iti yaṃ vinidhāya diṭṭhiṃ kammaṃ karoti, tena evaṃ katena vinidhāya diṭṭhiṃ kammaṃ saddhiṃ pañcaṅgāni honti, “imehi kho Upāli pañcahaṅgehi”ti ayamekasmim pañcake atthayojanā. Etena nayena sabbapañcakāni veditabbāni. Etthāpi ca vohārādī aṅgattayaṃ pubbhāgavaseneva vuttam, kammuddesavasena pana atekicchatā veditabbā. Sesam sabbattha uttānameva. Na hettha kiñci atthi, yaṃ pubbe avuttanayaṃ.

Āvāsikavaggavaṇṇanā

461. Āvāsikavagge **yathābhatam nikkhittoti** yathā āharitvā ṭhapito.

462. **Vinayabyākaraṇāti** vinayapañhe vissajjanā. **Pariṇāmetīti** niyāmeti dīpeti katheti. Sesamettha uttānameva.

Kathinatthāravaggavaṇṇanā

467. Kathinatthāravagge **otamasikoti** andhakāragato. Tam hi vandantassa mañcapādīsupi nalātaṃ paṭihaññeyya. **Asamannāharantoti** kiccayapasutattā vandanam asamannāharanto. **Suttoti** niddam okkanto. **Ekāvattoti** ekato āvatto sapattapakke ṭhito verī visabhāgapuggalo vuccati, ayam avandiyō. Ayam hi vandiyamāno pādenapi pahareyya. **Aññavīhitoti** aññam cintayamāno.

Khādantoti piṭṭhakhajjakādīni khādanto. **Uccāraṇca passāvaṇca karonto** anokāsagattā avandiyō. **Ukkhittakoti** tividhenapi ukkhepanīyakammena ukkhittako avandiyō, tajjanīyādikammakatā pana cattāro vanditabbā, uposathapavāraṇāpi tehi saddhim labbhanti. Ādīto paṭṭhāya ca vuttasu avandiyesu naggaṇca ukkhittakaṇca vandantasseva āpatti, itaresam pana asārappaṭṭhena ca antarā vuttakāraṇena ca vandanā paṭikkhittā, ito param **pacchā-upasampannādayo** dasapi āpattivatthubhāveneva avandiyā. Te vandantassa hi niyameneva āpatti. Iti imesu pañcasu pañcakesu terasa jane vandantassa anāpatti, dvādasannaṃ vandanāya āpatti.

468. **Ācariyo vandiyoti** pabbajjācariyo upasampadācariyo nissayācariyo uddesācariyo ovādācariyoti ayam pañcavidhopi ācariyo vandiyō. Sesam sabbattha uttānamevāti.

Kathinatthāravaggavaṇṇanā niṭṭhitā.

Niṭṭhitā ca Upālīpañcakavaṇṇanā.

Āpattisamuṭṭhānaṅgaṇā

470. **Acittako āpajjati**ti-ādīsu saḥaseyyādīpaṇṇattivajjaṃ asaṅcicca āpajjanto acittako āpajjati, desento sacittako vuṭṭhāti. Yaṃkiñci saṅcicca āpajjanto sacittako āpajjati, tiṇavatthāraṅkena vuṭṭhahanto acittako vuṭṭhāti. Pubbe vuttameva tiṇavatthāraṅkena vuṭṭhahanto acittako āpajjati, acittako vuṭṭhāti. Itaraṃ desento sacittako āpajjati, sacittako vuṭṭhāti. “Dhammadānaṃ karomī”ti padasodhammādīni karonto kusalacitto āpajjati, “Buddhānaṃ anusāsanaṃ karomī”ti udaggacitto desento kusalacitto vuṭṭhāti. Domanassiko hutvā desento akusalacitto vuṭṭhāti, tiṇavatthāraṅkena niddāgatova vuṭṭhahanto abyākatacitto vuṭṭhāti. Bhimsāpanādīni katvā “Buddhānaṃ sāsanaṃ karomī”ti somanassiko desento akusalacitto āpajjati, kusalacitto vuṭṭhāti. Domanassikova desento akusalacitto vuṭṭhāti, vuttanayeneva tiṇavatthāraṅkena vuṭṭhahanto abyākatacitto vuṭṭhāti. Niddokkantasamaye saḥagāraseyyaṃ āpajjanto abyākatacitto āpajjati, vuttanayeneva panettha kusalacitto vuṭṭhātīti-ādi veditabbaṃ.

Paṭhamaṃ pārājikaṃ katihi samuṭṭhānehīti-ādi pubbe vuttanayattā uttānameva.

473. **Cattāro pārājikā katihi samuṭṭhānehīti**-ādīsu ukkaṭṭhaparicchato yaṃ yaṃ samuṭṭhānaṃ yassa yassa labbhati, taṃ sabbaṃ vuttameva hoti.

Āpattisamuṭṭhānaṅgaṇā niṭṭhitā.

Aparadutiyagāthāsāṅgaṇika

(1) Kāyikādi-āpattivāṇṇanā

474. “Kati āpattiyo kāyikā”ti-ādigāthānaṃ vissajjane **cha āpattiyo kāyikā**ti antarapeyyāle catutthena āpattisamuṭṭhānena cha āpattiyo āpajjati “bhikkhu methunaṃ dhammaṃ paṭisevati āpatti pārājikassā”ti-ādinā nayena vuttāpattiyo. Kāyadvāre samuṭṭhitattā hi etā kāyikāti vuccanti. **Cha vācasikā**ti tasmimyeva antarapeyyāle pañcamena āpattisamuṭṭhānena cha āpattiyo āpajjati “bhikkhu pāpiccho icchāpakato”ti-ādinā nayena vuttāpattiyo. **Chādentassa** tissoti vajjapaṭicchādikāya bhikkhuniyā pārājikāṃ, bhikkhussa saṃghādisesapaṭicchādane pācittiyāṃ, attano duṭṭhullāpattipaṭicchādane dukkaṭaṃ. **Pañca saṃsaggapaccayā**ti bhikkhuniyā kāyasāmsagge pārājikāṃ, bhikkhuno saṃghādiseso, kāyena kāyapaṭibaddhe thullaccayaṃ, nissaggiyena kāyapaṭibaddhe dukkaṭaṃ, aṅgulipatodake pācittiyanti imā kāyasāmsaggapaccayā pañcāpattiyo.

Aruṇugge tissoti ekarattachārattasattāhadasāhamāsātikkamavasena nissaggiyāṃ pācittiyāṃ, bhikkhuniyā rattivippavāse saṃghādiseso, paṭhamampi yāmaṃ chādeti, dutiyampi. Tatiyampi yāmaṃ chādeti, uddhaste¹ aruṇe channā hoti āpatti, yo chādeti, so dukkaṭaṃ desāpetabboti imā aruṇugge tisso āpattiyo āpajjati. **Dve yāvataṭiyakā**ti ekādasa yāvataṭiyakā nāma, paññattivasena pana dve honti bhikkhūnaṃ yāvataṭiyakā, bhikkhunīnaṃ yāvataṭiyakāti. **Ekettha aṭṭhavatthukā**ti bhikkhunīnaṃyeva ekā ettha imasmim sāsane aṭṭhavatthukā nāma. **Ekena sabbasaṅgahoti** “yassa siyā āpatti, so āvikareyyā”ti iminā ekena nidānuddesena sabbasikkhāpadānaṃ sabbapātimokkhuddesānaṃ saṅgaho hoti.

Vinayassa dve mūlānīti kāyo ceva vācā ca. **Garukā dve vuttā**ti pārājikasaṃghādisesā. **Dve duṭṭhullacchādanā**ti vajjapaṭicchādikāya

1. Uddhate (Ka)

pārājikaṃ, saṃghādisesaṃ paṭicchādakassa pācittiyanti imā dve duṭṭhullacchādanāpattiyo nāma.

Gāmantare catassoti bhikkhu bhikkhuniyā saddhiṃ saṃvidahati, dukkaṭaṃ. Aññassa gāmassa upacāraṃ okkamati, pācittiyaṃ, bhikkhuniyā gāmantaraṃ gacchantiyā parikkhitte gāme paṭhamapāde thullaccayaṃ, dutiyapāde saṃghādiseso, aparikkhittassa paṭhamapāde upacārokkamane thullaccayaṃ, dutiyapāde saṃghādisesoti imā gāmantare dukkaṭapācittiyathullaccayasamghādisesavasena catasso āpattiyo. **Catasso nadipārapaccayāti** bhikkhu bhikkhuniyā saddhiṃ saṃvidahati, dukkaṭaṃ, nāvaṃ abhiruhati, pācittiyaṃ, bhikkhuniyā nadipāraṃ gacchantiyā uttaraṇakāle paṭhamapāde thullaccayaṃ, dutiyapāde saṃghādisesoti imā catasso. **Ekamaṃse thullaccayanti** manussamaṃse. **Navamaṃsesu dukkaṭanti** sesa-akappiyamaṃsesu.

Dve vācasikā rattinti bhikkhunī rattandhakāre appadīpe purisena saddhiṃ hatthapāse ṭhitā sallapati, pācittiyaṃ, hatthapāsaṃ vijahitvā ṭhitā sallapati, dukkaṭaṃ. **Dve vācasikā divāti** bhikkhunī divā paṭicchanne okāse purisena saddhiṃ hatthapāse ṭhitā sallapati, pācittiyaṃ, hatthapāsaṃ vijahitvā sallapati, dukkaṭaṃ. **Dadamānassa tissoti** maraṇādhippāyo manussassa viṣaṃ deti, so ce tena marati, pārājikaṃ, yakkhapetānaṃ deti, te ce maranti, thullaccayaṃ, tiracchānagatassa deti, so ce marati, pācittiyaṃ, aññātikāya bhikkhuniyā cīvaradāne pācittiyanti evaṃ dadamānassa tisso āpattiyo. **Cattāro ca paṭiggaheti** hatthaggaḥaveṇiggāhesu saṃghādiseso, mukhena aṅgajāttaggaḥaṇe pārājikaṃ, aññātikāya bhikkhuniyā cīvarapaṭiggahāṇe nissaggiyaṃ pācittiyaṃ, avassutāya avassutassa hatthato khādanīyabhojanīyaṃ paṭiggaṇhantiyā thullaccayaṃ, evaṃ paṭiggahe cattāro āpattikkhandhā honti.

(2) Desanā gāminiyādivaṇṇanā

475. **Pañca desanāgāminiyoti** lahukā pañca. **Cha sappatīkammāti** pārājikaṃ ṭhapetvā avasesā. **Ekettha appatīkammāti** ekā pārājikāpatti.

Vinayagarukā dve vuttāti pārājikañceva saṃghādisesañca. **Kāyavācasikāni cāti** sabbāneva sikkhāpadāni kāyavācasikāni, manodvāre

paññattaṃ ekasikkhāpadampi natthi. **Eko vikāle dhaññarasoti** loṇasovīrakam. Ayameva hi eko dhaññaraso vikāle vaṭṭati. **Ekā ñatticatutthena sammutīti** bhikkhunovādakasammuti. Ayameva hi ekā ñatticatutthakammena sammuti anuññātā.

Pārājikā kāyikā dveti bhikkhūnaṃ methunapārājikam bhikkhūnānaṃ kāyasamsaggapārājikam. **Dve samvāsabhūmiyoti** attanā vā attānaṃ samānasamvāsakam karoti, samaggo vā saṅgho ukkhittam osāreti. Kurundiyaṃ pana samānasamvāsakabhūmi ca, nānāsamvāsakabhūmi cāti evaṃ dve samvāsabhūmiyo vuttā. **Dvinnam ratticchedoti** pārivāsikassa ca, mānattacārikassa ca paññātā. **Dvaṅgulā duveti** dve dvaṅgulapaññatiyo. “Dvaṅgulapabbaparamam ādātabban”ti ayamekā, “dvaṅgulaṃ vā dvemāsam vā”ti ayamekā.

Dve attānam vadhitvānāti bhikkhūnī attānam vadhitvā dve āpattiyo āpajjati. Vadhati rodati, āpatti pācittiyassa, vadhati na rodati, āpatti dukkaṭassa. **Dvīhi saṅgho bhijjati**ti kamma ca salākaggāhena ca. **Dvettha paṭhamāpattikāti** ettha sakalepi vinaye dve paṭhamāpattikā ubhinnaṃ paññattivāsena. Itarathā pana nava bhikkhūnam nava bhikkhūnanti aṭṭhārasa honti. **Ñattiyā karaṇā duveti** dve ñattikiccāni kammaṃca kammaṃpādakā ca. Navasu ṭhānesu kammaṃ hoti, dvīsu kammaṃpādakabhāvena tiṭṭhati.

Pāṇātipāte tissoti anodissa opātam khaṇati, sace manusso marati, pārājikam, yakkhāpethānam maraṇe thullaccayam, tiracchānagatassa maraṇe pācittiyanti imā tisso honti. **Vācā pārājikā tayoti** vajjapaṭicchādikāya ukkhittānuvattikāya aṭṭhavatthukāyāti. Kurundiyaṃ pana āṇattiyā adinnādāne manussamarāṇe uttarimanussadhamma-ullapane cāti evaṃ tayo vuttā. **Obhāsanaṃ tayoti**¹ vaccamaggaṃ passāvamaggaṃ ādissa vaṇṇāvaṇṇabhāsane saṅghādiseso, vaccamaggaṃ passāvamaggaṃ ṭhapetvā adhakkhakaṃ ubbhajāṇumaṇḍalam ādissa vaṇṇāvaṇṇabhāṇane thullaccayam, ubbhakkhakaṃ adhojāṇumaṇḍalam ādissa vaṇṇāvaṇṇabhāṇane dukkaṭam. **Sañcarittena vā tayoti** paṭiggaṇhāti vīmaṃsati

1. Obhāsane tayoti (Ka)

paccāharati, āpatti saṅghādisesassa. Paṭiggaṇhāti vīmaṁsati na paccāharati, āpatti thullaccayassa, paṭiggaṇhāti na vīmaṁsati na paccāharati, āpatti dukkaṭassāti ime sañcarittena kāraṇabhūtena tayo āpattikkhandhā honti.

Tayo puggalā na upasampādetabbāti addhānahīno aṅgahīno vatthuvipanno ca, tesam nānākaraṇam vuttameva. Apicettha yo pattacīvarena aparipūro, paripūro ca na yācati, imepi aṅgahīneneva saṅgahitā. Mātughātakādayo ca karaṇadukkaṭakā paṇḍaka-ubhatobyañjanakativacchānagatasañkhātena vatthuvipanneneva saṅgahitāti veditabbā. Esa nayo Kurundiyaṁ vutto. **Tayo kammānaṁ saṅgahāti** ñattikappanā vipakatapaccattam atītakaraṇanti. Tattha “dadeyya kareyyā”ti-ādibhedā ñattikappanā, “deti, karotī”ti-ādibhedam vipakatapaccattam, “dinnam katan”ti-ādibhedam atītakaraṇam nāmāti imehi tīhi kammāni saṅgayhanti. Aparehipi tīhi kammāni saṅgayhanti vatthunā ñattiyā anussāvanāyāti. Vatthusampannaṁ hi ñattisampannaṁ anussāvanasampannañca kammaṁ nāma hoti. Tena vuttaṁ “tayo kammānaṁ saṅgahā”ti. **Nāsitaḥ tayo** nāma mettīyaṁ bhikkhuniṁ nāsetha, dūsako nāsetabbo, dasahaṅgehi samannāgato sāmaṇero nāsetabbo, kaṇṭakam samaṇuddesaṁ nāsethāti evaṁ liṅgasamvāsadaṇḍakammanāsanāvasena tayo nāsitaḥ veditabbā. **Ṭiṇṇannaṁ ekavācikaṁ** “anujānāmi bhikkhave dve tayo ekānussāvane kātun”ti vacanato ṭiṇṇam janānam ekupajjhāyena nānācariyena ekānussāvanā vaṭṭati.

Adinnādāne tissoti pāde vā atirekapāde vā pārājikaṁ, atirekamāsake thullaccayaṁ, māsake vā ūnamāsake vā dukkaṭam. **Catasso methunapaccayāti** akkhayite pārājikaṁ, yebhuyyena khayite thullaccayaṁ, vivaṭakate mukhe dukkaṭam, jatumaṭṭhake pācittiyam. **Chindantassa tissoti** vanappatiṁ chindantassa pārājikaṁ, bhūtagāme pācittiyam, aṅgajāte thullaccayaṁ. **Pañca chaḍḍitapaccayāti** anodissa visam chaḍḍeti, sace tena manusso marati, pārājikaṁ, yakkhapetesu thullaccayaṁ, tiracchānagate pācittiyam, vissatṭhichaḍḍane saṅghādiseso, sekhiyesu harite uccārapassāvachāḍḍane dukkaṭam, imā chaḍḍitapaccayā pañcāpattiyo honti.

Pācittiyena dukkaṭā katāti bhikkhunovādakavaggasmim dasasu sikkhāpadesu pācittiyena saddhim dukkaṭā katā evāti attho. **Caturettha navakā vuttāti** paṭhamasikkhāpadamhiyeva adhammakamme dve, dhammakamme dveti evaṃ cattāro navakā vuttāti attho. **Dvinnam cīvarena cāti** bhikkhūnam santike upasampannāya cīvaram dentassa pācittiyam, bhikkhūnam santike upasampannāya dentassa dukkaṭanti evaṃ dvinnam bhikkhūnam cīvaram dentassa cīvarena kāraṇabhūtena āpatti hotīti attho.

Aṭṭha pāṭidesanīyāti Pāliyam āgatā eva. **Bhuñjantāmakadhaññaena, pācittiyena dukkaṭā katāti** āmakadhañnam viññāpetvā bhuñjantiyā pācittiyena saddhim dukkaṭā katāyeva.

Gacchantassa catassoti bhikkhuniyā vā mātugāmena vā saddhim saṃvidhāya gacchantassa dukkaṭam, gāmūpacārokkamane pācittiyam, yā bhikkhunī ekā gāmantaram gacchati, tassā gāmūpacāram okkamantiyā paṭhamapāde thullaccayam, dutiyapāde saṃghādisesoti gacchantassa imā catasso āpattiyo honti. **Ṭhitassa cāpi tattakāti** ṭhitassapi catasso evāti attho. Katham? Bhikkhunī andhakāre vā paṭicchanne vā okāse mittasanthavavasena purisassa hatthapāse tiṭṭhati, pācittiyam, hatthapāsam vijahitvā tiṭṭhati, dukkaṭam, aruṇuggamanakāle dutiyikāya hatthapāsam vijahantī tiṭṭhati, thullaccayam, vijahitvā tiṭṭhati, saṃghādisesoti nisinnassa catasso āpattiyo. **Nipannassāpi tattakāti** sacepi hi sā nisīdati vā nipajjati vā, etāyeva catasso āpattiyo āpajjati.

(3) Pācittiyavaṇṇanā

476. **Pañca pācittiyānīti** pañca bhesajjāni paṭiggahetvā nānābhājanesu vā ekabhājane vā amissetvā ṭhapitāni honti, sattāhātikkame so bhikkhu pañca pācittiyāni sabbāni nānāvattukāni ekakkhaṇe āpajjati, “imam paṭhamam āpanno, imam pacchā”ti na vattabbo.

Nava pācittiyānīti yo bhikkhu nava paṇītabhojanāni viññāpetvā tehi saddhim ekato ekam kabaḷam omadditvā mukhe pakkhipitvā paragaḷam atikkāmeti, ayam nava pācittiyāni sabbāni nānāvattukāni ekakkhaṇe

āpajjati, “imaṃ paṭhamam āpanno, imaṃ pacchā”ti na vattabbo. **Ekavācāya deseyyāti** “ayaṃ bhante pañca bhesajjāni paṭiggahetvā sattāham atikkāmetvā pañca āpattiyo āpanno, tā tumhamūle paṭidesemī”ti evaṃ ekavācāya deseyya, desitāva honti, dvīhi tīhi vācāhi kiccaṃ nāma natthi.

Dutiyavissajjanepi “ahaṃ bhante nava paṇītabhojanāni viññāpetvā bhuñjitvā nava āpattiyo āpanno, tā tumhamūle paṭidesemī”ti vattabbaṃ.

Vatthum kittetvā deseyyāti “ahaṃ bhante pañca bhesajjāni paṭiggahetvā sattāham atikkāmesim, yathāvatthukaṃ taṃ tumhamūle paṭidesemī”ti evaṃ vatthum kittetvā deseyya, desitāva honti āpattiyo, āpattiyā nāmaggaḥaṇena kiccaṃ natthi. Dutiyavissajjanepi “ahaṃ bhante nava paṇītabhojanāni viññāpetvā bhutto, yathāvatthukaṃ taṃ tumhamūle paṭidesemī”ti vattabbaṃ.

Yāvatatiyake tissoti ukkhittānuvattikāya pārājikam, bhedaḥānuvattakānam kokālikādīnam saṃghādisesaṃ, pāpikāya diṭṭhiyā appaṭinissagge caṇḍakālikāya ca bhikkhuniyā pācittiyanti imā yāvatatiyakā tisso āpattiyo. **Cha vohārapaccayāti** payuttavācāpaccayā cha āpattiyo āpajjatīti attho. Kathaṃ? Ājīvahetu ājīvakāraṇā pāpiccho icchāpakato asantaṃ abhūtaṃ uttarimanussadhammaṃ ullapati, āpatti pārājikassa, ājīvahetu ājīvakāraṇā sañcaritaṃ samāpajjati, āpatti saṃghādisesassa, ājīvahetu ājīvakāraṇā yo te vihāre vasati, so arahāti vadati, āpatti thullaccayassa, ājīvahetu ājīvakāraṇā bhikkhu paṇītabhojanāni attano atthāya viññāpetvā bhuñjati, āpatti pācittiyassa, ājīvahetu ājīvakāraṇā bhikkhuni paṇītabhojanāni attano atthāya viññāpetvā bhuñjati, āpatti pāṭidesanīyassa, ājīvahetu ājīvakāraṇā sūpaṃ vā odanaṃ vā agilāno attano atthāya viññāpetvā bhuñjati, āpatti dukkaṭassāti.

Khādantassa tissoti manussamaṃse thullaccayaṃ, avasesesu akappiyamaṃsesu dukkaṭaṃ, bhikkhuniyā lasuṇe pācittiyam. **Pañca bhojanapaccayāti** avassutā avassutassa purisassa hatthato bhojanam gahetvā

tattheva manussamaṁsaṁ lasuṇaṁ attano atthāya viññāpetvā
gahitapaṇītabhojanāni avasesaṅca akappiyamaṁsaṁ pakkhipitvā
vomissakaṁ omadditvā ajjhohāramānā saṁghādisesaṁ, thullaccayaṁ,
pācittiyaṁ, pāṭidesaniyaṁ, dukkaṭanti imā pañca āpattiyo bhojanapaccayā
āpajjati.

Pañca ṭhānānīti ukkhittānuvattikāya bhikkhuniyā yāvattiyaṁ
samanubhāsanāya appaṭinissajjantiyā ṇattiyā dukkaṭaṁ, dvīhi kammavācāhi
thullaccayaṁ, kammavācāpariyosāne āpatti pārājikassa, saṁghabhedāya
parakkamanādīsu saṁghādiseso, pāpikāya diṭṭhiyā appaṭinissagge
pācittiyanti evaṁ sabbā yāvattiyakā pañca ṭhānāni gacchanti.

Pañcannañceva āpattīti āpatti nāma pañcannaṁ sahadhammikānaṁ hoti,
tattha dvinnaṁ nippariyāyena āpattiyeva, sikkhāmānasāmaṇerisāmaṇerānaṁ
pana akappiyattā na vaṭṭati. Iminā pariyāyena tesāṁ āpatti na desāpetabbā,
daṇḍakammaṁ pana tesāṁ kātabbāṁ. **Pañcannaṁ adhikaraṇena cāti**
adhikaraṇaṅca pañcannamevāti attho. Etesaṁyeva hi pañcannaṁ
pattacīvarādīnaṁ atthāya vinicchayavohāro adhikaraṇanti vuccati, gihīnaṁ
pana aḍḍakammaṁ nāma hoti.

Pañcannaṁ vinicchayo hotīti pañcannaṁ sahadhammikānaṁyeva
vinicchayo nāma hoti. **Pañcannaṁ vūpasamena cāti** etesaṁyeva pañcannaṁ
adhikaraṇaṁ vinicchitaṁ vūpasantaṁ nāma hotīti attho. **Pañcannañceva
anāpattī**ti etesaṁyeva pañcannaṁ anāpatti nāma hotīti attho. **Tīhi ṭhānehi
sobhatī**ti saṁghādīhi tīhi kāraṇehi sobhati. Katavītikkamo hi puggalo
sappaṭikammaṁ āpattiṁ saṁghamajjhe gaṇamajjhe puggalasantike vā
paṭikarivā abbhuṇhasīlo pākatiko hoti, tasmā tīhi ṭhānehi sobhatīti vuccati.

Dve kāyikā rattinti bhikkhunī rattandhakāre purisassa hatthapāse
ṭhānanisajjasayanāni kappayamānā pācittiyaṁ, hatthapāsaṁ vijahitvā
ṭhānādīni kappayamānā dukkaṭanti dve kāyadvārasambhavā āpattiyo rattim
āpajjati. **Dve kāyikā divāti** eteneva upāyena divā paṭicchanne okāse dve
āpattiyo āpajjati. **Nijjhāyantassa ekā āpattī**ti “na ca bhikkhave sārattena
mātugāmassa aṅgajātaṁ

upanijjhāyitabbaṃ, yo upanijjhāyeyya, āpatti dukkaṭassā”¹ti¹ nijjhāyantassa ayamekā āpatti. **Ekā piṇḍapātapaccayāti** “na ca bhikkhave bhikkhādāyikāya mukhaṃ oloketabbaṃ”²ti² ettha dukkaṭāpatti. Antamaso yāgum vā byañjanaṃ vā dentassa sāmaṇerassāpi hi mukhaṃ ullokayato dukkaṭameva. Kurundiyaṃ pana “**ekā piṇḍapātapaccayāti** bhikkhuniparipācitaṃ piṇḍapātaṃ bhuñjantassa pācittiyaṃ”³ti vuttam.

Aṭṭhānisaṃse sampassanti Kosambakakkhandhake vuttānisaṃse. **Ukkhittakā tayo vuttāti** āpattiyā adassane appaṭikamme pāpikāya ca diṭṭhiyā appaṭinissaggeti. **Tecattālisa sammāvattanāti** tesāmyeva ukkhittakānaṃ ettakesu vattesu vattanā.

Pañcaṭṭhāne musāvādoti

pārājikasāṃghādisesathullaccayapācittiyadukkaṭasaṅkhāte pañcaṭṭhāne musāvādo gacchati. **Cuddasa paramanti vuccatīti** dasāhaparamādinayena heṭṭhā vuttam. **Dvādasa pāṭidesanīyāti** bhikkhūnaṃ cattāri, bhikkhunīnaṃ aṭṭha. **Catunnaṃ desanāya cāti** catunnaṃ accayadesanāyāti attho. Katamā pana sāti. Devadattena payojitānaṃ abhimārānaṃ accayadesanā, Anuruddhattherassa upaṭṭhāyikāya accayadesanā, vaḍḍhassa licchavino accayadesanā, Vāsabhagāmiyattherassa ukkhepanīyakammaṃ katvā āgatānaṃ bhikkhūnaṃ accayadesanāti ayaṃ catunnaṃ accayadesanā nāma.

Aṭṭhaṅgiko musāvādoti “pubbevassa hoti musā bhaṇissan”⁴ti-ādim katvā “vinidhāya saññan”⁵tipariyosānehi³ aṭṭhahi aṅgehi aṭṭhaṅgiko. Uposathaṅgānīpi pānaṃ na haneti-ādinā nayena vuttāneva. **Aṭṭha dūteyyaṅgānīti** “idha bhikkhave bhikkhu sotā ca hoti sāvetā cā”⁶ti-ādinā⁴ nayena saṃghabhedake vuttāni. **Aṭṭha titthiyavattāni** Mahākhandhake vuttāni.

Aṭṭhavācīkā upasampadāti bhikkhunīnaṃ upasampadaṃ sandhāya vuttam. **Aṭṭhannaṃ paccuṭṭhātabbanti** bhattagge aṭṭhannaṃ bhikkhūnaṃ itarāhi paccuṭṭhāya āsanaṃ

1. Vi 1. 169 piṭṭhe.

3. Vi 2. 3; Vi 5. 352 piṭṭhesu.

2. Vi 4. 348 piṭṭhe.

4. Vi 4. 364 piṭṭhe.

dātabbam. **Bhikkhunovādako atṭhahīti** atṭhahaṅgehi samannāgato bhikkhu bhikkhunovādako sammannitabbo.

Ekassa chejjanti gāthāya navasu janesu yo salākaṃ gāhetvā saṅghaṃ bhindati, tasseva chejjaṃ hoti, Devadatto viya pārājikaṃ āpajjati. Bhedakānuvattakānaṃ catunnaṃ thullaccayaṃ Kokālikādīnaṃ viya, dhammavādīnaṃ catunnaṃ anāpatti. Imā pana āpattiyo ca anāpattiyo ca¹ sabbesaṃ ekavatthukā saṅghabhedavatthukā eva.

Nava āghātavatthūnīti gāthāya **navahīti** navahi bhikkhūhi saṅgho bhijjati. **Ñattiyā karaṇā navāti** ñattiyā kātābbāni kammāni navāti attho. Sesāṃ uttanameva.

(4) Avandanīyapuggalādivaṇṇanā

477. **Dasa puggalā nābhivādetabbāti** Senāsanakkhandhake vuttā dasa janā. **Añjali sāmīcena cāti** sāmīcikkammaena saddhim añjali ca tesāṃ na kātābbā, neva pānīyāpucchanaṭālavaṇṭaggaṇādi khandhakavattaṃ tesāṃ dassetabbam, na añjali paggaṇhitabboti attho. **Dasannaṃ dukkaṭanti** tesāmyeva dasannaṃ evaṃ karontassa dukkaṭam hoti. **Dasa cīvaradhāraṇāti** dasa divasāni atireka cīvarassa dhāraṇā anuññātāti attho.

Pañcannaṃ vassaṃvuṭṭhānaṃ, dātabbam idha cīvaranti pañcannaṃ sahadhammikānaṃ sammukhāva dātabbam. **Sattannaṃ santeti** disāpakkanta-ummattakakhittacittavedanāṭṭānaṃ, tiṇṇaṅca ukkhittakānanti imesaṃ sattannaṃ sante patirūpe pāhake² parammukhāpi dātabbam. **Soḷasannaṃ na dātabbanti** sesānaṃ Cīvarakkhandhake vuttānaṃ paṇḍakādīnaṃ soḷasannaṃ na dātabbam.

Katisataṃ rattisataṃ, āpattiyo chādayitvānāti katisataṃ āpattiyo rattisataṃ chādayitvāna. **Dasasataṃ rattisataṃ, āpattiyo chādayitvānāti** dasasataṃ āpattiyo rattisataṃ chādayitvāna. Ayañhettha saṅkhepattho—yo divase sataṃ sataṃ saṅghādisesāpattiyo āpajjitvā dasa dasa divase paṭicchādeti, tena rattisataṃ āpattisahassaṃ paṭicchāditam hoti, so sabbāva tā āpattiyo

1. Imā pana āpattiyo (Sī, Ka)

2. Paṭigāhake (Ka)

dasāhapaṭicchannāti parivāsaṃ yācitvā dasa rattiyo vasitvāna mucceyya pārivāsikoti.

Dvādasa kammadosā vuttāti apalokanakammaṃ adhammenavaggaṃ, adhammenasamaggaṃ, dhammenavaggaṃ, tathā ñattikammañattidutiyakammañatticatutthakammānipīti evaṃ ekekasmim kamme tayo tayo katvā dvādasa kammadosā vuttā.

Catasso kmmasampattiyoti apalokanakammaṃ dhammenasamaggaṃ, tathā sesānipīti evaṃ catasso kmmasampattiyoti vuttā.

Cha kammānīti adhammenavaggakammaṃ, adhammenasamaggaṃ, dhammapatirūpakenavaggakammaṃ, dhammapatirūpakenasamaggaṃ, dhammenavaggakammaṃ, dhammenasamaggaṃ evaṃ cha kammāni vuttāni. **Ekettha dhammikā katāti** ekaṃ dhammena samaggaṃ evaṃ etadeva dhammikāni katanti attho. Dutiyagāthāvissajjanepi etadeva dhammikāni.

Yaṃ desitāti yāni desitāni vuttāni pakāsītāni. **Anantajinenāti**-ādīsu pariyaṅgaparicchedabhāvarahitattā anantaṃ vuccati nibbānaṃ, taṃ Bhagavatā raññā sapattagaṇaṃ abhimadditvā rajjaṃ viya kilesagaṇaṃ abhimadditvā jitaṃ vijitaṃ adhigataṃ sampattaṃ, tasmā Bhagavā “anantajino”ti vuccati. Sveva iṭṭhāniṭṭhesu nibbikāratāya tādi, vikkhambhanatadaṅgasamucchedapaṭipassaddhinissaraṇavivekasaṅkhātā vivekapañcakaṃ addasāti vivekadassī. Tena **anantajinena tādinā vivekadassinā** yāni āpattikkhandhāni desitāni vuttāni. **Ekettha sammati vinā samathehīti** ayamettha padasambandho, yāni Satthārā satta āpattikkhandhāni desitāni, tattha ekāpi āpatti vinā samathehi na sammati, atha kho cha samathā cattāri adhikaraṇānīti sabbepime dhammā sammukhāvinayena sammanti, samāyogaṃ gacchanti. Ettha pana eko sammukhāvinayova vinā samathehi sammati, samathabhāvaṃ gacchati. Na hi tassa aññena samathena vinā anipphatti nāma atthi. Tena vuttaṃ “ekettha sammati vinā samathehī”ti, iminā tāva adhippāyena Aṭṭhakathāsu attho vutto. Mayaṃ pana vināti nipātassa paṭisedhanamattamatthaṃ gahetvā “ekettha sammati vinā

samathehī”ti etesu sattasu āpattikkhandhesu eko pārājīkāpattikkhandho vinā samathehi sammatīti etamatthaṃ roceyyāma. Vuttampi cetam “yā sā āpatti anavasesā, sā āpatti na katamena adhikaraṇena katamamhi ṭhāne na katamena samathena sammatī”ti.

Cha-ūnadiyaḍḍhasatāti “idha Upāli bhikkhu adhammaṃ dhammoti dīpeti, tasmim adhammaḍḍhi bhede adhammaḍḍhi, tasmim adhammaḍḍhi bhede dhammaḍḍhi, tasmim adhammaḍḍhi bhede vematiko, tasmim dhammaḍḍhi bhede adhammaḍḍhi, tasmim dhammaḍḍhi bhede vematiko, tasmim vematiko bhede adhammaḍḍhi, tasmim vematiko bhede dhammaḍḍhi, tasmim vematiko bhede vematiko”ti evaṃ yāni aṭṭhārasannaṃ bhedakaravattūnaṃ vasena aṭṭhārasa aṭṭhakāni Saṃghabhedakakkhandhake vuttāni, tesam vasena cha-ūnadiyaḍḍhasataṃ āpāyikā veditabbā.

Aṭṭhārasa anāpāyikāti “idha Upāli bhikkhu adhammaṃ dhammoti dīpeti, tasmim dhammaḍḍhi bhede dhammaḍḍhi avinidhāya diṭṭhim avinidhāya khantiṃ avinidhāya ruciṃ avinidhāya bhāvaṃ anussāveti, salākaṃ gāheti ‘ayaṃ dhammo, ayaṃ vinayo, idaṃ Satthusāsaṇaṃ, imaṃ gaṇhatha, imaṃ rocethā’ti, ayampi kho Upāli saṃghabhedako na āpāyiko na nerayiko na kappattho na atekiccho”ti evaṃ ekekasmim vatthusmim ekekaṃ katvā Saṃghabhedakakkhandhakāvasāne vuttā aṭṭhārasa janā. Aṭṭhārasa aṭṭhakā cha-ūnadiyaḍḍhasatavissajjane vuttāyeva.

(5) Soḷasakammādivaṇṇanā

478. **Kati kammānīti**-ādīnaṃ sabbagāthānaṃ vissajjanaṃ uttānamevāti.

Aparadutiyagāthāsaṅgaṇikavaṇṇanā niṭṭhitā.

Sedamocanagāthā

(1) Avippavāsapañhāvaṇṇanā

479. Sedamocanagāthāsu **asaṁvāsoti** uposathapavāraṇādinā saṁvāsena asaṁvāso. **Sambhogo ekacco tahiṁ na labbhatīti** akappiyasambhogo na labbhati, nahāpanabhojanādipaṭijagganaṁ pana mātarāyeva kātuṁ labbhati. **Avippavāsena anāpattīti** sahaḡāraseyyāya anāpatti. **Pañhā mesā kusalehi cintitāti** esā pañhā kusalehi paṇḡitehi cintitā. Assā vissajjanaṁ dāraḡamātuyā bhikkhuniyā veditabbaṁ, tassā hi puttāṁ sandhāyetāṁ vuttanti.

Avissajjitagāthā garubhaṇḡaṁ sandhāya vuttaṁ, attho paṇassā garubhaṇḡavinicchaye vutto yeva.

Dasa puggale na vadāmīti Senāsanakkhandhake vutte dasa puggale na vadāmi. **Ekādasa vivajjiyāti** ye Mahākkhandhake ekādasa vivajjanīyapuggalā vuttā, tepi na vadāmi. Ayaṁ pañhā naggāṁ bhikkhuṁ sandhāya vuttā.

Kathaṁ nu sikkhāya asādhāraṇoti pañhā nahāpitapubbakaṁ bhikkhuṁ sandhāya vuttā. Ayaṁ hi khurabhaṇḡaṁ pariharitūṁ na labhati, aññe labhanti. Tasmā sikkhāya asādhāraṇo.

Taṁ puggalaṁ katamaṁ vadanti Buddhāti ayaṁ pañhā nimmitabuddhaṁ sandhāya vuttā.

Adhonābhiṁ vivajjiyāti adhonābhiṁ vivaḡjetvā. Ayaṁ pañhā yaṁ taṁ asīsakaṁ kabandhaṁ, yassa ure akkhīni ceva mukhañca hoti, taṁ sandhāya vuttā.

Bhikkhu saññācīkāya kuṭinti ayaṁ pañhā tiṇacchādanaṁ kuṭiṁ sandhāya vuttā. Dutiyapañhā sabbamattikāmayāṁ kuṭiṁ sandhāya vuttā.

Āpajjeyya garukaṁ chejvatthuntī ayaṁ pañhā vajjapaṭicchādikaṁ bhikkhuniṁ sandhāya vuttā. Dutiyapañhā paṇḡakādayo abhabbapuggale sandhāya vuttā. Ekādasapi hi te gihibhāveyeva pārājikaṁ pattā.

Vācāti vācāya anālapanto. **Giraṃ no ca pare bhaṇeyyāti** “iti ime sossantī”ti parapuggale sandhāya saddampi na nicchāreyya. Ayaṃ pañhā “santiṃ āpattiṃ nāvikareyya, sampajānamusāvādassa hotī”ti imaṃ musāvādaṃ sandhāya vuttā. Tassa hi bhikkhuno adhammikāya paṭiññāya tuṇhībhūtassa nisinnassa manodvāre āpatti nāma natthi. Yasmā pana āvikātabbaṃ na āvikaroti, tenassa vacīdvāre akiriyato ayaṃ āpatti samuṭṭhātīti veditabbā.

Samghādisesā caturōti ayaṃ pañhā aruṇugge gāmantarapariyāpannaṃ nadipāraṃ okkantabhikkhuniṃ sandhāya vuttā, sā hi sakagāmato paccūsasamaye nikkhamitvā aruṇuggamanakāle vuttappakāraṃ nadipāraṃ okkantamattāva rattivippavāsagāmantaranadipāragaṇamhā-ohīyanalakkhaṇena ekappahāreneva caturō samghādisese āpajjati.

Siyā āpattiyo nānāti ayaṃ pañhā ekato-upasampannā dve bhikkhuniyo sandhāya vuttā. Tāsu hi bhikkhūnaṃ santike ekato-upasampannāya hatthato gaṇhantassa pācittiyaṃ, bhikkhunīnaṃ santike ekato-upasampannāya hatthato gaṇhantassa dukkaṭaṃ.

Caturō janā samvidhāyāti ācariyo ca, tayo ca antevāsikā chamāsakaṃ bhaṇḍaṃ avahariṃsu, ācariyassa sāhatthikā tayo māsakā, āṇattiyāpi tayova, tasmā thullaccayaṃ āpajjati, itaresaṃ sāhatthiko ekeko, āṇattikā pañcāti tasmā pārājikaṃ āpajjimsu. Ayamettha saṅkhepo, vitthāro pana adinnādānapārājike samvidāvahāravaṇṇanāyaṃ vutto.

(2) Pārājikādipañhāvaṇṇanā

480. **Chiddaṃ tasmim ghare natthīti** ayaṃ pañhā dussakuṭi-ādīni santhatapeyyālaṅca sandhāya vuttā.

Telaṃ madhuṃ phāṇitanti gāthā liṅgaparivattaṃ sandhāya vuttā.

Nissaggiyenāti gāthā pariṇāmanaṃ sandhāya vuttā. Yo hi samghassa pariṇatalābhato ekaṃ cīvaraṃ attano, ekaṃ aññassāti dve cīvarāni

ekam mayham, ekam tassa dehīti ekapayogena pariṇāmeti, so nissaggiyapācittiyañceva suddhikapācittiyañca ekato āpajjati.

Kammañca tam kuppeyya vaggapaccayāti ayam pañhā dvādasayojanapamānesu Bārāṇasi-ādīsu nāgaresu gāmasīmaṃ sandhāya vuttā.

Padavītihāramattenāti gāthā sañcarittam sandhāya vuttā, atthopi cassā sañcarittavaṇṇanāyameva vutto.

Sabbāni tāni nissaggiyānīti ayam pañhā aññātikāya bhikkhuniyā dhovāpanam sandhāya vuttā. Sace hi tiṇṇampi cīvarānam kāka-ūhadanam vā kaddamamakkhitaṃ vā kaṇṇam gahetvā bhikkhunī udakena dhovati, bhikkhussa kāyagatāneva nissaggiyāni honti.

Saraṇagamanampi na tassa atthīti saraṇagamana-upasampadāpi natthi. Ayam pana pañhā Mahāpajāpatiyā¹ upasampadam sandhāya vuttā.

Haneyya anariyam mandoti tañhi itthim vā purisaṃ vā anariyam haneyya, ayam pañhā līngaparivattena itthibhūtam pitaram purisabhūtañca mātaram sandhāya vuttā.

Na tenānantharam phuseti ayam pañhā migasiṅgatāpasasihakumārādīnam viya tiracchānamātāpitaro sandhāya vuttā.

Acodayitvāti gāthā dūtenupasampadam sandhāya vuttā. **Codayitvāti** gāthā paṇḍakādīnam upasampadam sandhāya vuttā. Kurundiyam pana paṭhamagāthā aṭṭha asammukhākammāni, dutiyā anāpattikassa kamman sandhāya vuttāti āgataṃ.

Chindantassa āpattīti vanappatim chindantassa pārājikaṃ, tiṇalatādīm chindantassa pācittiyam, aṅgajātam chindantassa thullaccayam.

Chindantassa anāpattīti kese ca nakhe ca chindantassa anāpatti. **Chādentassa āpattīti** attano āpattim chādentassa aññesaṃ vā āpattim. **Chādentassa anāpattīti** gehādīni chādentassa anāpatti.

1. Mahāpajāpatigotamiyā (Ka)

Saccam bhaṇantoti gāthāya “sikharaṇīsi ubhatobyañjanāsi”ti saccam bhaṇanto garukaṁ āpajjati, sampajānamusāvāde pana musā bhāsato lahukāpatti hoti, abhūtārocane musā bhaṇanto garukaṁ āpajjati, bhūtārocane saccam bhāsato lahukāpatti hotīti.

(3) Pācittiyādīpañhāvaṇṇanā

481. **Adhiṭṭhanti** gāthā nissaggiyaciṅṅaram anissajjivā paribhuñjantam sandhāya vuttā.

Atthaṅga sūriyeti gāthā romanthakam sandhāya vuttā.

Na rattacittoti gāthāya ayamatto—rattacitto methunadhammapārājikam āpajjati, theyyacitto adinnādānapārājikam, param maraṇāya cetento manussaviggahapārājikam, saṅghabhedako pana na rattacitto, na ca pana theyyacitto, na cāpi so¹ param maraṇāya cetayī, salākam panassa dentassa hoti chejjam, pārājikam hoti, salākam paṭiggaṇhantassa bhedaṅkānuvattakassa thullaccayam.

Gaccheyya aḍḍhayananti ayam pañhā suppatiṭṭhitanirodhasadisam ekakulassa rukkhamaṇam sandhāya vuttā.

Kāyikanīti ayam gāthā sambahulānam itthīnam kese vā aṅguliyo vā ekato gaṇhantam sandhāya vuttā.

Vācasikanīti ayam gāthā “sabbā tumhe sikharaṇīyo”ti-ādinā nayena duṭṭhullabhāṇim sandhāya vuttā.

Tissitthiyo methunam tam na sevati tisso itthiyo vuttā, tāsupi yam tam methunam nāma, tam na sevati. **Tayo puriseti** tayo purisepe upagantvā methunam na sevati. **Tayo anariyapaṇḍaketi** ubhatobyañjanasaṅkhāte tayo anariye, tayo ca paṇḍaketi imepe cha jane upagantvā methunam na sevati. **Na cācare methunam byañjanasminti** anulomapārājikavasenape methunam nācarati. **Chejjam siyā methunadhammapaccayāti** siyā methunadhammapaccayā pārājikanti. Ayam pañhā aṭṭhavatthukam

1. Na cāpi saṅghabhedako (Ka)

sandhāya vuttā, tassā hi methunadhammassa pubbabhāgamā kāyasaṃsaggamā āpajjitum vāyamantiyā methunadhammapaccayā chejjaṃ hoti.

Mātaram cīvaranti ayam gāthā piṭṭhisamaye vassikasāṭīkattham satuppādakaraṇam sandhāya vuttā, vinicchayo panassā vassikasāṭīkasikkhāpadavaṇṇanāyameva vutto.

Kuddho ārādhako hotīti gāthā titthiyavattam sandhāya vuttā. Titthiyo hi vattam pūrayamāno titthiyānam vaṇṇe bhaññamāne kuddho ārādhako hoti, vatthuttayassa vaṇṇe bhaññamāne kuddho gārayho hotīti tatthevassā vitthāro vutto. Dutiyagāthāpi tameva sandhāya vuttā.

Samghādisesanti-ādi gāthā yā bhikkhunī avassutāva avassutassa purisassa hatthato piṇḍapātām gahetvā manussamaṃsalasuṇa paṇītabhojanasesa-akappiyamaṃsehi saddhim omadditvā ajjho harati, tam sandhāya vuttā.

Eko upasampanno eko anupasampannoti gāthā ākāśagatam sandhāya vuttā. Sace hi dvīsu sāmaṇeresu eko iddhiyā kesaggamattampi pathavim muñcitvā nisinnō hoti, so anupasampanno nāma hoti. Samghenāpi ākāse nisīditvā bhūmigatassa kammaṃ na kātabbam. Sace karoti, kuppati.

Akappakatanti gāthā acchinnacīvarakam bhikkhum sandhāya vuttā. Tasmimyeva cassā sikkhāpade vitthārena vinicchayopi vutto.

Na deti na paṭigganḥātīti nāpi uyyojikā deti, na uyyojitā tassā¹ hatthato ganḥāti. **Paṭiggaho tena na vijjatīti** teneva kāraṇena uyyojikāya hatthato uyyojitāya paṭiggaho na vijjati. **Āpajjati garukanti** evam santēpi avassutassa hatthato piṇḍapātaggahaṇe uyyojentī samghādisesāpattim āpajjati. **Taṅca paribhogapaccayāti** taṅca pana āpattim āpajjamānā tassā uyyojitāya paribhogapaccayā

1. Tassa (Ka)

āpajjati. Tassā hi bhojanapariyosāne uyyojikāya saṅghādiseso hotīti.
Dutiyaḡāthā tassāyeva udakadantaponaggahaṇe uyyojanaṃ sandhāya vuttā.

Na bhikkhunī no ca phuseyya vajjanti sattarasakesu hi aññataraṃ
āpattim āpajjitvā anādariyena chādayamānāpi bhikkhunī chādanapaccayā
vajjaṃ na phusati, aññaṃ navam āpattim nāpajjati, paṭicchannāya vā
appaṭicchannāya vā āpattiyā pakkhamānattameva labhati. Ayam pana
bhikkhunīpi na hoti, sāvasesaṅca garukaṃ āpajjitvā chādetvā vajjaṃ na
phusati. **Pañhā mesā kusalehi cintitāti** ayam kira pañhā ukkhittakabhikkhuni
sandhāya vuttā. Tena hi saddhim vinayakammaṃ natthi, tasmā so
saṅghādisesaṃ āpajjitvā chādentō vajjaṃ na phusatīti.

Sedamocanaḡāthāvaṇṇanā niṭṭhitā.

Pañcavagga

Kammavaggavaṇṇanā

482. Kammavagge catunnaṃ kammānaṃ nānākaraṇaṃ
Samathakkhandhake vuttameva. Kiñcāpi vuttaṃ, atha kho ayaṃ
kammavinicchayo nāma ādito paṭṭhāya vuccamāno pākaṭo hoti, tasmā ādito
paṭṭhāyevettha vattabbaṃ vadissāma. **Cattārīti** kammānaṃ
gaṇanaparicchavedavacanameṭaṃ. **Kammānīti** paricchinnakammanidassanaṃ¹.
Apalokanakammaṃ nāma sīmaṭṭhakasaṃghaṃ sodhetvā chandārahānaṃ
chandaṃ āharitvā samaggassa saṃghassa anumatiyā tikkhattuṃ sāvetvā
kattabbaṃ kammaṃ. **Ñattikammaṃ** nāma vuttanayeneva samaggassa
saṃghassa anumatiyā ekāya ñattiyā kattabbaṃ kammaṃ.
Ñattidutiyakammaṃ nāma vuttanayeneva samaggassa saṃghassa anumatiyā
ekāya ñattiyā ekāya ca anussāvanāyāti evaṃ ñattidutiyāya anussāvanāya
kattabbaṃ kammaṃ. **Ñatticatutthakammaṃ** nāma vuttanayeneva
samaggassa saṃghassa anumatiyā ekāya ñattiyā tīhi ca anussāvanāhīti evaṃ
ñatticatutthāti tīhi anussāvanāhi kattabbaṃ kammaṃ.

Tattha apalokanakammaṃ apaloketvāva kātappaṃ, ñattikammādivasena
na kātappaṃ. Ñattikammampi ekaṃ ñattiṃ ṭhapetvāva kātappaṃ,
apalokanakammādivasena na kātappaṃ. Ñattidutiyakammaṃ pana
apaloketvā kātappampi atthi, akātappampi atthi.

Tattha sīmāsammuti, sīmāsamūhananaṃ, kathinadānaṃ, kathinuddhāro,
kuṭivatthudesanā, vihāravatthudesanāti imāni cha kammāni garukāni
apaloketvā kātuṃ na vaṭṭanti, ñattidutiyakammavācam sāvetvāva kātappāni.
Avasesā terasa sammutiyo senāsanaggāhakamataka cīvaradānādisammutiyo
cāti etāni lahukakammāni apaloketvāpi kātuṃ vaṭṭanti,
ñattikammañatticatutthakammavasena pana na kātappameva.
Ñatticatutthakammavasena kayiramānaṃ dalhataṃ hoti, tasmā kātappanti
ekacce vadanti. Evaṃ pana sati kammasaṅkaro hoti, tasmā na kātappanti
paṭikkhittameva. Sace pana akkharaparihīnaṃ vā padaparihīnaṃ vā
duruttapadaṃ vā

1. Kammasassanaṃ (Ka)

hoti, tassa sodhanatthaṃ punappunaṃ vattuṃ vaṭṭati. Idaṃ akuppakammassa daḥhīkammaṃ hoti, kuppakamme kammaṃ hutvā tiṭṭhati.

Ñatticatutthakammaṃ ñattiñca tisso ca kammavācāyo sāvetaṃvāva kātappaṃ, apalokanakammādivasena na kātappaṃ. **Pañcahākārehi vipajjantīti** pañcahi kāraṇehi vipajjanti.

483. **Sammukhākaraṇīyaṃ kammaṃ asammukhā karoti vatthuvipannaṃ adhammakammanti** ettha atthi kammaṃ sammukhākaraṇīyaṃ, atthi asammukhākaraṇīyaṃ. Tattha asammukhākaraṇīyaṃ nāma dūtenupasampadā, pattanikkujjanaṃ, pattukkujjanaṃ, ummattakassa bhikkhuno ummattakasammuti, sekkhānaṃ kulānaṃ sekkhasammuti, Channassa bhikkhuno brahmaḍaṇḍo, Devadattassa pakāsaṇīyakammaṃ, appasādanīyaṃ dassentassa bhikkhuno bhikkhunisaṃghena kātappaṃ avandanīyakammanti aṭṭhavidhaṃ hoti. Taṃ sabbaṃ tattha tattha vuttanayeneva veditaṃ. Idaṃ aṭṭhavidhampi kammaṃ asammukhā kataṃ sukataṃ hoti akuppaṃ.

Sesāni sabbakammāni sammukhā eva kātappāni, Saṃghasammukhatā, dhammasammukhatā, vinayasammukhatā, puggalasammukhatāti imaṃ catubbidhaṃ sammukhāvinayaṃ upanetaṃvāva kātappāni. Evaṃ katāni hi sukataṃ honti. Evaṃ akatāni panetaṃ imaṃ sammukhāvinayasāṅkhātāṃ vatthuṃ vinā katattā vatthuvipannaṃ nāma honti. Tena vuttaṃ “sammukhākaraṇīyaṃ kammaṃ asammukhā karoti vatthuvipannaṃ adhammakammaṃ”ti.

Paṭipucchākaraṇīyādīsopi paṭipucchādikaraṇameva vatthu, taṃ vatthuṃ vinā katattā tesampi vatthuvipannaṃ veditaṃ. Idaṃ panetta vacanattamattaṃ, **paṭipucchā karaṇīyaṃ appaṭipucchā karotīti** pucchitvā codetvā sāretvā kātappaṃ apucchitvā acodetvā asāretvā¹ karoti. **Paṭiññāya karaṇīyaṃ appaṭiññāya karotīti** paṭiññāṃ āropetvā yathādinñāya paṭiññāya kātappaṃ appaṭiññāya karontassa vippalāpantassa balakkārena karoti. **Sativinayārahassāti** Dabbamallaputtattherasadisassa khīṇāsavassa. **Amūḷhavinayārahassāti** Gaggabhikkhusadisassa ummattakassa. **Tassapāpiyasikakammārahassāti** Upavāḷabhikkhusadisassa ussannaṃpāpassa. Esa nayo sabbattha.

1. Asāretvāva (Syā, Ka)

Anuposathe uposathaṃ karotīti anuposathadivase uposathaṃ karoti. Uposathadivaso nāma ṭhapetvā kattikamāsaṃ avasesesu ekādasasu māsesu bhinnassa saṃghassa sāmaggidivaso ca yathāvuttacātuddasapannarasā ca, etaṃ tippakāraṃpi uposathadivasaṃ ṭhapetvā aññasmiṃ divase uposathaṃ karonto anuposathe uposathaṃ karoti nāma. Yatra hi pattacīvarādīnaṃ atthāya appamattakena kāraṇena vivadantā uposathaṃ vā pavāraṇaṃ vā ṭhapenti, tattha tasmīṃ adhikaraṇe vinicchite “samaggā jātāmhā”ti antarā sāmaggi-uposathaṃ kātuṃ na labhanti, karontehi anuposathe uposatho kato nāma hoti.

Apavāraṇāya pavāretīti apavāraṇādivase pavāreti. Pavāraṇādivaso nāma ekasmīṃ kattikamāse bhinnassa saṃghassa sāmaggidivaso ca paccukkaddhitvā ṭhapitadivaso ca dve ca puṇṇamāsiyo. Evaṃ catubbidhampi pavāraṇādivasaṃ ṭhapetvā aññasmiṃ divase pavārento apavāraṇāya pavāreti nāma. Idhāpi appamattakassa vivādassa vūpasame sāmaggipavāraṇaṃ kātuṃ na labhanti, karontehi apavāraṇāya pavāraṇā katā hoti. Apica ūnavīsativassaṃ vā antimavatthūṃ ajjhāpannapubbaṃ vā ekādasasu vā abhabbapuggalesu aññatarāṃ upasampādentassapi vatthuvipannaṃ adhammakammaṃ hoti. Evaṃ vatthuko kammāni vipajjanti.

484. Ñattito vipattiyāṃ pana **vatthūṃ na parāmasatīti** yassa upasampadādikammaṃ karoti, taṃ na parāmasati, tassa nāmaṃ na gaṇhāti. “Suṇātu me bhante saṃgho, ayaṃ Dhammarakkhito āyasmato Buddharakkhitassa upasampadāpekkho”ti vattabbe “suṇātu me bhante saṃgho, āyasmato Buddharakkhitassa upasampadāpekkho”ti vadati, evaṃ vatthūṃ na parāmasati.

Saṃghaṃ na parāmasatīti saṃghassa nāmaṃ na gaṇhāti. Suṇātu me bhante saṃgho, ayaṃ Dhammarakkhito”ti vattabbe “suṇātu me bhante, ayaṃ Dhammarakkhito”ti vadati, evaṃ saṃghaṃ na parāmasati.

Puggalaṃ na parāmasatīti yo upasampadāpekkhassa upajjhāyo, taṃ na parāmasati, tassa nāmaṃ na gaṇhāti. “Suṇātu me bhante saṃgho, ayaṃ Dhammarakkhito āyasmato Buddharakkhitassa upasampadāpekkho”ti

vattabbe “suṇātu me bhante saṅgho, ayaṃ Dhammarakkhito upasampadāpekkho”ti vadati, evaṃ puggalaṃ na parāmasati.

Ñattim na parāmasatīti sabbena sabbaṃ ñattim na parāmasati. Ñattidutiyakamme ñattim aṭṭhapetvā dvikkhattuṃ kammavācāya eva anussāvanakammaṃ karoti, ñatticatutthakammepi ñattim aṭṭhapetvā catukkhattuṃ kammavācāya eva anussāvanakammaṃ karoti. Evaṃ ñattim na parāmasati.

Pacchā vā ñattim ṭhapetīti paṭhamam kammavācāya anussāvanakammaṃ katvā “esā ñattī”ti vatvā “khamati saṅghassa, tasmā tuṅhī, evametaṃ dhārayāmi”ti vadati, evaṃ pacchā ñattim ṭhapeti. Iti imehi pañcahākārehi ñattito kammāni vipajjanti.

485. Anussāvanato vipattiyam pana vatthu-ādini vuttanayeneva veditabbāni. Evaṃ pana nesaṃ aparāmasanaṃ hoti—“suṇātu me bhante saṅgho”ti paṭhamānussāvane “dutiyaṃpi etamatthaṃ vadāmi. Tatiyaṃpi etamatthaṃ vadāmi, suṇātu me bhante saṅgho”ti dutiyatatiyānussāvanāsu vā “ayaṃ Dhammarakkhito āyasmato Buddharakkhitassa upasampadāpekkho”ti vattabbe “suṇātu me bhante saṅgho, āyasmato Buddharakkhitassā”ti vadanto vatthuṃ na parāmasati nāma. “Suṇātu me bhante saṅgho, ayaṃ Dhammarakkhito”ti vattabbe “suṇātu me bhante, ayaṃ Dhammarakkhito”ti vadanto saṅghaṃ na parāmasati nāma. “Suṇātu me bhante saṅgho, ayaṃ Dhammarakkhito āyasmato Buddharakkhitassā”ti vattabbe “suṇātu me bhante saṅgho, ayaṃ Dhammarakkhito upasampadāpekkho”ti vadanto puggalaṃ na parāmasati nāma.

Sāvanam¹ hāpetīti sabbena sabbaṃ kammavācāya anussāvanam na karoti, ñattidutiyakamme dvikkhattuṃ ñattimeva ṭhapeti, ñatticatutthakamme catukkhattuṃ ñattimeva ṭhapeti, evaṃ anussāvanam hāpeti. Yopi ñattidutiyakamme ekaṃ ñattim ṭhapetvā ekaṃ kammavācam anussāvento akkharam vā chaḍḍeti, padaṃ vā duruttaṃ karoti, ayampi anussāvanam hāpetiyeva. Ñatticatutthakamme pana ekaṃ ñattim ṭhapetvā sakimeva vā dvikkhattuṃ vā kammavācāya anussāvanam karontopi akkharam vā padaṃ

1. Anussāvanam (Sī)

vā chaḍḍentopi duruttaṃ karontopi anussāvanāṃ hāpetiyevāti veditabbā.

Duruttaṃ karotīti ettha pana ayaṃ vinicchayo, yo hi aññasmiṃ akkhare vattabbe aññaṃ vadati, ayaṃ duruttaṃ karoti nāma. Tasmā kammavācam karontena bhikkhunā yvāyaṃ—

Sithilaṃ dhanitañca dīgharassaṃ,
Garukaṃ lahukañca niggahitaṃ.
Sambandhaṃ vavatthitaṃ vimuttaṃ,
Dasadhā byañjanabuddhiyā pabhedoti—

Vutto, ayaṃ suṭṭhu upalakkhetabbo. Ettha hi **sithilaṃ** nāma pañcasu vaggesu paṭhamatatiyaṃ. **Dhanitaṃ** nāma tesveya dutiyacattamaṃ. **Dīghanti** dīghena kālena vattabbaṃ ākārādi. **Rassanti** tato upaḍḍhakālena vattabbaṃ akārādi. **Garukanti** dīghameva, yaṃ vā āyasmato Buddharakkhitattherassa yassa nakkhamatīti evaṃ saṃyogaparaṃ katvā vuccati. **Lahukanti** rassameva, yaṃ vā āyasmato Buddharakkhitattherassa yassa na khamatīti evaṃ asaṃyogaparaṃ katvā vuccati. **Niggahitanti** yaṃ karaṇāni niggahetvā avissajjetvā avivaṭena mukhena sānūsikaṃ katvā vattabbaṃ. **Sambandhanti** yaṃ parapadena sambandhitvā tuṇhissāti vā tuṇhassāti vā vuccati. **Vavatthitanti** yaṃ parapadena asambandhaṃ katvā vicchindītvā tuṇhī assāti vā tuṇha assāti vā vuccati. **Vimuttanti** yaṃ karaṇāni aniggahetvā vissajjetvā vivaṭena mukhena anusāsikaṃ akatvā vuccati.

Tattha suṇātu meti vattabbe ta-kāraṃ tha-kāraṃ katvā “suṇātu me”ti vacanaṃ sithilassa dhanitakaraṇaṃ nāma. Tathā “pattakallaṃ esā ñattī”ti vattabbe “patthakallaṃ esā ñatthī”ti-ādivacanañca. “Bhante saṃgho”ti vattabbe bha-kāra gha-kārānaṃ ba-kāra ga-kāre katvā “bante saṃgho”ti vacanaṃ dhanitassa sithilakaraṇaṃ nāma. “Suṇātu me”ti vivaṭena mukhena vattabbe pana “suṇāntu me”ti vā “esā ñattī”ti vattabbe “esam ñattī”ti vā avivaṭena mukhena anunāsikaṃ katvā vacana vimuttassa niggahitavacanaṃ nāma. “Pattakallaṃ”ti vivaṭena mukhena anunāsikaṃ katvā vattabbe “pattakallā”ti vivaṭena mukhena anunāsikaṃ akatvā vacanaṃ niggahitassa vimuttavacanaṃ nāma.

Iti sithile kattabbe dhanitaṃ, dhanite kattabbe sithilaṃ, vimutte kattabbe niggahitaṃ, niggahite kattabbe vimuttanti imāni cattāri byañjanaṃ antokammavācāya kammaṃ dūsentī. Evaṃ vadanto hi aññasmim akkhare vattabbe aññaṃ vadati, duruttaṃ karotīti vuccati. Itaresu pana dīgharassādīsu chasu byañjanesu dīghaṭṭhāne dīghameva, rassatṭhāne ca rassamevāti evaṃ yathāṭṭhāne taṃ tadeva akkharaṃ bhāsantena anukkamaḡataṃ paveṇim avināsentena kammavācā kātabbā. Sace pana evaṃ akatvā dīghe vattabbe rassaṃ, rasse vā vattabbe dīghaṃ vadati, tathā garuke vattabbe lahukaṃ, lahuke vā vattabbe garukaṃ vadati, sambandhe vā pana vattabbe vavathitaṃ, vavathite vā vattabbe sambandhaṃ vadati, evaṃ vuttepi kammavācā na kuppati. Imāni hi cha byañjanaṃ kammaṃ na kopenti.

Yaṃ pana suttantikatherā “da-kāro ta-kāramāpajjati, ta-kāro da-kāramāpajjati, ca-kāro ja-kāramāpajjati, ja-kāro ca-kāramāpajjati, yakāro ka-kāramāpajjati, ka-kāro yakāramāpajjati, tasmā da-kārādīsu vattabbesu ta-kārādivacanaṃ na virujjhatī”ti vadanti, taṃ kammavācaṃ patvā na vaṭṭati. Tasmā vinayadharena neva da-kāro ta-kāro kātabbo -pa- na ka-kāro ya-kāro. Yathāpāḷiyā niruttiṃ sodhetvā dasavidhāya byañjananiruttiyā vuttadose pariharantena kammavācā kātabbā. Itarathā hi sāvanaṃ hāpeti nāma.

Akāle vā sāvetīti sāvanāya akāle anokāse ñattiṃ aṭṭhapetvā paṭhamānyeva anussāvanakammaṃ katvā pacchā ñattiṃ ṭhapeti. Iti imehi pañcahākārehi anussāvanato kammāni vipajjanti.

486. Sīmato vipattiyaṃ pana **atikhuddakasīmā** nāma yā ekavīsati bhikkhū na gaṇhāti. Kurundiyaṃ pana yattha ekavīsati bhikkhū nisīdituṃ na sakkontīti vuttaṃ. Tasmā yā evarūpā sīmā, ayaṃ sammatāpi asammataṃ, gāmakhettasadisāva hoti, tattha kataṃ kammaṃ kuppati. Esa nayo sesasīmāsupi. Ettha pana **atimahaṭṭīti** nāma yā kesaggamattenāpi tiyojanaṃ atikkāmetvā sammatā hoti. **Khaṇḍanimittā** nāma aghaṭṭitanimittā vuccati. Puratthimāya disāya nimittaṃ kittetvā anukkameneva dakkhiṇāya pacchimāya uttarāya disāya kittetvā puna puratthimāya disāya pubbakittitaṃ nimittaṃ paṭikittetvāva ṭhapetuṃ vaṭṭati, evaṃ akhaṇḍanimittā hoti.

Sace pana anukkamena āharitvā uttarāya disāya nimittam kittetvā tattheva ṭhapeti, khaṇḍanimittā hoti. Aparāpi **khaṇḍanimittā** nāma yā animittupagam̃ tacasārarukkham̃ vā khāṇukam̃ vā paṃsupuñjavālikāpuñjānam̃ vā aññataram̃ antarā ekam̃ nimittam̃ katvā sammatā hoti. **Chāyānimittā** nāma yā pabbatacchāyādīnam̃ yaṃkiñji chāyam̃ nimittam̃ katvā sammatā hoti. **Animittā** nāma yā sabbena sabbam̃ nimittāni akittetvā sammatā hoti.

Bahisīme ṭhito sīmam̃ sammannati nāma nimittāni kittetvā nimittānam̃ bahi ṭhito sammannati. **Nadiyā samudde jātassare sīmam̃ sammannatīti** etesu nadi-ādīsu yaṃ sammannati, sā evam̃ sammatāpi “sabbā bhikkhave nadī asīmā, sabbo samuddo asīmo, sabbo jātassaro asīmo”¹ti vacanato asammatāva hoti. **Sīmāya sīmam̃ sambhindatīti** attano sīmāya paresam̃ sīmam̃ sambhindati. **Ajjhottharatīti** attano sīmāya paresam̃ sīmam̃ ajjhottharati. Tattha yathā sambhedo ca ajjhottharaṇaṅca hoti, tam̃ sabbam̃ Uposathakkhandhake vuttameva. Iti imā ekādasapi sīmā asīmā gāmakhettsadisā eva, tāsū nisīditvā katam̃ kammam̃ kuppati. Tena vuttam̃ “imehi ekādasahi ākārehi sīmato kammāni vipajjantī”¹ti.

487-488. Parisato kammavipattiyam̃ pana kiñci anuttānam̃ nāma natthi. Yampi tattha kammappattachandārahalakkhaṇam̃ vattabbam̃ siyā, tampi parato “cattāro bhikkhū pakatattā kammappattā”¹ti-ādīnā nayena vuttameva. Tattha **pakatattā kammappattāti** catuvaggakaraṇe kamme cattāro pakatattā anukkhitā anissāritā parisuddhasīlā cattāro bhikkhū kammappattā kammassa arahā anucchavikā sāmīno. Na tehi vinā tam̃ kammam̃ kayirati, na tesam̃ chando vā pārisuddhi vā eti. Avasesā pana sacepi sahasamattā honti, sace samānasamvāsakā, sabbe chandārahāva honti, chandapārisuddhim̃ datvā āgacchantu vā mā vā, kammam̃ pana tiṭṭhati. Yassa pana saṃgho parivāsādikammam̃ karoti, so neva kammappatto, nāpi chandāraho. Apica yasmā tam̃ puggalam̃ vatthum̃ katvā saṃgho kammam̃ karoti, tasmā “kammāraho”¹ti vuccati. Sesakammesupi eseva nayo.

1. Vi 3. 150 piṭṭhe.

489. Puna **cattāri kammānī**-ādiko nayo paṇḍakādīnaṃ avatthubhāvadassanattaṃ vutto. Sesamettha uttānameva.

Apalokanakammakathā

495-496. Idāni tesaṃ kammānaṃ pabhedadassanattaṃ **apalokanakammaṃ kati ṭhānāni gacchatī**-ādimāha. Tattha **apalokanakammaṃ pañca ṭhānāni gacchati osāraṇaṃ, nissāraṇaṃ, bhaṇḍukammaṃ, brahmadaṇḍaṃ, kammalakkhaṇaññeva pañcamanti** ettha “osāraṇaṃ nissāraṇaṃ”ti padasiliṭṭhatāyesaṃ vuttaṃ, paṭhamaṃ pana nissāraṇā hoti, pacchā osāraṇā. Tattha yā Kaṇṭakasāmaṇerassa daṇḍakammaṇāsanā, sā “nissāraṇā”ti veditabbā. Tasmā etarahi sacepi sāmaṇero Buddhassa vā dhammassa vā saṃghassa vā avaṇṇaṃ bhaṇati, “akappiyaṃ kappiyaṃ”ti dīpeti, micchādiṭṭhiko hoti antaggāhikāya diṭṭhiyā samannāgato. So yāvattiyaṃ nivāretvā taṃ laddhiṃ nissajjāpetabbo. No ce vissajjeti, saṃghaṃ sannipātetvā “vissajjehī”ti vattabbo. No ce vissajjeti, byattena bhikkhunā apalokanakammaṃ katvā nissāretabbo. Evañca pana kammaṃ kātappaṃ—

Saṃghaṃ bhante pucchāmi “ayaṃ itthannāmo sāmaṇero Buddhassa dhammassa saṃghassa avaṇṇavādī micchādiṭṭhiko, yaṃ aññe sāmaṇerā labhanti dirattatirattaṃ bhikkhūhi saddhiṃ sahaseyyaṃ, tassa alābhāya nissāraṇā vuccati saṃghassā”ti. Dutiyampi. Tatiyampi bhante saṃghaṃ pucchāmi “ayaṃ itthannāmo sāmaṇero Buddhassa -pa- ruccati saṃghassā”ti, cara pire vinassāti.

So aparena samayena “ahaṃ bhante bālatāya aññānatāya alakkhikatāya evaṃ akāsim, svāhaṃ saṃghaṃ khamāpemi”ti khamāpento yāvattiyaṃ yācāpetvā apalokanakammeneva osāretabbo. Evaṃ pana osāretabbo, saṃghamajjhe byattena bhikkhunā saṃghassa anumatiyā sāvetappaṃ—

Saṃghaṃ bhante pucchāmi “ayaṃ itthannāmo sāmaṇero Buddhassa dhammassa saṃghassa avaṇṇavādī micchādiṭṭhiko, yaṃ aññe sāmaṇerā labhanti bhikkhūhi saddhiṃ dirattatirattaṃ sahaseyyaṃ,

tassa alābhāya nissārito, svāyaṃ idāni sorato nivātavutti lajjidhammaṃ okkanto hirottappe paṭiṭṭhito katadaṇḍakammo accayaṃ deseti, imassa sāmaṇerassa yathā pure kāyasambhogasāmaggidānaṃ ruccati saṃghassā”ti.

Evam tikkhattuṃ vattabbaṃ. Evam apalokanakammaṃ osāraṇaṅca nissāraṇaṅca gacchati. **Bhaṇḍukammaṃ** Mahākhandhakavaṇṇanāyaṃ vuttameva, **brahmadāṇḍo** Pañcasatikakkhandhake vuttoyeva. Na kevalaṃ panesa channasseva paññatto, yo aññopi bhikkhu mukharo hoti, bhikkhū duruttavacanehi ghaṭṭento khumsento vambhento viharati, tassapi dātabbo. Evaṅca pana dātabbo, saṃghamajjhe byattena bhikkhunā saṃghassa anumatiyā sāvetaḥḥam—

Bhante itthannāmo bhikkhu mukharo bhikkhū duruttavacanehi ghaṭṭento viharati, so bhikkhu yaṃ iccheyya, taṃ vadeyya, bhikkhūhi itthannāmo bhikkhu neva vattabbo, na ovaditabbo, na anusāsitabbo. Saṃghaṃ bhante pucchāmi “itthannāmassa bhikkhuno brahmadāṇḍassa dānaṃ ruccati saṃghassā”ti. Dutiyampi pucchāmi. Tatiyampi pucchāmi “itthannāmassa bhante bhikkhuno brahmadāṇḍassa dānaṃ ruccati saṃghassā”ti.

Tassa aparena samayena sammā vattitvā khamāpentassa brahmadāṇḍo paṭippassambhetabbo. Evaṅca pana paṭippassambhetabbo, byattena bhikkhunā saṃghamajjhe sāvetaḥḥam—

Bhante bhikkhusaṃgho asukassa bhikkhuno brahmadāṇḍaṃ adāsi, so bhikkhu sorato nivātavutti lajjidhammaṃ okkanto hirottappe paṭiṭṭhito paṭisaṅkhā āyatim saṃvare tiṭṭhati, saṃghaṃ bhante pucchāmi “tassa bhikkhuno brahmadāṇḍassa paṭippassaddhi ruccati saṃghassā”ti.

Evam yāvatatiyaṃ vatvā apalokanakammeneva brahmadāṇḍo paṭippassambhetabboti.

Kammalakkhaṇaṅgīeva pañcamanti yaṃ taṃ Bhagavatā Bhikkhunikkhandhake “tena kho pana samayena chabbaggiyā bhikkhū bhikkhuniyo kaddamodakena osiṅcanti appeva nāma amhesu sārājjeyyunti, kāyaṃ vivarivā bhikkhuni

dassenti, ūrum vivarivā bhikkhunīnaṃ dassenti, aṅgajātaṃ vivarivā bhikkhunīnaṃ dassenti, bhikkhuniyo obhāsenti, bhikkhunihi saddhiṃ sampayojenti ‘appeva nāma amhesu sārājjeyyun’ti, imesu vatthūsu tesāṃ bhikkhūnaṃ dukkaṭaṃ paññapetvā ‘anujānāmi bhikkhave tassa bhikkhuno daṇḍakammaṃ kātun’ti. Atha kho bhikkhunīnaṃ etadahosi ‘kiṃ nu kho daṇḍakammaṃ kātabban’ti. Bhagavato etamatthaṃ ārocesuṃ. Avandiyo so bhikkhave bhikkhu bhikkhunisaṅghena kātabbo”ti evaṃ avandiyakammaṃ anuññātaṃ, taṃ kammalakkhaṇaññeva pañcamaṃ imassa apalokanakammaṃ ṭhānaṃ hoti. Tassa hi kammaññeva lakkhaṇaṃ, na osāraṇādīni, tasmā “kammalakkhaṇaṃ”ti vuccati. Tassa karaṇaṃ tattheva vuttaṃ. Apica naṃ paṭippassaddhiyā saddhiṃ vitthārato dassetuṃ idhāpi vadāma, bhikkhunupassaye sannipatitassa bhikkhunisaṅghassa anumatiyā byattāya bhikkhuniyā sāvetaḥḥaṃ—

Ayye asuko nāma ayyo bhikkhunīnaṃ apāsādikaṃ dasseti, etassa ayyassa avandiyakaraṇaṃ rucattīti bhikkhunisaṅghaṃ pucchāmi.

Dutiyaṃpi. Tatiyaṃpi bhikkhunisaṅghaṃ pucchāmīti.

Evaṃ tikkhattuṃ sāvetaḥḥaṃ apalokanakammaṃ avandiyakammaṃ kātabbanṃ.

Tato paṭṭhāya so bhikkhu bhikkhunihi na vanditabbo. Sace avandiyamāno hirottappaṃ paccupaṭṭhapetvā sammā vattati, tena bhikkhuniyo khamāpetabbā. Khamāpentena bhikkhunupassayaṃ agantvā vihāreyeva saṅghaṃ vā gaṇaṃ vā ekaṃ bhikkhuṃ vā upasaṅkamtivā ukkuṭikaṃ nisīditvā añjaliṃ paggahetvā “ahaṃ bhante paṭisaṅkhā āyatim saṃvare tiṭṭhāmi, na puna apāsādikaṃ dassessāmi, bhikkhunisaṅgho mayhaṃ khamatū”ti khamāpetabbanṃ. Tena saṅghena vā gaṇena vā ekaṃ bhikkhuṃ pesetvā ekabhikkhunā vā sayameva gantvā bhikkhuniyo vattabbā “ayaṃ bhikkhu paṭisaṅkhā āyatim saṃvare ṭhito, iminā accayaṃ desetvā bhikkhunisaṅgho khamāpito, bhikkhunisaṅgho imaṃ vandiyaṃ karotū”ti. So vandiyo kātabbo. Evañca pana kātabbo, bhikkhunupassaye sannipatitassa bhikkhunisaṅghassa anumatiyā byattāya bhikkhuniyā sāvetaḥḥaṃ—

Ayaṃ ayye asuko nāma ayyo bhikkhunīnaṃ apāsādikaṃ dasseti
bhikkhunisaṅghena avandiyo kato, so lajjidhammaṃ okkamitvā
paṭisaṅkhā āyatim saṃvare ṭhito accayaṃ desetvā

bhikkhunisaṅghaṃ khamāpesi, tassa ayyassa vandiyakaraṇaṃ ruccatīti
bhikkhunisaṅghaṃ pucchāmīti—

tikkhattuṃ vattabbaṃ. Evaṃ apalokanakammeneva vandiyo kātabbo.

Ayaṃ panettha Pālimuttakopi kammalakkhaṇavinicchayo. Idañhi kammalakkhaṇaṃ nāma bhikkhunisaṅghamūlakaṃ paññattaṃ, bhikkhusaṅghassaṃ panetaṃ labbhatiyeva. Yañhi bhikkhusaṅgho salākaggayāgaggabhattagga-uposathaggesu apalokanakammaṃ karoti, etampi kammalakkhaṇameva. Acchinnacīvarajiṇṇacīvaranaṭṭhacīvarānañhi saṅghaṃ sannipātetvā byattena bhikkhunā yāvatatiyaṃ sāvetvā apalokanakammaṃ katvā cīvaraṃ dātuṃ vaṭṭati. Appamattakavissajjakena pana cīvaraṃ karontassa Senāsanakkhandhakavaṇṇanāyaṃ vuttappabhedāni sūci-ādīni ana paloketvāpi dātabbāni. Tesāṃ dāne soyeva issaro, tato atirekaṃ dentena apaloketvā dātabbaṃ. Tato hi atirekadāne saṅgho sāmī. Gilānabhesajjampi tattha vuttappakāraṃ sayameva dātabbaṃ. Atirekaṃ icchantassa apaloketvā dātabbaṃ. Yopi ca dubbalo vā chinniriyāpatho vā pacchinnabhikkhācārapatho vā mahāgilāno, tassa mahāvāsesu tatrappādato devasikaṃ nāḷi¹ vā upaḍḍhanāḷi² vā ekadivasaṃyeva vā pañca vā dasa vā taṇḍulanāḷiyo dentena apalokanakammaṃ katvā va dātabbā. Pesalassa bhikkhuno tatrappādato iṇapalibodhampi bahussutassa saṅghabhāranitthāraḷakassa bhikkhuno anuṭṭhāpanīyaseṇāsanampi saṅghakiccaṃ karontānaṃ kappiyakāraḷādīnaṃ bhattavetanampi apalokanakammaṃ dātuṃ vaṭṭati.

Catupaccayavasena dinnatatrappādato saṅghikaṃ āvāsaṃ jaggāpetuṃ vaṭṭati. “Ayaṃ bhikkhu issaravatāya vicāretī”ti kathāpacchindanattamaṃ pana salākaggādīsu vā antarasannipāte vā saṅghaṃ pucchitvāva jaggāpetabbo. Cīvarapiṇḍapātattāya odissadinnatatrappādatoṃ apaloketvā āvāso jaggāpetabbo. Anapaloketvāpi vaṭṭati, “sūro vatāyaṃ bhikkhu cīvarapiṇḍapātattāya dinnato āvāsaṃ jaggāpetī”ti evaṃ uppannakathāpacchedanattamaṃ pana apalokanakammameva katvā jaggāpetabbo.

1. Nāḷim (Syā)

2. Upaḍḍhanāḷim (Syā)

Cetiye chattam̄ vā vedikam̄ vā bodhigharam̄ vā āsanagharam̄ vā akatam̄ vā karontena jin̄nam̄ vā paṭisaṅkharontena sudhākammam̄ vā karontena manusse samādapetvā kātum̄ vaṭṭati. Sace kārako natthi, cetiyassa upanikkhepato kāretabbam̄. Upanikkhepepi asati apalokanakammam̄ katvā tatruppādato kāretabbam̄, saṅghikenapi. Saṅghikena hi apaloketvā cetiyakiccam̄ kātum̄ vaṭṭati, cetiyassa santakena apaloketvāpi saṅghikakiccam̄ kātum̄ na vaṭṭati. Tāvakālikam̄ pana gahetvā pākatikam̄ kātum̄ vaṭṭati.

Cetiye sudhākammādīni karontehi pana bhikkhācārato vā saṅghato vā yāpanamattam̄ alabhantehi cetiyasantakato yāpanamattam̄ gahetvā paribhuñjantehi vattam̄ kātum̄ vaṭṭati. Vattam̄ karomāti macchamaṁsādīhi saṅghabhattam̄ kātum̄ na vaṭṭati. Ye vihāre ropitā phalarukkhā saṅghena pariggahitā honti, jagganakammam̄ labhanti, yesam̄ phalāni ghaṇṭim̄ paharivā bhājetvā paribhuñjanti, tesu apalokanakammam̄ na kātabbam̄. Ye pana apariggahitā, tesu apalokanakammam̄ kātabbam̄. Tam̄ pana salākaggayāgaggabhattachga-antarasannipātesupi kātum̄ vaṭṭati. Uposathagge pana vaṭṭatiyeva. Tattha hi anāgatānampi chandapārisuddhi āhariyati, tasmā tam̄ suvisodhitam̄ hoti.

Evañca pana kātabbam̄, byattena bhikkhunā bhikkhusaṅghassa anumatiyā sāvetabbam̄—

Bhante yaṁ imasmim̄ vihāre antosīmāya saṅghasantakam̄ mūlatacapatta-aṅkurapupphaphalakhādanīyādi atthi, tam̄ sabbam̄ āgatāgatānam̄ bhikkhūnam̄ yathāsukham̄ paribhuñjitum̄ rucchatīti saṅgham̄ pucchāmīti tikkhattum̄ pucchitabbam̄.

Catūhi pañcahi bhikkhūhi katam̄ sukatameva. Yasmim̄ vihāre dve tayo janā vasanti, tehi nisīditvā katampi saṅghena katasadisameva. Yasmim̄ pana vihāre eko bhikkhu hoti, tena bhikkhunā uposathadivase pubbakaraṇapubbakiccam̄ katvā nisinnena katampi katikavattam̄ saṅghena katasadisameva hoti.

Karontena pana phalavārena kātumpi cattāro māse cha māse ekasaṃvaccharanti evaṃ paricchinditvāpi aparicchinditvāpi kātum vaṭṭati. Paricchinne yathāparicchedaṃ paribhuñjitvā puna kātabbam. Aparicchinne yāva rukkhā dharanti, tāva vaṭṭatiyeva. Yepi tesam rukkhānam bījehi aññe rukkhā¹ ropitā honti, tesampi sā eva katikā.

Sace pana aññasmim vihare ropitā honti, tesam yattha ropitā, tasmimyeva vihare saṅgho sāmī. Yepi aññato bījāni āharitvā purimavihāre pacchā ropitā, tesu aññā katikā kātabbā. Katikāya katāya puggalikaṭṭhāne tiṭṭhanti, yathāsukham phalādīni paribhuñjitum vaṭṭati. Sace panettha taṃ taṃ okāsam parikkhipitvā parivenāni katvā jagganti, tesam bhikkhūnam puggalikaṭṭhāne tiṭṭhanti, aññe paribhuñjitum na labhanti. Tehi pana saṅghassa dasabhāgam² datvā paribhuñjitabbāni. Yopi majjhevihāre rukkhā sākkhāni parivāretvā rakkhati, tassāpi eseva nayo.

Porāṇavihāram gatassa sambhāvanīyabhikkhuno “thero āgato”ti phalāphalam āharanti, sace tattha mūle sabbapariyattidharo bahussutabhikkhu vihāsi, “addhā ettha dīghā katikā katā bhavissati”ti nikkukkuccena paribhuñjitabbam. Vihāre phalāphalam piṇḍapātikanampi vaṭṭati, dhutaṅgam na kopeti. Sāmaṇerā attano ācariyupajjhāyānam bahūni phalāni denti, aññe bhikkhū alabhantā khiyyanti, khiyyanamattameva cetam hoti.

Sace pana dubbhikkham hoti, ekaṃ panasarukkham nissāya saṭṭhipi janā jīvanti, tādise kāle sabbesam saṅgahakaraṇatthāya bhājetvā khādītabbam, ayaṃ sāmīci. Yāva pana katikavattam na paṭippassambhati, tāva tehi khāyitam sukhāyitameva. Kadā pana katikavattam paṭippassambhati. Yadā samaggo saṅgho sannipatitvā “ito paṭṭhāya bhājetvā khādantū”ti sāveti. Ekabhikkhuke pana vihare ekena sāvitepi purimakatikā paṭippassambhatiyeva. Sace paṭippassaddhāya katikāya sāmaṇerā neva rukkhato pātentī, na bhūmito gahetvā bhikkhūnam denti, patitaphalāni pādehi paharantā vicaranti, tesam dasabhāgato³ paṭṭhāya yāva upaḍḍhaphalabhāgena phātikammaṃ kātabbam. Addhā phātikammalobhena⁴

1. Bījehi rukkhā (Ka)

2. Dasamabhāgam (Sī, Ka)

3. Dasamabhāgato (Sī)

4. Phātikammalābhena (Syā, Ka)

āharitvā dassanti. Puna subhikkhe jāte kappiyakārakesu āgantvā sākḥāparivārādīni katvā rukkhe rakkhantesu sāmaṇerānaṃ phātikammaṃ na dātabbaṃ, bhājetvā paribhuñjitabbaṃ.

“Vihāre phalāphalaṃ atthī”ti sāmāntagāmehi manussā gilānānaṃ vā gabbhinīnaṃ vā atthāya āgantvā “ekaṃ nāḷikerānaṃ detha, ambaṃ detha, labujaṃ dethā”ti yācanti, dātabbaṃ na dātabbanti. Dātabbaṃ. Adīyamāne hi te domanassikā honti, dentena pana saṃghaṃ sannipātetvā yāvatiyaṃ sāvetaṃ apalokanakammaṃ katvāva dātabbaṃ, katikavattaṃ vā katvā ṭhapetabbaṃ, evañca pana kātabbaṃ, byattena bhikkhunā saṃghassa anumatiyā sāvetaṃ—

“Sāmāntagāmehi manussā āgantvā gilānādīnaṃ atthāya phalāphalaṃ yācanti, dve nāḷokerāni, dve tālaphalāni, dve panasāni, pañca ambāni, pañca kadaliphalāni gaṇhantānaṃ anivāraṇaṃ, asukarukkhato ca asukarukkhato ca phalaṃ gaṇhantānaṃ anivāraṇaṃ rucati bhikkhusaṃghassa”ti tikkhattuṃ vattabbaṃ.

Tato paṭṭhāya gilānādīnaṃ nāmaṃ gahetvā yācantā “gaṇhathā”ti na vattabbā, vattaṃ pana ācikkhitabbaṃ “nāḷikerādīni iminā nāma paricchena gaṇhantānaṃ asukarukkhato ca asukarukkhato ca phalaṃ gaṇhantānaṃ anivāraṇaṃ katan”ti. Anuvicaritvā pana “ayaṃ madhuraphalo ambo, ito gaṇhathā”tipi na vattabbā. Phalabhājanakāle pana āgatānaṃ sammatena upaḍḍhabhāgo dātabbo, asammatena apaloketvā dātabbaṃ.

Khīṇaparibbayo vā maggagamiyasatthavāho vā añño vā issaro āgantvā yācanti, apaloketvāva dātabbaṃ. Balakkārena gahetvā khādanto na vāretabbo. Kuddho hi so rukkhepi chindeyya, aññampi anattaṃ kareyya. Puggalikapariveṇaṃ āgantvā gilānassa nāmena yācanto “amhehi chāyādīnaṃ atthāya ropitaṃ, sace atthi, tumhe jānāthā”ti vattabbo. Yadi¹ pana phalabharitāva rukkḥā honti, kaṇṭake bandhitvā phalavārena khādanti, apaccāsīsentena hutvā dātabbaṃ. Balakkārena gaṇhanto na vāretabbo, pubbe vuttamevettha kāraṇaṃ

1. Yadā (Ka)

Saṅghassa phalārāmo hoti, paṭijagganaṃ na labhati. Sace taṃ koci vattasīsenā jaggati, saṅghasseva hoti. Athāpi kassaci paṭibalassa bhikkhuno “imaṃ sappurisa jaggivā dehi”ti saṅgho bhāraṃ karoti, so ce vattasīsenā jaggati, evampi saṅghasseva hoti. Phātikammaṃ paccāsīsantassa pana tatiyabhāgena vā upaḍḍhabhāgena vā phātikammaṃ kātappaṃ. “Bhāriyaṃ kamman”ti vatvā ettakena anicchanto pana “sabbaṃ taveva santakaṃ katvā mūlabhāgaṃ dasabhāgamattaṃ datvā jaggāhi”tipi vattabbo. Garubhaṇḍattā pana mūlacchejjavasena na dātappaṃ. So mūlabhāgaṃ datvā khādanto akatāvāsaṃ vā katvā katāvāsaṃ vā jaggivā nissitakānaṃ āramaṃ niyyādeti, tehipi mūlabhāgo dātabbova. Yadā pana bhikkhū sayāṃ jaggituṃ pahonti, atha tesāṃ jaggituṅca na dātappaṃ, jaggitakāle ca na vāretabbā, jagganakāleyeva vāretabbā. “Bahu tumhehi khāyitaṃ, idāni mā jaggittha, bhikkhusaṅghoyeva jaggīssati”ti vattappaṃ.

Sace pana neva vattasīsenā jagganto atthi, na phātikammaṃ, na saṅgho jaggituṃ pahoti, eko anāpucchitvāva jaggivā phātikammaṃ vaḍḍhetvā paccāsīsati, apalokanakammaṃ phātikammaṃ vaḍḍhetvā dātappaṃ. Iti imaṃ sabbampi kammalakkhaṇameva hoti. Apalokanakammaṃ imāni pañca ṭhānāni gacchati.

Ñattikammaṭṭhānabhede pana “suṇātu me bhante saṅgho, itthannāmo itthannāmassa āyasmato upasampadāpekkho, anusitṭho so mayā, yadi saṅghassa pattakallaṃ, itthannāmo āgaccheyyāti, āgacchāhīti vattabbo”ti evaṃ upasampadāpekkhassa osāraṇā osāraṇā nāma.

“Suṇantu me āyasmantā, ayaṃ itthannāmo bhikkhu dhammakathiko, imassa neva suttaṃ āgacchati, no suttavibhaṅgo, so atthaṃ asallakkhetvā byañjanacchāyāya atthaṃ paṭibāhati, yadāyasmantānaṃ pattakallaṃ, itthannāmaṃ bhikkhuṃ vuṭṭhāpetvā avasesā imaṃ adhikaraṇaṃ pūpasameyyāmā”ti evaṃ ubbāhikāvinicchaye dhammakathikassa bhikkhuno nissāraṇā nissāraṇā nāma.

“Suṇātu me bhante saṅgho, ajjuposatho pannaraso, yadi saṅghassa pattakallaṃ, saṅgho uposathaṃ kareyyā”ti evaṃ uposathakammavasena ṭhapitā ñatti uposatho nāma.

“Suṇātu me bhante saṅgho, ajja pavāraṇā pannarasī, yadi saṅghassa pattakallaṃ, saṅgho pavāreyyā”ti evaṃ pavāraṇākammavasena ṭhapitā ñatti pavāraṇā nāma.

“Suṇātu me bhante saṅgho, itthannāmo itthannāmassa āyasmato upasampadāpekkho, yadi saṅghassa pattakallaṃ, ahaṃ itthannāmaṃ anusāseyyan”ti. “Yadi saṅghassa pattakallaṃ, itthannāmo itthannāmaṃ anusāseyyā”ti. “Yadi saṅghassa pattakallaṃ, ahaṃ itthannāmaṃ antarāyike dhamme puccheyyan”ti. “Yadi saṅghassa pattakallaṃ, itthannāmo itthannāmaṃ antarāyike dhamme puccheyyā”ti. “Yadi saṅghassa pattakallaṃ, ahaṃ itthannāmaṃ vinayaṃ puccheyyan”ti. “Yadi saṅghassa pattakallaṃ, itthannāmo itthannāmaṃ vinayaṃ puccheyyā”ti. “Yadi saṅghassa pattakallaṃ, ahaṃ itthannāmena vinayaṃ puṭṭho vissajjeyyan”ti. “Yadi saṅghassa pattakallaṃ, itthannāmo itthannāmena vinayaṃ puṭṭho vissajjeyyā”ti evaṃ attānaṃ vā paraṃ vā sammannituṃ ṭhapitā ñatti sammuti nāma.

“Suṇātu me bhante saṅgho, idaṃ cīvaraṃ itthannāmassa bhikkhuno nissaggiyaṃ saṅghassa nissaṭṭhaṃ, yadi saṅghassa pattakallaṃ, saṅgho imaṃ cīvaraṃ itthannāmassa bhikkhuno dadeyyā”ti. “Yadāyasmantānaṃ pattakallaṃ, āyasmantā imaṃ cīvaraṃ itthannāmassa bhikkhuno dadeyyun”ti evaṃ nissaṭṭhacīvarapattādīnaṃ dānaṃ dānaṃ nāma.

“Suṇātu me bhante saṅgho, ayaṃ itthannāmo bhikkhu āpattiṃ sarati vivarati uttāniṃ karoti deseti, yadi saṅghassa pattakallaṃ, ahaṃ itthannāmassa bhikkhuno āpattiṃ paṭiggaṇheyyan”ti. “Yadāyasmantānaṃ pattakallaṃ, ahaṃ itthannāmassa bhikkhuno āpattiṃ paṭiggaṇheyyan”ti. Tena vattabbo “passasī”ti. Āma passāmīti. “Āyatiṃ saṃvareyyāsī”ti evaṃ āpattiṃ paṭiggaho paṭiggaho nāma.

“Suṇantu me āyasmantā āvāsikā, yadāyasmantānaṃ pattakallaṃ, idāni uposathaṃ kareyyāma, pātimokkhaṃ uddiseyyāma, āgame kāḷe pavāreyyāmā”ti. Te ce bhikkhave bhikkhū bhaṇḍanakāraḷakā kalahakāraḷakā vivādakāraḷakā bhassakāraḷakā saṅghe adhikaraṇakāraḷakā taṃ kāḷaṃ anuvaseyyuṃ, āvāsikena bhikkhunā byattena paṭibalena āvāsikā bhikkhū ñāpetabbā—“suṇantu me āyasmantā āvāsikā,

yadāyasmantānaṃ pattakallaṃ, idāni uposathaṃ kareyyāma, pātimokkhaṃ uddiseyyāma, āgame juṅhe pavāreyyāmā”ti evaṃ katā pavāraṇāpaccukkaḍḍhanā paccukkaḍḍhanā nāma.

Sabbeheva ekajjhaṃ sannipatitabbaṃ, sannipatitvā byattena bhikkhuna paṭibalena saṃgho ñāpetabbo, “suṇātu me bhante saṃgho, amhākaṃ bhaṇḍanaajātānaṃ kalahajātānaṃ vivādāpannānaṃ viharataṃ bahum assāmaṇakaṃ ajjhāciṇṇaṃ bhāsita-parikkantaṃ, sace mayāṃ imāhi āpattihi aññaṃaññaṃ kāressāma, siyāpi taṃ adhikaraṇaṃ kakkhaḷattāya vāḷattāya bhedāya saṃvatteyya, yadi saṃghassa pattakallaṃ, saṃgho imaṃ adhikaraṇaṃ tiṇavatthārakena vūpasameyya ṭhapetvā thullavajjaṃ ṭhapetvā gihipaṭisaṃyuttan”ti evaṃ tiṇavatthārakasamathena katvā sabbapaṭhamā sabbasaṅgāhikaṇatti kammalakkhaṇaṃ nāma.

Tathā tato parā ekekasmim pakkhe ekekaṃ katvā dve ñattiyo, iti yathāvuttappabhedāṃ osāraṇaṃ nissāraṇaṃ -pa- kammalakkhaṇaññeva navamanti ñattikammaṃ imāni nava ṭhānāni gacchati.

Ñattidutiyakammaṭṭhānabhede pana vaḍḍhassa licchavino pattanikkujjanavasena Khandhake vuttā nissāraṇā, tasseva pattukkujjanavasena vuttā osāraṇā ca veditabbā.

Sīmāsammuti ticīvarena avippavāsasammuti santhatasammuti bhattuddesaka, senāsanaggāhāpaka, bhaṇḍāgārika, cīvarapaṭiggāhaka, cīvarabhājaka, yāgubhājaka, phalabhājaka, khajjabhājaka, appamattakavissajjaka, sāṭiyaggāhāpaka, pattaḡgāhāpaka, ārāmikapesaka, sāmaṇerapesakasammutīti etāsaṃ sammutīnaṃ vasena sammuti veditabbā. Kathinacīvaradānamatakacīvaradānavasena dānaṃ veditabbaṃ.

Kathinuddhāravasena uddhāro veditabbo.

Kuṭivattuhivāravatthudesanāvasena desanā veditabbā. Yā pana tiṇavatthārakasamathe sabbasaṅgāhikaṇattiṇca ekekasmim pakkhe ekekaṃ ñattiṇcāti tisso ñattiyo ṭhapetvā puna ekasmim pakkhe ekā ekasmim pakkhe ekāti dve ñattidutiyakammavācā vuttā, tāsāṃ vasena kammalakkhaṇaṃ veditabbaṃ. Iti ñattidutiyakammaṃ imāni satta ṭhānāni gacchati.

Ñatticatutthakammaṭṭhānabhede pana tajjanīyakammādīnaṃ sattannaṃ kammānaṃ vasena nissāraṇā, tesāmyeva ca kammānaṃ paṭippassambhanavasena osāraṇā veditabbā.
 Bhikkhunovādakasammutivasena sammuti veditabbā.
 Parivāsadānamānattadānavasena dānaṃ veditabbaṃ.
 Mūlāyapaṭikassanakammavasena niggaho veditabbo. Ukkhittānuvattikā aṭṭha yāvattiyakā ariṭṭho caṇḍakālī ca ime te yāvattiyakāti imāsaṃ ekādasannaṃ samanubhāsanānaṃ vasena samanubhāsanā veditabbā. Upasampadākamma-abbhānakammavasena pana kammalakkhaṇaṃ veditabbaṃ. Iti ñatticatutthakammaṃ imāni satta ṭhānāni gacchati.

497. Iti kammāni ca kammavipattiṅca vipattivirahitānaṃ kammānaṃ ṭhānapabhedagamanaṅca dassetvā idāni tesāṃ kammānaṃ kārakassa saṅghassa paricchedaṃ dassento puna **catuvaggakaraṇe kammeti-ādimāha**. Tassattho parisato kammavipattivaṇṇanaṃ vuttanayeneva veditabboti.

Kammavaggavaṇṇanā niṭṭhitā.

Atthavasavaggādivaṇṇanā

498. Idāni yāni tāni tesāṃ kammānaṃ vatthubhātāni sikkhāpadāni, tesāṃ paññattiyāṃ ānisaṃsaṃ dessetum **dve atthavase paṭiccāti-ādi** āraddhaṃ. Tattha **diṭṭhadhammikānaṃ verānaṃ¹ saṃvarāyāti** pāṇātipātādīnaṃ pañcannaṃ diṭṭhadhammikaverānaṃ saṃvaratthāya pidahanatthāya. **Samparāyikānaṃ verānaṃ paṭighātāyāti** vipākadukkhasaṅkhātānaṃ samparāyikaverānaṃ paṭighātattāya samucchedanatthāya anuppajjanatthāya. **Diṭṭhadhammikānaṃ vajjānaṃ saṃvarāyāti** tesāmyeva pañcannaṃ verānaṃ sāvaratthāya. **Samparāyikānaṃ vajjānanti** tesāmyeva vipākadukkhānaṃ. Vipākadukkhāneva hi idha vajjanīyabhāvato vajjānīti vuttāni. **Diṭṭhadhammikānaṃ bhayānanti** garahā upavādo tajjanīyādīni kammāni uposathapavāraṇānaṃ ṭhapanānaṃ akittipakāsānīyakammanti etāni diṭṭhadhammikabhayāni nāma, etesaṃ saṃvaratthāya. **Samparāyikabhayāni** pana vipākadukkhāniyeva, tesāṃ paṭighātattāya. **Diṭṭhadhammikānaṃ akusalānanti**

1. Āsavānaṃ (Syā)

pañcaveradasa-akusalakammappathappabhedānaṃ akusalānaṃ samvaratthāya. Vipākadukkhāneva pana akkhamaṭṭhena **samparāyika-akusalānīti** vuccanti, tesam paṭighātathāya. **Gihīnaṃ anukampāyāti** agārikānaṃ saddhārakkhaṇavasena anukampanatthāya. **Pāpicchānaṃ pakkhupacchedāyāti** pāpicchapuggalānaṃ gaṇabandhabhedanatthāya Gaṇabhojanasikkhāpadaṃ paññattaṃ. Sesam sabbattha uttānameva. Yaṃ hettha vattabbaṃ siyā, taṃ sabbaṃ paṭhamapārājikavaṇṇanāyameva vuttanti.

Sikkhāpadesu atthavasena vaṇṇanā niṭṭhitā.

499. Pātimokkhādīsū **pātimokkhuddesoti** bhikkhūnaṃ pañcavidho bhikkhunīnaṃ catubbidho. Parivāsadānādīsū **osāraṇīyaṃ paññattanti** aṭṭhārasasu vā tecattālīsāya vā vattesu vattamānassa osāraṇīyaṃ paññattaṃ. Yena kammaṃ osārīyati, taṃ kammaṃ paññattanti attho. **Nissāraṇīyaṃ paññattanti** bhaṇḍanakāraḍādayo yena kammaṃ nissārīyanti, taṃ kammaṃ paññattanti attho.

500. Apaññatteti-ādīsū **apaññatte paññattanti** sattāpattikkhandhā Kakusandhañca Sammāsambuddhaṃ Koṇāgamaṇaṇca Kassapañca Sammāsambuddhaṃ ṭhapetvā antarā kenaci apaññatte sikkhāpade paññattaṃ nāma. Makkaṭṭivattu-ādivinītakathā sikkhāpade paññatte¹ anupaññattaṃ nāma. Sesam sabbattha uttānamevāti.

Ānisaṃsavaggavaṇṇanā niṭṭhitā.

501. Idāni sabbasikkhāpadānaṃ ekekena ākārena navadhā saṅgahaṃ dassetuṃ **nava saṅgahāti**-ādīmāha. Tattha **vatthusāṅgahoti** vatthunā saṅgaho. Evaṃ sesesupi padattho veditabbo. Ayaṃ panettha atthayojanā—yasmā hi ekasikkhāpadampi avatthusmim paññattaṃ natthi, tasmā sabbāni vatthunā saṅgahitānīti evaṃ tāva vatthusāṅgaho veditabbo.

1. Sikkhāpadapaññatte (Syā, Ka)

Yasmā pana dve āpattikkhandhā sīlavipattiyā saṅgahitā,
pañcāpattikkhandhā ācāravipattiyā, cha sikkhāpadāni ājīvavipattiyā
saṅgahitāni, tasmā sabbānipi vipattiyā saṅgahitānīti evaṃ vipattisaṅgaho
veditabbo.

Yasmā pana sattahāpattihi muttam ekasikkhāpadampi natthi, tasmā
sabbāni āpattiyā saṅgahitānīti evaṃ āpattisaṅgaho veditabbo.

Sabbāni ca sattesu nagaresu paññattānīti nidānena saṅgahitānīti evaṃ
nidānasaṅgaho veditabbo.

Yasmā pana ekasikkhāpadampi ajjhācārikapuggale asati paññattam
natthi, tasmā sabbāni puggalena saṅgahitānīti evaṃ puggalasaṅgaho
veditabbo.

Sabbāni pana pañcahi ceva sattahi ca āpattikkhandhehi saṅgahitāni,
sabbāni na vinā chahi samuṭṭhānehi samuṭṭhantīti samuṭṭhānena saṅgahitāni.
Sabbāni ca catūsu adhikaraṇesu āpattādhikaraṇena saṅgahitāni. Sabbāni
sattahi samathehi samatham gacchantīti samathehi saṅgahitāni. Evamettha
khandhasamuṭṭhāna-adhikaraṇasamathasaṅgahāpi veditabbā. Sesam pubbe
vuttanayamevāti.

Samantapāsādikāya Vinayasamvaṇṇanāya

Navasaṅgahitavaggavaṇṇanā niṭṭhitā.

Niṭṭhitā ca Parivārassa anuttānatthapadavaṇṇanāti.

Nigamanakathā

Ettāvatā ca—

Ubhato Vibhaṅgakhandhaka-parivāravibhattidesanaṃ Nātho.

Vinayaṭṭhakam vinento, veneyyam yaṃ Jino āha.

Samadhikasattavāsati-sahassamattena tassa ganthena.

Samvaṇṇanā samattā, **Samantapāsādikā** nāma.

Tatridaṃ Samantapāsādikāya Samantapāsādikattasmiṃ—

Ācariyaparamparato, nidānavatthuppabhedadīpanato.

Parasamayavivajjanato, sakasamayavisuddhito ceva.

Byañjanaparisodhanato, padatthato Pāḷiyojanakkamato.

Sikkhāpadanicchayato, vibhaṅganayabhedadassanato.

Sampassataṃ na dissati, kiñci apāsādikaṃ yato ettha.

Viññānamayaṃ tasmā, samantapāsādikāteva.

Samvaṇṇanā pavattā, vinayassa vineyyadamanakusalena.

Vuttassa Lokanāthena, lokamanukampamānenāti.

Mahā-aṭṭhakathañceva, Mahāpaccarimevaca.

Kurundiñcāti tissopi, Sīhaḷaṭṭhakathā imā.

Buddhamittoti nāmena, vissutassa yasassino.

Vinayaññussa dhīrassa, sutvā therassa santike.

Mahāmeghavanuyyāne, bhūmibhāge patiṭṭhito.

Mahāvihāro yo Satthu, mahābodhivibhūsito.

Yaṃ tassa dakkhiṇe bhāge, padhānagharamuttamaṃ.

Sucicārittasilena, bhikkhusaṃghena sevitam.

Uḷārakulasambhūto, saṃghupaṭṭhāyako sadā.

Anākulāya saddhāya, pasanno ratanattaye.

Mahānigamasāmīti, vissuto tattha kārayi.
 Cārupākārasañcītaṃ, yaṃ pāsādaṃ manoramaṃ.
 Sītacchāyatarūpetāṃ, sampannasalilāsayaṃ.
 Vasatā tatra pāsāde, mahānigamasāmino.
 Sucisīlasamācāraṃ, therāṃ **Buddhasiri** vhaṃ.
 Yā uddisitvā āraddhā, iddhā Vinayavaṇṇanā.
 Pālayantassa sakalaṃ, Laṅkādīpaṃ nirabbudaṃ.
 Rañño sirinivāsassa, **siripālaya**sassino.
 Samavāsītime kheme, jayaśaṃvacchare ayaṃ.
 Āraddhā ekavāsīsamhi, sampatte pariniṭṭhitā.
 Upaddavā kule loke, nirupaddavato ayaṃ.
 Ekasaṃvacchareneva, yathā niṭṭhaṃ upāgatā.
 Evaṃ sabbassa lokassa, niṭṭhaṃ dhammūpasamhitā.
 Sīghaṃ gacchantu ārambhā¹, sabbepi nirupaddavā.
 Ciratṭhitatthaṃ dhammassa, karontena mayā imaṃ.
 Saddhammabahumānena, yañca puññaṃ samācītaṃ.
 Sabbassa ānubhāvena, tassa sabbepi pāṇino.
 Bhavantu dhammarājassa, saddhammarasasevino.
 Ciraṃ tiṭṭhatu saddhammo, kāle vassaṃ ciraṃ pajāṃ.
 Tappetu devo dhammena, rājā rakkhatu medinīti.

Paramavisuddhasaddhābuddhivīriyapaṭīmaṇḍitena
 sīlācārajjavamaddavādiguṇasamudayasamuditena
 sakasamayasaṃmayantaragahanaṃjhogāhaṇasamatthena
 paññāveyyattiyasamānāgatena Tipiṭakapariyattippabhede sātṭhakathe
 Satthusāsane appaṭihataññāṇappabhāvena mahāveyyākaraṇena
 karaṇasampattijanitasukhaviniggatamadhurodāra² vacanalāvaṇṇayuttena³
 yuttamuttavādīnā vādivarena mahākavinā pabhinnapaṭisambhidāparivāre
 chaḷabhiññāḍipabhedaguṇapaṭīmaṇḍite

1. Ārabbhā (Ka)

2. ...madhuroḷāra (Sī, Syā)

3. ...nelavaṇṇayuttena (Ka)

uttarimanussadhamme suppatiṭṭhitabuddhīnaṃ theravaṃsappadīpānaṃ
 therānaṃ Mahāvihāravāsīnaṃ vaṃsālaṅkārabhūtena
 vipulavisuddhabuddhinā **Buddhaghosoti** garūhi gahitanāmadheyyena therena
 katā ayaṃ **Samantapāsādikā** nāma Vinayaṃvaṇṇanā—

Tāva tiṭṭhatu lokasmiṃ, lokanittaraṇesinaṃ.

Dassenti kulaputtānaṃ, nayaṃ sīlavisuddhiyā.

Yāva Buddhoti nāmappi, suddhacittassa tādino.

Lokamhi Lokajettṭhassa, pavattati Mahesinoti.

Samantapāsādikā nāma

Vinaya-aṭṭhakathā niṭṭhitā.

Cūlavaggādi-aṭṭhakathāya

Saṃvaṇṇitapadānaṃ anukkamaṇikā

Padānukkamo	Piṭṭhaṅko		Padānukkamo	Piṭṭhaṅko
[A]			[A]	
Akatamallakaṃ	44		Aññāpaṭivedho	123
Akatātirittaṃ	173		Aññā vā tādisikā	8
Akammāsāni	154		Aññāvihito	224
Akappiyaṃ	173		Aṭṭhāne nhāyanti	44
Akaraṇaṃ	151		Aṭṭhakabhattaṃ	107
Akāma	65		Aṭṭhagarudhammakathā	127
Akittayi	187		Aṭṭha lokadhammā	180
Akiriyato	157		Aṭṭhaṅgulaparamaṃ	56
Akiriyā	151		Aṭṭhikāni	48
Akusalamūlāni	167		Aṭṭhillena	129
Akhaṇḍāni	154		Aḍḍhapallaṅkaṃ	132
Agocarō	117		Aḍḍhadukaṃ	53
Aggapiṇḍaṃ	63		Aḍḍhayogo	58
Aggaḷavaṭṭi	50		Atimaṭṭhakaṃ	56
Aggāsanaṃ	63		Atiracchānakathikena	205
Aggodakaṃ	63		Ativeṭṭheti	43
Agghasamodhāno	27		Ativelaṃ	178
Aṅgaḥīno	161		Atekkiccho	112
Aṅguliya	50		Athullavajjā	158
Acakkhussaṃ	56		Atthapaṭisaṃbhidāpatto	221
Acittako	168, 225		Atthasataṃ	185
Accussannaṃ	61		Atthārassa	212
Acchiddāni	154		Aduṭṭhullā	157
Ajjhattaṃ	152		Addhānahīno	161
Ajjhattaṃ manasikarivā	126		Adesaṅgāminiyā	219
Ajjhupagamaṇaṃ	199		Adhakkhagāmaṃvassutā	142

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Adhammacuditako	158	Aniyato	191
Adhammacodako	158, 206	Anukampitā	126
Adhammena gaṇhanti	37	Anukkhittako	158
Adhammena vūpasammati	36	Anuciṇṇo	112
Adhikaraṇaṃ	176	Anuṭṭhitāya	184
Adhikaraṇavāro	140	Anuddhaṃsetabbo	4
Adhiccāpattiko	158	Anupakhajja	119
Adhiṭṭhānassa	212	Anupādā	208
Adhivāsana	199	Anubalappadānaṃ	39
Anajjhāpatti	151	Anuvadanā	39
Anatthāya	220	Anuvadanti	36
Anattho	4	Anuvādanidānaṃ	197
Anadhiṭṭhānaṃ	172	Anuvādo	9
Ananulomikehi	2	Anusampavaṅkatā	39
Anantarāyikā	157	Anussāvanena	222
Anantarāyiko	19	Anokāsakammaṃ	216
Anantāni	42	Antarā	56
Anavajjapaññatti	157	Antarākājaṃ	55
Anavasesā	157	Antarāpatti	158
Anavassavāya	152	Antarābhaṭṭhako	93
Anasuruttana	206	Antarāyikā	19
Anāgatam bhāraṃ	162	Antarā satthīnaṃ	63
Anāghātaṃ	125	Antopūtiṃ	123
Anādikaro	158	Anto vā bahi vā	4
Anānākathikena	205	Apakassanti	115
Anāpattikarā	157	Apakatattassa	219
Anāmantacāro	172	Apaññattaṃ	58
Anārocanā	14	Aparāpatti	157
Anāvāso	4, 12	Aparāmaṭṭhāni	154
Anāsitā	158	Aparipūro	161

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Apalokanakammaṃ	39	Aviditaṃ	173
Apāsādikaṃ	178	Aviddasu	134
Apissu bhikkhū pakatā	3	Avippaṭisārakaraṃ	125
Apesi	62	Avippaṭisāro	208
Appaṭikkosaṇā	199	Aviruḷhī	190
Appaṭicchannamānattaṃ	16	Asaṃvaro	139
Appaṭivibhattabhogī	153	Asabalāni	154
Appeva nāma	37	Asamannāharanto	224
Abbhācikkhanti	188	Asaddhammā	179
Abbhussahanaṭā	39	Asandiddho	112
Abhabbāpattikā	158	Asāhasikena	206
Abhikkhuko āvāso	12	Asammukhā kataṃ	1
Abhiññāṭā	110	Asissa	53
Abhiṇḥāpattiko	158	Asuci	38, 207
Abhivādanapaccuṭṭhānaṃ	6	Assatarīrathā	62
Abhisannakāyā	50	Ahimekhalikā	110
Abhum me	48		
Amhākaṃ	110	[Ā]	
Ariyā	154	Ākāra-akovido	209
Alakkhiko	111	Āgataṃ bhāraṃ	162
Alajjī	38	Āgantukabhattaṃ	104
Alamatthatarā	1	Āgantukena	10
Alābhāya	4, 220	Āgantukassa	11
Allehi pādehi	87	Āgāḷhāya	165
Avaṅgaṃ	129	Ācamanasarāvake	122
Avapakāsanti	115	Ācariyo	224
Avassutaṃ	123	Ādeyyavāco	62
Avāsāya	220	Ādesanā	112
Avikappanā	173	Ādhānaggāhī	152
Avijjānivuṭā	134	Āpaṇaṃ	129

Padānukkamo	Piṭṭhaṅko	Padānukkamo	Piṭṭhaṅko
[Ā]		[Ā]	
Āpattikarā dhammā	157	Āsittakūpadhānam	51
Āpattinidānam	197	Āḷindo	62
Āpatti dukkaṭassa	6, 53	[I]	
Āpattivuṭṭhānatā	126	Ikkāsam	61
Āpadāsu	56	Itthiyuttam	131
Āpāyiko	112	Idamatthitam	177
Ābādhapaccayā	45, 53	Iddham	119
Ābhisekikam	173	Iddhipāṭihāriyam	46
Āmalakavattikapīṭham	59	[U]	
Āmisagaruko	222	Ukkāsikam	44
Āmuttamaṇikuṇḍalā	62	Ukkhittako	158, 224
Āyatako	46	Uccavatthukam	50
Āyamissāmi	112	Ucchange	110
Āraññikaṅgam	10	Ucchiṭṭhodakam	48
Ārati	151	Ujumaddavena	207
Ārāmaṅgavattū	76	Udakaṭṭhānam	50
Ārāme	62	Udakatelakena	45
Ārāmo	76	Udakapuñchanī	51
Āvaṭṭitvā	47	Udakamātikam	51
Āvaraṇam	129	Udapajjatha	112
Āvāso	12	Udosito	131
Āvi ceva raho ca	153	Uddesako	91
Āvenim	115	Uddesabhattam	88
Āvenibhāvam	223	Uddasudham	62
Āvesanavittakam	50	Upakaṇṇakam	204
Āsajja nam	112	Upaghātikā	161
Āsanapariyanto	9	Upanisā	208
Āsanābhīhāram	6	Upasampadam	155
Āsandiko	59		
Āsādetabbo	4		

Padānukkamo	Piṭṭhaṅko	Padānukkamo	Piṭṭhaṅko
[U]		[O]	
Upassayaṃ	131	Odhānasamodhānaṃ	32
Uposathikaṃ	104	Odhānasamodhāno	26
Uposathe	11	Opunāpetabbaṃ	110
Ubbāhikāya	42	Oramattakaṃ	37
Ubhohi hatthehi	120	Olokenti	129
Ummaddenti	45	Ovaṭṭikaṃ	44
Ullokaṃ	61	Ottharakaṃ	50
Usabhadānaṃ	173	Ottharivā	119
Ussaṅkitaparisaṅkito	173	Osāraṅkaṃ	62
Ussādetā	216	[Ka]	
Ussitamantī	216	Kaṃsamayo	47
[Ū]		Kaṃsapattharikā	53
Ūhatā	122	Kakkhaḷattāya vāḷattāya	38
[E]		Kaṭacchuparissāvanaṃ	50
Ekam varaseyyaṃ	86	Kaṭāhaṃ	77
Ekacaṅkame	13	Kaṭisuttakaṃ	44
Ekabhājane	51	Kaṇṭhasuttakaṃ	44
Ekāvatto	224	Kaṇṇakitā	49
Ekāsane	12	Katakaṃ	52
Ekuppādā	214	Katāpattivāro	140
Etadavoca	3	Kattarikāya	53
Eḷakapādapīṭhaṃ	59	Kathinaṃ	49
[O]		Kathinaṃ nappahoti	49
Okāso	9	Kathinarajjuṃ	49
Ogumphetvā	50	Kaddamodakena	128
Oṇojanam	7	Kapaṇo	112
Otamasiko	224	Kapisisakaṃ	50
Otāro	178	Kappaṃ	111
		Kappaṭṭho	112

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kammaṃ	8, 120	Kumbhakārikaṅca	57
Kammaṅca	209	Kumbhathenakehi	127
Kammikā	8	Kummaggam paṭisevati	204
Kammaṣa kiriyā	199	Kuruvindakasuttiyā	44
Kammākammāni	223	Kulapadeso	206
Karakaṭako	51	Kulaṅkapādakam	61
Karaṇam	199	Kūṭaṭṭhitikā	92
Karaṇadukkaṭakā	161	Kenābhatam	139
Kalābukam	54	Koccham	59
Kalyāṇavākkaraṇā	56	Kocchena osaṅṭhenti	45
Kasambukajātam	123	Koṭisantharam	63
Kaḷimbakam	49	Koṭṭhako	50
Kāyikam upaghātikam	3	Koṭṭhakam	63
Kāyikena upaghātikena	166	Kimjātikam	197
Kāyikena micchājīvena	166	Kimnidānam	197
Kāyikena davena	3	Kimpabhavam	197
Kāyiko anācāro	3	Kimsamuṭṭhānam	197
Kāyiko micchācāro	3	Kimsamudayam	197
Kāyena paṭikkosānā	161		
Kāyena vuṭṭhāti	162	[Kha]	
Kāruṇṇatā	126	Khaṇḍam	62
Kiccayatā karaṇīyatā	39	Khato upahatindriyo	204
Kiccayanidānam	197	Khandhakā	141
Kiṇṇena	49	Khuddake	84
Kiriyato samuṭṭhitā	157	Khurasipāṭikam	53
Kukkusam mattikam	132	Kheḷāsakassa	111
Kuṭṭibhattam	106		
Kuṭṭe	44	[Ga]	
Kuṇḍakamattikam	61	Gaṇo	15
Kuppaṃ	53	Gaṇḍumattikam	61

Padānukkamo Piṭṭhaṅko

[Ga]

Gati miḡānaṃ pavanaṃ	193
Gandhabbahatthakena	44
Garukaraṇo	153
Garukā	157
Gahananissito	211
Gahite vattabbo	43
Gāmamuddavā	44
Gilānassa chattaṃ	52
Gilāno	11
Gihiddhajo	4
Gihipaṭisaṃyuttaṃ	38, 158
Gihīnaṃ Buddhassa avaṇṇaṃ	4
Gītaṃ	45
Guṇakaṃ	54
Guttatthāya	86
Guḷakabhattaṃ	107
Gūḷhakaṃ	42
Goghaṃsikāya	50
Gocaro	117
Golomikaṃ	53

[Gha]

Ghaṭikaṭāhaṃ	48
Ghaṭikā	50
Gharāvāsattaṃ	110
Gharūpacāro	90

[Ca]

Cakkalikaṃ	59, 87
Cakkavaṭṭakaṃ	51

Padānukkamo Piṭṭhaṅko

[Ca]

Caṇḍo	207
Catukaṇṇakaṃ	54
Catukkabhattaṃ	107
Caturassakaṃ	53
Cattāri mahāvikaṭāṇi	169
Cattāro pubbakiccā	172
Cattāro pattakallā	172
Cattāro sāmukkaṃsā	169
Catasso bhikkhusammutiyo	172
Candanagaṇṭhi	46
Cammakhaṇḍaṃ	51
Calakāṇi	48
Cātumāsāṃ	51
Cāvanādhippāyo	219
Cittakammaḍānaṃ	173
Cimilikā	59
Cuṇṇenti	45
Cuditako	158, 206
Cūḷasuddhanto	25
Celapaṭikaṃ	52
Codako	158, 206
Codaṇā	200
Coḷakaṃ	47
Coḷakena	87
Coḷabhisi	60

[Cha]

Chandaso āropema	56
Channamativassati	123, 193
Chamāyaṃ	12, 13

Padānukkamo	Piṭṭhaṅko	Padānukkamo	Piṭṭhaṅko
[Cha]		[Ta]	
Cha sāmīciyo	178	Tālavatthusamūpamā	190
Chādetukā	20	Tālāni	59
Chārattam mānattam	16	Tikabhōjanam	111
[Ja]		Tiṇam	82
Jaghanam	129	Tiṇabhisi	60
Jalamva yasasā aṭṭha	112	Tiṇavatthārakena	38
Jālavātapānam	59	Titthiyaddhajo	4
Jimham	204	Tivassantarena	76
[Jha]		Tīram vāheti	123
Jhāyitum	58	Tumbakaṭāham	48
[Ña]		Tuvaṭam	184
Ñattikammaṃ	39	Tulam	51
Ñatticatutthakammaṃ	39	Tena ca so sādītabbo	10
Ñattidutiyakammaṃ	39	Tesam annañca	58
[Tha]		[Tha]	
Ṭhapitam	123	Thambhe	44
Ṭhapetvā sāgāram	131	Thullaccayam	191
Ṭhitadhammo	123	Thullavajjā	38, 158
[Ta]		Thūpacīvaram	173
Takkarassa	154	[Da]	
Taggha	187	Daṇḍakathinam	49
Tatrāssa	42	Daṇḍaparissāvanam	50
Tayo paṭikkhepā	163	Daṇḍasatthakam	49
Talamatṭham	142	Daṇḍasammutim	53
Tālavaṇṭakam	54	Dadeyya	58
		Dāyam ālimpenti	56
		Dāsam upaṭṭhāpenti	129
		Diṭṭhāvīkammā	218

Padānukkamo	Piṭṭhaṅko	Padānukkamo	Piṭṭhaṅko
[Da]		[Na]	
Dukkaṭaṃ	192	Na bhikkhūhi sampayojetabbaṃ	9
Dukkhakkhayāya	154	Namatakāṃ	49, 51
Dukkhahānīṃ	141	Navakammaṃ	131
Duggahoti		Na savacaṇīyaṃ	9
paccukkaḍḍhitabbaṃ	43	Na sammati	131
Duccaritāni	167	Na sāmaṇero	8
Duṭṭhullā	157	Nāgamāsado	111
Dubbhāsitaṃ	192	Nāgahatassa	111
Dumāsikaṃ vā duvaṅgulaṃ vā	45	Nātiharanti	86
Dussapattena	129	Nānāsaṃvāsakassa	219
Dussavaṭṭiyā	129	Nānāsīmāya	219
Dussaveṇiyā	129	Nānubhavanti	110
Dūtena	11	Nāmamattaṃ	141
Deḍḍubhakaṃ	54	Nāsitako	158
Devatā rakkhanti	184	Nālikāgabbho	61
Dvāraṃ	121	Nijjhāpeti	36
Dve venayikā	161	Nidānogadham	138
[Dha]		Niddhāpetabbaṃ	110
Dhammakusalo	221	Nippātītā	110
Dhammapāṭisambhidāpatto	221	Nibbidā	208
Dhammikaṃ paṭissavaṃ	4	Nibbeṭhentaṃ	43
Dhammena vūpasammaṃ	36	Niyyānikā	154
Dhurabhattaṃ	106	Niruttikusalo	221
Dhūmakālikaṃ	84	Niruttipaṭisambhidāpatto	221
Dhūmanettaṃ	50	Nirūpadhi	62
Dhotapādakaṃ	52	Nillekhajantāgharaṃ	51
Dhotapādakā	87	Nissaggiyaṃ	192
Dhovitabbā	122	Nissitajappi	216
[Na]		Nissīme ṭhitassa	65
Nacchādeti	56		
Nadīsu jaggato	112		

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nīcacittena	205	Paṭicchannamānattaṃ	16
Nettidhammānulomikaṃ	150	Paṭibhānacittaṃ	61
Netthāraṃ vattanti	3	Paṭibhānaṃ	174
Neva suttam āgataṃ	42	Paṭibhānapaṭisambhidāppatto	221
No suttavibhaṅgo	42	Paṭimantetha	1
[Pa]		Paṭivirati	151
Pakatattānaṃ	6	Paṭisaṅkharissati	63
Pakatatto	19	Paṭihaññati	58
Pakatimaṇḍalaṃ	47	Paṭṭikaṃ sūkarantakaṃ	54
Pakuṭṭaṃ	62	Paṇḍukalohitakā	1
Pakkhamānattaṃ	16, 28	Paṇḍupalāso	190
Pakkhikaṃ	103	Pattaṃ	121
Paghanam	62	Pattakuṇḍolikā	48
Paccattharivā	87	Pattamāḷakaṃ	47
Paccuddharituṃ	61	Pattahatthena	48
Paccuddhārassa	212	Pattādhāraṅkaṃ	47
Pacchimā janatā	46	Patthaddhena	111
Pañca bhisīyo	60	Payogassa	212
Pañca yathāvuḍḍhaṃ	7	Paramparābhattaṃ	139
Paññattaṃ	161	Parigūhati	201
Paññattānulomaṃ	161	Paricitāya	184
Paññattivāro	140	Pariṇāmeti	224
Paññattetaṃ	223	Parittaṃ	56
Paññāpessāmi	111	Parittāṇakiṭṭikaṃ	62
Paṭaggiṃ	56	Parinibbuto	62
Paṭikuṭṭiyova osakki	111	Paribhaṇḍaṃ	121
Paṭikkamanti	117	Paribhavā	219
Paṭiggahaṃ	50	Paribhaṇḍakaraṇamattena	84
Paṭicchannaparivāso	18	Paribhaṇḍante	47
		Paribhojanīyaṃ	121

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Parivāsaṃ	14	Pārājikagāmī	220
Pariveṇaṃ	56	Pārājikasāmantam	43
Paligho	62	Pārivāsikā	6
Pallaṅkena	132	Pāsādikaṃ	178
Pavananto	54	Pāsādo	58
Pavivekaṃ	177	Piṭṭhamaddaṃ	61
Passaddhi	208	Piṭṭhi me āgilāyati	112
Passāvapādukaṃ	56	Piyakaraṇo	153
Pahaṭṭhakaṇṇavālo	111	Piyarūpābhinandino	134
Pahu	20	Pīṭhaṃ	77
Pākaṭā	51	Pīṭhikā	59
Pācittiyaṃ	192	Pīti	208
Pāṭaṅkiṃ	131	Puggalagaru	222
Pāṭidesanīyā	192	Puthupāṇikaṃ	44
Pāṭipadikaṃ	104	Pupphābhikiṇṇesu	51
Pāṭabyatam	166	Pubbakaraṇam	212
Pādamaṃ	129	Pubbāpatti	157
Pādakathalikaṃ	6	Pubbāparakusalo	221
Pādakocchaṃ	129	Pubbūpaparipācitā	142
Pādapiṭhaṃ	6	Purakkhatvā	52
Pādodakaṃ	6	Purato	9
Pānāgāraṃ	129	Purāṇamallī	130
Pānīyaṃ	118	Purisabyañjanaṃ	130
Pānīyabhājanaṃ	62	Puresamaṇena vā	
Pāpaṇikaṃ	173	pacchā samaṇena vā	10
Pāpiccho	177, 219	Pekkhati anupekkhati	36
Pāpiṭṭhatarā	8	Poṭakitūlaṃ	59
Pāmaṅgaṃ	44	Porisiyaṃ	56
Pāmujjam	208	Posā	134
Pārājikaṃ	191		

Padānukkamo	Piṭṭhaṅko	Padānukkamo	Piṭṭhaṅko
[Pha]		[Bha]	
Phātikammatthāya	87	Bhattikammaṃ	61
Phāsukā namenti	129	Bhaddapīṭham	59
Phullaṃ	63	Bhabbāpattikā	158
Phosituṃ	61	Bhavo	110
[Ba]		Bhāṇakaṃ	77
Bandhanamattaṃ	53	Bhāvitāya	184
Bandhanarajjuṃ	50	Bhāsānusandhikusalo	216
Balavanissito	211	Bhāsitarikkantaṃ	37
Balavābalavaṃ	1	Bhisam̐ ghasamānassa	112
Bahi ṭhitena	117	Bhikkhaggena	134
Bahiddhā	152	Bhikkhādāyikāya	121
Bahujana-ahitāya	210	Bhikkhunīnaṃ anupakhajja	39
Bahulīkatāya	184	Bhikkhū gaṇetvā	64
Bāhāgahaṇā	123	Bhitti	87
Bāhiralomim̐ uṇṇim̐	46	Bhisi	77
Bidalakaṃ	49	Bhīrū	207
Bidalamañcakaṃ	59	Bhujissāni	154
Bimbohanaṃ	77	Bhusikā uddharāpetabbā	110
Byañjanakusalo	221	Bhesmā	112
Byañjanacchāyāya	42	Bhogūpaghātikā	161
Brahmaṃ puññaṃ	111	[Ma]	
[Bha]		Makasakuṭikā	50
Bhaṅgo	46	Makasabījanī	52
Bhaṇḍikāṭhapanamattena	84	Magā	134
Bhatapaṭiyābhataṃ	173	Macchavāḷakaṃ	54
Bhattaṃ	7	Mañco	76
		Mañjiṭṭhikā	127
		Maṇimayo	47
		Mantanā	208

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ya]	
Mandattā momūhattā	219	Yathāpatirūpe	205
Mando	207	Yathābhataṃ	224
Mamānukubbaṃ	112	Yathābhūtañāṇadassanaṃ	208
Malamattaṃ	53	Yathārattaṃ	223
Mallamuṭṭhikā	44	Yadeva kiñci	4
Massuṃ vaḍḍhāpenti	53	Yadeva sā vibbhantā	131
Mahato taḷākassa	127	Yantakaṃ sūcikaṃ	59
Mahāgilāno	105	Yasantarato na santi kopā	110
Mahāvarāhassa	112	Yānikatāya	184
Mahāsuddhanto	26	Yāyaṃ diṭṭhi	154
Mahiṃ vikubbato	112	Yāvaticā ca bhikkhū	
Mahiyā	134	kammappattā	41
Maḷorikā	51	Yebhuyyasikāya	37
Mā jātu	112	Yo tattha anuvādo	39
Mānassino	110	Yo laggeyya	48
Mā maṃ jānimsu	10		
Midḍhante	47	[Ra]	
Midḍhiṃ	59	Rajoharaṇasamena	205
Mithu yathāvuḍḍhaṃ	6	Rajju	59
Missakaṃ	35	Rājañātakā	111
Missakasamodhānaṃ	32	Rukkhatūlaṃ	59
Missakasamodhāno	28	Romanthakassa	53
Mukhaṃ ālimpanti	45		
Muṇḍavaṭṭi	55	[La]	
Murajaṃ	54	Latātūlaṃ	59
Mettaṃ kāyakammaṃ	153	Lahukā	157
Mettaṃ manokammaṃ	153	Likhituṃ	47
Mettaṃ vacīkammaṃ	153	Liṅgapātubhāvena	168
Moghasuttakaṃ	49	Leṇatthaṃ	58
		Lesakappena	64

Padānukkamo	Piṭṭhaṅko	Padānukkamo	Piṭṭhaṅko
[La]		[Va]	
Lokāyataṃ	56	Vinandhanarajjūṃ	49
Lomaṃ pāṭenti	3	Vinandhanasuttakaṃ	49
Lohakumbhī	77	Vinayapurekkhārātā	126
[Va]		Vinayabyākaraṇā	224
Vaggā gaṇhanti	37	Vinītavatthūni	151
Vacanakkhameṇa	206	Vipaccatāya vohāro	39
Vaccito	119	Vipattivāro	140
Vaḍḍhenti kaṭasiṃ	134	Vippakataṃ	84
Vaṇṇāvaṇṇāyo	42	Vippakatabhojano	64
Vaṇṇāvaṇṇo	210	Vippavāso	14
Vatthukatāya	184	Vibhatti	139
Vatthuvipannaṃ	213	Vibhavo	110, 193
Vatthuvipanno	161	Vimutti	208
Vatthussa	212	Vimuttiñāṇadassanaṃ	208
Vallikā	44	Virati	151
Vassasahassaṃ	127	Virāgo	208
Vācasikena	166	Vivaṭaṃ nātivassati	123
Vācasiko micchājīvo	3	Vivaṭaṃ	193
Vātapānabhisi	59	Vivādanidānaṃ	197
Vāditāṃ	45	Visamanissito	211
Vārako	77	Visamā	49
Vārabhattaṃ	106	Visesakaṃ	129
Vāsayettha bahussute	58	Vissajjettabbaṃ	117
Vāsetuṃ	50	Vihārapariyanto	9
Viggayha parikammaṃ	44	Vihārabhattaṃ	106
Viggahuttari	143	Vihāravatthu	76
Vijjotalati	53	Vihāro	58, 76
Viññuppasatthāni	154	Vītiharati	204
Vidhūpanaṃ	52	Vīsatimaṭṭhaṃ	53
		Vuṭṭhātappaṃ	12

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Vuḍḍhatarena	13	Satthusāsaṇaṃ	175
Vedikāvātapānaṃ	59	Saddhammagaruko	222
Veyyāyikaṃ	62	Saddhammā	179
Veramaṇī	151	Sandiṭṭhiparāmāsī	152
Velā	151	Sabbakālaṃ	65
Vesiṃ vuṭṭhāpenti	129	Sabbapaṃsukūlikena	48
Voharanto	222	Sabbā āsattiyo	62
[Sa]		Sabbeheva ekajjhaṃ	38
Samkiliṭṭhaṃ	178	Sabbaṃ pāsādaparibhogam	76
Samghagaru	222	Sabhāgadhammānaṃ	141
Samghādiseso	191	Samajjadānaṃ	173
Samgho	200	Samathavāro	140
Samvaro	139	Samādhi	208
Samvelliyaṃ	54	Samādhisaṃvattanikāni	154
Samsaṭṭhā	198	Samānasaṃvāsako	158
Samsāraṇakiṭiko	62	Samukkaṭṭhapadānaṃ	155
Samharantu	52	Samuccayavāro	140
Sakāya niruttiyā	56	Samuṭṭhānavāro	140
Sakkharā	52	Samodhānaparivāso	26
Saṅgahavāro	140	Samodhānamānattaṃ	16, 32
Saṅgāmāvacaraṇa	205	Sambhedam	141
Sacittako	168	Sammannati	111
Sañcicca	201	Sarakuttiṃ	46
Saññattiyā	42	Sarajā	134
Saññāpeti	36	Saratāyasmā	37
Saññāvimokkhā	159	Sarabhaññaṃ	46
Satavalikaṃ	54	Sarāmi kho ahaṃ	43
Sati karaṇīye	56	Saritakaṃ	49
Sattuyā	49	Saritasipāṭikaṃ	49
		Saritasāritam	37

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Salākaṃ	49	Sutto	224
Salākaṃ gāheti	113	Suddhaṃ brahmacāriṃ	166
Salākaggāhena	222	Suddhakaṃ	35
Salākavātapānaṃ	59	Suddhantaparivāso	25
Sahavāso	14	Supariggahitaṃ	42
Sā āpatti	8	Suvuttaṃ	200
Sākacchātabbo	221	Susamāraddhāya	184
Sādhukaṃ	120	Sūcika	50
Sānuvādo	38	Sūnaṃ ṭhapenti	129
Sāmīcikkammaṃ	6	Sūpassa okāso	120
Sāraṇā	200	Sekhiyaṃ	192
Sāloke	129	Setaṭṭikā	127
Sāvajjapaṇṇatti	157	Setu	152
Sāvasesā	157	Setughāto	152, 161
Sāsapakuttaṃ	61	Senāsanā otaritabbaṃ	121
Sitthatelakaṃ	61	Senāsanam	65
Sitthatelakena	45	Seyyaggena	65
Sivikāgabbho	61	Seyyā	65
Sisiro	58	Seyyāpariyanto	9
Sītaṃ uṇhaṃ	58	Sobhaṇaṃ	54
Sītibhūto	62	Sosānikaṃ	173
Sīlasāmaṇṇagato	154	[Ha]	
Sīsappamaṇaṃ	60	Hatthaṃ koṭṭāpenti	129
Sukkasaṃsaggo	142	Hatthakocchaṃ	129
Sukhaṃ	208	Hatthaphaṇakena	45
Sukhatthaṃ	58	Hatthabhittiṃ	61
Suggahoti sāvetabbaṃ	43	Hatthinakhakaṃ	76
Sucaritāni	167	Hatthisoṇḍakaṃ	54
Sutaṃ	112	Hadaye daram	62

Padānukkamo	Piṭṭhaṅko	Padānukkamo	Piṭṭhaṅko
[Ha]		[Ha]	
Hammiyaṃ	58	Hitesitā	126
Hammiyagabbho	61	Hitesī	201
Haritakapakkikaṃ pakiṇanti	130	Heṭṭhā vivaṭe	132
Hitaparisakkinā	206	Hetunidānaṃ	198

Cūlavaggādi-aṭṭhakathāya

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kaṃ = Kambojapotthakaṃ, I = Iṅgalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho, Ṭṭha = Aṭṭhakathā.

Cūlavaggādi-aṭṭhakathāya

Nānāpāṭhā

Piṭṭhankā

[A]

Akkhāti = Akkhātā (Ka)	112
Agāṇanūpagā nāma = Agāṇanūpigā nāma (Syā, Ka)	158
Accharikaṃ vā = Accharaṃ vā (Sī, Syā)	46
Ajānanassa samena = Ajānanasamena (Ka)	
Ajānantassa samena (Syā)	209
Ajānitvā = Na jānāti (Syā)	177
Aññattha sabbattha yathāvuddhaṃ = Aññattha yathāvuddhaṃ (Sī, Syā)	131
Aññe aññe āgacchanti = Añño añño āgacchati (Sī)	
Aññe āgacchanti (Ka)	122
Aṭṭānaṃ = Aṭṭhānaṃ (Sī, Syā)	44
Attanā = Attano (Sī)	152
Attanā vā = Attanāva (Ka)	160
Attano rucikena = Attano cittarucikena (Sī) Attanā rucitena (Syā)	119
Attarakkhaṇatthāya = Ārakkhatthāya (Sī)	30
Atidūre = Atidūro (Sī, Ka)	102
Adhammikamānattacārāvasāne = Adhammikamānatthāvasāne	25
Adhikagaṇhanako = Atirekagaṇhanako (Syā, Ka)	79
Anukampitāti = Anukampatāti (Ka)	126
Anokāso = Anokāse (Sī, Syā)	149

Nānāpāṭhā

Piṭṭhānkā

[A]

Appamattova bhājayeti = Appamatto vibhājayeti (Sī, Syā)	108
Api = Apica (Syā, Ka)	173
Apucchitvā = Pucchitvā (Sī)	220
Abhuñjitvā = Bhuñjitvāva (Sī)	103
Arahaṭaghaṭiyantam = Araghaṭtaghaṭiyantam (Sī)	
Arahatthaghaṭiyantam (Ka)	51
Allahatthena = Addahatthena (Sī, Ka)	45
Avapakāsantīti ati	
viya pakāsenti = Vipakāsantīti ati viya pakāsenti (Sī)	
Apakassantīti ati viya ākaḍḍhanti (Yojanā)	115
Asandiddho ca akkhātīti = Asandiṭṭho ca akkhātīti (Ka)	112
Asammaṭṭhaṭṭhānam = Asammajjanaṭṭhānam (Syā, Ka)	99
Asāretvā = Asāretvāva (Syā, Ka)	244
Asukasmim = Amukasmim (Ka)	209
Ahamakkhissanti = Ācikkhissanti (Sī)	187

[Ā]

Āpattisaṅkhātānam = Anāpattisaṅkhātānam (Syā)	193
Ārambhā = Ārabbhā (Ka)	264
Āmalakavaṇṭakapīṭham = Āmaṇḍakavaṇṭikapīṭham (Sī)	
Āmalakavaṇṭakapīṭham (Syā)	82
Ālindakamiḍḍhikādīnam = Ālindakamiḍḍhakādīnam (Sī, Syā)	47
Āvajjetvā = Āvaṭṭetvā (Syā)	108
Āveninti = Āveṇīti (Sī) Āveṇikanti (Syā)	115
Āsīsāyam = Āsimsāyam (Sī, Syā) Āsamsāyam (Ka)	112
Āharimaṃ = Asaṃhārimaṃ (Syā)	61
Āharissasīti = Āharīyatīti (Sī, Syā)	95

[I]

Imā pana āpattiyo ca anāpattiyo ca = Imā pana āpattiyo (Sī, Ka)	234
---	-----

Nānāpāṭhā

Piṭṭhānkā

[U]

Utukāle = Utukālam (Ka)	66
Udakaṭṭhānanti = Udakādhānanti (Sī)	50
Udakampi na āharati = Udakampi āharati (Sī)	64
Uddasudhanti = Uddhāsudhanti (Syā) Uddasuvanti (Sī)	62
Udositoti = Uddositoti (Sī, Syā)	131
Uddhaste = Uddhate (Ka)	226
Upaḍḍhanāli = Upaḍḍhanāḷim (Syā)	253
Upalabbhati = Labbhati (Ka)	206
Uposathovā pavāraṇāvā = Uposatham vā pavāraṇam vā (Sī)	139
Ussitamantī cāti = Ussitamantī cāti ussādamantī (Sī)	
Ussītamantī cāti ussadamantī (Syā)	216
Ulloketabbam = Oloketabbam (Syā, Ka)	121

[Ū]

Ūhatāti ūhaditā = Ūhatāti ohanitā (Syā) Uhatāti uhaditā (Ka)	122
--	-----

[E]

Ekacārikavattam pūrayimsu = Pūrayimsu ācariyavattam (Ka)	72
Ettakā = Ettikā (Sī)	25, 203
Evañhi = Etañhi (Sī)	85
Evarūpam = Evarūpim (Sī, Syā)	163

[O]

Ogumphetvā = Ogumbetvā (Sī, Syā, Ka)	50
Ottharakam nāma = Ottharikam nāma (Syā)	50
Opuñjivā = Omuñcitvā (Syā)	98
Obhāsanā tayoti = Obhāsane tayoti (Ka)	228
Osārakanti = Osārakoti (Sī) Osārakinti (Syā)	62
Oloketīti = Olokanakenāti (Syā)	129

Nānāpāṭhā

Piṭṭhaṅkā

[Ka]

Kaṭa-andhakāravāsī = Kāḷandakāḷavāsī (Sī)	174
Kammanidassanaṃ = Kammadassanaṃ (Ka)	243
Kāyūrādīni = Keyūrādīni (Syā)	44
Kusalacittaṃ = Kusalattaṃ (Sī)	41
Ketakapārohakuntālapaṇṇādimayāpi = ...kandalapaṇṇādimayāpi (Sī)	
	Kaṇḍalapaṇṇādimayāpi (Syā) 52

[Kha]

Khettaṃ vatthu = Khettaṃ khattavatthu (Ka)	77
Khīṇe = Khaṇe (Syā, Ka)	51

[Ga]

Gaṇanūpagā = Gaṇanūpigā (Syā, Ka) Gaṇanūpikā (Yojanā)	158
Gahetvā = Katvā (Syā)	1
Gāmamuddavāti = Gāmapaddavāti (Sī) Gāmapūdavāti (Syā)	44
Gāmamoddavātipi = Gāmapoddavātipi (Sī) Gāmaposakātipi (Syā)	44
Gāhetuṃ = Gāhetuṃ rucattīti (Syā)	73
Gāhethāti = Gāhetabbāti (Sī)	89
Gihisaṃsaggehi = Saṃsaggehi (Sī)	2

[Gha]

Ghaṭapiṭṭharādi = Ghaṭapidhānādi (Syā)	84
--	----

[Ca]

Catūsu disāsu appaṭihatacārassa = () natthi (Sī-Syā)	58
Cabbetvā = Chaṭṭetvā vametvā (Syā) Cumbetvā (Ka)	48
Cammakhaṇḍaparīhārena = Cammakhaṇḍaparībhogena (Ka)	51
Calayanato = Velanato (Ka)	151
Cikkalena = Cikkaṇena (Sī)	45
Cūlavaggassa = Cullavaggassa (Sī, Syā)	1
Coḷika-itthīnaṃ nivāsanāṃ = Coḷakitthīnivāsanāṃ (Sī)	
	Coḷika-itthīnaṃ nivāsanāṃ (Syā) 54

Nānāpāṭhā

Piṭṭhāṅkā

[Cha]

Channamativassatīti = Suchannamativassatīti (Ka)	123
Chabbaggiyesu = Chasu chabbaggiyesu (Ka)	1
Chādemīti = Chādessāmīti (Ka)	19

[Ja]

Jappati = Jappetīti (Syā, Ka)	204
-------------------------------	-----

[Ta]

Tathā = Kathaṃ (Sī)	192
Taraṅgavatta = Taraṅgabhedavatta (Sī)	46
Tassā = Tassa (Ka)	241
Tatra yvāyaṃ = Tatrāyaṃ (Ka)	18
Tiṇavatthuto = Tiṇavatthusmiṃ (Sī) Dinnavatthuto (Ka)	82
Tīrato = Tīraṃ (Syā)	123
Taṃagghanakampi = Taṃagghanakavāḷikāyapi (Sī, Syā, Ka)	81
Taṃ te = Tato (Sī)	75

[Da]

Daṇḍamuggaro = Daṇḍamuggaro nāvā (Sī)	83
Dasabhāgato = Dasamabhāgato (Sī)	255
Dasabhāgaṃ = Dasamabhāgaṃ (Sī, Ka)	255
Dātukāmā = Vanditukāmā (Syā, Ka)	120
Duruttavācaṃ = Duruttavācā (Sī) Duruttavacanaṃ (Ka)	206
Dūre = Dūro (Ka)	105
Dvaṅgulehi = Dvaṅgulaṃ (Syā)	45

[Dha]

Dhure = Dūre (Sī, Syā, Ka) Pure (katthaci)	120
Dhammakaraṇatthikassa = Dhammakarakatthikassa (Sī, Syā)	108

Nānāpāṭhā

Piṭṭhaṅkā

[Na]

Na gaṇhāti = Gaṇhāti (Syā, Ka)	100
Na cāpi so = Na cāpi saṃghabhedako (Ka)	240
Na hane = Na haññe (Syā)	180
Nāḷi = Nāḷim (Syā)	253
Nicchitā = Vinicchitā (Syā)	141
Nibandhāpitam = Nibaddhāpitam (Syā)	105
Niyassassa = Niyasassa (Syā, Ka)	2
Niraṅkato = Nirākato (?)	191
No parisakappikenāti = No parisakappiyenāti (Sī, Syā)	206

[Pa]

Pakkipanti = Pārupanti (Ka)	55
Paṭapoṭṭalikaṃ = Paṭapoṭalikaṃ (Sī)	131
Paṭicchannāya = Appaṭicchannāya (Syā, Ka)	32
Pattakuṇḍolikāti = Pattakaṇḍolikāti (Sī)	48
Patirūpe gāhake = Paṭigāhake (Ka)	234
Pathavīkhaṇeti = Pathaviṃ khaṇeti (Sī)	143
Parabhāgo = Paṭhamabhāgo (Ka)	108
Parikkantaṃ = Parikantaṃ (Sī, Syā)	37
Parikkamitvā = Parakkamitvā (Syā) Parikkametvā (Ka)	37
Paraṃ = Ekapadampi (Syā)	207
Palibodhatthāya = Ṭhapanatthāya (Syā)	207
Palibodhatthāya = Palibodhatāya (Sī)	9
Pavāraṇākammaṃ = Pavāraṇakammaṃ (Sī)	177
Passissasīti = Passissantīti (Sī)	31
Pahoti = Na pahoti (Sī)	76
Pākaṭā = Apārutā (Sī)	51
...pācittiyāvahaṃ = ...pācittiyāva taṃ (Ka)	135
Pihito = Bhīto (Ka)	113
Pucchitabbo = Vattabbo (Sī)	166

Nānāpāṭhā

Piṭṭhāṅkā

[Pa]

Puna khāditukāmo = Na khāditukāmo (Sī, Ka)	49
Puna divasesu = Puna puna divasesu (Sī)	7
Purejātapaccaye = Purejātapaccayo (Ka)	212
Pesessāmīti = Peseyyāmāti (Sī)	30

[Pha]

Phalamattameva = Talamattameva (Sī)	80
Phātikammalobhena = Phātikammalābhena (Syā, Ka)	255
Phoṭeti = Poṭheti (Sī)	46

[Ba]

Bahu = Bahum (Syā, Ka)	103
Bidalamañcakanti = Vidalamañcanti (Sī, Syā)	59
Bimbohane = Bibbohane (Ka)	60
Bijehi aññe rukkhā = Bijehi rukkhā (Ka)	255
Bībhaccha = Vigaccha (Ka)	174

[Bha]

Bhaṇḍikāṭṭhapanamattenāti = Gaṇḍikāthapanamattenāti (Sī)	84
Bhatapaṭiyābhatanti = Gatapaṭiyāgatanti (Syā)	173
Bhaddakaṃ = Garuṃ (Sī) Garukaṃ (Syā)	127
Bhavanti = Labhanti (Sī)	100
Bhāsāya = Vācāya (sabbattha)	16
Bhāsāya = Vācāya (Sī, Ka)	23, 30
Bhāsitarikkantanti = Bhāsitarikkantanti (Sī, Syā)	37
Bhikkhāhārena = Bhikkhācārena (Syā)	7
Bhindivālo = Bheṇḍivālo (Sī) Bhiṇḍivālo (Ka)	80
Bhusā = Ābhuso (Ka)	151
Bhūmi = Bhummi (Sī, Syā)	134
Bhūmīti = Bhummīti (Sī, Syā)	134

Nānāpāṭhā

Piṭṭhaṅkā

[Ma]

Mañco vā = Mañcam vā	48
Mañjīṭṭhikā = Mañjaṭṭhikā (Ka) Mañjeṭṭhikā (Sī, Syā)	127
...madhurodāra = ...madhuroḷāra (Sī, Syā)	264
Mahattarī = Mahantatarā (Sī)	80
Mahāpajāpatiyā = Mahāpajāpatigotamiyā (Ka)	239
Miḍḍhinti miḍḍhakaṃ = Mīṭhanti mīṭhikaṃ (Sī)	
Miḍhinti pīṭhaphalakaṃ (Syā)	59
Muttarī = Mukkaṃ (Sī, Syā)	75

[Ya]

Yathājātameva = Yathābhatameva (Sī)	84
Yathāṭṭhitikāya = Na ṭṭhitikāya (Sī) ṭṭhitikāya (Syā)	96
Yathā so taṃ = Yathāyogaṃ (Sī)	36
Yadi = Yadā (Ka)	256
Yadi vā = Yadi taṃ (Sī, Ka)	135
Yā = Yāya (Ka)	200
Yācītena = Yācīte (Sī) Yācīto (Ka)	127
Yaṃ tumo = Yaṃ tumho (Ka)	111

[Ra]

Rukkaṃ phalakaṃ = Rukkaphalakaṃ (Ka)	44
--------------------------------------	----

[La]

Laddhippakāsanāni = Laddhipakāsanānaṃ (Ka)	218
Labbhāṭṭhi = Paṭilabbhāṭṭhi (Sī)	89
Lūkhabhāṭṭhi = Salākhabhāṭṭhi (Sī)	104
Lomasāṃharaṇaṃ = Lomaṃjīsaṃharaṇaṃ (Syā)	53

[Va]

Vacanamanuppādanānti = Dhanamanuppādanānti (Ka)	210
Vacanaḷavaṇṇayuttēna = Nelavaṇṇayuttēna (Ka)	264
Vacanokāsapīdahanatthamattāṃ = ...pīdahanattham attham (Syā, Ka)	208

Nānāpāṭhā

Piṭṭhānkā

[Va]

Vinandituṃ rajjuṃ = Vinandhitarajjuṃ (Syā)	49
Vinicchayasampaṭiggahaṇatthāya = Sampaṭiggahaṇatthāya (Sī)	207
Vinicchayaṃ pāpanatthāya = Vinicchayaṭṭhāpanatthāya (Syā)	207
Vipattiṃ apattā nāma = Vipattiṃ āpannā nāma (Sī)	
Vipatti-āpattā nāma (Syā)	151
Viramatīti = Viratīti (Syā, Ka)	151
Vivaṭako = Vivaṭake (Syā, Ka)	43
Vihāravārikassa = Vihāracārikassa (Sī)	100
Vītikkamaṃ = Vītikkamati (Sī, Syā)	41
Vuṭṭhāpetuṃ na vaṭṭati = Vuṭṭhāpetuṃ vaṭṭati (Sī)	64
Vedayāmaṃ = Vedayāmaṃ (Syā)	16
Verānaṃ = Āsavānaṃ (Syā)	260

[Sa]

Sakavihārato = Pakativihārato (Ka)	89
Saṅkuṭite = Saṅkucite (Sī)	87
Sacepi = Sace hi (Sī)	78
Sañchavi = Sacchavi (Sī)	45
Sammāvattanaṃ = Sammāvattaṃ (Ka)	3
Sammukhā mettaṃ kāyakammaṃ nāma = Sammukhā kāyakammaṃ nāma (Sī)	153
Samuṭṭhānasīsesu = Samuṭṭhānesu (Sī, Syā)	142
Satavalikaṃ = Satavallikaṃ (Syā, Ka)	54
(Satasahassagghanakena vā) = () Natthi Sī-Syā-potthakesu	79
Sabbakappiyatāya = Sabbattha kappiyā, tāya (Syā)	164
Sativinayaladdho = Sativinayaṃ laddho (Sī, Ka)	36
Sayaṃ = Ayaṃ (Ka)	213
Saratu = Sarati (Sī)	37
...sarāvāni = ...sarāvādi (Ka) ...sarāvākāni (Syā)	76
Salākabhatte = Salākabhattaṃ (Sī, Ka)	98

Nānāpāṭhā

Piṭṭhaṅkā

[Sa]

Sāvanam = Anusāvanam (Sī)	246
Sāsapakuṭṭanti = Sāsapakuṇḍanti (Sī) Sāsapakuṭṭanti (Syā)	61
Sikkhāpade paññatte = Sikkhāpadapaññatte (Syā, Ka)	261
Suvaṇṇaphālasantharena = Suvaṇṇathālasantharena (Sī)	63
Setaṭṭikā = Setatṭhikā (Sī, Syā, Ka)	127
Semhādidosussannakāyā = Semhādidosābhisannakāyā (Syā)	50
Sobhaṇam = Sobhakam (Sī, Syā)	54
Samkasāyantiyo = Saṅkāyantiyo (Sī) Saṅgāyantiyo (Syā)	130
Santharantīti = Samharantīti (Sī, Syā, Ka)	61

[Ha]

Haññatīti = Hanatīti (Ka)	152
Harantīti = Harantītipi (Sī, Syā)	61
Hāsetabboti = Pahāsetabboti (Sī)	207